

中醫古籍整理叢書

活人書

宋·朱肱



宋·朱肱撰

活人

萬友生 萬蘭清 點校

萬少菊 王魚門

人民衛生出版社

(京)新登字 081 號

活 人 書

宋·朱 肱 撰

萬友生 萬蘭清 等 點校

人 民 衛 生 出 版 社 出 版

(北京市崇文區天壇西裏10號)

人 民 衛 生 出 版 社 膠 印 廠 印 刷

新 華 書 店 北 京 發 行 所 發 行

850×1168毫米32開本 12 $\frac{5}{8}$ 印張 4插頁 204千字

1993年3月第1版 1993年3月第1版第1次印刷

印數: 00 001—2 000

ISBN 7-117-01806-2/R·1807 定價:10.00元

[科技新書目285—237]

內容提要

《活人書》系宋·朱肱撰。全書二十卷。第一至第十一卷，設為問答一百例，暢揚仲景微旨奧義；第十二至第十五卷，詳述仲景桂枝湯等一百一十二正方；第十六至第十八卷，採擷《外臺》、《千金》、《聖惠》等古籍一百二十六雜方，以補仲景之未備；第十九和第二十卷，兼論婦人和小兒傷寒。

本書為浩如烟海的古醫籍中寒溫合論的代表作。首論經絡、六經病提綱，並發明傷寒、溫病等十二病和發熱、頭眩、發斑等四十六症。徐大椿贊曰：「宋人之書，能發明《傷寒論》，使人有所執持而易曉，大有功於仲景者，《活人書》為第一。」

此次整理，以目前國內外所存最早的明·萬歷四十四年（公元一六一六年）徐鎔刊本為底本，其刻工精細，錯訛甚少，堪稱善本。本書前有點校說明，後有點校後記，對本書書名的演變、版本的流傳，以及作者學術思想、本書特色等，均詳加考覈評述，並對此次整理做了客觀評估，也指出了待考的疑問。《活人書》難得一見，校注記值得研讀。

出版者的話

在浩如烟海的古醫籍中，保存了中國醫藥學精湛的理論和豐富的臨證經驗。為繼承發揚祖國醫藥學遺產，過去，我社影印、排印出版了一批古醫籍，以應急需。根據中共中央和國務院關於加強古籍整理的指示精神，以及衛生部一九八二年製定的《中醫古籍整理出版規劃》的要求，今後，我社將經過中醫專家、學者和研究人員在最佳版本基礎上整理的古醫籍，做到有計劃、有系統地陸續出版，以滿足廣大讀者和中醫藥人員的需要。

這次中醫古籍整理出版，力求保持原書原貌，並注意吸收中醫文史研究的新發現、新考證；有些醫籍經過整理後，可在一定程度上反映出當代學術研究的水平。然而，歷代中醫古籍所涉及的内容是極其廣博的，所跨越的年代也是極其久遠的，由於歷史條件所限，有些醫籍夾雜一些不當之說，或迷信色彩，或現代科學尚不能解釋的内容等，希望讀者以辯證唯物主義的觀點加以分析，正確對待，認真研究，從中吸取精華，以推動中醫學術的進一步發展。

點校說明

《活人書》原名《傷寒百問》，由北宋醫家朱肱撰，全書二十卷。其第一至十一卷，設為一百問，以暢發仲景之奧義；繼以第十二至十五卷，詳述仲景桂枝湯等一百一十二正方；又為彌補仲景之未備，在第十六至十八卷中，採集《外臺》、《千金》、《聖惠》等一百二十六雜方；最後第十九和二十卷，兼論婦人和小兒傷寒。

本次點校，在歷史唯物主義和辯證唯物主義思想指導下，遵循《中醫古籍校注通則》，以保持古籍原貌，繼承發揚為宗旨，對本書進行了整理研究。

《傷寒百問》經武夷張蕨作序，易名為《南陽活人書》後，又經四明王作肅以附註參入各條之下，更名為《增釋南陽活人書》。至明·萬歷十九年，徐鎔校定名為《活人書》二十一卷（已佚）。萬歷二十九年，吳勉學校定名為《類證活人書》二十二卷（即將徐鎔校定本第二十卷「小兒傷寒」與「小兒瘡疹」分為二卷，併增補李子建「傷寒十勸」一卷，共為二十二卷。另附「傷寒藥性」和「活人書釋音」，簡稱吳勉學本，收入《古今醫統正脈全書》中。此後秣陵吳鳴鳳又在吳勉學本基礎上，

增補了「活人書辯誤」和「小兒藥性」，簡稱吳鳴鳳本。兩吳本後世流傳較廣，日本寬政十一年芳蘭榭本，即吳鳴鳳本翻刻本。明·萬歷四十四年，徐鎔與來復等人合作，對萬歷十九年本重新校正，簡稱徐鎔本，仍名為《活人書》。本次點校，我們選徐鎔本作底本，吳勉學本為主校本，吳鳴鳳本及日本芳蘭榭本為旁校本（其理由詳見「校後記」）。在進行校勘時，採用四校合參（以對校為主，間用本校、他校，慎用理校）與點注結合的方法。現就其具體處理的主要問題說明如下：

一 底本中的眉批全部取下，屬於辯論者，改為小字夾注於各該條下，併在注文前冠一「批」字，以便利閱讀；屬於難字、僻字注音重複者，首次出現的保留，下文重現的刪去。眉批中校勘、訓詁內容均移入校注項中。

二 底本中文字明顯的訛誤、脫衍、倒置，分別予以改、補、刪、移，均作出注記。

三 古今字如「藏」與「臟」、「府」與「腑」，異體字如「醫」與「醫」、「曾」與「胸」等，一律逕改，不出注記。

四 通假字如「班」與「斑」、「差」與「瘥」、「內」與「納」等，均於首見處出注，訓解通假，下文重現者逕改為現今通行的繁體字，不再出注。

五 底本文字缺筆多畫，如「己」作「巳」，「抄」作「抄」等，予以描正，不出校記。

六 底本百問中的方名序號，一律用「正××」、「雜××」標記，其中有的序號前後不符者，均按前目錄及後方序號改正。

七 文中引文多有省改，凡不悖醫理者，不予校改，保持原貌。

八 底本中的序言，均按自序在前，他序在後，并依時間先後次序，重新作了安排，還在張戴的《南陽活人書》序後，據《醫籍考》補人了《增釋南陽活人書》的樓鑰序，以便利閱讀。

九 底本中的青詞、進表、謝表、謝啟、徵說和別本增人的釋音、藥性、辯誤以及「傷寒十勸」等，均附錄於後，以備參考。

十 為便於讀者查閱方劑，書末編排了方劑索引。

萬蘭清

點校者 萬友生 萬少菊

王魚門

一九九〇年四月

自序

傷寒諸家方論不一，獨伊尹、仲景之書，猶六經也。其餘諸子百家，時有一得，要之不可為法。又況邪說妄意，世業名家，規利雖厚，因果歷然。特以伊尹湯液，仲景經絡，常人難曉，士大夫又以藝成而下，耻而不讀，往往倉卒之際，束手待盡，卒歸之於命而已。世人知讀此書者亦鮮，縱欲讀之，又不曉其義。況又有好用涼藥者，如附子、硫黃，則笑而不喜用，雖隆冬使人飲冷，服三黃圓之類；有好用熱藥者，如大黃、芒硝，則畏而不敢使，雖盛夏勸人灸燬，服金液丹之類。非不知罪福，蓋偏見曲說所趣者然也。陽根於陰，陰本於陽，無陰則陽無以生，無陽則陰無以化。是故春時氣溫，當將理以涼，夏月盛熱，當食以寒，君子扶陰氣以養陽之時也，世人以為陰氣在內，反抑以熱藥，而成瘧痢脫血者多矣；秋時氣涼，當將息以溫，冬時嚴寒，當食以熱，君子扶陽氣以養陰之時也，世人以為陽氣在內，乃抑以涼藥，而成吐利腹痛者多矣。伐本逆根，豈知天地之剛柔，陰陽之逆順，求其不天橫也難矣。偶有病家，曾留意方書，稍別陰陽，知其熱證，則召某人，以某人善醫陽病；

知其冷證，則召某人，以某人善醫陰病，往往隨手全活。若病家素不曉者，道聽泛請，委而聽之。近世士人如高若訥、林億、孫奇、龐安常皆惓惓於此，未必章句之徒不誚且駭也。僕因閒居，作為此書，雖未能盡窺伊尹之萬一，庶使天下之大，人無天伐，老不哭幼，上大夫易曉而喜讀，漸浸積習，人人尊生，豈曰小補之哉？仲尼曰：「吾少也賤，故多能鄙事。」學者不以為鄙，然後知余用意在此而不在彼也。

大觀元〔二〕年正月上元日前進士朱肱序

張戴序

余頃在三茅，見無求子《傷寒百問》，披而讀之，不知無求子何人也。愛其書，想其人，非居幽而志廣，形愁而思遠者，不能作也。惠民憂國，不見施設，游戲藝文，以閱歲月者之所作乎？逃世匿跡，抗心絕慮，灌園荒丘，賣藥都市者之所作乎？顛倒五行，推移八卦，積功累行，以就丹竈者之所作乎？不然，則窮理博物，觸類多能，東方朔〔一〕者耶？浩歌散髮，採掇方技，皇甫謐〔二〕者耶？周流人間，衛生救物，封君達〔三〕者耶？前非古人，後無作者，則所謂無求子者，余不得而知也。三茅三年，挾冊抵掌，未嘗停手，所藉以全活者，不知其幾人也。惜其論證多，而

注〔一〕東方朔 人名。西漢文學家。平原厭次（今山東惠民）人，字曼倩。善辭賦，《答客難》較為有名。《漢書·藝文志》雜家有《東方朔》二十篇，今佚。

〔二〕皇甫謐 魏晉間醫家、文學家。字士安，幼年名靜，自號玄晏先生，定安朝那（今甘肅靈臺）人。中年患風痺症，因而學醫，集覽經方，手不釋卷，遂盡其妙。著《針灸甲乙經》，此外，著有《帝王世紀》、《高士傳》、《烈女傳》、《逸士傳》、《玄晏春秋》等。

〔三〕封君達 人名。魏，隴西人，號青牛道士。服黃連五十餘年，又入鳥鼠山服汞。年百歲，視之如三十許人。嘗騎青牛行，聞有疾病者，識與不識便以藥治之，應手皆愈。善用中藥及針灸。

說脉少；治男子詳，而婦人略。銖兩訛舛，升劑〔一〕不明，標目混淆，語言不通俗，往往閭閻〔二〕有不能曉者，此余之所以夙夕歉然者也。今秋遊武林，邂逅致政朱奉議，泛家人境，相遇於西湖之叢林，因論方士，奉議公乃稱賈誼云：古之人，不在朝廷之上，必居醫卜之中。故嚴君平〔三〕隱於卜，韓伯休〔四〕隱於醫。然卜占吉凶，醫有因果。不精於醫，寧隱於卜。班固所謂有病不治得中醫，蓋慎之也。古人治傷寒有法，治雜病有方。葛稚川作《肘後》，孫真人作《千金》，陶隱居作《集驗》，玄晏先生作《甲乙》。率著方書，其論傷寒治法者，長沙太守一人而已。華佗指張長沙《傷寒論》為活人書，昔人又以《金匱玉函》名之，其重於世如此。然其言雅奧，非精於經絡，不可曉會。頃因投閑，設為對問，補苴綴緝，僅成卷軸。因出以相示，然後知昔之所見《百問》乃奉議公所作也。因乞其繕本，校其詳略，而《傷寒百問》

注〔一〕劑（一音掬）量名。二升為掬。《正字通》：掬大於升。《禮書》曰：掬二升。

〔二〕閭閻（lián yān 驢鹽）里巷的大門。此借指平民。《漢書·異姓諸侯王表》：「謫戍強於五伯，閭閻逼於戎狄。」

〔三〕嚴君平 人名。名遵。卜筮於成都市，每依卦辭，教人以信義忠孝，日得百錢，足以自養，則閉肆下簾而讀老子。年九十餘卒。

〔四〕韓伯休 人名。即韓康。后漢，京兆霸陵（今陝西長安縣附近）人。常採藥名山，賣於長安市，口不二價三十餘年。

十得五六，前日之所謂歉然者，悉完且備。書作於己巳，成於戊子，增為二十卷，釐為七冊，計九萬一千三百六十八字。得此書者，雖在崎嶇僻陋之邦，道途倉卒之際，據病可以識證，因證可以得方，如執左契，易如反掌，遂使天下傷寒無橫天之人，其為饒益，不可思議。昔樞密使高若訥作《傷寒纂類》，翰林學士沈括作《別次傷寒》，直秘閣胡勉作《傷寒類例》，殿中丞孫兆作《傷寒脉訣》，蘄水道人龐安常作《傷寒總病論》，雖互相發明，難於檢閱，比之此書，天地遠落。張長沙，南陽人也。其言雖詳，其法難知。奉議公祖述其說，神而明之，以遺惠天下後世，余因揭其名為《南陽活人書》云。

大觀五年正月日序

後序

僕乙未秋以罪去國，明年就領宮祠以歸。過方城，見同年范內翰云：《活人書》詳矣，比《百問》十倍，然證與方分為數卷，倉卒難檢耳。及至睢陽，又見王先生，《活人書》京師、成都、湖南、福建、兩浙〔一〕凡五處印行，惜其不曾校勘，錯誤頗多。遂取善本，重為參詳，改一百餘處，命工於杭州大隱坊鑲板，作中字印行，庶幾緩急易以檢閱。然方術之士，能以此本游諸聚落，悉為改證，使人誦讀，廣說流布，不為俗醫妄投藥餌，其為功德，獲福無量。

政和八年季夏朔朝奉郎提點洞霄宮朱肱重校正

注〔一〕浙《正韻》：「音制，江名。又音折，與浙同」。

樓鑰序〔一〕

世以醫為難，醫家猶〔二〕治傷寒為難。仲景一書，千古不朽，蓋聖於醫者也。本朝累世篤意好生，務使方論著明，以惠兆庶，積而久之，名醫輩出，如蘄春之龐〔三〕，泗水之楊〔四〕，孫兆、張銳諸公，未易悉數。無求子朱公肱，士大夫中通儒也。著《南陽活人書》，尤為精詳。吾鄉王君作肅，為士而習醫，自號誠菴野人，以《活人書》為本，又博取前輩諸書，凡數十家，手自編纂，蠅頭細字，參人各條之下，名曰《增釋南陽活人書》，可謂勤且博矣。自言暮齒駁駁〔五〕，不欲為私藏，將版行於世，來求一言。余好醫而不能學，與之論辯，皆有據依，學者可按而求，求而得其用，始知此書之為有功也。然嘗聞之老醫京師李仁仲之子云：前朝醫官，

注〔一〕樓鑰序 全文原無，據《中國醫籍考》補。

〔二〕猶疑為「尤」。

〔三〕龐 指龐安時。北宋著名醫家，字安常。蘄州蘄水「今湖北浠水」人。著《傷寒總病論》、《難經辨》等。

〔四〕楊 指楊介。北宋醫家，泗州人，號古老。著有《傷寒總論》及《存真環中圖》。

〔五〕駁（*ra*，音剝） 馬毛色不純。引伸為混雜，雜亂。

雖職在藥局方書，而階官與文臣同。《活人書》既獻於朝，蔡師垣當軸，大加稱賞，即令頒行。而國醫皆有異論，蔡公怒，始盡改醫官之稱，不復與文臣齒。不知當時具論之詳，若許學士知可，近世推尊其術。《本事方》之外，為《活人指南》一書，謂《傷寒活人書》最備，最易曉，最合於古典，余平日所酷愛。觀許學士之言，則無求子所著，可輕訾乎？因併書之。

來復序

以醫為幻則末，以醫為真則非末。醫止為一人之身用則小，以之為天下人用則非小。余不佞非知醫者，顧常謂百家之技，惟此近真，擴而大之，可以免天診〔一〕之患。家居題其藥室云：以義皇之心手，運堯舜之事功，誰窮誰達；將孔孟之乾坤，躋羨期之壽命，何己何人。十餘年託志如此，茲以往功疎矣，亦不復言此道矣。所批校諸方書頗多，半為人索去。丙辰入都，偶携數種，以備查稽，《活人書》其一也。侍御張覺菴先生、民部王任吾先生見而嘉賞之。遂約同鄉諸薦紳先生見住長安者，各捐金、命工，不數月告成。此書行而仲景之心法明，即《內》、《難》之奧旨明。窮鄉鄙邑，按條檢方，詳方治病，傷寒雜證，一以貫之，其有補於世道既偉且久矣。海內人士，倘讀此有得，以之治療獲驗，尚其念諸薦紳先生之功。是編經徐春沂鎔與不佞復攷纂，又共社友胡含素廷器，梁君晉希，淵君王應圻，家弟馭仲臨校正，庶幾無大訛謬，觀者鑒其苦心。

關中來復陽伯甫謹識

注〔一〕診（正立） 天氣、惡氣。

張惟任序〔一〕

自朱紫陽訓醫為小道，儒者率卑瑣置之而不談，不談則不習。習醫而獲名稱者，皆業儒不成者也。然一旦病疾，則延素所卑瑣〔二〕者，不惜損厚貲，託生命，以尊禮之。夫術至於託生命，則醫非小道矣。惟夫緩急卒不可倚，於是舉世惑厭，謂我命自天，而藥餌真屬可有可無之物，即取而用之，不過曰，謂其能療疾苦耳。若然，則以為小道亦宜。不知命蓋難言矣，使吾命當生，非藥以能生也，則吞毒藥亦可以不死耳。舉世賢智之儒，不深究詰，委身庸愚，亂投金石草木，或輕信而自戮，或勢逐而咎尤，訖知一定之難挽，不思人事之有缺，咸以吾宜聖準之，其所諄諄言曰「有命」、「命矣夫」之類，似乎天壽修短不可強者。顧何以必慎疾也，不輕嘗藥也，誅許止〔三〕以弑也。至子輿氏亦以立巖墻下為不知命，實後先同旨。若夫人生此息，

注〔一〕張惟任序 此四字原無，據序文署名補。

〔二〕卑瑣 原作「耳瑣」，形近誤，據上文改。

〔三〕許止 人名。事見《春秋·左傳》昭公十九年：「夏，許悼公癢。五月戊辰，飲太子止之藥卒。太子奔晉。書曰「弑其君」，君子曰「盡心力以事君，舍藥物可也」。」

徒懸之蒼茫而毫不能移，則疾不必慎，而藥可漫嘗矣。許止孝而巖墻下可立矣。由是則軒岐誕矣，神農妄矣，伊尹、箕仲鑿矣，箴砭刀圭湯液醪醴之事，一切可廢矣，何以古今相沿必設也。若夫但取療疾苦之言，亦不經見，天地間六淫〔一〕七情之所發動，輕則疾苦，重則危殆，能得治法與治之先時，危殆化而為疾苦，不得其治法與治之後時，疾苦轉而為危殆，豈有二哉？不佞素不願薄醫為方技，近與吾鄉來陽伯氏接談，聆其論議，先得我心之同然，及覩評校諸醫籍合數十部，而此書其一，其言曰：世間真醫難，能校讎醫籍者等難。正言業儒者多不諳醫也。陽伯所推許千百載醫不數人，惣〔二〕之不詭於《內》、《難》者為是。南陽之仲景，闡《內》、《難》者也。有宋之奉議，闡南陽者也。《內》、《難》之體具，俟南陽而用彰。南陽之辨精，得奉議而理暢。倘是書不出，即成聊攝之《明理》，與夫河間、戴人諸書，俱無從因襲矣。矧近代種種剽竊之偽書乎？然則南陽，軒岐之曾孟〔三〕，奉議，南陽之功臣。學者循此真派，以見古人面目，而篇中一二少悖之微疵，自可變而通之矣。陽伯

注〔一〕淫 原作「澹」，形近誤，據文義改。

〔二〕惣 音義同「總」。

〔三〕曾孟 指儒家孔子的繼承人曾子和孟子。

今通籍宦途，頗厭離此道。余懼其久而佚也，謀於鄉紳，慨然同好，遂醴貲付梓，以廣其傳。乃陽伯則自有遠且大者，無俟此為名高也。

萬歷丙辰歲陽月之吉，勅封文林郎前欽差巡按浙江等處貴州道候補江西道監察御史

關中張惟任譔

活人書目錄

大明應天匿迹自隱逸人徐鎔鎔之父重校正

關中來復陽伯甫校記

卷第一……………一

經絡圖……………二

太陽經 二 陽明經 三 少陽

經 五 太陰經 七 少陰經 九

厥陰經 一〇

〔一〕問傷寒一二日，發熱惡寒，頭項痛，

腰脊強，尺寸脈俱浮……………一二

〔二〕問傷寒二三日，身熱，目疼，鼻乾，

不得卧，尺寸脈俱長十二經皆一，

而陽明有三。三陽有合病，有併病。……………一三

活人書 活人書目錄

〔三〕問傷寒三四日，胸脇痛而耳聾，

或口苦舌乾，或往來寒熱而嘔，

其尺寸脈俱弦……………一五

〔四〕問傷寒四五日，腹滿咽乾，手

足自溫，或自利不渴，或時滿

時痛，尺寸脈俱沉細古人以四日太

陰證，病在胸膈，可吐而愈。……………一六

〔五〕問傷寒五六日，尺寸脈俱沉，

或口燥舌乾而渴，或口中和而

惡寒。……………一七

〔六〕問傷寒六七日，煩滿囊縮，其

脈尺寸俱微緩……………一八

卷第二……………二〇

脈穴圖……………二二

氣口脈 二二 人迎脈 二三 問

傷寒何以須診太谿脈耶？二三 問

傷寒何以須診衝陽脈耶？二三 風

池風府穴 二四 期門穴 二五 關

元穴 二六

〔七〕問三部之位……………二七

〔八〕問診候之法……………二八

〔九〕問脈息之證……………二八

〔十〕問七表……………二九

〔十一〕問八裏……………三〇

〔十二〕問脈按之來緩，時一止復來，

脈來數，時一止復來，又脈

來動而中止，不能自還，因而

復動……………三一

卷第三……………三三

〔十三〕問表證 三陰可表證，汗後有表證，下後

有表證……………三四

〔十四〕問裏證 三陰可下證……………三八

〔十五〕問表裏兩證俱見……………四一

〔十六〕問無表裏證……………四二

〔十七〕問病人有身大熱，反欲得衣，

有身大寒，反不欲近衣者……………四三

卷第四……………四五

〔十八〕問陰證……………四五

〔十九〕問陽證……………四七

〔二十〕問手足逆冷，臍腹築痛，咽喉

疼，嘔吐下利，身體如被杖，

或冷汗煩渴，脈細欲絕……………四八

〔二十一〕問發躁狂走，妄言，面赤，

咽痛，身斑斑若錦文，或

下利赤黃，而脈洪實……………五〇

〔二十二〕問病人潮熱，獨語如見鬼

狀，發則不識人，尋衣撮

空，直視微喘……………五一

〔二十三〕問胸膈不快，臍滿閉塞，

唇青，手足冷，脈沉細，

少情緒，或腹痛 萬一飲

食不節，胸膈不快，寒中陰經，何法

治之？……………五一

〔二十四〕問脈微細，欲吐不吐，心

煩但欲寐，五六日自利而

渴……………五二

〔二十五〕問身微熱，煩躁面赤，脈

沉而微……………五三

〔二十六〕問手足逆冷而大便秘，小

便赤，或大便黑色，脈沉

而滑……………五四

〔二十七〕問身冷，脈細沉疾，煩躁

而不飲水……………五四

〔二十八〕問手足逆冷 仲景少陰四逆湯，

又有四逆散。四逆湯用附子、干

姜，而四逆散只用柴胡、枳實，其義

不同。……………五五

〔二十九〕問吐長蟲……………五七

〔三十〕問身體重，少氣，陰腫入裏，
腹內絞痛，熱上衝胸，頭重
不欲舉，眼中生花，婦人則
裏急，腰胯連腹內痛……五八
卷第五……六〇

〔三十一〕問冬謂之傷寒，春謂之溫
病，夏謂之熱病……六〇

〔三十二〕問三日已前當汗，三日已
後當下……六一

〔三十三〕問陽虛陰盛，汗之則愈，
下之則死；陽盛陰虛，汗
之則死，下之則愈……六三
〔三十四〕問仲景有發汗者，有和解
之者……六四

〔三十五〕問仲景有宜下之，有微和
其胃氣者……輔藥孰緊？……六五

〔三十六〕問傷寒一日，頭疼、口乾、
煩滿而渴。二日腹滿、身
熱、不欲食、譫語。三日
耳聾、囊縮而厥，水漿不
入，不知人……六六

〔三十七〕問傷寒已經發汗吐下仍不
解 古人謂之壞病……六七

卷第六……六九
〔三十八〕問脈浮而緊瀉，頭疼，身
體拘急，惡寒無汗，寒多
熱少，面色慘而不舒，腰
脊疼痛，手足指末微厥，

不煩躁……………六九

〔三十九〕問脈浮而緩，寸大而尺弱，

自汗，體熱，頭疼，惡風，

熱多寒少，其面光而不慘，

煩躁，手足不冷

傷寒與傷風，

何以別之？

……………七〇

〔四十〕問有發熱惡寒，煩躁，手足

溫，而脈反浮緊者，有寒多

熱少，不煩躁，手足微冷，

而脈反浮緩者……………七二

〔四十一〕問夏月發熱惡寒，頭疼，

身體肢節痛重，其脈洪盛

者夏至後皆可行白虎湯耶？……………七三

〔四十二〕問夏月自汗，惡寒，身熱而

渴，其脈微弱者

中暑何故洒洒

然，毛聾惡寒？

……………七五

〔四十三〕問夏至已前，發熱惡寒，頭

疼，身體痛，其脈浮緊……………七五

〔四十四〕問病人先熱後寒，尺寸脈

俱盛……………七六

〔四十五〕問脈尺寸俱浮，頭疼，身

熱，常自汗出，體重，其

息必喘，四肢不收，嘿嘿

但欲眠……………七七

〔四十六〕問一歲之中，長幼疾狀多

相似……………七八

〔四十七〕問一身盡痛，發熱，身黃，小

便利，大便反快者……………七九

〔四十八〕問肢體痛重，不可轉側，額

上微汗，不欲去被，或身

微腫……………八〇

〔四十九〕問兩脛逆冷，胸腹滿，多

汗，頭目痛苦，妄言……………八一

〔五十〕問發熱惡寒，頸項強急，腰身

反張，如中風狀，或瘕瘕口噤

剛柔二瘕與陰陽二瘕是如何？……………八二

〔五十一〕問初春病人，肌肉發斑癰

疹如錦紋，或咳嗽心悶，

但嘔清汁者……………八三

卷第七……………八四

〔五十二〕問憎寒、發熱、惡風、自汗，

寸口脈浮，胸膈痞滿，氣

上衝咽喉不得息，而頭不

疼，項不强……………八四

〔五十三〕問頭疼脈數，發熱惡寒，而

身不痛，左手脈平和……………八五

〔五十四〕問不惡寒，身不痛，頭不疼，

脈不緊數，但煩熱者……………八六

〔五十五〕問傷寒頭疼，身熱，肢節

痛，大便秘，或嘔逆，而

脚屈弱者……………八六

卷第八……………八九

〔五十六〕問發熱陰證有發熱。……………八九

〔五十七〕問熱多寒少……………九一

〔五十八〕問潮熱……………九二

〔五十九〕問往來寒熱……………九三

〔六十〕問傷寒瘧狀……………九四

〔六十一〕問汗之而寒熱者……………九五

〔六十二〕問汗之而仍發熱者……………九五

〔六十三〕問下之而熱不退者 傷寒差後

發熱。 勞復食復。……………九六

卷第九……………九九

〔六十四〕問惡寒 有汗出惡寒者。 有汗出多

而微惡寒者。 有頭汗出而微惡寒者。

背惡寒。……………九九

〔六十五〕問惡風……………一〇一

〔六十六〕問傷寒不得汗……………一〇二

〔六十七〕問自汗……………一〇三

〔六十八〕問頭汗出……………一〇五

〔六十九〕問頭疼……………一〇六

〔七十〕問身體痛 發汗後，身疼痛，脈沉而

遲，當用何藥？ 身痒。……………一〇七

〔七十二〕問筋惕肉瞤，頭眩，身搖……………一〇九

〔七十三〕問喘……………一〇九

〔七十四〕問鼻衄 陰證有衄血者。……………一一〇

〔七十五〕問腹滿身重，難以轉側，

口中不仁，面垢，譫語，

遺尿……………一一四

卷第十……………一二五

〔七十六〕問心下緊滿，按之石硬

而痛 大陷胸湯與大陷胸圓如何？

聖餅子灸臍中如何？ 藏結。……………一二五

〔七十七〕問心下滿而不痛……………一二七

〔七十八〕問嘔者乾嘔附。……………一二九

〔七十九〕問吐……………一二一

〔八十〕問嘔吐而利……………一二三

〔八十一〕問咳嗽……………一二三

〔八十二〕問咽喉痛……………一二四

〔八十三〕問口燥咽乾……………一二五

〔八十四〕問病人但漱水不欲嚥……………一二五

〔八十五〕問不欲眠傷寒差後不得

眠。……………一二六

〔八十六〕問多眠……………一二七

〔八十七〕問身涼汗出，兩脇疼痛，

或乾嘔……………一二七

卷第十一……………一二九

〔八十八〕問咳逆……………一二九

〔八十九〕問發黃白虎證亦身發熱，煩渴

引飲，小便不利，何以不發黃。

太陽病一身盡痛，發熱，身如熏黃。

病人脈弦浮大，而短氣，腹都滿，脇

下及心痛，久按之氣不通，鼻乾不得

汗，嗜臥，身及目悉黃，小便難，

有潮熱，時時咳嗽者。……………一三一

〔九十〕問發狂……………一三二

〔九十一〕問發斑……………一三三

〔九十二〕問譫語……………一三五

〔九十三〕問吐血……………一三六

〔九十四〕問腹痛腹脹滿者。……………一三七

〔九十五〕問煩躁……………一三八

〔九十六〕問下利者……………一三九

〔九十七〕問小便不利，小便難……一四二

〔九十八〕問小便自利，小便數……一四三

〔九十九〕問有數日不大便，有大

便難，有大便硬，有燥

屎，有大便溏……一四四

〔一百〕問病人默默欲眠，目不能

閉，起居不安，其聲嘔，

或咽乾嘔，所訝切。聲破也。……一四五

〔百一〕問病人欲食，復不能食，

常默默欲卧，復不能卧，

欲出行，復不能行，飲食

或有美時，或有不忤飯

時，如強健人而卧不能

行，如有寒，如無寒，如

卷第十二 以下計一百一十三方系

有熱，復無熱，口苦，小

便赤，藥人即吐利……一四六

正方，各方具證治……一四七

〔一〕桂枝湯……一四八

〔二〕桂枝麻黃各半湯……一五一

〔三〕桂枝二麻黃一湯……一五一

〔四〕桂枝二越婢一湯……一五二

〔五〕桂枝加桂湯……一五二

〔六〕桂枝加附子湯……一五三

〔七〕桂枝去芍藥湯……一五三

〔八〕桂枝去芍藥加附子湯……一五四

〔九〕桂枝去桂加茯苓白朮湯……一五四

〔十〕桂枝去芍藥加蜀漆牡蠣龍骨

救逆湯……………一五四

〔十一〕桂枝加芍藥生薑人參新加

湯……………一五五

〔十二〕桂枝加芍藥湯……………一五五

〔十三〕桂枝加大黃湯……………一五五

〔十四〕桂枝甘草龍骨牡蠣湯……………一五六

〔十五〕桂枝甘草湯……………一五六

〔十六〕桂枝人參湯……………一五六

〔十七〕桂附湯……………一五七

〔十八〕桂枝加葛根湯……………一五七

〔十九〕桂枝加厚朴杏子湯……………一五八

〔二十〕麻黃湯……………一五八

〔二十一〕麻黃杏子甘草石膏湯……………一五九

〔二十二〕麻黃附子甘草湯……………一五九

〔二十三〕麻黃細辛附子湯……………一六〇

〔二十四〕麻黃連翹赤小豆湯……………一六〇

〔二十五〕麻黃升麻湯……………一六〇

〔二十六〕葛根湯……………一六一

〔二十七〕葛根加半夏湯……………一六一

〔二十八〕葛根黃芩黃連湯……………一六二

〔二十九〕小柴胡湯……………一六二

卷第十三……………一六六

〔三十〕大柴胡湯……………一六六

〔三十一〕柴胡桂枝湯……………一六七

〔三十二〕柴胡桂枝乾薑湯……………一六七

〔三十三〕柴胡加龍骨牡蠣湯……………一六八

〔三十四〕柴胡加芒硝湯……………一六八

〔三十五〕大青龍湯 溫粉方附……………一六九

〔三十六〕小青龍湯……………	一七〇
〔三十七〕小建中湯 膠飴法 ……………	一七一
〔三十八〕大陷胸湯……………	一七二
〔三十九〕大陷胸圓……………	一七三
〔四十〕小陷胸湯……………	一七四
〔四十一〕大承氣湯……………	一七四
〔四十二〕小承氣湯……………	一七七
〔四十三〕調胃承氣湯……………	一七九
〔四十四〕桃核承氣湯……………	一八〇
〔四十五〕梔子豉湯……………	一八〇
〔四十六〕梔子甘草豉湯……………	一八一
〔四十七〕梔子生薑豉湯……………	一八二
卷第十四……………	一八三
〔四十八〕梔子厚朴湯……………	一八三

〔四十九〕梔子乾薑湯……………	一八三
〔五十〕梔子蘖皮湯……………	一八三
〔五十一〕茯苓桂枝甘草大棗湯……………	一八四
〔五十二〕茯苓桂枝白朮甘草湯……………	一八四
〔五十三〕茯苓甘草湯……………	一八四
〔五十四〕甘草湯……………	一八五
〔五十五〕甘草乾薑湯……………	一八五
〔五十六〕炙甘草湯……………	一八五
〔五十七〕芍藥甘草湯……………	一八六
〔五十八〕厚朴生薑半夏甘草人參湯……………	一八六
〔五十九〕大黃黃連瀉心湯……………	一八六
〔六十〕附子瀉心湯……………	一八七
〔六十一〕半夏瀉心湯……………	一八七

〔六十二〕甘草瀉心湯……………	一八八
〔六十三〕生薑瀉心湯……………	一八八
〔六十四〕白虎湯……………	一八九
〔六十五〕白虎加人參湯……………	一八九
〔六十六〕五苓散……………	一九〇
〔六十七〕豬苓湯……………	一九〇
〔六十八〕附子湯……………	一九一
〔六十九〕朮附湯……………	一九一
〔七十〕甘草附子湯……………	一九二
〔七十一〕芍藥甘草附子湯……………	一九二
〔七十二〕乾薑附子湯……………	一九三
〔七十三〕理中圓 理中湯附 ……………	一九三
〔七十四〕四逆湯……………	一九四
〔七十五〕四逆散……………	一九五

〔七十六〕四逆加人參湯……………	一九六
〔七十七〕茯苓四逆湯……………	一九六
〔七十八〕當歸四逆湯……………	一九六
〔七十九〕當歸四逆加茱萸生薑湯……………	一九六
卷第十五……………	一九八
〔八十〕通脈四逆湯……………	一九八
〔八十一〕通脈四逆加豬膽湯……………	一九八
〔八十二〕黃連湯……………	一九九
〔八十三〕黃連阿膠湯……………	一九九
〔八十四〕黃芩湯……………	一九九
〔八十五〕黃芩加半夏生薑湯……………	二〇〇
〔八十六〕文蛤散……………	二〇〇
〔八十七〕三物白散……………	二〇〇
〔八十八〕十棗湯……………	二〇一

〔八十九〕抵當圓	二〇一
〔九十〕抵當湯	二〇二
〔九十一〕麻仁圓	二〇三
〔九十二〕茵陳蒿湯	二〇三
〔九十三〕牡蠣澤瀉散	二〇四
〔九十四〕竹葉石膏湯	二〇四
〔九十五〕枳實梔子湯	二〇四
〔九十六〕白通湯	二〇五
〔九十七〕白通加豬膽汁湯	二〇五
〔九十八〕桃花湯	二〇五
〔九十九〕吳茱萸湯	二〇六
〔一百〕豬膚湯	二〇六
〔百一〕桔梗湯	二〇七
〔百二〕半夏散及湯	二〇七

〔百三〕苦酒湯	二〇七
〔百四〕真武湯	二〇八
〔百五〕烏梅圓	二〇八
〔百六〕乾薑黃芩黃連人參湯	二〇九
〔百七〕白頭翁湯	二〇九
〔百八〕赤石脂禹餘糧湯	二一〇
〔百九〕旋覆代赭湯	二一〇
〔百十〕瓜蒂散	二一一
〔百十一〕蜜煎導法 豬膽汁方	二一一
〔百十二〕燒棍散	二一二
卷第十六 以下計一百二十六方系	
雜方，各方具證治	二二三
〔一〕升麻湯	二二三
〔二〕防風白朮牡蠣湯	二二四

〔三〕李根湯……………	二二四
〔四〕大橘皮湯……………	二二五
〔五〕橘皮竹茹湯…………… 生薑桔皮湯……………	二二五
〔六〕陰旦湯……………	二二五
〔七〕陰毒甘草湯……………	二二六
〔八〕白朮散……………	二二六
〔九〕附子散……………	二二七
〔十〕正陽散……………	二二七
〔十一〕肉桂散……………	二二八
〔十二〕回陽丹……………	二二八
〔十三〕還陰丹……………	二二八
〔十四〕天雄散…………… 正元散、退陰散附……………	二二〇
〔十五〕葱熨法……………	二二一
〔十六〕葶藶苦酒湯……………	二二三
〔十七〕陽毒升麻湯……………	二三二
〔十八〕大黃散……………	二三三
〔十九〕梔子仁湯……………	二三三
〔二十〕黑奴圓……………	二三三
〔二十一〕五積散……………	二三四
〔二十二〕霹靂散……………	二三五
〔二十三〕火焰散……………	二三五
〔二十四〕丹砂圓……………	二三六
卷第十七……………	二三八
〔二十五〕五味子湯……………	二三八
〔二十六〕獬鼠糞湯……………	二三八
〔二十七〕竹皮湯……………	二三八
〔二十八〕知母麻黃湯……………	二三八
〔二十九〕鼈甲散……………	二三九

〔三十〕人參順氣散……………	二三九
〔三十一〕蒼朮散……………	二三〇
〔三十二〕麻黃葛根湯……………	二三〇
〔三十三〕敗毒散……………	二三〇
〔三十四〕獨活散……………	二三一
〔三十五〕桂枝石膏湯……………	二三一
〔三十六〕梔子升麻湯……………	二三二
〔三十七〕橘皮湯……………	二三二
〔三十八〕解肌湯……………	二三二
〔三十九〕小柴胡加桂湯……………	二三三
〔四十〕白虎加桂湯……………	二三三
〔四十一〕柴胡桂薑湯……………	二三三
〔四十二〕瘧母煎……………	二三三
〔四十三〕祛邪圓……………	二三四

〔四十四〕豬膽鷄子湯……………	二三五
〔四十五〕萎蕤湯……………	二三五
〔四十六〕知母葛根湯……………	二三五
〔四十七〕栝樓根湯……………	二三五
〔四十八〕漢防己湯……………	二三六
〔四十九〕老君神明散……………	二三六
〔五十〕務成子螢火圓續添聖散子附……………	二三六
〔五十一〕調中湯……………	二三八
〔五十二〕射干湯……………	二三九
〔五十三〕半夏桂枝甘草湯……………	二三九
〔五十四〕麻黃杏仁薏苡甘草湯……………	二四〇
〔五十五〕防己黃耆湯……………	二四〇
〔五十六〕杏仁湯……………	二四一
〔五十七〕小續命湯……………	二四一

〔五十八〕附朮散·····	二四一
〔五十九〕桂心白朮湯·····	二四二
〔六十〕附子防風散·····	二四二
〔六十一〕八物白朮湯·····	二四二
〔六十二〕柴胡半夏湯·····	二四三
〔六十三〕金沸草散·····	二四三
卷第十八·····	二四四
〔六十四〕大半夏湯·····	二四四
〔六十五〕越婢湯·····	二四四
〔六十六〕脾約圓·····	二四四
〔六十七〕黑神圓·····	二四五
〔六十八〕神功圓·····	二四五
〔六十九〕五柔圓·····	二四六
〔七十〕大三脫散·····	二四六

〔七十一〕檳榔散·····	二四七
〔七十二〕薏苡仁酒法·····	二四七
〔七十三〕木瓜散·····	二四七
〔七十四〕葱豉湯·····	二四八
〔七十五〕連鬚葱白湯·····	二四八
〔七十六〕葛根葱白湯·····	二四八
〔七十七〕雄鼠屎湯·····	二四八
〔七十八〕黃芩芍藥湯·····	二四九
〔七十九〕酒蒸黃連圓·····	二四九
〔八十〕茅花湯·····	二四九
〔八十一〕枳實理中圓·····	二四九
〔八十二〕小半夏加茯苓湯·····	二五〇
〔八十三〕桔梗枳殼湯·····	二五〇
〔八十四〕赤茯苓湯·····	二五〇

〔八十五〕香薷散……………	二五一
〔八十六〕犀角地黄湯……………	二五一
〔八十七〕黃連解毒湯……………	二五二
〔八十八〕酸棗仁湯……………	二五二
〔八十九〕梔子烏梅湯……………	二五二
〔九十〕橘皮乾薑湯……………	二五三
〔九十一〕羌活附子湯……………	二五三
〔九十二〕半夏生薑湯……………	二五三
〔九十三〕黑膏方……………	二五三
〔九十四〕葛根橘皮湯……………	二五四
〔九十五〕玄參升麻湯……………	二五四
〔九十六〕大青四物湯……………	二五四
〔九十七〕知母桂心湯……………	二五五
〔九十八〕三黃圓……………	二五五

〔九十九〕桔梗半夏湯……………	二五五
〔一百〕三黃熟艾湯……………	二五五
〔百一〕薤白湯……………	二五六
〔百二〕赤石脂圓……………	二五六
〔百三〕地榆散……………	二五六
〔百四〕黃連阿膠湯……………	二五七
〔百五〕桃仁湯……………	二五七
〔百六〕黃連犀角湯……………	二五七
〔百七〕雄黃銳散……………	二五七
〔百八〕百合知母湯……………	二五八
〔百九〕滑石代赭湯……………	二五八
〔百十〕雞子湯……………	二五八
〔百十一〕百合洗方……………	二五九
〔百十二〕百合地黄湯……………	二五九

〔百十三〕栝樓牡蠣散……………	二五九
〔百十四〕滑石散……………	二五九
〔百十五〕治中湯……………	二六〇
〔百十六〕陽旦湯……………	二六〇
〔百十七〕白虎加蒼朮湯……………	二六〇
〔百十八〕七味葱白湯……………	二六一
〔百十九〕增損四順湯……………	二六一
〔百二十〕化斑湯……………	二六一
〔百二十一〕《官局》栝梗湯……………	二六一
〔百二十二〕麻黃加朮湯……………	二六二
〔百二十三〕竹皮大圓……………	二六二
〔百二十四〕《古今錄驗》橘皮湯……………	二六二
〔百二十五〕黃連橘皮湯……………	二六三
〔百二十六〕麥門冬湯……………	二六三

卷第十九 以下計四十一方系正方，

各方具證治……………	二六四
婦人傷寒藥方……………	二六五
〔一〕小柴胡湯……………	二六五
〔二〕刺期門穴……………	二六六
〔三〕瀉心三黃湯……………	二六六
〔四〕桂枝紅花湯……………	二六六
〔五〕黃芩芍藥湯……………	二六七
〔六〕柴胡當歸湯……………	二六七
〔七〕乾地黄湯……………	二六七
〔八〕燒裨散 乾薑湯 ……………	二六七
〔九〕青竹茹湯……………	二六八
〔十〕當歸白朮湯……………	二六八
妊婦傷寒藥方……………	二六九

〔十一〕加減四物湯……………	二六九
〔十二〕阿膠散……………	二七〇
〔十三〕白朮散……………	二七〇
〔十四〕葱白湯……………	二七一
〔十五〕蘇木芍藥湯……………	二七一
〔十六〕黃龍湯……………	二七一
〔十七〕柴胡石膏湯……………	二七一
〔十八〕枳實散……………	二七二
〔十九〕旋覆花湯……………	二七二
〔二十〕麥門冬湯……………	二七二
〔二十一〕梔子大青湯……………	二七三
〔二十二〕蘆根湯……………	二七三
〔二十三〕塗臍法……………	二七三
〔二十四〕葱白豉湯……………	二七四

〔二十五〕葱白一物湯……………	二七四
〔二十六〕伏龍肝散……………	二七四
〔二十七〕葛根一物湯……………	二七四
〔二十八〕梔子五物散……………	二七四
〔二十九〕前胡七物湯……………	二七五
〔三十〕升麻六物湯……………	二七五
產後藥方……………	二七五
〔三十一〕陽旦湯……………	二七五
〔三十二〕治瘧法……………	二七五
〔三十三〕神功圓……………	二七六
〔三十四〕桂心牡蠣湯……………	二七六
〔三十五〕蜀漆湯……………	二七六
〔三十六〕增損柴胡湯……………	二七六
〔三十七〕竹葉防風湯……………	二七七

〔三十八〕三物黃芩湯……………	二七七
〔三十九〕小柴胡湯……………	二七七
〔四十〕乾薑柴胡湯……………	二七七
〔四十一〕海蛤散……………	二七八

卷第二十 以下計三十三方系正方

各方具證治……………	二七九
小兒傷寒藥方……………	
〔一〕洗心散……………	二七九
〔二〕惺惺散……………	二八〇
〔三〕四順散……………	二八〇
〔四〕麻黃黃芩湯……………	二八一
〔五〕升麻黃芩湯……………	二八一
〔六〕甘露飲子……………	二八一
〔七〕雙圓……………	二八二

〔八〕石膏麻桂湯……………	二八三
〔九〕連翹飲……………	二八三
〔十〕麥門冬湯……………	二八三
〔十一〕十物升麻湯……………	二八三
〔十二〕六物黃芩湯……………	二八四
〔十三〕五物人參飲……………	二八四
〔十四〕八物麥門冬飲……………	二八四
〔十五〕棗葉飲……………	二八四
小兒瘡疹藥方……………	二八五
〔十六〕升麻湯……………	二八五
〔十七〕犀角地黃湯……………	二八六
〔十八〕麻黃黃芩湯……………	二八六
〔十九〕升麻黃芩湯……………	二八六
〔二十〕化毒湯……………	二八六

〔二十一〕紫草木通湯……………	二八六
〔二十二〕鼠粘子湯……………	二八六
〔二十三〕水解散……………	二八七
〔二十四〕活血散……………	二八七
〔二十五〕猪尾膏……………	二八七
〔二十六〕無比散……………	二八七
〔二十七〕龍腦膏子……………	二八八
〔二十八〕如聖湯……………	二八八
〔二十九〕決明散……………	二八九
〔三十〕撥雲散……………	二八九

〔三十一〕蜜蒙花散……………	二八九
〔三十二〕通聖散……………	二八九
〔三十三〕蛤粉散……………	二九〇
附錄……………	二九一
活人書徵說……………	二九五
活人書釋音……………	三〇三
活人書辨誤……………	三一四
傷寒十勸……………	三一六
校後記……………	三二〇
方劑索引……………	三四〇

活人書目錄終

活人書卷第一

大明應天浴沂人徐鎔鎔之父重校正

此一卷論經絡。治傷寒先須識經絡，不識經絡，觸途冥行，不知邪氣之所在，往往病在太陽，反攻少陰，證是厥陰，乃和少陽，寒邪未除，真氣受斃〔一〕。又況傷寒看外證為多，未診先問，最為有準。孫真人云：問而知之，別病淺深，名為巧醫。病家云：發熱惡〔二〕寒，頭項痛，腰脊強，則知病在太陽經也；身熱，目疼，鼻乾，不得卧，則知病在陽明經也；胸脇痛，耳聾，口苦，舌乾，往來寒熱而嘔，則知病在少陽經也；腹滿，咽乾，〔批〕「咽乾」，《內經》、仲景併作「咽乾」，是。手足自溫，或自利不渴，或腹滿時痛，則知病在太陰經也；引飲惡寒，或口燥舌乾，則知病在少陰經也；煩滿囊縮，則知病在厥陰經也。然後切脈，以辨其在表在裏，若虛若實，以汗下之。古人所以云：問而知之為中工，切而知之為下工。若經隧支絡，慳〔三〕然不分，按寸

注〔一〕斃 一本作「弊」。

〔二〕惡 去聲。下同。


〔三〕慳 (kuan) 猛。《說文》：「不明也。」《集韻》：「無知貌。」糊塗不明事理。

握尺，妄意疾證，豈知
坐授明堂，藏室金蘭者
耶？

經絡圖

太陽經〔一〕

膀胱重九兩二銖，
縱廣九寸，盛〔二〕溺九升
九合。



〔批〕起，發也。皆音自。目大角為內眥。髮際前為額，腦上為顛。顛，頂也。循，巡也，又依也，沿也。髃音博。肩後之下為肩髃。絡，遠也，抵至也。髃音比，股也。腎音脉，沉也。挾腰臍骨兩旁為機，機後為腎。臍音國，脾腸上，處為臍。臍音通，脾腸也。俗所謂脚肚也。蹠，戶瓦切，脚跟後兩旁起骨為蹠骨。端，杪也。

注〔一〕太陽經 吳勉學本、芳蘭樹本均作「足太陽經」。餘五經經絡圖皆為「足××經」。下略。
〔二〕盛 (chéng 成) 《廣韻》「受也」。

足太陽膀胱之經 腎與膀胱為合，故足少陰與足太陽為表裏〔一〕。目內眦上頭，連於風府，分為四道，下項，并正別脈，上下六道，以行於背與身為經。太陽之經為諸陽主氣，或中〔二〕寒邪，必發熱而惡寒，緣頭項腰脊是太陽經所過處，今頭項痛，身體疼，腰脊強，其脈尺寸俱浮者，故知太陽經受病也。


《靈樞經》云：足太陽之脈，起於目內眦，上額，交巔上。其支別者，從巔至耳上角。其直行者，從巔入絡腦，還出別下項，循肩膊內，夾脊，抵腰中，入循膂，絡腎，入臍中。其支別者，從腰中下會於後陰，下貫臀，入臍中。其支別者，從臍內左右別下貫胛，夾脊內過脾樞，循脾外後廉，下合臍中，下貫臍內，出外髀之後，循京骨，至小指外側端。

陽明經

胃重二斤十四兩，盛穀二斗，水一斗五升，為水穀之海。

注〔一〕腎與膀胱為合……十七字，原作大字另行書寫，今據吳勉學本改為小字注文。

〔二〕中（zhong 衆）着，擊中目標。《廣韻》：「矢中的曰中。」此處作「為外物所傷」。《莊子·達生》：「中身當心則為病，猶醫書中風，中暑是也。」下文「中寒」、「中風」、「中暑」、「中濕」之「中」同。




〔批〕頤音遇，鼻莖也。鼻山根為額。口前小者為齒。額顙音厄盧。顙前為髮際，髮際前為額顙。頤音含，頤下也。巨骨上陷中為缺盆。頤音奚。頤音牝，挾膝解中也。衝音行，脛骨端也。廉，隅也，邊也。跗音膚，足面也。

足陽明胃之經 脾與胃為合，故足太陰與足陽明為表裏。從鼻起，夾於鼻，絡於目，下咽，分為四道，并正別脈，六道上下，行腹，網維於身。蓋諸陽在表，陽明主肌肉，絡於鼻，故病人身熱，目疼，鼻乾，不得卧，其脈尺寸俱長者，知陽明經受病也。

《靈樞經》云：足陽明之脈起於鼻交頤中，旁約太陽之脈，下循鼻外，人上齒中，還出挾口環唇，下交承漿，却循頤後下廉出大迎，循頰車，上耳前，過客主人，循髮際至額顙。其支者，從大迎前下人迎，循喉嚨，入缺盆，下膈，屬胃，絡脾。其直者，從缺盆下乳內廉，下俠臍，入氣衝中。其支者，起胃口，下循腹裏，下至氣衝中而合，以下脾關，抵伏兔，下膝膕中，下循脛外廉，下足跗，入中指內間。其支者，下廉三寸而別，以下入中指外間。其支者，別跗上，入大指間，出其端。

少陽經

膽在肝之短葉間，重三兩三銖，盛精汁三合。



〔批〕目外角為銳眥。頸音景，頭莖也。脇骨之下為季脇。曲骨之際為毛際。遠骨之下為髀厭，即髀樞也。髀外為輔骨。外踝以上為絕骨。小指，次指第四指也。足大指本節後為歧骨。大指爪甲後為三毛。

足少陽膽之經

肝與膽為合，故足厥陰與足少陽為表裏。

起目外眥，絡於耳，分為四道，下缺

盆，循於脇，并正別脈，六道上下。主經營百節，流氣三部，故病人胸脇痛而耳聾。

《黃帝鍼經》曰：邪在肝，則兩脇痛。又曰：膽脹者，脇下痛，口中苦，善太息，或口苦咽乾，或往來寒熱而嘔，其脈尺寸俱弦者，知少陽經受病也。

《靈樞經》云：足經少陽之脈，起於目銳眥，上抵頭角，下耳後，循頸行手少陽之前，至肩上，却交出少陽之後，入缺

盆。其支者，從耳下，入耳中，出走耳前，至目內眥後。其支者，別銳眥下大迎，合手少陽，抵於頰下，加頰車，下頸合


缺盆，以下胸中，貫膈，絡肝，屬膽，循脇裏出氣衝，繞毛際，入髀厭中。其直者，從缺盆下腋，循胸中，過季脇，下合

髀厭中，以下循髀陽出膝外廉下外輔骨之前，直下抵絕骨之端，下出外踝之前，循足跗上出小指、次指之端。其支別者，

從跗上入大指，循岐骨內出其端。

太陰經

脾重二斤三兩，象馬蹄。內包胃脘，象土形也。經絡之氣交歸於中，以營運真靈之氣，意之舍也。



〔批〕核骨，俗云孤拐骨。足跟後兩旁起骨為踝骨。脾內為股。膈者，隔也。凡人心下有膈膜，與脊脇周回相着，所以遮隔濁氣，不使上熏於心肺也。噎，《洪武正韻》注：喉也，即喉之端。喉以候氣，下接於肺，即肺系也。

足太陰脾之經，為三陰之首，其脈布於脾胃，絡於噎喉，故病人腹滿而噎乾，

尺寸俱沉細者，知太陰經受病也。


《靈樞經》云：足太陰之脈起於大指之端，循指內側白肉際，過核〔一〕骨後，上內踝前廉上臑內，循脛骨後，交出厥陰之前，上循膝股內前廉入腹，屬脾，絡胃，上膈，挾咽，連舌本，散舌下。其支者，復從胃別上膈，注心中。

少陰經

腎臟有二，形如豇豆，相并而曲，附於脊，筋外有脂裹，裏白表黑，主藏精。

注〔一〕核 原作「接」，據吳勉學本改。

活人書 活人書卷第一



足少陰腎之經，其脈起於小指之下，斜趣〔一〕足心。別行者，入跟中，上至股內後廉，貫腎，絡膀胱。直行者，從腎上貫肝膈，入肺中，繫舌本，傷寒熱氣入於臟，流於少陰之經。少陰主腎，腎惡燥，故渴而引飲。又經發汗、吐、下已後，臟腑空虛，津液枯竭，腎有餘熱，亦渴，故病人口燥舌乾而渴，其脈尺寸俱沉者，知少陰受病也。


《靈樞經》云：足少陰之脈，起於小指之下，斜趣足心，出於然骨之下，循內踝之後，別入跟中，以上端內，出屬內廉，上股內後廉，貫腎，屬腎，絡膀胱。其直者，從腎上貫肝膈，入肺中，循喉嚨，挾舌本。其支者，從肺出，絡心，注胸中。

厥陰經

肝重四斤四兩，有七布葉，一葉小，如木甲拆之象，各有支絡脈遊〔二〕中，以宣發陽和之氣，魂之宮也。

注〔一〕趣 向也。下同。

〔二〕遊 本作「通」。別本作「道」，非。



〔批〕足大指爪甲後為三毛，三毛後橫文為聚毛。環，繞也。臍下為小腹。〔肋〕音「勒」，脇幹釋名肋，勒也。所以檢助五臟。目內深處為目系。〔頤頰〕音岡桑。耳以下曲處為頤。〔唇〕音純。卵，魯管切。

足厥陰肝之經，厥者，盡也。《靈樞》曰：亥為左足之厥陰，兩陰俱盡，故曰厥。

陰。夫陰盡為晦，陰出為朔。厥陰者，以陰盡為義也。其脈循陰器，絡於肝者，筋之合也。筋者，聚於陰器，〔批〕自「絡」字起，「器」字上十五字，諸本俱無，依《靈樞》文補之。《甲乙經》并同。而脈絡於舌本也，故脈弗營則筋急，筋急則引舌與卵，故脣青舌卷而卵縮。凡病人煩滿而囊縮，其脈尺寸俱微緩者，知厥陰經受病也。

《靈樞經》云：足厥陰之脈，起於大指聚毛之際，上循足跗上廉，去內踝一寸，上踝八寸，交出太陰之後，上膈內廉，循股陰，入毛中，環陰器，抵小腹，挾胃，屬肝，絡膽，上貫膈，布脇〔一〕肋，循喉嚨之後，上人頤頰，連目系，上出額，與督脈會於巔。其支者，從目下頰裏，環唇內。其支者，復從肝別貫膈，上注肺中。

〔一〕問傷寒一二日，發熱惡寒，頭項痛，腰脊強，尺寸脈俱浮

答曰：此足太陽膀胱經受病也。仲景云：太陽病，欲解時，從巳至未上。太陽病，頭疼，

〔批〕《內經》、仲景并作頭痛，奉議作「疼」字，誤，後倣此。發熱，汗出，惡風，宜桂枝湯正一。之

類，應解散，而藥宜用桂枝者。〔批〕別本桂枝湯下無「之類」至「者」字，却有「輕者只與柴胡桂枝湯」。

太陽病，頭痛，發熱，無汗，惡寒，宜麻黃湯正二十。之類，應解散，而藥宜用麻黃

注〔一〕腦 此上原有「腦」字，衍文，據文義刪。

者〔二〕。〔批〕麻黃湯下無〔二〕之類，至「者」字，却有「輕者只與桂枝麻黃各半湯。惟錢聞禮《百問歌》同別本，其李知先《活人書括》、楊仁齋《活人總括》與今本同。二者均為解散，正分陰陽，不可不慎也。仲景所謂無汗不得服桂枝，有汗不得服麻黃，常須識此，勿令誤也。今人纔見身熱、頭痛便發汗，不知汗空閉而用麻黃，汗空疏而用桂枝。傷寒、傷風，其治不同。古人有汗者當解肌，無汗者可發汗。

〔二〕問傷寒二三日，身熱，目疼，鼻乾，不得卧，尺寸脈俱長

答曰：此足陽明胃經受病也。

仲景云：陽明病，欲解時，從申至戌上。

傷寒二日，陽明經受

病，可發其汗，非正陽明也。正陽明者，身熱，汗出，不惡寒，反惡熱，故可下也。今言一二日傳陽明經，身熱，目疼，鼻乾，不得卧，其脈俱長者，是太陽陽明，可表而已。若無汗，尚惡寒，宜升麻湯。雜一。有汗，微惡寒者，表未解也，宜桂枝湯。正一。無汗，脈浮，其人喘者，可與麻黃湯。正二十。

又問十二經皆一，而陽明有三，何也？答曰：有太陽陽明，有少陽陽明，有正

注〔一〕麻黃者，原作「麻黃正二十」，據批文及上文「宜用桂枝者」改。

〔二〕無，原批文中脫，據文義補。

陽陽明也。太陽陽明者，本太陽病，若發汗，若下，若利小便，此亡津液，胃中乾燥，因轉屬陽明也。〔批〕「明也」下，別本注云：太陽陽明，脾約也，是。大便堅，小便利，其脾為約。少陽

陽明者，本傳到少陽，因發汗，利小便已，胃中燥實，〔批〕別本「實」字下，有「不有」二字，津液，

便陽盛胃實」二字，誤。

大便難也。正陽陽明者，病人本風盛氣實也。三陽明俱宜下，唯

惡寒乃中寒，為病在經，與太陽合病屬表，可發其汗。蓋太陽與陽明合病，脈必浮大而長，外證必頭疼，腰痛，肌熱，目疼，鼻乾也。脈浮大者，太陽也。長者，陽明也。頭疼腰痛者，太陽也。肌熱，目疼，鼻乾者，陽明也。尚惡寒者，可升麻湯

雜汗之。若不惡寒，反惡熱，大便不秘者，可白虎湯正六十四解利之。不惡寒，反

惡熱，大便秘，或譫語者，屬胃家實也，可調胃承氣湯正四十下之。又問三陽有

合病，有併病，何也？答曰：脈浮大而長，頭疼，腰痛，肌熱，目疼，鼻乾者，合病也。太陽初得病時，發其汗，汗先出不徹，因轉屬陽明，續自微汗出，不惡寒者，

併病也。三陽皆有合病，唯二陰無合病，不可不知也。太陽證罷，但發潮熱，手足

絳絳，汗出，大便難而譫語者，下之愈，宜用大承氣湯。正四十若太陽證不罷，

不可下，宜用桂枝麻黃各半湯。正二。小發汗。設面色赤者，陽氣怫鬱在表，當解之、熏之。若發汗不大徹，則陽氣怫鬱不得越散，當汗不汗，煩躁，不知痛處，其人短氣，但坐，蓋以汗出不徹故也。更以麻黃湯發其汗，則愈。何以知汗出不徹，以脈濇故知之。

〔三〕問傷寒三四日，胸脇痛而耳聾，或口苦舌乾，或往來寒熱而嘔，其尺寸脈俱弦

答曰：此足少陽膽經受病也。

仲景云：少陽病，欲解時，從寅至辰上。

太陽病不解，轉入少

陽，脇下硬滿，乾嘔不能食，往來寒熱，尚未可吐下，

〔批〕仲景作「尚未吐下」，奉議添「可」

字，恐未穩。

診其脈弦緊

〔批〕仲景作「沉緊」，是。

者，小柴胡湯主之。

正二十九。

蓋脈弦細，頭

疼，發熱，屬少陽。少陽受病，口苦咽乾，目眩，宜小柴胡湯以解表，不可發汗。

仲景少陽證，唯小柴胡為解表藥耳。

發汗則譫語，譫語屬胃，胃和則愈，不和則煩而躁，〔批〕別

本作「燥」，仲景作「悸」。

宜調胃承氣湯，正四十二。

此屬少陽陽明也。

〔四〕問傷寒四五日，腹滿咽乾，手足自溫，或自利不渴，或時滿時痛，尺寸脈俱沉細

答曰：此足太陰脾經受病也。

仲景云：太陰病，欲解時，從亥至旦上。

傷寒手足必微冷。

〔批〕「冷」，一本作「厥」。

若手足自溫者，繫太陰也。自利不渴，屬太陰也。自利不渴者，

臟寒也，當溫之，宜四逆湯。

正七十四。

理中湯也。

正七十三。

腹滿脈浮者，可桂枝。正一。

微發汗。腹痛者，桂枝加芍藥湯。

正十二。

痛甚者，桂枝加大黃湯。

正十三。

又問古人以四日太陰證，病在胸膈，可吐

〔批〕仲景云太陰篇無吐法，如虛煩胸實等證可吐者，

皆屬他經。獨華佗云：四日在胸可吐之，亦不在太陽，今當在胸膈可吐，非也。況胸中本非太陰經部分，雖有胸〔一〕下結

硬，是誤下後也。而愈，何也？答曰：不然。有太陰證，脈大胸滿多痰者，可吐之；脈大

〔批〕仲景云「脈沉細」，未嘗言「脈大」，學者宜詳之。

而無吐證者，可汗而已。大抵在表者，汗之；

在裏者，下之；在上者，湧之；在下者，泄之。瓜蒂

正一百十一。

梔豉

雜十九。

隨證施

注〔一〕胸 原作「胃」，據《傷寒論》太陰病篇「若下之，必胸下結硬」改。

用，不可拘以日數也。

〔五〕問傷寒五六日，尺寸脈俱沉，或口燥舌乾而渴，或口中和而惡寒

答曰：此足少陰腎經受病也。

仲景云：少陰病，欲解時，從子至寅上。

少陰病，口燥舌乾者，

急下之，宜大承氣湯。

正四十一。

若不渴，不口燥舌乾而脈沉細者，急溫之，宜四逆

湯。

正七十四。

太陰厥陰皆不惡寒，只有少陰有惡寒之證，不可不知也。

〔批〕按，仲景云：

太陰篇手足自溫，故不惡寒。厥陰篇厥逆而惡寒者，四逆湯主之。豈非厥陰亦有惡寒者耶？

少陰病，得之一二日，

口中和，其背惡寒者，宜着灸，并附子湯也。

〔批〕「附子湯」，別本作「四逆湯」，誤。大抵傷寒

陽明證宜下，少陰證宜溫。

〔批〕按，「大抵」二字，即「大凡」也。王安道云：陽明證宜下，少陰證宜溫。自

此說行，而天下後世受害者不無矣。但奉議「大抵」二字說得活，後世則看得不活，所以受害。

然仲景於少陰證口

燥咽乾即云急下之，蓋少陰主腎，繫舌本，傷寒熱氣入於臟，流於少陰之經，腎汁乾，咽路焦，故口燥咽乾而渴，須宜急下之。非若陽明證宜下而可緩也。雖然陽明

亦有一證，發熱汗出多急下之，陽明屬胃，汗多則胃汁乾，亦須急下也。

〔六〕問傷寒六七日，煩滿囊縮，其脈尺寸俱微緩

答曰：此足厥陰肝經受病也。

仲景云：厥陰病，欲解時，從旦至卯上。

厥陰病，其脈微浮為

欲愈，不浮為未愈，宜小建中湯。

正三十七。

脈浮緩者，必囊不縮，外證必發熱惡寒似

瘡，為欲愈，宜桂枝麻黃各半湯。

正三十八。

若尺寸脈俱沉短者，必是囊縮，毒氣入臟，

宜承氣湯下之。

正四十一。

大抵傷寒病臟腑傳變，陽明先受病，故次第傳人陰證。以陽

主生，故太陽水傳陽明上，土傳足少陽木，為微邪也。陰主殺，故木傳足太陰土，

土傳足少陰水，水傳足厥陰木。

〔批〕接，陽主生，以水傳上，土傳木，相生之理，果安在哉？陰主殺，水傳

木，係木木相生，非殺也。

至六七日，當傳厥陰肝木，必移氣剋於脾土，脾再受賊，則五臟

六腑皆困而危殆，榮衛不通，耳聾，囊縮，不知人而死矣。速用承氣湯下之，可保

五死一生。

〔批〕別本「生」下有「勿從容拯救，令病人水漿不入，湯液不下，無可奈何也」二十一字。

古人云：

脾熱病則五臟危。又云：土敗木賊則死。若第六七日傳厥陰，脈得微緩、微浮，為

脾胃脈也。故知脾氣全不再受尅，邪無所容，否極泰來，榮衛將復，水升火降，則寒熱作而大汗解矣。

活人書卷第一終

活人書卷第二

此一卷論切脈。治傷寒先須識脈，若不識脈，則表裏不分，虛實不辨。仲景猶謂當時之士，按寸不及尺，握手不及足，必欲診衝陽，按太谿而後慊，〔批〕別本「慊」作「決」。況於寸關尺耶？大抵問而知之，以觀其外；切而知之，以察其內。證之與脈，不可偏廢。且如傷寒脈緊，傷風〔批〕仲景俱作「中風」，奉議作「傷」字，誤。後倣此。脈緩，熱病

脈盛，中暑脈虛，人迎緊盛傷於寒，氣口緊盛傷於食，率以脈別之。非特此也，病人心下緊滿，按之石硬而痛者，結胸也。結胸證於法當下，雖三尺之童，皆知用大黃甘遂陷胸湯下之。然仲景云：結胸脈浮者不可下，下之則死。以此推之，若只憑外證，便用陷胸湯，則誤矣。況傷寒尤要辨表裏，脈浮為在表，脈沉為在裏。陽動則有汗，陰動則發熱，得汗而脈靜者生，汗已而脈躁者死。陰病陽脈則不成，陽病陰脈則不永，生死吉凶，如合龜鏡，其微至於禍福休咎，脩短貴賤，無不可考。然古人乃以切脈為下者，特以脈理精微，其體難辨，而傷寒得外證為多故也。外證易見，切脈難明，弦緊之混淆，遲緩之參差，沉與伏相類，濡與弱相似，非得之於心，超然領解，孰能校疑似於鑑銖者哉？苟知浮、芤、滑、實、弦、緊、洪屬於表，遲、

緩、微、濇、沉、伏、濡、弱屬於裏。表裏內外陰陽消息以經處之，亦過半矣。
〔批〕按：七表八裏，從高陽生《脈訣》。與仲景辨脈、平脈及叔和《脈經》不合。學者宜詳之。

脈穴圖

氣口脈

帝曰：氣口〔批〕氣口，位在手魚際之

後，同身寸之一寸。氣口之所候脈動者，是亦名寸

口，又名脈口。何以獨為五臟主？岐伯

曰：胃者，水穀之海，六腑之大源

也。五味入口，藏於胃，以養五臟〔一〕


氣。氣口亦太陰也，是以五臟六腑

之氣位皆出於胃，變見於氣口。

注〔一〕五臟 原作「五穀」，據吳勉學本改。

右手關前
一分氣口
之位

左手關前
一分人迎
之位



人迎脈

人迎在頸，法象天地，要會始終之門戶。〔批〕別本「迎」下有「氣口」二字，誤。

人迎屬太陰肺之經，而黃帝乃云人迎亦胃脈，何也？左手關前一分者，人迎之位，挾結喉兩傍者，人迎之穴，人迎之位，屬手太陰肺之「」經，人迎之穴，屬足陽明胃之經，故《素問》云人迎屬胃脈也。

問傷寒何以須診太谿脈耶？

答曰：太谿穴，是足少陰腎之經。男子以左腎為命門，女子以右腎為命門，〔批〕《難經》云：命門者，諸精神之所舍，原氣之所繫也。故男子以藏精，女子以繫胞。主生死之要，病人有命門脈者活，無者死。仲景云：少陰病，手足逆冷，發熱者，不死。脈不至者，灸太谿七壯，故傷寒必診太谿，以察其腎之盛衰也。太谿二穴，在足內踝後，跟骨上動脈陷中。

注「」之 原作「心」，據吳勉學本改。

問傷寒何以須診衝陽脈耶？

答曰：衝陽穴是足陽明胃之經。人受氣於穀，穀入於胃，乃傳與五臟六腑，臟

腑皆受氣於胃，其清者為

榮，濁者為衛。榮行脈中，

衛行脈外，陰陽相貫，如

環無端。胃為水穀之海，

主稟四時，皆以胃氣為本，

是謂四時主變病，死生之

要會，故傷寒必診衝陽，

以察其胃氣〔一〕之有無也。

衝陽二穴，一名會源，在足跗上五寸骨

間動脈上，去陷谷三寸。

注〔一〕氣原缺，據上文補。

太谿脈

太谿



衝陽脈

衝陽



風池穴風府穴 〔二〕

仲景云：太陽病，初服桂枝湯，反煩不解者，先刺風池、風府，却與桂枝湯愈。謂服桂枝湯後，其證尚自汗，發熱惡寒，脈尚寸浮尺弱，而反煩，為邪痹在陽維經，故可先鍼風池、風府。此二穴陽維之會，非太陽經也。太陽經穴在夾項後髮際大筋外廉陷中，名曰天柱。不鍼此者，桂枝已主太陽病故也。風池二穴，是足少陽、陽維之會，在項



注〔一〕風池穴風府穴 原無，據目錄補。

後髮際陷中是穴。《甲乙經》云：風池在顛額後，髮際陷中，是穴。鍼入一寸一分。〔批〕《素問》王注：刺四分，《甲乙》刺三分，俱無一寸字。王注「會」下有「疾言其肉立起，言體立下」十字。風府一穴，是督脈、陽維之會，在項後入髮際一寸大筋宛中，不可灸，鍼入四分，留三呼。

期門穴

期門二穴，在乳直下筋骨近腹處是也。凡婦人病，法當鍼期門，不可行子午法，恐纏臟膜引氣上，但下鍼令病人吸五吸，停鍼良久，徐徐出鍼，此是平瀉法也。凡鍼期門，必瀉勿補。可肥人二寸，瘦人寸半深。



關元穴

臍下一寸五分〔批〕無「五分」，誤。名氣海，二寸名丹田，三寸名關元。關元穴是小腸募，足少陰任脈之會，鍼入八分，留三呼，瀉五吸。灸亦良，然不及鍼。氣海穴或作臍下一寸。按：《鍼灸經》云，臍下一寸曰陰交穴，陰交下五分曰氣海。〔批〕王注：「少陰」作「三陰」。「八分」，《骨空》注「刺二寸」，「氣府一寸二分」，非。「三呼」作「七呼」。



〔七〕問三部之位

答曰：左右手去魚一寸，名曰寸口，去澤一尺，名曰尺部，兩境之間，名為關位。關位六分，陽部出三分，陰部入三分，關前為陽，關後為陰，為陰陽之關津。寸脈下不至關為陽絕，尺脈上不至關為陰絕。陽得寸內九分，取陽奇之數，陰得尺內一寸，取陰偶〔二〕之數，是名寸關尺也。寸上一分為魚際，關下一分為神門，左關為人迎，右關為氣口。三陽從地長，故男子尺脈常沉，三陰從天生，故女子尺脈常浮。男子陽多而陰少，其脈在關上，故寸盛而尺弱。女子陰盛而陽微，其脈在關下，故寸沉而尺盛。所以男子不可以久瀉，女子不可以久吐。男得女脈為不足，女得男脈為太過，所謂反也。今人以男子尺脈常弱，女子尺脈常盛謂之反，非也。男子陽有餘，脈在上，尺脈必弱。女子陰有餘，脈在下，寸脈必微，乃是正也，非反也。又以男子以右尺為命門，女子以左尺為命門謂之反，亦非也。男子得陰以生，先生右腎。女子得陽以長，先長左腎，乃是正也，非反也。所謂反者，只是男子尺脈當弱今反盛，女子尺脈應盛今反弱，謂之反耳。聖人以察陰陽，以決生死，雖經絡流注如環無端，豈能逃於三部者耶？

注〔一〕偶 原作「耦」。「耦」通「偶」。逕改。下同。

〔八〕問診候之法

答曰：凡初下指，先以中指揣按得關位，乃齊下前後二指，為三部脈。前指寸口也，後指尺部也。若人臂長，乃疎下指；若臂短，乃密下指。先診寸口，男先左手，女先右手。浮按消息之，次中按消息之，次重按消息之，次上竟消息之，次下竟消息之，次推指外消息之，次推指內消息之。醫家責肥人脈浮，為肌肉厚實，重取乃得。若舉手而得，則其浮也甚矣。責瘦人脈沉，為皮脈相附而易見，若按之始應，則其沉也亦甚矣。凡診脈，以氣息平定方下指，以一呼一吸為一息。其一息之間，脈息四至或五至，不大不小，與所部分四時相應者，為平和脈也。過則為至，不及則為損。損至之脈，《難經》言之詳矣。所屬部分謂心位洪，肺位浮，腎位沉，肝位弦，脾胃緩也。四時謂春脈弦，夏脈洪，四季脈緩，秋脈浮，冬脈沉也。假令心脈本位雖當見洪，得冬脈須微帶沉。下是四時相應，餘皆倣此。

〔九〕問脈息之證

答曰：脈之字，从肉从爪，又作𣎵。蓋脈以肉為陽，𣎵以血為陰。華佗云：脈

者，氣血之先也。氣血盛則脈盛，氣血衰則脈衰，〔批〕數，音朔。下同。氣血寒則脈遲，氣血微則脈弱，氣血平則脈緩。又長人脈長，短人脈短，性急則脈急，性緩則脈緩，反此者逆。按：《內經》云：形盛脈細，氣少不足以息者危；形瘦脈大，胸中氣多者死；形氣相得者生；參伍不調者病。《難經》云：數者，腑也；遲者，臟也。數則為熱，遲則為寒。諸陽為熱，諸陰為寒。王叔和云：脈沉為在裏，脈浮為在表，遲則在臟，數則在腑，滑為實，為下，〔批〕「下」，別本作「痰」，或作「吐」。數為虛，為熱。張仲景云：脈大、浮、數、動、滑，此名陽也；脈沉、濇、弱、弦、微，此名陰也。陰病見陽脈者生，陽病見陰脈者死。大抵陽脈常浮而速，陰脈常沉而遲。七表屬腑，病在於陽，春、夏見之易治；八裏屬臟，病在於陰，秋、冬見之猶輕。假令數在左寸，浮之得者，熱入小腸，沉之得者，熱入於心。餘皆倣此。脈理精微，非言可盡，論其梗概，不出於此矣。王叔和云：在心易了，指下難明。亦在乎人熟之而已矣。

〔十〕問七表

答曰：七表，陽也。陽數奇。浮，按之不足，舉之有餘。寸口浮，其人傷風，發熱頭疼，

關上浮，腹滿，尺中浮，小便難，跌陽浮，即為虛。芤，浮大而軟，按之中央空，兩邊實。芤主失血。寸

口芤，主吐血，微芤者，衄，關上芤，大便血，尺中芤，小便血。滑，往來前却流利，替替然與數相似。

脈滑為陽。寸口滑，為陽盛，關（一）上滑，為嘔逆，尺中滑，小便赤，婦人經脈不利。然而尺脈滑者，亦本形也。跌陽脈滑者，胃氣實。實，脈大而長，按之隱指，怫怫然浮沉皆得。寸口實，主上焦熱，關上見之，腹脹，

尺中有此，主小腹痛，並小便濇。弦，舉之無有，按之如弓弦狀，又曰浮緊，乃為弦，狀如弓

弦，按之不移。陽弦則頭痛。陰弦則腹痛。大抵傷寒脈須弦，蓋人迎緊盛傷於寒。人迎者，少陽之分，少陽脈主弦故

也。寒邪中人，其脈必弦，弦則多兼洪數，為其先有邪熱也。洪數甚者，正為陽證。若沉細而弦疾，乃上陰證也。緊，按

之實數，似切繩狀。緊則為寒。寸口緊，頭痛，關緊，心中滿痛，尺緊，臍下痛，陰陽俱緊，當清邪中於上，濁邪

中於下。洪，極大，在指下舉按滿指。寸口洪，主胸膈煩熱，關洪，主胃熱口乾，尺中洪，主大小便有血，三

部洪，三焦俱熱。

〔十一〕問八裏

答曰：八裏，陰也。陰數偶。微，若有若無，極細而軟。微則為虛。寸口微，為陽不足，

注〔一〕「關」原作「陽」，據吳勉學本改。

陽微則惡寒。陰微則下利。沉，舉之不足，按之有餘。沉為在裏。寸尺俱沉者少陰受病也。然沉而遲者，乃陰證也，宜溫之。沉而數者，有熱也，宜下之。緩，去來亦遲，小駛於遲。緩則為虛。太陽病，其脈緩者，為傷風。惟脾得之，即是本形。濇，細而遲，往來難，時一止。濇則少血。寸口濇，少氣，上焦冷，關上濇，胃冷，脾痛；尺中濇，小便數，小腹冷，三部俱濇，腹中氣結。王冰曰：陽有餘則血少，故脈濇也。又曰：濇者，陽氣有餘。陽氣有餘，為身熱無汗。遲，呼吸三至，去來極遲。遲則為寒。寸口遲，則上焦冷；關上遲，胃冷，不欲食，吞酸吐水；尺中遲，小便多，並白濁。伏，極重按之，指著骨乃得。伏主物聚。寸口伏，胸中逆氣；關上伏，有水氣，瀉泄；尺中伏，水穀不化。大抵關前得之多為熱，關後得之多為冷；關中得之陰陽結，或冷或熱不定，當以餘證參之。濡，按之似無，舉之全無力。形與緩、濇、遲脈雖稍殊，其為冷證皆一也。弱，極軟而沉細，按之欲絕指下。弱為虛。寸口弱，陽氣虛，汗自出。關弱，無胃氣，胃中有熱，脈弱為虛熱病作，不可大攻，熱去寒起，尺中弱，氣少發熱。

〔十二〕問脈按之來緩，時一止復來，脈來數，時一止復來，又脈來動而中止，不能自還，因而復動

答曰：有結脈，有促脈，有代脈。結者，陰也。陰盛則結，脈來緩，時一止復

來，曰結。主胸滿煩躁。促者，陽也。陽盛則促，脈來數，時一止復來，曰促。主積聚氣痞，憂思所成。〔批〕促脈病證見十二卷中桂枝去芍藥湯、桂枝去芍藥加附子湯、葛根黃芩黃連湯三方下。

太陽病，下之後，脈促胸滿者，桂枝去芍藥湯主之，正七。若微寒，桂枝去芍藥加附子湯主之，正八。太陽病，桂枝證，醫反下之，利遂不止。脈促者，表未解也，喘而汗出者，葛根黃芩黃連湯主之，正二十八。

大抵結、促之脈，雖時一止，為病脈，非死脈也。惟代脈者，其死〔一〕矣。往來緩，動而中止，不能自還，因而復動，名曰代也。代者，死也。仲景傷寒脈結代，心動悸，炙甘草湯主之。

正五六。

活人書卷第二終

注〔一〕其死 吳勉學本作「真死」。

活人書卷第三

此一卷論表裏。治傷寒須辨表裏，表裏不分，汗下差誤。古人所以云：桂枝下咽，陽盛即斃。承氣人胃，陰盛即亡。傷寒有表證，有裏證，有半在表、半在裏，有表裏兩證俱見，有無表裏證。在表宜汗，在裏宜下，半在裏半在表宜和解，表裏俱見隨證滲泄，無表裏證用大柴胡湯下之。正三十。又四逆湯正七十四。證有先溫裏乃發表，桂枝湯正一。證有先解表乃攻裏。仲景云：下利清穀，身體疼痛，急當救裏，身體疼痛，清便自調，急當救表，如響應桴，〔批〕桴，音扶。間不容櫛。〔批〕櫛，音責。非特此也，均是發熱，身熱不渴，為表有熱，小柴胡加桂主之。正二十九。厥而脈滑，為裏有熱，白虎加人參主之。正六十五。黃帝所謂發表不遠熱，攻裏不遠寒也。均是水氣，乾嘔微利，發熱而欬，為表有水〔二〕，小青龍加蕤〔批〕蕤，音銳。花主之。正三十六。身體涼，表證罷，欬而脇下痛，為裏有水〔二〕，十棗湯主之。正八十八。均是惡寒，發熱而惡寒者，發於

注〔一〕表有水 原作「裏有水」，據〔八十六〕問原文改。

〔二〕裏有水 原作「表有水」，據〔八十六〕問原文改。

陽也，麻黃桂枝小柴胡主之。無麻黃桂枝小柴胡湯，只有柴胡桂枝湯。見正三十一。〔一〕無熱而惡寒者，發於陰也，附子四逆湯主之。正七十四。均是身體痛，脈浮，發熱，頭疼，身體痛者，為表未解，麻黃湯主之。正二十。脈沉，自利，身體痛者，為裏不和，四逆湯主之。正七十四。以此觀之，仲景之於表裏甚〔批〕別本作「亦」。詳矣，學者宜深究之。雖然，傷寒六七日，目中不了了，無表裏證，脈雖浮，亦有下之者；少陰病二三日，無陽證，亦有發汗者。非表裏之所能拘，又不可不知也。〔批〕「無陽證」，仲景作「無證」，是。

〔十三〕問表證

答曰：發熱惡寒，身體痛而脈浮者，表證也。浮者，陽也。〔批〕「者陽」，別本作「表陽」。其

脈按之不足，舉之有餘。《素問》云：寸口脈浮而盛，曰病在外。寸口脈沉而緊，曰病在中。仲景云：脈浮者，病在表，可發汗。又曰：表有病者，脈當浮。又曰：結胸證，脈浮者，不可下，則知脈浮者，表證也。表證者，惡寒是也。惡寒

者，表之虛，此屬太陽，宜汗之〔二〕。然傷寒發表，須當發汗，亦自不同。春不可大發汗，以陽氣尚弱，不可亟奪，使陰氣勝於時。天寒初解，榮衛腠理緩，可用小

注〔一〕無麻黃桂枝小柴胡湯……只有柴胡桂枝湯 此十六字，原缺，據吳勉學本、芳蘭閣本補。

〔二〕汗之 原作「汗下」，據吳勉學本改。

柴胡湯正二十九之類。冬不可汗者，以陽氣伏藏，不可妄擾。不問傷寒、中風，並數與

桂枝麻黃各半湯，正二。或得少汗而解，或無汗自解。病勢甚者，不拘此。夏月天氣大熱，

玄府開，脈洪大，宜正發汗，但不可用麻黃桂枝熱性藥，須是桂枝麻黃湯加黃芩、

石膏、知母、升麻也。二。夏月有桂枝麻黃證，不加黃芩輩，服之轉助熱氣，便發黃

斑。二出也。白虎湯雖可用，然治中暑與汗後一解表藥耳。一白虎未能驅逐表邪，況

夏月陰氣在內，或患熱病而氣虛人，妄投白虎，往往有成結胸者，以白虎性寒，非

治傷寒藥也。〔批〕按，春冬不可汗，夏月不可用麻黃桂枝，然則桂麻二湯何時可用耶？又解肌與發汗不同，今云「不

問風、寒」，何其違背也。且頻數既與桂枝麻黃各半湯，安得無汗，學者詳之。別本無「可用」至「之類」八字，有「過則

恐生陰證也。秋不可發汗者，以陽氣始收，陰氣易換，過則脫陽」二十六字。「中風」下無「并數」至「半湯」十字，有「以

輕藥解利之，傷寒無汗者，只與麻黃桂枝各半湯。傷寒有汗，只與柴胡桂枝湯」三十一字。「自解」下有「此三月，是閉藏

之時，無擾乎陽，無泄皮膚，使氣亟奪，方為養生之道也。倘有觸冒，宜微汗之，以平為期，邪退乃已」四十三字。「陰氣」

起至「病而」止九字作「傷寒熱病或」五字。按，仲景言無表證者，可與白虎。今云汗後一解表藥何耶？夏月陰氣在內，不

可妄投，未審何所據而言？白虎非治傷寒藥，叔和何故載於《傷寒論》？凡發汗欲令手足俱周，濺濺然一時

注〔一〕升麻也。吳勉學本下有「小字注文」加減法在第十二卷藥方中「十一」字。

〔二〕斑原作「班」。「班」通「斑」，逕改。下同。

許為佳，不欲如水淋漓，服湯中病即止，不必盡劑。然發汗，須如常覆腰以上，厚衣覆腰以下，蓋腰以上淋漓，而腰以下至足心微潤，病終不解。凡發汗，病證仍在者，三日內可二三汗之，令腰脚周遍為度。又問三陰有可汗者乎？答曰：陰病不當發汗，發汗即動經。然太陰脈浮，少陰發熱，亦須微微取汗，但不正發汗耳。大抵風寒中人，與榮衛相〔二〕薄而發熱，又未曾行諸汗藥，雖無陽證，須少汗解逐之。王叔和云：表中風寒，人裏則不消。故知初病脈沉細數，雖裏不消，本表中風寒，須宜溫覆少汗而解。仲景太陰證脈浮可汗，宜桂枝湯。正一。少陰病，發熱脈沉，宜麻黃附子細辛湯。正二十三。少陰二三日，常見少陰證無陽〔批〕別本無「陽」字。按：仲景篇少陰病，得之二三日，麻黃附子甘草湯微發汗，以二三日無證，故微發汗也。今改作「常見」而添「陽」字，何耶？證者，宜麻黃附子甘草湯。正二十二。微發汗，皆陰證表藥也。要知脈沉細數，病在裏，不可發汗，此大略之言耳。脈應裏而發熱在表，宜以小辛之藥，取微汗而溫散也。大抵傷寒太陽證發熱惡寒，宜〔二〕發其汗，然熱多寒少，其脈微弱，或尺脈遲者，不可表也。

注〔一〕相 吳勉學本作「俱」。可參。

〔二〕宜 原作「汗」，據吳勉學本改。

太陽病，發熱惡寒，熱多寒少，脈微弱者，此無陽也，不可發汗，宜桂枝二越婢一湯（正四）。尺脈遲者，血少也，先以小建中加黃耆湯（正三十七）以養其血，晡時用小柴胡、桂枝二越婢一湯小分劑以和解之。其人當汗而衄血、下血者，不可表也。太陽病，脈浮而緊，發熱身無汗，自衄者愈。不可汗，汗出必額上陷，脈緊急，直視不得瞬（批）瞬，別本作瞬。又云：太陽病不解，熱結膀胱，其人如狂，血自下，下者愈。不愈宜桂枝湯（正一）。壞病者，不可表也。

太陽病三日，已發汗，若吐，若下，若溫針，仍不解者，為壞病。桂枝不中與也，知犯何逆，隨證治之。又云：太陽病不解，轉入少陽者，脇下硬滿，乾嘔不能食，往來寒熱，尚未吐下，脈沉緊者，與小柴胡湯（正二十九）。若已吐下發汗，柴胡證罷，此為壞病，知犯何逆，以法治之。（批）壞病係桂枝不中與，小柴胡證罷者，非四種壞病也。見五卷本條問中。婦人經水適來，不可表也。婦人病，經水適下，而發其汗，則鬱冒不知人，此為表裏俱虛，故令鬱冒也。風溫者，不可表也。脈尺寸俱浮，頭疼身熱，常自汗，體重，其息必喘，其形不仁，嘔嘔但欲眠者，風溫證也。復發其汗者死，宜萎蕤湯（雜四十五）。濕溫者不可表也。兩脛逆冷，胸腹滿，頭目痛苦、妄言，必多汗者，濕溫證也。不可發汗，發汗者，名曰重暈，如此死者，醫殺之耳，宜桂附湯（正十七）。（二）、白虎加蒼朮湯（雜百十七）。（批）按，此兼言朮附湯於濕溫門，却言白虎，而不言朮附，何耶？虛煩者，不可表也。諸虛煩熱與傷寒相似，然不惡寒，身不疼，故知非傷寒也，不可發汗。頭不痛，脈不緊，故知非裏實也，不可下，宜服竹葉湯（正九十四）。病人腹間左右上下有

注（一）桂附湯 原作「朮附湯」，據吳勉學本改。

築觸動氣者，不可表也。動氣在左，不可發汗，發汗則頭眩，汗不止，筋惕肉瞤，此為逆，難治，先服防風白朮

牡蠣湯（雜二），汗止，次當服建中湯（正三十七）。動氣在右，不可發汗，發汗則衄而渴，心苦煩，飲則吐水，先服五苓散

一二服（正六十六），次服竹葉湯。動氣在上，不可發汗，發汗則氣上衝，正在心端，宜服李根湯（雜三）。動氣在下，不可

發汗，發汗則無汗，心中大煩，骨節疼，目運，惡寒，食即反吐，穀不得化，先服大橘皮湯（雜四），吐止後服小建中湯（正

三十七）。以此見古人慎用表藥如此。

〔十四〕問裏證

答曰：不惡寒，反惡熱，大便硬，小便如常，腹滿而喘，或譫語，脈沉而滑者〔一〕，裏證也。仲景云：手足濇然汗出者，此大便已硬也。傷寒欲下而小便少，手足心并腋下不滋潤者，不可攻也。

裏證者，內熱是也。內熱者，裏之弱，此屬陽明，宜下之。傷寒始發熱惡寒，今汗後不惡寒，但倍發熱而躁，始脈浮大，今脈洪實或沉細數，始惺惺，今狂語，此為胃實陽盛，再汗即死，須下之即愈。亦有始得病便變陽盛之證，須便下之，不可拘

注〔一〕者 原作「也」，據吳勉學本改。

以日數。更有心胸連臍腹，大段〔一〕疰悶，腹中痛，坐卧不安，冒〔二〕悶喘急極者，亦不候他證，便下之。凡大便秘，防悶〔三〕，恐尚有表證者，亦須少少飲小承氣湯〔正四十二〕微解之，不可過多，令大泄也。若失下，則氣血不通，四肢便厥，醫人不知，反疑是陰厥，復進熱藥，禍如反掌，不可不察也。

又問三陰有可下者乎？答曰：三陰大約可溫，然須有積證方可也。何謂積證。太陰腹滿時痛，桂枝加芍藥湯〔正十二〕。痛甚者，桂枝加大黃湯〔正十三〕。少陰口燥咽乾，或腹滿不大便，或下利清水，心下痛，皆積證也。仲景云：少陰病，得之二三日，口燥咽乾者，急下之。宜大承氣湯〔正四十一〕。少陰病，自利清水，心下痛，口乾者，宜大承氣湯。少陰病，六七日，腹滿不大便者，宜大承氣湯也。〔批〕按：傷寒六經傳變，虛實寒熱無非氣之所為。今云有積，何耶？且所舉四證，太陰及少陰心下痛，乃下後乘虛內陷之邪也。少陰燥乾不大便，乃傳經入裏之邪也。是邪是積，明者鑒焉。下證悉具，服湯已更衣者，止後服，不爾，盡劑服之。更衣謂病人服承氣湯後得下利，故勿與也。下後慎不中服補藥。孫真人云：服大承氣湯得利瘥〔四〕，慎不中服補藥也。熱氣得補復成〔五〕，更復下

注〔一〕段 原作「段」，據吳勉學本改。

〔二〕冒 原作「胃」，據吳勉學本改。

〔三〕防悶 吳勉學本、芳蘭閣本作「妨悶」。

〔四〕瘥 原作「差」。「差」通「瘥」，《玉篇》：「疾愈也。」逕改。下同。

〔五〕復成 原作「服成」，據吳勉學本改。

之，是重困也，宜消息安養之。大抵傷寒最慎於下，若表證未罷，不可亂投湯劑，

虛其胃氣。仲景云：表解而內不消，非大滿，猶生寒熱，則病不除也。表已解而內不消，大滿大〔一〕實堅，有燥屎，

乃可下之，雖四五日不能為禍，若不宜下而便攻之，內虛熱入，協熱遂利，煩躁諸變，不可勝數，輕者困篤，重者必死矣。

古人所以傷寒有承氣之戒。脈浮者，不可下。仲景云：脈浮者，病在表，可發其汗，應汗而下，為懊憹，為痞，為

結胸。脈虛細者，不可下。王叔和云：脈微不可吐，虛細不可下。惡寒者，不可下。惡寒者，表之虛，雖

是陽明症，尚惡寒即與太陽合病，雖表可發其汗。少陰惡寒，當溫之。嘔吐者，不可下。仲景云：嘔多雖有陽明〔二〕

證，不可下。陽明病，臨下硬滿，不大便而嘔，舌上白胎者，宜與小柴胡湯〔正二十九〕。上焦得通，津液得下，胃氣因和，

身濺然汗出，得屎而解。不轉失氣者，不可下。轉失氣，今人所謂下泄也。《傷寒論》云：陽明病，不大便六七

日，恐有燥屎，欲知之法，少與小承氣湯，腹中轉失氣者，此有燥屎也，乃可攻之。若不轉失氣者，此但頭硬，後必溏，不

可攻之，攻之必脹滿不能食也。又云：陽明病，濇語發潮熱，脈滑而疾者，小承氣湯主之〔正四十二〕。因與小承氣湯一升，

腹中轉失氣者，更服一升。若不轉失氣者，勿更與之，仲景無治法，今詳宜與小柴胡湯〔正二十九〕。明日又不大便，脈反微

濡者，裏虛也，為難治，仲景亦無治法，宜與黃耆建中湯。大便堅，小便數，不可用承氣湯攻之。跌陽脈

注〔一〕大 原作「不」，據吳勉學本改。

〔二〕明 原作「陽」，據吳勉學本改。

浮而瀉，浮則胃氣強，瀉則小便數，浮瀉相薄，大便則硬，其脾為約，麻子仁〔一〕丸主之〔正九十一〕《千金》云：脾約者，大便堅，小便利，宜枳實丸。太陽陽明者，脾約乃是也。小便清者，不可下。仲景云：傷寒不大便六七日，頭疼有熱，與承氣湯。小便清者，知不在裏。大便硬，小便少者，未可攻。恐津液還入胃，必先硬後瀉也。小便自如，〔批〕李知先云：小便自如，謂如常也。每日三行。今日三行行不多不少，故曰自如。乃可攻之。當問其小便日幾行，若本小便日三四行，今日再行，故知大便不久出。今為小便數少，以津液當還入胃中，故知不久必大便也。陽明病，自汗出，若發汗，小便自利者，不可下。此為津液內竭。雖硬不可攻之，當須自大便，蜜導之。若土瓜根、大豬膽汁，皆可導之〔正百十一〕〔二〕。以此知古人慎用轉藥如此。

〔十五〕問表裏兩證俱見

答曰：傷寒表證當汗，裏證當下，不易之法也。發表攻裏，本自不同。甘遂、神丹不可以合飲，桂枝、承氣安可以並進？然而假令病人脈浮而大，是表證當汗，其人發熱，煩渴，小便赤，却當下，此是表裏證俱見，五苓散主之〔正六十六〕。仲景云：中風發熱，六七日不解而煩，有表裏證，渴欲飲水，水入則吐者，名曰水逆，五苓散主之。假令傷寒不大便六七

注〔一〕仁 原作「人」，「人」通「仁」。逕改。下文「梔子人」、「杏人」、「桃人」、「薏苡人」、「酸棗人」之「人」同。
〔二〕 原作「九」，據目錄及吳勉學本改。

日，頭痛有熱者，是裏證當下，其人小便清者，知不在裏，仍在表，當須發汗，此是兩證俱見，即未可下，宜與桂枝湯。正一。假令病人心下滿，口不欲食，大便硬，脈沉細，是裏證當下，其人頭汗出，微惡寒，手足冷，却當汗，此兩證俱見者，仲景所謂半在裏半在表也，小柴胡湯主之。正九。假令太陽病，表證未除，而醫數下之，遂協熱而利，利不止，心下痞硬，仲景謂之表裏不解，桂枝人參湯主之。（正十）
六。本太陽病，醫反下之，因爾腹痛，是有表，復有裏。仲景用桂枝加芍藥湯；（正十）
二。痛甚〔批〕「痛甚」，仲景作「大實痛」，是者，桂枝加大黃湯。又云：太陽病，桂枝證，醫反下之，利遂不止，脈促者，表未解也，喘而汗出者，葛根黃芩黃連湯主之。（正十）
三。此皆仲景治傷寒有表復有裏之法，學者當以意推之也。

〔十六〕問無表裏證

答曰：傷寒四五日後，以至過經，十二日為過經。無表證，又於裏證未可下者，但非汗證，亦非下證也，皆可用小柴胡。正廿九。隨證加減用之。加減法在第十二卷藥方中。以至十餘日者，亦可用。十餘日外，用小柴胡湯不愈者，若大便硬，看證可下，則用大

柴胡下之。正三十。以過經^(一)，其人氣稍虛，當下者，用大柴胡湯則穩。蓋恐承氣湯太緊，病人不禁也。仲景云：六七日目中不了了，睛不和，無表裏證，大便難，身微熱，此為實也，當下之，宜大承氣湯。正四十一。又云：病人無表裏證，發熱七八日，脈雖浮數，可大柴胡下之。正三十。假令已下，脈數不解，至六七日不大便者，有瘀血也，屬抵當湯。正九十一。

〔十七〕問病人有身大熱，反欲得衣，有身大寒，反不欲近衣者

答曰：此名表熱裏寒，表寒裏熱也。病人身大熱，反欲得衣，熱在皮膚，寒在骨髓也，仲景無治法，宜先與陰旦湯，難六。寒已，次以小柴胡加桂難三十九。以溫其表。病人身大寒，反不欲近衣，寒在皮膚，熱在骨髓也，仲景亦無治法，宜先與白虎加人參湯，正六十五。熱除，次以桂枝麻黃各半湯正二。以解其外。大抵病有標本，治有先後，表熱裏寒者，脈須沉而遲，手或微厥，下利清穀也，所以陰證亦有發熱者，四逆湯，正七十四。通脈四逆湯主之。正八十一。〔批〕按：仲景止分皮膚、骨髓，與經絡屬表，臟腑屬裏之例

注〔一〕過經 原作「經過」，據吳勉學本乙轉。

活人書 活人書卷第三

四四

不同。若以皮膚為表，骨髓為裏，則麻黃湯證骨節疼痛，其可名為有表復有裏耶？表寒裏熱者，脈必滑而厥，口燥舌乾也，所以少陰惡寒而踴，時自煩，不欲厚衣，用大柴胡下之正三十。而愈。
〔批〕按：仲景篇少陰病，惡寒而踴，時自煩，欲去衣被者，可治。今改作不欲厚衣，何哉？況惡寒最慎於下。今言下之，又何耶？此皆仲景之餘議也。

活人書卷第四

此一卷論陰陽。治傷寒須識陰陽二證。手足各有三陰三陽，合為十二經。在手背者為陽，屬表，為腑。在手掌者為陰，屬裏，為臟。足經倣此。傷寒只傳足經，不傳手經。《素問·熱論》亦只說三陰三陽受病。巢氏言一日太陽屬小腸，誤矣。足之陽者，陰中之少陽；足之陰者，陰中之太陰。足之三陽從頭走足，足之三陰從足走腹。陽務於上，陰務於下。陽行也速，陰行也緩。陽之體輕，陰之體重。陰家脈重，陽家脈輕。陽候多語，陰證無聲。陽病則旦靜，陰病則夜寧。陽虛則暮亂，陰虛則夜爭。陰陽消息，證狀各異。然而物極則反，寒暑之變，重陽必陰，重陰必陽。陰證似陽，陽證似陰，陰盛隔陽，似是而非，若同而異，明當消息，以法治之。

〔十八〕問陰證

答曰：太陰、少陰、厥陰，皆屬陰證也。太陰者，脾也。少陰者，腎也。厥陰者，肝也。何謂太陰證？太陰脾之經，主胸膈腹脹。〔批〕按，仲景篇喘而胸滿者，麻黃湯是屬表

也。胸脇滿者，小柴胡湯是半表半裏也。至於太陰，止云腹滿，可見太陰不主胸脇，明矣。

《甲乙經》云：邪生於

陽者，得之風雨寒暑，邪中於陰者，得之飲食居處，陰陽喜怒。又曰：賊風虛邪者，陽受之；飲食不節，起居不時者，陰受之。陽受之則入腑，陰受之則入臟。入六腑，則身熱，不時臥，上為喘呼。

〔批〕別本無「卧」字。

又本作「不得卧」，無「上」字。

人五臟則腹滿

閉塞，下為飧泄，久為腸澼。何謂少陰證？少陰腎之經，主脈微細，心煩但欲寐，或自利而渴。又問經云：一二日少陰病者，何耶？答曰：謂初中病時〔一〕，腠理寒，使人陰經，不經三陽也。

傷寒雖是三陰三陽，大抵發於陽則太陽也，發於陰則少陰也。此二經為表裏，其受病

最為多。陽明、太陰受病頗稀。至於少陽、厥陰肝膽之經，又加少焉。凡病一日至十二三日，太陽證不罷者，但治太陽。有

初得病，便見少陰證者，直攻少陰，亦不必先自太陽，次傳而至。蓋寒氣入太陽即發熱而惡寒，入少陰經，

只惡寒而不發熱也。三陰中寒，微則理中湯，正七十四。稍厥或中寒下利，即〔批〕別本作「即

宜」。乾薑甘草湯。（正五十五）。手足指頭微寒冷，謂之清（音去聲），此未消啜四逆，蓋疾輕故也，只可服理中、乾薑

之類。大段重者用四逆湯，正七十四。無脈者用通脈四逆湯也。正八十。何謂厥陰證？厥陰肝

之經，主消渴，氣上衝，心中疼熱，饑不欲食，食則吐衄，下之利不止也。若陰氣

注〔一〕謂初中病時 原作「初謂中病時」，據吳勉學本改。

獨盛，陽氣暴絕，〔批〕既暴絕矣，是為不治，又何藥焉。莫若以「極微」二字易「暴絕」。庶不為竭絕之證。次篇陽暴絕同此。則為陰毒，其證四肢逆冷，臍腹築痛，身如被杖，脈沉疾，或吐，或利，當急灸臍下，服以辛熱之藥，令陽氣復而大汗解矣。古人云：辛甘發散為陽。謂桂枝、甘草、乾薑、附子之類，能復其陽氣也。微用辛甘，甚則用辛。若陰極發躁，陰證似陽，學者當以脈別之。

〔十九〕問陽證

答曰：太陽、陽明、少陽，皆屬陽證也。太陽者，膀胱也。發熱惡寒、頭疼、腰痛而脈浮也。陽明者，胃也。不惡寒反惡熱，濇濇汗出，大便秘，潮熱而脈長也。少陽者，膽也。口苦咽乾，脇下滿，發熱而嘔，或往來寒熱而脈弦也。麻黃湯、正二十。大青龍湯、正三十五。桂枝湯治太陽經脈風寒也。大柴胡、正三十。調胃承氣湯、正四十二。小承氣湯、正四十二。大承氣湯、正四十二。治陽明傷寒也。小柴胡湯、正二十九。治少陽傷寒也。其他藥，皆發汗吐下後證也。若陽氣獨盛，陰氣暴絕，即為陽毒，必發躁、狂走、妄言、面赤、咽痛、身斑斑如錦文〔一〕，或下利赤黃，脈洪實或滑促，當以

注〔一〕文通〔一〕紋。下同

酸苦之藥，令陰氣復而大汗解矣。古人云：酸苦湧泄為陰。謂苦參、大青、葶藶、苦酒之類。雜十六。能復其陰氣也。微用苦，甚則兼用酸苦折熱復陰。若熱極發厥，陽證似陰，〔批〕陽證似陰，與前段陰證似陽，俱當以脈別之。學者當以脈別之。

〔二十〕問手足逆冷，臍腹築痛，咽喉疼，嘔吐下利，身體如被杖，或冷汗煩渴，脈細欲絕

答曰：此名陰毒也。陰毒之為病，初得病手足冷，背強，咽痛糜粥不下，毒氣

攻心，心腹痛，短氣，四肢厥逆，嘔吐下利，體如被杖，〔批〕別本「杖」下有「有汗者」三字。

宜服陰毒甘草湯，雜七。白朮散，雜八。附子散，雜九。正陽散，雜十。肉桂散，雜十一。回

陽丹，雜十二。返陰丹，雜十三。天雄散，正元散，退陰散，並〔一〕雜十四。之類，可選用之。

大抵陰毒本因腎氣虛寒，或因冷物傷脾，〔批〕別本「傷脾」下有「或因慾事傷腎」六字。外感〔批〕「外

感」別本作「外傷」。風寒，內既伏陰，外又感寒，或先感外寒，而內伏陰，內外皆陰，則

陽氣不守，遂發頭疼，腰重，腹痛，眼睛疼，身體倦怠，四肢逆冷，額上手背冷汗

不止，或多煩渴，精神恍惚如有所失，三二日間，或可起行，不甚覺重，診之則六脈俱沉細而疾，尺部短小，寸口脈或大。六脈俱浮大，〔批〕「浮」別本作「洪」。或沉取之大而不甚疾者，非陰證也。大抵陽毒傷寒其脈多弦而洪數，陰毒傷寒其脈沉細而弦疾，不可不知也。〔批〕按：仲景叙陰毒之證，不過面目青，身痛如被杖，咽喉痛而已。並不言陰寒極甚之證。況其所治之方，亦不過升麻、甘草、當歸、蟬甲而已，並不用大溫大熱之藥。是知仲景論乃是感天地惡毒異氣入於陰經，故曰陰毒。今以陰寒極其稱為陰毒，乃以仲景所敘證并而言之，却用正陽等熱藥以治，竊為陰寒極甚，固亦可名為陰毒，然終非仲景立名之本意。學者宜作兩般看，不可混同一治。若誤服

涼藥，則渴轉甚，躁轉急，有此病證者，便須急服辛熱之藥，一日或二日便安。

若陰毒漸深，其候沉重，四肢逆冷，腹痛轉甚，或咽喉不利，心下脹滿結硬，躁渴，虛汗不止，陽盛則身熱而無汗，陰盛則身冷而有汗。岐伯云：陽勝則身熱，腠理閉，喘粗為之俛仰，汗不出而熱。

陰勝則身寒，汗出身常清，數慄而寒，寒則厥。或時鄭聲，指甲面色青黑，六脈沉細而疾，一息七至已來，有此證者，速於氣海與關元二穴灸〔二〕三二百壯，以手足和煖為效，仍兼服正陽散、肉桂散、回陽丹、返陰丹、天雄散、白朮散，內外通逐，令陽氣復而大汗解矣。
陰獨盛而陽氣暴絕，則為陰毒。若陽獨盛而陰氣暴絕，則為陽毒。大凡陰陽離絕，非大汗不能復其正氣也。若

注〔二〕灸 原作「炙」，誤。據吳勉學本改。

陰毒已深，疾勢困重，六脈附骨，取之方有，按之即無。一息八至已上，或不可數，至此則藥餌難為攻矣。但於臍中用葱熨法，雜十五。或灼艾三五百已來，手足不溫者，不可治也。如得手足溫，更服前熱藥以助之。若陰氣散，陽氣來，即漸減熱藥而調治之。陽氣乍復，往往却煩躁，慎不可投涼藥。煩躁甚者，再與返陰丹即定。常須識此，勿令誤也。陽伯按：陰

證甚者為陰毒，脈却沉細而疾，或有一息至七至以來者，不可不知。〔批〕按：陽毒、陰毒，仲景明指外感，叔和論以內輕而外重，奉議說則內重而外輕，必須詳審脈證，方可投劑，否則彈指之間，人命似寄矣。

〔二十一〕問發躁狂走，妄言，面赤，咽痛，身斑斑若錦文，或下利赤黃，而脈洪實

答曰：此名陽毒也。傷寒病，若陽氣獨盛，陰氣暴絕，必發躁狂走妄言，面赤，咽痛，身斑斑若錦文，或下利赤黃，脈洪實或滑促，〔批〕別本「滑促」下有「無汗者」三字。宜用酸苦之藥，令陰氣復而大汗解矣。葶藶苦酒湯，雜十六。陽毒升麻湯，雜十七。大黃散，雜十八。梔子仁湯，雜十九。黑奴圓，雜二十。可選而用之。近人治傷寒脈洪大，內外結熱，舌卷焦黑，鼻中如烟煤，則宜以水漬布薄之，疊布數重，新水漬之，稍拭去水，搭於胸上，須臾蒸熱，又漬令冷，如前薄之，仍數換新水，日數十易。熱甚者，置

病人於水中，熱勢才退則已，亦良法也。

〔二十二〕問病人潮熱，獨語如見鬼狀，發則不識人，尋衣撮空，直視微喘

答曰：仲景云：傷寒若吐、若下後，不解，不大便五、六日，上至十餘日，日晡所發潮熱，不惡寒，獨語如見鬼狀。若劇者，發則不識人，循衣摸床，惕而不安，微喘直視，但發熱譫語者，大承氣湯主之。正四。若一服利，則止後服。脈弦者生，瀼者死。弦者，陽也，瀼者，陰也，陽證見陰脈者死。病人有陽證而脈瀼者，慎不可下。〔批〕按：仲景篇傷寒云云，直視脈弦者生，瀼者死，微者但云云後服止，作三節看。今但言劇者，而去其微者二字，混兩證通作一證，總用承氣，又將弦瀼本劇者斷語，移而繼于微者服藥之後，豈有但發熱譫語，別無惡候，遽然脈瀼而至于死地耶？仲景以弦為陰，今以之言陽，何耶？

〔二十三〕問胸膈不快，臍滿閉塞，唇青，手足冷，脈沉細，少情緒，或腹滿

答曰：此名太陰也。〔批〕太陰不主胸膈，辨見本卷陰證問中上。近人多不識陰證，纔見胸膈

不快，便投食藥，非其治也。大抵陰證者，由冷物傷脾胃，陰經受之也。主胸膈脹滿，面色及唇皆無色澤，手足冷，脈沉細，少情緒，亦不因嗜慾，但內傷冷物，或損動胃氣，遂成陰證。復投巴豆之類，胸膈愈不快，或吐而利，經一二日遂致不救，蓋不知寒中太陰也。太陰者，脾之經也。

又問萬一飲食不節，胸膈不快，寒中陰經，何法以治之？答曰：急作理中湯，加青橘、陳橘，剉如麻豆大，服一二劑，胸膈即快。枳實理中圓，雜八二。五積散尤良。

〔二十四〕問脈微細，欲吐不吐，心煩但欲寐，五六日自利而渴

答曰：此名少陰也。少陰之為病，欲吐不吐，心煩但欲寐，五六日自利而渴者，虛故引水自救。若小便色白者，少陰病形悉具。小便白者，以下焦虛有寒，不能制水，故令色白也，四逆湯主之。正七四。少陰病，若口燥舌乾而渴者，須急下之，不可緩也，大承氣湯主之。正四一。〔批〕一則四逆，一則承氣，總之治少陰，在人消息之。若脈沉而遲者，須溫之，四逆湯主之。蓋以口燥而渴者知其熱，脈細而遲者，別其寒也。少陰屬腎，古

人謂之腎傷寒也。腎傷寒口燥舌乾而渴，固當急下。大抵腎傷寒亦多表裏無熱，但苦煩憤，默默而極，不欲見光明，有時腹痛，其脈沉細，舊用四順湯，古人恨其熱不堪用。云腎病而體猶有熱者，可服仲景四逆散（正七五）。若已十餘日，下利不止，手足微冷，乃無熱候，可增損四順湯（雜百十九）。少陰病，若惡寒而踰，時時自煩，不欲厚衣者，用去大黃大柴胡湯。（正三十）。〔批〕別本作大柴胡下之。又本作大柴胡減大黃。按：大柴胡辨見三卷表熱裏寒答中上。少陰病，始得之，反發熱，脈沉者，麻黃細辛附子湯（正二三），微汗之。少陰病，得之二三日，常見少陰無陽證者，亦須微發汗，宜麻黃附子甘草湯（正二十二）。〔批〕常見少陰無陽證辨見三卷表證答中上。此學者不可不知也。

〔二十五〕問身微熱，煩躁面赤，脈沉而微

陽伯按：要知陰證即身熱，

但微熱耳。

答曰：此名陰證似陽也。陰發躁，熱發厥，物極則反也。大率以脈為主，諸數為熱，諸遲為寒，無如此最驗也。假令身體微熱，煩躁面赤，其脈沉而微者，皆陰證也。〔批〕別本「赤」下有「眼閉」二字。身微熱者，裏寒故也。煩躁者，陰盛故也。面戴陽者，下虛故也。若醫者不看脈，以虛陽上隔（二）躁，誤以為實熱，反與涼藥，則氣

注〔一〕「隔」通「隔」。下同。

消成大病矣。〔批〕別本「膈下」有「發煩」二字。《外臺秘要》云：陰盛發躁，名曰陰躁，欲坐井中，宜以熱藥治之。仲景少陰證面赤者，四逆加蔥白主之。

〔二十六〕問手足逆冷而大便秘，小便赤，或大便黑色，脈

沉而滑

陽伯按：要知陰證當自利，但大便秘，小便赤者，即非陰證矣。

答曰：此名陽證似陰也。重陽必陰，重陰必陽，寒暑之變也。假令手足逆冷，而大便秘，小便赤，或大便黑色，〔批〕別本「色」下有「眼閉」二字。其脈沉而滑者，皆陽證也。輕者白虎湯，正六十四。甚者承氣湯。正四十二。傷寒失下，血氣不通，令四肢逆冷，此是伏熱深，故厥亦深，速用大承氣。正四十一。加分劑下之，汗出立瘥。仲景所謂厥應下之者，此也。兼熱厥與陰厥自不同，熱厥者，微厥即發熱。若陰厥即不發熱，四肢逆冷，惡寒，脈沉而細，大小便滑泄矣。

〔二十七〕問身冷，脈細沉疾，煩躁而不飲水

答曰：此名陰盛隔陽也。傷寒陰盛隔陽者，病人身冷，脈細沉疾，煩躁而不飲

水者，是也。若欲引飲者，非也。不欲飲水者，宜服霹靂散，雜二十二。須臾躁止得睡，汗出即瘥。此藥通散寒氣，然後熱氣上行，汗出乃愈。火焰散，雜二十三。丹砂丸雜二十四。並主之。

〔二十八〕問手足逆冷

《溯洄集》辨厥與逆異。

答曰：此名厥也。厥者，逆也。陰陽不相順接，手足逆冷也。陽氣衰，陰氣盛，陰盛於陽，故陽脈為之逆，不通於手足，所以逆冷也。傷寒熱多厥少者，其病當愈。厥多熱少者，其病為進。然有冷厥，有熱厥，當仔細辨認。冷厥者，初得病日，便四肢厥冷，脈沉微而不數，足多攣臥而惡寒，或自引衣蓋覆，不飲水，或下利清穀，或清便自調，清便自調，即是大便如常。或小便數，外證多惺惺而靜，脈雖沉實，〔批〕「實」與「弱」相反。按之遲而弱者，知其冷厥也，四逆湯，正十四。理中湯，正七三。通脈四逆湯，正八十一。當歸四逆湯，正七八。當歸四逆加茱萸生薑湯，正七九。白通加豬膽汁湯，正九七。皆可選用也。熱厥者，初中病，必身熱頭痛，外別有陽證，至二三日，乃至四五日，方發厥，兼熱厥者，厥至半日，却身熱，蓋熱氣深則方能發厥，須在二三日後也。

若微厥即發熱者，熱微故也。其脈雖沉伏，按之而滑，為裏有熱。其人或畏熱，或飲水，或揚手擲足，煩躁不得眠，大便秘，小便赤，外證多昏憤者，知其熱厥也。

白虎湯、正六四承氣湯、正四二隨證用之。仲景云：傷寒一二日至四五日，厥者必發

熱，前熱者後必厥，厥深者熱亦深，厥微者熱亦微，厥應下之，而反發汗者，必口傷爛赤。熱厥當下，故云厥應下之者，若反發汗，必口傷爛赤也。又有下證悉具，而見四逆者，是失

下後，血氣不通，四肢便厥，醫人不識，却疑是陰厥，復進熱藥，禍如反掌。大抵熱厥須脈沉伏而滑，〔批〕熱甚，脈反沉伏而滑。頭上有汗，其手雖冷，時復指爪溫，須使用承氣湯下之，不可拘忌也。諸手足逆冷，皆屬厥陰，不可下，不可汗，然有須下，有須汗證者，謂手足雖逆冷，

時有溫時，手足掌心必暖，非正厥冷也，當消息之。若病人寒熱而厥，面色不澤，冒昧而兩手忽無脈，或一手無脈者，必是有正汗也。〔批〕兩手忽無脈，或一手無脈，是有正汗也。多用綿衣包手足令溫

暖，急服五味子湯，雜二十五。或兼與麻黃細辛甘草湯之類服之，〔批〕「啐」音「歲」。啐時，〔啐時〕周時也。必大汗而解矣。或傷寒厥逆，而心下怔忡者，宜先治水，當〔一〕服茯苓甘草湯〔正五十二〕，却治厥，不爾，水漬入胃，必下利也。又有病人手足厥冷，脈乍結者，

注〔一〕「當」原作「常」，據吳勉學本改。

邪氣結在胸〔二〕也，心下滿而煩，饑不能食者，病在胸中，當吐之，宜瓜蒂散。正

百十一。蓋病在胸中，亦能令人身足厥，但認脈乍結者是也。

陰盛則結，脈來緩時一止復來曰結，

主胸滿煩躁。若傷寒發厥，至七八日膚冷而躁，無時暫安者，為藏厥，此為難治。又問仲景少陰四逆湯，又有四逆散，何也？答曰：大抵少陰病，不可使用熱藥，且如少陰病，亦有表熱者，仲景謂之反發熱，用麻黃、細辛之類以發汗，終不成少陰證便不得發汗耶？今少陰病，四肢冷，亦有內熱者，仲景用四逆散正七六是也。四逆湯用附子、乾薑，而四逆散只用柴胡、枳實、芍藥，其義不同，何也？蓋四逆散主四逆，而其人或欬，或悸，或小便不利，或腹中痛，或泄利下重，已上病皆熱證耳。

〔批〕別本「今」字起，至「散」字止，十八字無。

〔二十九〕問吐長蟲

答曰：此名蚘厥也。蚘厥者，臟寒蚘上人膈，其人吐蚘也，此是厥陰證。或病人有寒，復發其汗，胃中冷，及因發汗復身熱，重發其汗，胃中虛冷，故長蟲上逆，

注〔一〕胸 原作「內」，據吳勉學本改。

先服理中丸，正七三。冷用烏梅丸。正百五。

〔三十〕問身體重，少氣，陰腫入裏，腹內絞痛，熱上衝胸，頭重不欲舉，眼中生花，婦人則裏急，腰胯連腹內痛

答曰：此名陰陽易也。傷寒病新瘥，陰陽氣未知，因合房室，則令人陰腫，人

腹絞痛，婦人則裏急，腰胯〔批〕尻上橫骨為腰胯〔苦瓦切〕。腰胯，兩股間也。連腹內痛，名為陰陽

易也。其男子病新瘥未平復，而婦人與之交接得病，名為陽易。其婦人病新瘥未平

復，男子與之交接得病，名曰陰易。若二男二女，并不相易。〔批〕別本「若二」作「易」九

字無。所以呼為易者，陰陽相感動，其毒疫著於人，如換易然。其病狀身體重，熱上

衝胸，頭重不能舉，眼中生花，四肢拘急，小腹絞痛，手足拳攣，皆死。〔批〕〔攣〕別

本作「則」。其亦有不即死者，病若小腹裏急，熱上衝胸，頭重不欲舉，百節解離，經

脈緩弱，血氣虛，骨髓枯竭，便恍恍翕翕，氣力轉小，着床而不能搖動，起止仰人，

或引歲月方〔批〕「方」，別本作「不」。死，燒裊散，正百十。猥音加。鼠糞湯，雜二十六。竹皮湯，

乾薑湯、青竹茹湯、當歸白朮湯、并雜二十七。可選用之。〔批〕按：仲景止用燒棍散，言簡而意至。今立二條，後人始知有寒熱之別。熱用燒棍，寒用蠶鼠，豈有一途而取哉。

活人書卷第四終

活人書 活人書卷第四

活人書卷第五

此一卷論治法。古人治傷寒有法，非雜病之比。五種不同，六經各異，陰陽傳受，口數淺深、藥劑溫涼，用有先後，差之毫釐，輕者危殆，況不識法者乎？傷寒惟兩感不治，其餘證候，雖感異氣，能消息之，無不愈者。其有差失，仲景所謂醫殺「二」之耳。知其治者，若綱在網，如此而汗，如此而吐，如此而下，桂枝、承氣、瓜蒂、四逆用之而不差。唯其應汗而下，為痞，為結胸，為懊憹。應下而汗，為亡陽，為譫語，為下厥上竭。又有當溫反吐，療熱以溫，變證百出，無復紀律，擾擾萬緒起矣。大抵傷於寒為病熱。孫真人云：服承氣湯得利瘥，慎不中補也，熱氣得補復成。王叔和云：虛熱不可大攻之，熱去則寒起。二人之論，疑若相戾，然熱氣有實有虛，非深得仲景之意，豈能至此耶？

〔三十一〕問冬謂之傷寒，春謂之溫病，夏謂之熱病

答曰：《素問》云：冬三月，是謂閉藏，水冰地坼，無擾乎陽。又云：彼春之

暖，為夏之暑，彼秋之忿，為冬之怒。是以冬令嚴寒，〔批〕別本作「嚴寒冬令」。為殺厲之氣，君子善攝生，當嚴寒之時，行住坐臥，護身周密，故不犯寒毒。彼奔馳荷重勞房之人，皆辛苦之徒也，當陽閉藏，而反擾動之，則鬱發腠理，津液強瀆，為寒所薄，膚腠緻密，寒毒與榮衛〔二〕相渾，當是之時，壯者氣行則已，怯者則著而成病矣。其即時而病者，頭痛身疼，肌膚熱而惡寒，名曰傷寒。其不即時病者，寒毒藏於肌膚之間，至春夏陽氣發生，則寒毒與陽氣相薄於榮衛之間，其病與冬時即病無異，但因春溫氣而變，名曰溫病；因夏熱氣而變，名曰熱病。溫、熱二名，直以熱之多少為義。陽熱未盛，為寒所制，病名為溫；陽熱已盛，寒不能制，病名為熱，故大醫均謂之傷寒也。〔批〕按：既以伏寒變而為溫為熱，尚可言寒能制其陽熱耶？蓋是春夏陽熱已變其伏寒，即非有寒不能制其陽熱也。外有寒邪能折傷氣者，乃是時行寒疫。與溫、熱二病所論陽氣盛衰，時日則同。至於論暴寒之寒，與伏寒已變之寒，自是相遠矣。

〔三十二〕問三日已前當汗，三日已後當下

答曰：古人云：未滿三日者，可汗而已；其滿三日者，可泄而已，此大略之言

注〔二〕衛原作「衝」，諸本同，形誤，據文義改。

耳。病人有虛有實，邪氣傳受遲速不等，豈可拘以日數！仲景云：日數雖多，但有表證而脈浮者，即〔一〕宜發汗。日數雖少，若有裏證而脈沉者，即宜下之。正應隨脈以汗下之。

傷寒固有始得病便變陽盛之證，須便下之。又有腠理寒一二日，便成少陰病者，須急溫之。又況六氣

之邪，乘虛入經，自背得之，則人太陽，或人少陰。

緣少陰有伏脈在背。

自面感之，則人陽

明之類，不必皆始於太陽。兼寒邪有首尾止在一經，或間傳一二經，不可以一理推，但據脈與外證治之，此活法也。假令有人脈浮，頭項強痛，發熱而惡寒，每日如此，不以日數多少，止是太陽經受之。其餘經絡皆倣此。大抵傷寒憑脈與外證以汗下之。若過日多，脈尚大浮數，按之不足者，尚責太陽也，可發汗而愈；若按之實者，汗之必死，須下之而愈也。若始得病，脈細沉數，外證或腹滿咽乾，或口燥舌乾而渴，為正責屬裏，可下之而愈。若無此證，但發熱脈沉者，誤下必死，〔批〕人皆言脈沉在裏，可下，却有脈沉誤下必死之證。須行麻黃附子甘草湯，正二十二。麻黃〔二〕細辛附子湯正二十三。小發汗。此皆仲景之確論也。

注〔一〕「即」原作「由」，據吳勉學本改。

〔二〕黃 原作「草」，據目錄及吳勉學本改。

〔三十三〕問陽虛陰盛，汗之則愈，下之則死；陽盛陰虛，汗之則死，下之則愈

答曰：《素問》云：陽虛則外寒，陰虛則內熱，陽盛則內熱，陰盛則外寒。故治傷寒者，陽虛陰盛，汗之則愈，下之則死；陽盛陰虛，汗之則死，下之則愈也。陰虛陽盛，非謂分脈尺寸也。表，陽也；裏，陰也。〔批〕按：仲景所主陰陽虛盛，蓋指一為表證，一為裏證，邪在消長而言，非兼言表和裏病，裏和表病也。今却將《素問》所論雜病陰陽虛盛四證合而引證仲景傷寒二證之發，又改陽盛外熱作內〔一〕熱，陰盛內寒作外寒，旁牽《外臺》所論合，何耶？《外臺》云：表病裏和，汗之則愈，表和裏病，下之則愈。亦只是論表裏陰陽以汗下之。《難經》云：陰陽虛實者，說脈也。《素問》云：陰陽虛盛者，說表裏也。仲景論傷寒汗下，故引《素問》表裏之義，與《外臺》所論合矣。大抵榮衛為表，屬陽；胃腑為裏，屬陰。寒毒爭於榮衛之中，必發熱而惡寒，尺寸俱浮大，內必不躁，設有微煩，其人飲食欲溫而惡冷，為陽虛陰盛也，汗之則愈，誤下則死。若寒毒相薄於榮衛之內，而陽盛陰衰，極陰變陽，寒盛生熱，而陽熱之氣盛而人裏，熱

注〔一〕內 原作「陽」，據文義改。

毒居胃，水液乾涸，燥糞結聚，其人外不惡寒，必蒸蒸發熱而躁，甚則譫語，其脈浮滑而數，或洪實，為陽盛陰虛也，下之則愈，誤汗則死。

謹按〔一〕：黃帝《素問·調經論》云：陽虛則外寒，陰虛則內熱，陽盛則外熱，陰盛則內寒，蓋陽主外，而陰主內。又曰：陽虛陰盛，汗出而愈，下之則死；陽盛陰虛，汗出而死，下之則愈。今三十三問誤寫作「陽盛則內熱，陰盛則外寒」。竊詳內外寒熱不同，則汗下差誤，便分死生。又按，將作監簿王宗正《難經疏義》有陰陽盛虛汗下圖，與《素問》合，以理考之，此是三十三問誤寫，合行刊正，勿誤後人。

〔三十四〕問仲景有發汗者，有和解之者

答曰：傷寒表證須看榮衛淺深，故仲景有正發汗湯劑，如麻黃湯、正二十。桂枝湯、
正一。大青龍湯
正三五。是也。有和解其表，如小青龍湯、正三六。桂枝麻黃各半湯、
正二。白虎湯、
正六四。桂枝湯、
越婢湯、
正四。柴胡桂枝湯、
正三十一。小柴胡湯
正二十九。之

注〔一〕謹按：一段原缺，據吳勉學本補入。

類是也。後人不能深究寒邪〔批〕別本作「熱」。淺深，藥性緊慢，一概用藥，因茲夭傷。其間縱獲生全，往往汗後虛乏，遂致勞復，或變生百病，淹引歲月，卒至不救。此皆由汗下過度，陰陽并竭，血氣羸損，以致此禍。如遇病輕，但當和解之，所謂和其榮衛，以通津液，令其自解也。

〔三十五〕問仲景有宜下之，有微和其胃氣者

答曰：傷寒裏證，須看熱氣淺深。故仲景有宜下之，如大承氣湯、正四一。小承氣湯、正四二。十棗湯、正八九。大柴胡湯正三十。是也。有微和其胃氣，如調胃承氣湯、正四三。脾約圓、雞六六。少與小承氣正四二。微和之之類是也。《金匱玉函》云：虛者十補勿一瀉，強實者瀉之，虛實等者，瀉勿大瀉之。〔批〕別本「瀉之」下有「梅師亦云：宿病老弱人，服今藥方，相及為佳耳」十八字。故王叔和序傷寒有承氣之戒。

又問轉藥孰緊？答曰：大承氣最緊，〔批〕「最」上有「厚朴多」三字。小承氣次之，調胃承氣湯又次之，大柴胡又次之。仲景治法，蕩滌熱積皆用湯液，不得用圓子藥，不可不知也。大柴胡加大黃，小柴胡加芒硝，方為轉藥。蓋為病輕者設也。〔批〕治傷寒不得用圓子藥，仲景云：知醫以

圓藥下之，非其治也。

〔三十六〕問傷寒一日，頭疼、口乾、煩滿而渴。二日腹滿、身熱、不欲食、譫語。三日耳聾、囊縮而厥，水漿不入，不知人。

答曰：此名兩感傷寒也。兩感者，表裏俱病也。太陽與少陰為表裏，陽明與太陰為表裏，少陽與厥陰為表裏。陰陽雙傳，臟腑俱病，此為難治，六日而死矣。故一日太陽與少陰俱病，則頭痛、口乾、煩滿而渴。二日陽明與太陰俱病，則腹滿、身熱、不欲食、譫語。三日少陽與厥陰俱病，則耳聾、囊縮而厥。仲景無治法，但云兩感病俱作，治有先後，發表攻裏，本自不同。陽伯按：此正是仲景言不可治處。尋至第三卷中，言傷寒下之後，得下利不止，身疼痛者，當急救裏，宜四逆湯正七五。復身體疼痛，清便自調者，急當救表，宜桂枝湯。正一遂以意尋比倣效，治兩感有先後，宜先救裏，若陽氣內止，即可醫也。內才正，急當救表，蓋內尤為急，才溫內，則急救表亦不可緩也。〔批〕按：三陽頭痛，身熱，耳聾，救表已，白不可汗。三陰口乾，煩渴，腹滿，囊縮而厥，不下可

乎？今引下利身疼痛，虛寒救裏之例，而欲施於煩渴、腹滿、譫語、囊縮、熱實之證，然乎？否乎？蓋仲景所謂發表者，葛根、麻黃是也。所謂攻裏者，調胃承氣是也。今以救為攻，豈不相悖。「得下利」別本作「復下利」。此原非仲景治兩感本意，亦見奉議公活人厚意，蓋如遇此證，束手不藥，誠不忍也。

〔三十七〕問傷寒已經發汗吐下仍不解

古人謂之壞病。

答曰：仲景云：太陽病三日，已發汗，若吐，若下，若溫針，仍不解者，為壞病，桂枝不中與也，當知何逆，隨證治之。又云：太陽病不解，轉入少陽者，脇下硬滿，乾嘔不能食，往來寒熱，尚未吐下，其脈沉緊者，可與小柴胡湯。正二十九。若已吐下發汗，小柴胡證罷，此為壞病，知犯何逆，以法治之。蓋為病中又感異氣，變為壞病。陽伯按：既云吐下發汗，又云感異氣，何耶？〔批〕按：仲景所謂壞病者，如汗後亡陽動經，胃燥譫語，下

後虛煩、結胸、痞氣，及吐後內燥、腹滿等證是也。此止所謂桂枝不中與、小柴胡證罷者，曷嘗指異氣之病為此壞病耶？仲景雖云更感異氣變他病，即《素》、《難》所謂二氣三氣雜合為源是也。病未嘗壞，故以變證名之，一曰壞證，一曰變證，名目自是不同，可見異氣不為壞病也審矣。以時令寒暑燥濕風氣不〔二〕節，脈息與少陽相異，小柴胡

注〔一〕氣不原作「火六」，據吳勉學本改。

證罷。證候與傷寒不同，麻黃、桂枝不中與也。明當消息其由，以法治之。若脈尺寸俱盛，重感於寒，變為溫瘧。先熱後寒，名曰溫瘧。在第六卷四十四問。陽脈浮滑，陰脈濡弱，更遇於風，變為風溫。四肢不收，頭疼身熱，常自汗出。在第六卷四十五問。陽脈洪數，陰脈實大，更遇溫熱，變為溫毒，為病最重。春月肌肉發斑，名曰溫毒。在第六卷五十一問。陽脈濡弱，陰脈弦緊，更遇溫氣，變為溫疫。一歲之中，長幼疾壯多相似，感四時不正之氣。在第六卷四十六問。脈證之變，方治不同。仲景〔批〕仲景二字，疑作《難經》。謂溫病之脈，行在諸經，不知何經之動，隨其經而取之也。又有傷寒過經，再受熱邪，留畜臟腑，病候多變，久而不瘳，陰陽無復綱紀，及傷寒解後，虛羸少氣，皆名壞傷寒也。知母麻黃湯、雜二十八。鱉甲散、雜二十九。黑奴圓。雜二十。檢方與病證相參選用之。若傷寒解後，虛羸少氣，氣逆吐者，竹葉石膏湯主之。陽伯按，奉議此條議論，頗乖長沙宗旨，春沂公辨之甚明，余始接讀便疑，及觀春沂公辨，嘆其先得我心，然以言變證頗悉。

活人書卷第六

此一卷論傷寒、傷風、熱病、中暑、溫病、溫瘧、風溫、溫疫、中濕、濕溫、瘧〔批〕瘧，音職。病、溫毒之名。天下之事，名定而實辨，言順則事成。又況傷寒之名，種種不同，若識其名，縱有差失，功有淺深，效有遲速耳。不得其名，妄加治療，往往中暑乃作熱病治之，反用溫藥，濕溫乃作風溫治之，復加發汗，名實混淆，是非紛亂，性命之危，危於風燭。今於逐問下，詳載疾狀而名之曰某病，庶幾因名識病，因病識證，如暗得明，胸中曉然，無復疑慮，而處〔二〕病不差矣。

〔三十八〕問脈浮而緊，瀼，頭疼，身體拘急，惡寒無汗，寒多熱少，面色慘而不舒，腰脊疼痛，手足指末微厥，不煩躁

答曰：此名傷寒也。傷寒之候，發熱惡寒，頭疼腰脊痛，脈緊無汗，宜發汗而解，麻黃湯主之。正三十。輕者，只與桂枝麻黃各半湯。正二。人參順氣湯。雜三十。葱豉

注〔一〕處（cha）楚（）楚胃、處方之意。

湯、雜十四。蒼朮散、雜三十一。麻黃葛根湯雜三十二。可選而用之。然太陽病，亦有熱多寒少者，須仔細看脈與證也。熱多寒少，不嘔，清便自可，宜桂枝麻黃各半湯。若脈浮者「二」，雖熱多寒少，自可發汗。若脈弱者，無陽也，桂枝二越婢一湯主之。正四。熱多寒少，而尺脈遲者，榮氣不足，血少故也。先以小建中湯正二十七。加黃耆最良。尺脈尚遲，再作一劑。或太陽證宜汗，而其人適失血及下利，則頻頻與少桂枝湯，正。使體潤榮熱連日當自解。假如淋家、衄血家法不可汗，亦可以小柴胡正二十九。之類和解之。〔批〕別本「麻黃湯下有「主之，輕者只與桂枝麻黃各半湯」十三字。反將「人參」起，至「用之」二十一字作注，誤。按：仲景篇「其人不嘔，清便欲自可」九字，本是愈之注。今反添「熱多寒少」四字於其上，以他證各半湯汗之，何耶？又按之：仲景篇脈浮緊，法當身疼痛，宜以汗解之，假令尺中遲者，不可發汗，以榮氣不足，血少故也。今但舉尺中遲、血少之語，而添「熱多寒少」四字，又何耶？

〔三十九〕問脈浮而緩，寸大而尺弱，自汗，體熱，頭疼，惡風，熱多寒少，其面光而不慘，煩躁，手足不冷
答曰：此名傷風也。傷風之候，頭疼，發熱，脈緩，汗出，惡風，當須解肌，

注「二」者 別本作「緊」。

宜桂枝湯主之。正。輕者只與柴胡桂枝湯，正三十一。敗毒散，雜三十三。獨活散，雜三十四。

可選用。〔批〕別本「桂枝湯」下，有「主之。輕者只與柴胡桂枝湯」十一字，反將「敗」字起，至「用之」字止十字作

注，誤。又本「獨活散」下有「人參羌活散」五字。治太陽中風有汗，用桂枝湯。凡脈緊必無汗，雖濡而緊，

却自汗，勿誤用小建中湯也（正三十七），須是脈浮而緩者，方可用桂枝也。項背強者，桂枝湯加葛根也（正三

十八）。《本草》：葛根主傷風有濕，開竅解肌。蓋桂枝加葛根者，謂中風有濕當加之。去其風濕取微汗者，風濕去也。裏寒

者，不飲水者是也。桂枝去芍藥加附子湯也（正八。凡發汗後，汗不止，為漏風，桂枝加附

子湯主之（正六。腹滿者，太陰證。脈浮者，可服桂枝湯微發汗。腹痛者，桂枝加芍藥

湯（正十二。痛甚者，桂枝加大黃湯也。正十三。雖然桂枝湯自西北二方居人，四時行之，

無不應驗。自江淮間，唯冬及春初可行。自春末及夏至已前，桂枝證可加黃芩半兩。

陽旦湯是也（雜百十六）。夏至後，有桂枝證，可加知母二兩、石膏二兩，或加升麻半兩。

若病人素虛寒者，正用古方，不在加減也。歧伯所謂同病異治者，此也。大抵用溫藥當避春，用熱藥當

避夏。《素問》所謂用溫遠溫，用熱遠熱者也。又問傷寒與傷風，何以別之？答曰：傷寒者，脈緊而

瀼；傷風者，脈浮而緩。傷寒者，無汗，脈瀼故也。傷風者，有汗。傷寒者畏寒不畏風；

傷風者畏風不畏寒。〔批〕按：仲景桂枝證言惡寒、惡風，麻黃證止言惡風，反不言惡寒。今云傷寒不畏風，傷風不

畏寒，得非知常而不知變歟？大抵太陽病者，必脈浮、發熱、惡風、惡寒也。惡寒者，不當風而自憎寒，惡風者，當風而憎寒也。六經皆有傷風、傷寒，其證各異。太陽脈浮有汗為中風，脈緊無汗為傷寒。陽明善饑為中風，不食為傷寒。少陽兩耳聾、目赤、胸滿而煩為中風，口苦咽乾目眩為傷寒。若三陰傷風無變異形證，但四肢煩疼，餘證同三陽也。

〔四十〕問有發熱惡寒，煩躁，手足溫，而脈反浮緊者，有寒多熱少，不煩躁，手足微冷，而脈反浮緩者

答曰：此名傷風見寒脈，傷寒見風脈也。蓋發熱惡風、煩躁、手足溫為中風候，脈浮緊為傷寒脈〔一〕，是中風見寒脈也。寒多熱少不煩躁，手足微厥為傷寒候，脈浮緩為中風脈，是傷寒現風脈也。中風見寒脈，傷寒見風脈，俱宜服大青龍湯。正三十五。蓋大青龍證，脈似桂枝反無汗，病似麻黃反煩躁是也。脈弱有汗為桂枝證，脈緊不煩躁為麻黃證。大青龍湯治病與麻黃湯證相似，但病尤重而又加煩躁者，用大青龍湯也。以

其中風并傷寒俱盛，故青龍湯添麻黃作六兩，又似合桂枝湯藥味在內添石膏，所以為緊，此治榮衛俱病，若證不審，誤用大青龍湯，則發汗多傷人。以其有煩躁一證，故可用大青龍。大抵感外風者為傷風，感寒冷者為傷寒，故風則傷衛，寒則傷榮。桂枝主傷衛，麻黃主傷榮，大青龍主榮衛俱傷故也。風傷衛者，病在皮膚之間也。以衛行脈外，為陽主外。皮膚之間，衛氣之道路故也。其病淺。寒傷榮者，寒氣中於肌肉也。以榮行脈中，為陰主內。肌肉之間，榮氣之道路故也。其病深。所以桂枝與麻黃所施各異，戒勿誤用，以有淺深之別，風寒之殊。太醫〔一〕當宜審諦，大青龍尤宜慎用。仲景云：脈微弱，汗出惡風者，不可服青龍，服之則厥逆，筋惕肉瞤，此為逆也。《類纂》云：凡發汗過多，筋惕肉瞤，振搖動人，或虛羸之人，微汗出，便有此證，俱宜服真武湯（正百五）以救之。羸甚者，芍藥或量多少與之。惡熱藥者，去附子。餘依加減法。仲景制真武湯，乃為合用桂枝，却用麻黃之類。發汗多，亡陽有此證，故用真武湯，若調理順者，無此證也。

〔四十一〕問夏月發熱惡寒，頭疼，身體肢節痛重，其脈洪盛者

答曰：此名熱病也。冬傷於寒，因暑氣而發為熱病。治熱病與傷寒同，有汗宜桂枝湯，正一。無汗宜麻黃湯，正二。加煩躁者宜大青龍湯。正三十五。然夏月藥性須帶

注〔一〕太醫 吳勉學本作「夫醫」，芳蘭榘本作「大醫」。

涼，不可太溫，桂枝、麻黃、大青龍須用加減法。夏至前，桂枝加黃芩半兩；夏至後，桂枝、麻黃、大青龍加知母一兩，石膏二兩，或加升麻半兩也。蓋桂枝、麻黃湯性熱，地暖之處，非西北之比，夏月服之，必有發黃斑出之失。熱病三日外，與湯不瘥，脈勢仍數，邪氣猶在經絡，未入臟腑者，桂枝石膏湯主之。雜三十五。此方夏

至後代桂枝證用，若加麻黃半兩可代麻黃、青龍湯用也。古方三月至夏為晚發傷寒，

梔子升麻湯雜三十六。亦可選用之。〔批〕按：因暑氣而發為熱病，用桂枝、麻黃、大青龍湯辛熱之劑。溫病則

曰因春溫暖之氣而發，與冬月傷寒、夏月熱病不同，蓋熱輕故也，用升麻湯解肌湯辛溫之藥。又自知其說之抵牾，乃戒曰：

夏月藥性須帶涼，不可太溫。又曰：桂枝性熱，夏月服之，必有斑黃之失。熱病三日猶在經絡，宜桂枝石膏湯，又將梔子升

麻湯贅于末以結之。何其證治之矛盾哉。又問夏至後皆可行白虎湯液耶？答曰：白虎湯治中暑與

汗後一解表藥耳。今之醫者，見〔一〕六月中病，多云中暑，不辨熱病，用藥太涼，又況夏月陰氣在內，最難調治，

白虎湯尤宜戒之。〔批〕按：仲景言無表證者，可與白虎。今云汗後一解表藥，何耶？夏月陰氣在內，尤宜戒之，豈因前用桂

枝、麻黃、青龍之熱藥耶？

注〔一〕見原作「是」，據吳勉學本改。

〔四十二〕問夏月自汗、惡寒、身熱而渴，其脈微弱者

答曰：此名中暑也。太抵中暑與熱病外證相似，但熱病者脈盛，中暑者脈虛，以此別之。《甲乙經》云：脈盛身寒，得之傷寒；脈虛身熱，得之傷暑。蓋寒傷形而不傷氣，所以脈盛；熱傷氣而不傷形，所以脈虛。傷寒即身體肢節痛重，其脈洪盛，按之有力，此是冬月感寒深，至夏發耳。中暑即背寒，面垢，其面如塗油。《類纂》云：面垢者，陽證也。一名面塵，若塵埃之着面。手足微冷，煩渴口燥，但覺倦怠，四肢却不痛重，其脈微弱，按之無力，白虎湯主之；正六四。痰逆惡寒者，橘皮湯主之；維四。不惡寒者，竹葉湯主之。正九五。頭疼、惡心、煩躁，心下不快者，五苓散正六六。最妙。

又問中暑何故灑然毛聳惡寒？答曰：經云：四時八風之中人也，因有寒暑，寒則皮膚急，腠理閉；暑則皮膚緩，腠理開。開則灑然寒，閉則熱而悶。近人多不明中暑，或作熱病法治之，復用溫熱藥，必致發黃斑出，更為畜血，尤宜戒之。

〔四十三〕問夏至已前，發熱惡寒，頭疼，身體痛，其脈浮緊

答曰：此名溫病也。春月傷寒，謂之溫病。冬傷於寒，輕者夏至已前發為溫病，

蓋因春溫暖之氣而發也。又非溫疫也。治溫病與冬月傷寒、夏月熱病不同，蓋熱輕故也。

春初秋末，陽氣在裏，其病稍輕，縱不用藥治之，五六日亦自安。升麻湯、雜一。解肌湯、雜三八。柴胡桂枝

湯、正二一。最良。熱多者，小柴胡湯主之；正一九。不渴，外有微熱者，小柴胡加桂枝

也；〔批〕別本「枝也」下有「渴者小柴胡去半夏加人參、括蕒根」十四字。嗽者，小柴胡加五味子也；〔批〕

別本「子也」下，無「煩躁」至「利也」十八字。煩躁、發渴、脈實、大便秘澀者，大柴胡微利也。

或煩渴、發熱不惡寒，與虛煩者，並竹葉石膏湯。正九五。次第服之。麻黃、桂枝、大

青龍，唯西北三方四時行之無有不驗，若江淮間，地偏暖處，惟冬月及正初乃可用

正方，自春末至夏至已前，桂枝、麻黃、大青龍內宜加減也。〔批〕「減也」下，別本有「加減

法在熱病門」。

〔四十四〕問病人先熱後寒，尺寸脈俱盛

答曰：此名溫瘧也。先熱後寒，名曰溫瘧，病人尺寸俱盛，重感於寒，變成溫

瘧，小柴胡湯主之。正一九。瘧疾寒熱相等，及先熱後寒者，俱宜以小柴胡湯。先寒

後熱者，小柴胡加桂湯；雜二九。有多熱但熱者，白虎加桂湯；雜四十。有多寒但寒者，柴

胡桂薑湯；雜四一。有汗多煩渴，小便赤澀，素有瘴氣及不服水土，嘔吐甚者，可服五苓散。正六六。脈小緊，寒熱嘔吐，間日、頻日發作無時，大便秘者，可服大柴胡湯下之。正三下。脈浮大，寒熱往來者，可服祛邪圓。雜四四。吐之。久不愈者，服瘧母煎圓，雜四一。當自愈。治瘧之法，無以過也。大抵瘧脈自弦，弦數者多熱，弦遲者多寒，弦小緊者可下之。弦遲者可溫之，弦緊者可發汗，浮者可吐之。夏傷於暑，秋必病瘧，此非傷寒之謂，以其壞傷寒有溫瘧一證，故因而及之。

〔四十五〕問脈尺寸俱浮，頭疼、身熱，常自汗出，體重，

其息必喘，四肢不收，嘿嘿但欲眠

〔批〕別本「喘」下有「其

形不仁」四字。

答曰：此名風溫也。其人素傷於風，因復傷於熱，風熱相薄，即發風溫。主四肢不收，《左傳》曰：風淫末疾。頭疼身熱，常自汗出，不解，治在少陰、厥陰，少陰火，厥陰風。不可發汗，發汗即譫語、獨語、內煩，躁擾不得卧，若驚、癎目亂無精，〔批〕別本「精」作「睛」。療之者復發其汗，如此死者，醫殺之也。風溫不可發汗，宜萎蕤湯。雜四五。

風溫身灼熱者，知母乾葛湯。（雜四六）風溫加渴甚者，括蕢根湯。（雜四七）風溫脈浮，身重汗出，漢防己湯。（雜四八）〔批〕別本「防己湯」下，有「誤汗用防己黃耆湯救之」十字。

〔四十六〕問一歲之中，長幼疾狀多相似

答曰：此名溫疫也。四時皆有不正之氣，春夏亦有寒清〔批〕清，去聲。時，秋冬或有暄暑時。人感疫厲之氣，故一歲之中，病無長少，率相似者，此則時行之氣，俗謂之天行是也，老君神明散、（雜四九）務成子螢火圓、聖散子、并（雜五十）敗毒散。（雜三三）冬氣溫，春氣寒，夏氣冷，秋氣熱為時氣。時氣與傷寒同，而治有異者，蓋因四時不正之氣而變更，不拘以日數淺深，汗、吐、下隨證施行，聖散子不問表、裏、陰、陽者，此也。唯聖散子性差熱，用者宜詳之。若春應暖而清風折之，則責〔一〕邪在肝。三、四月或有暴寒，其時陽氣尚弱，為寒所折，病熱猶輕，升麻湯〔雜一〕、解肌湯上之〔雜二〕。夏應暑而寒氣折之，則責邪在心。五月、六月陽氣已盛，為寒所折，病熱則重。七月、八月陽氣已衰，為寒所折，病熱亦微。調中湯〔雜五十一〕、射干湯〔雜五十二〕、半夏桂枝甘草湯〔雜五十三〕可選用也。秋應涼而反大熱折之，則責〔二〕邪在肺。（濕熱相薄，民多病癰。癰者，黃也，宜白虎加蒼朮湯〔雜百十七〕煎茵陳汁，調五

注〔一〕責 原作「雜」，據吳勉學本改。下「責」字同。

苓散（正六六）。冬應寒而反大溫折之，則責邪在腎。其冬有非節之暖者，名為冬溫。此屬春時陽氣發於冬

時，則伏寒變為溫病，宜黍藿湯（雜四五）。按：此屬云云溫病，仲景無「則」字，乃春溫病也。今奉議添一「則」字，而

云冬溫，溫疫，何耶？土無正行，因火而名，當隨其輕而取之也。別本無「上行」至「之也」十六字。

仲景云：冬溫之毒，與傷寒大異。蓋傷寒者，傷寒氣而作。冬溫者，感溫氣而作。

寒疫者，暴寒折人，非觸冒之過。其治法不同，所施寒熱溫涼之劑亦異，不可拘以日數，發汗吐下，隨證施行。要之治熱以寒，溫而行之，治溫以清，冷而行之；治寒以熱，涼而行之；治清以溫，熱而行之，以平為期，不可以過，此為大法。此寒疫與溫疫不同，奉議公不辨仲景前後兩說不同，而混為一證，誤之甚矣。所以溫疫有條而寒疫則無條矣。溫疫則春夏秋冬俱有，而寒疫止春三月起至秋八月止矣。（批）按：仲景云：此則時行之氣也。成注曰：非暴厲之氣也。又云：時行疫氣之法。成注曰：時行者，時行之氣是也。暴厲，即寒疫也。寒疫，即脈盛身寒，得之傷寒者是也。奉議因不明寒疫，於五卷溫病、熱病答中，既云為寒所制，於此復云為寒所折，何耶？

〔四十七〕問一身盡痛，發熱，身黃，小便不利，大便反快者

答曰：此名中濕也。風雨襲虛，山澤蒸氣，人多中濕，濕流關節，須身體煩痛，

其脈沉緩，為中濕。脈細者非也。主一身盡痛，發熱，身黃，小便自利者，朮附湯。

正七十。若小便不利，大便反快，當利其小便，宜甘草附子湯。正七一。五苓散。正六六。主

之。《至真要論》云：治濕之法，不利小便，非其治也。《金匱要略》云：濕家身煩痛，可與麻黃湯加白朮四分發其汗，慎

不可以火攻之。濕家雖身體痛，不可大發汗，汗出則作痊。大抵中濕者，水濕之蒸氣及汁出當風取冷過度，或中霧露，與風

寒氣合者曰痺，皆由中於濕而後挾以異氣。其寒多者，為痛，為浮腫，非附子、桂、朮不能去也。

其風多者，為煩熱，為流走，為拘急，非麻黃、薏苡、烏頭輩不能散也。其中氣者，

為堅滿，為癰閉，非甘遂、葶藶、枳、朮不能泄也。〔批〕按：仲景云：脈沉而細為濕痺。今注以

脈細為非，豈濕痺與中濕異歟？既曰身黃，又不明言其色，豈中濕與陽明瘵熱同歟？至于治法，不可火，不可汗，却遺了不

可下，何耶？

〔四十八〕問肢體痛重，不可轉側，額上微汗，不欲去被，

或身微腫

答曰：此名風濕也。脈浮為風濕，是風氣與濕氣相薄，肢體痛重不可轉側，額上微汗，不欲去被，或身微腫。欲發汗，但繫繫身潤，則風濕俱去。若大發其汗，則

風氣去，濕氣在矣。麻黃杏子意以甘草湯、（雜五四）防己黃耆湯、（雜五五）桂枝附子湯、（正十七）甘草附子湯、（正七一）。〔批〕別本「甘草」上有「桂枝加白朮湯」六字，誤。朮附湯、（正七十）杏仁湯、（雜五六）敗毒散（雜三三）。可選而用之。身腫者，甘草附子湯加防風。〔批〕按：風濕，仲景云脈浮虛而滿，脈若沉實滑大數者，非也。今以「浮字為風濕之診，浮可言風，不可言濕矣」。

〔四十九〕問兩脛逆冷，胸腹滿，多汗，頭目痛苦，妄言

〔批〕夏月始有此病。

答曰：此名濕溫也。其人嘗傷於濕，因而中暑，濕熱相薄，則發濕溫。病苦兩脛逆冷，腹滿，又胸多汗，頭目痛苦，妄言，其脈陽濡而弱，陰小而急，治在太陰，脾屬土主濕。不可發汗，汗出必不能言，耳聾，不知痛所在，身青，面色變，名曰重暈，如此死者，醫殺之耳，白虎加蒼朮湯（雜百十七）主之。此方出《傷寒微旨》，亦倣《金匱》白虎加桂湯（雜四十）。〔批〕按：三卷表證答中兼言朮附湯，却言白虎，而不言附朮，何耶？設若濕氣勝溫，臟腑虛，大便滑，朮附其可廢乎？別本「白虎」上有「宜朮附」三字。

〔五十〕問發熱惡寒，頸項強急，腰身反張，如中風狀，或

痙瘓〔批〕痙瘓，音係縱。口噤

答曰：此名瘧也。傷風頸項強急，身體反張，屬太陽經。先因傷風，又感寒濕而致然也。古人謂之瘧病。瘧音職，又作瘧，巨郢反。瘧者，強直也。古人以強直為瘧。《金匱要略》云：太陽

病，其身體几几〔批〕几，音殊。便為瘧也。外證發熱惡寒，與傷寒相似，但其脈沉遲弦細，而項

背反張強硬，如發癰之狀，此為異耳。新產血虛多汗出，喜中風，亦有此證。當察其有汗無汗，

以分剛瘧、柔瘧。無汗惡寒名剛瘧，有汗不惡寒為柔瘧。無汗葛根湯主之，正二六。有汗桂枝加葛

根湯正十八。主之。《本草》葛根主傷風有濕，開竅解肌。凡剛柔二瘧，小續命湯雜五七。并可與之。

有汗者，小續命湯去麻黃，加葛根也。若審知剛瘧，胸滿口噤，其人卧不着席，脚攣急，咬齒，

當行大承氣湯〔正四一〕。《外臺》云：熱而瘧者，死。熱病瘧者，反折、痙瘓、齒噤齧也。

又問剛柔二瘧與陰陽二瘧是如何？瘧亦作瘧。陽瘧屬剛瘧，陰瘧屬柔瘧，附朮

散、雜五八。桂心白朮湯、雜五九。附子防風散、雜六上。八物白朮散、雜六一。桂枝〔二〕、煮散

可選而用之。〔批〕按：仲景論二瘧，分剛、柔，併屬太陽。今二瘧分陰陽，以陽屬剛而陰屬柔，用諸藥治，則是以陰專為寒證矣。所以李心書括，吳指堂不取附本等分者以此，學者宜詳之。

〔五十一〕問初春病人，肌肉發斑癰疹如錦紋，或咳嗽心悶，但嘔清汁者

答曰：此名溫毒也。溫毒發斑者，冬時觸冒寒毒，至春始發病。初在表，或已發汗吐下，而表證未罷，毒氣不散，故發斑，黑膏主之。又有冬月溫暖，人感乖戾之氣，冬未即病，至春或被積寒所折，毒氣不得泄，至天氣暄熱，溫毒始發，則肌肉斑爛癰疹如錦紋，而咳，心悶，但嘔清汁葛根橘皮湯主之，黃連橘皮湯尤佳。上方（雜九四），次方（雜百二十五）。

活人書卷第七

此一卷論痰證、食積、虛煩、脚氣，與傷寒相似，實非傷寒也。所謂朱紫相陵，玉石不分，醫者處病滅裂〔一〕，見其發熱惡寒，往往作傷寒治之，發汗吐下，因茲天橫者多矣。今特立一門，別而論之，庶幾覽者知其非傷寒也。

〔五十二〕問憎寒、發熱、惡風、自汗，寸口脈浮，胸膈痞滿，氣上衝咽喉不得息，而頭不疼，項不强

答曰：此名有痰也。中脘有痰，亦令人憎寒發熱，胸膈痞滿，有類傷寒，但頭不疼，項不强為異耳。宜服柴胡半夏湯。雜六三。金沸草散。雜六三。大半夏湯。雜六四。若氣上衝咽喉不得息者，用瓜蒂散吐之。古法服瓜蒂散，正百十一。凡服一錢匕，藥下便卧，欲吐且忍之，良久不吐，取三錢匕，湯二合和服，以手指撻〔二〕之便吐矣。不

注〔一〕滅裂 草率，不當。《莊子·則陽》：「治民焉勿滅裂」。

〔二〕撻（一、擲） 撻，撻。《說文》：「撻也」。《列子·黃帝篇》：「指撻無所撻」。一

吐，復稍增之，以吐為度。若吐少，病不除，明日如前法，再服之，可至再三，不可令人虛也。藥力過時不吐者，啜熱湯一升，以助藥力，吐訖〔一〕，便可食，無復餘毒。若服藥過多者，飲水解之。

〔五十三〕問頭疼脈數，發熱惡寒，而身不痛，左手脈平和

答曰：此名食積也。傷食亦令人頭疼脈數發熱，但驗左手人迎脈平和，身不疼痛〔二〕者是也。《甲乙經》云：人迎緊盛傷於寒，氣口緊盛傷於食。左手關前一分者，人迎之位也。右手關前一分者，氣口之位也。蓋人迎主外，氣口主中，〔批〕別本作「主內」。以此別之。傷食之證，由脾胃伏熱，因食不消，發熱似傷寒，却身不疼痛，此為異耳。若鬲實〔三〕嘔吐者，食在上脘，宜吐之。若心腹滿痛者，宜下之，治中湯、雜百十五。五積散、雜二十一。黑神圓雜六七。可選而用之。

注〔一〕訖 原作「許」，據吳勉學本改。

〔二〕疼痛 原作「痛疼」，據吳勉學本乙轉。

〔三〕實 原作「食」，據吳勉學本改。

〔五十四〕問不惡寒，身不痛，頭不疼，脈不緊數，但煩熱者

答曰：此名虛煩也。諸虛煩熱與傷寒相似，然不惡寒，身不疼痛，故知非傷寒也，不可發汗。頭不痛，脈不緊數，故知非裏實也，不可下。如此者，內外皆不可攻，攻之必遂損竭，多死也。此虛煩但當與竹葉湯。正九五。若嘔者與橘皮湯。難三十
七。一劑不愈，再與之。孫真人云：此法數用甚有效，傷寒虛煩不宜服之。王叔和云：有熱不可大攻之，熱去則寒起，正宜服竹葉湯。〔批〕按：以虛煩別非傷寒，而用竹葉湯。仲景論傷寒虛煩不如此。汗、下、吐，邪氣乘虛入客胸中，以梔子等湯吐之者是也。今云傷寒虛煩者亦宜服，何耶？

〔五十五〕問傷寒頭疼，身熱，肢節痛，大便秘，或嘔逆，而脚屈弱者

答曰：此名脚氣也。傷寒只傳足經，不傳手經，地之寒、暑、風、濕皆作蒸氣，足常履之，遂成脚氣，所以病證與傷寒相近。其脈浮而弦者起於風，濡而弱者起於濕，洪而數者

起於熱，遲而瀉者起於寒。風者汗而愈，濕者溫而愈，熱者下而愈，寒者熨而愈。脚氣之病，始得不覺，因他病乃知。毒氣入心，則小腹頑痹不仁，令人嘔吐，死在朝夕矣。然終是與傷寒不同者。孫真人云：猝起脚屈弱不能轉動，有此為異耳。要之有脚氣之人，先從脚起，或先緩弱疼痛，寒氣勝者為痛痹，有寒故痛也。或行起忽倒，或兩脛腫痛，亦有不腫者。或脚膝枯細，或心中忪忪，或小腹不仁，病久入深，榮衛之行瀯，皮膚不榮，故為不仁。不仁者，皮頑不知有異也。或舉體轉筋，或見食嘔逆，惡聞食氣，或胸滿氣急，或遍體酸痛，皆脚氣候也。黃帝所謂緩風、濕痹也。頑弱名緩風，疼痛為濕痹。痹者，閉也。閉而不仁，故曰痹。寒中三陽，所患必冷，越婢湯、雜六五。小續命湯雜五十。主之。小續命湯成，旋人生薑自然汁，最快。暑中三陰，所患必熱，小續命湯去附子，減桂一半。大煩躁者，紫雪最良。大便秘者，脾約丸、雜六十六。神功丸、雜六八。五柔丸、雜六九。大三腕散、雜七十。木瓜散雜七三。主之。脚氣之疾，皆由氣實，而始終無一人以服藥致虛而阻者。頭痛身熱，肢節痛，而脚屈弱者，是其人素有脚氣，此時發動也。脚腫者，檳榔散主之。雜七二。脚氣方論，《千金》、《外臺》最詳，此不復叙。

注〔一〕忪（zhōng 中）心跳不安。《玉篇》：「心動不定貌」。

大抵越婢湯、小續命湯、薏苡仁酒法、雜七二。脾約、神功圓，皆要藥也。仍針灸為佳。服補藥與用湯淋洗者，皆醫之大禁也。

活人書卷第八

此一卷論發熱。大抵傷寒寒多易治，熱多難治。傷寒發熱者，以其寒多則生熱，治法多用冷藥，故令熱不去。仲景熱多寒少，用桂枝二越婢一湯；不渴、外有微熱者，用小柴胡加桂湯，皆溫表之義也。近時多行小柴胡湯，不問陰、陽、表、裏，凡傷寒家皆令服之。此藥差寒，不可輕用，雖不若大柴胡湯、小承氣湯之緊要之藥，病不相主〔一〕，其為害一也。往往因服小柴胡湯而成陰證者甚多。仲景雖云傷寒中風，有柴胡證，但見一證便是，不必悉具，此為是少陽證，當服小柴胡，不必少陽證悉具耳。況本方又有加減，隨證增損。古人方治，審諦如此，後人妄投，良可怪也。〔批〕按：仲景百十三方，小柴居其一。凡六十餘證用之，清裏解表第一藥也。世俗去而不用，傍求雜藥，適自誤耳。奉議此戒，厥意慮人妄投于六脈遲細、表裏無熱者，遂使後人是非也。

〔五十六〕問發熱

答曰：發熱而惡寒者，屬太陽也。太陽病，必發熱而惡寒。蓋太陽主氣，以溫皮膚、分肉，寒氣留于

注〔一〕雖不若……病不相主 此二十字，吳勉學本作「雖不若大柴胡湯、小承氣湯之緊，然病不相主。」

外，皮膚緻密則寒慄而發熱，宜發其汗，麻黃湯（正二十），大青龍湯（正二十五）主之。若發熱微惡寒者，柴胡桂枝湯（正三十一）、桂枝二越婢一湯（正四）主之。若吐、利而發熱惡寒者，霍亂也。太陽病，發熱而渴，不惡寒者，為溫病。若發汗已，身體灼熱者，為風溫也。《素問》云：汗出而身熱也。其人素傷於風，因復傷於熱，風熱相薄，即身熱常自汗出，此名風溫也。〔批〕別本「《素問》」上有「發汗已，身灼熱者，名風溫」十字。大書誤。身熱汗出漉漉然者，屬陽明也。陽明病，脈浮者宜桂枝（正一）微汗之，脈實者調胃承氣湯下之（正四十三），大便秘者，白虎湯和解（正六十四）。若陽明病發汗多者，宜大承氣湯急下之（正四十四）。蓋汗多發熱者，胃汁乾故也。仲景云：太陽證，汗後不惡寒但熱者，實也，當和其胃氣，宜調胃承氣湯（正四十三）。太陽病三日，發汗不解，蒸蒸發熱者，屬於胃也，宜下之。〔批〕別本無「宜下之」三字，作「調胃承氣湯主之」七字。脈細頭疼，嘔而發熱者，屬少陽也。少陽發熱，小柴胡湯主之（正二十九）。不可發汗，發汗即譫語。病人不渴，外有微熱者，小柴胡加桂也（雜二十九）。小柴胡加桂主表熱最良。此法不特傷寒也，仲景表有熱者，小柴胡加桂也；裏有熱者，白虎加人參也（正六十五）。大抵身熱不飲水者，為表熱也；口燥煩渴者為裏熱也。二藥均治發熱，然分表裏，不可不知也。病人無表裏證，發熱七八日，脈雖浮數，宜大柴胡湯下之（正三十一）。大便秘者加大黃。假令已下，脈數不解，今熱則消穀善飢，〔批〕今熱，仲景作合熱。至六七日不大便者，有瘀血也，抵當湯主之（正九十一）。若傷寒瘥後，更發熱者，小柴胡湯（正二十九）主之。脈浮者以汗解，脈實者可下之。又問陰證有發熱者乎？答曰：

太陰、厥陰皆不發熱，只少陰發熱，有二證，仲景謂之反發熱也。少陰病初得之，發熱脈沉者，麻黃細辛附子湯（正二十三）主之。少陰脈沉，發汗則動經，此大略之言耳。脈應裏，而發熱在表，亦當以小辛之藥，泄汗而溫散也。仲景云傷寒之病，從風寒得之，表中風寒入裏則不消，須用溫藥，少汗而解。少陰病，下利清穀，裏寒外熱，手足厥逆，脈不出者，通脈四逆湯主之。正八十一。大抵陰證發熱，終是不同，脈須沉，或下利，手足厥也。〔批〕按：仲景篇三陰俱有發熱，但微甚不同，如少陰二證外，又有反發熱不死，及一身手足盡熱二條（一）。四逆散用柴胡，亦有治發熱意。若厥陰先厥後發熱而利者，及下利脈數有微熱，與夫面赤、身微熱，及嘔而發熱四條。太陰四肢煩疼，是三陰皆有發熱明矣。

〔五十七〕問熱多寒少

答曰：太陽熱多寒少有三證：有熱多寒少而不嘔，清便自可者，有熱多寒少而脈微弱者，有熱多寒少而尺脈遲者。其用藥皆不同也。太陽病八九日如瘧狀，熱多寒少，不嘔，清便自可，宜桂枝麻黃各半湯。正二。熱多寒少，而脈都大微弱者，無陽也，不可發汗，宜桂枝二越婢一湯正三。主之。若脈浮，雖熱多寒少，亦自可發汗。熱多寒少，

注〔一〕餘疑為「條」字之誤。

而尺中遲者，血少也，先以小建中加黃耆正三七。以養其血。尺尚遲，再作一劑，然後晬時用小柴胡湯、正二十九。桂枝二越婢一湯正三。輩小劑，隨證治之。〔批〕按：仲景太陽云云，寒少為自初至今之證，若其人不嘔，清便欲自可九字，本是愈之證，今反與他證各半湯汗之，何耶？又按：仲景篇脈浮緊，法當身疼痛，宜以汗解之，假令尺中遲者，不可發汗，以榮氣不足，血少故也。今但舉尺中遲，血少之語，而添一熱多寒少一四字，又何耶？此尺脈遲證，正當收人不可汗門中，不當附於熱多寒少證也。又於脈微弱上添「都大」二字，豈仲景論脈為未足而加之乎？別本「小劑隨證治之」作「小分劑以和解之」。

〔五十八〕問潮熱

答曰：潮熱者大率當下。仲景云：潮熱者，實也。大承氣湯證云：其熱不潮，未可與也。則知潮熱當下無疑矣。雖然，更看脈與外證，脈若弦若浮，及外證惡寒，猶有表證，且以小柴胡湯以解之。正二十九。若腹大滿不通者，可與小承氣湯，正四二。微和其胃氣，勿令大泄也。仲景云：日晡發熱者，屬陽明也。脈實者，大承氣（正四一）、大柴胡也（正三十）。脈虛者，桂枝也（正一）。縱使潮熱當行大承氣，亦須先少與小承氣。若不轉失氣，不可攻之。復發熱腹〔〕硬者，大柴胡下之（正三十）。若胸脇滿而嘔，日晡發潮熱者，小柴胡加

注〔〕腹 原作「復」，據吳勉學本改。

芒硝正三十四。主之。又有日晡發潮熱而微利者；又有微發潮熱而大便溏者；或潮熱而咳逆者，皆當用小柴胡也。（正二十九）。傷寒十三日不解，胸脇滿而嘔，日晡發潮熱，已而微利，潮熱者，實也，先服小柴胡以解外，後以柴胡加芒硝湯下之。陽明潮熱，大便溏，胸滿不去者，小柴胡主之。冬陽明潮熱，當行黃芩湯。冬陽明病，脈浮而緊，必發潮熱，發作有時。但脈浮者，必盜汗，黃芩湯主之（正八五）。已上潮熱，並屬陽明也。太陽有潮熱乎？仲景大陷胸湯一證，正三十八。結胸有潮熱者為大結胸，屬太陽也。晡音逋。日加申時。

〔五十九〕問往來寒熱

答曰：往來寒熱者，陰陽相勝也。陽不足則先寒後熱，陰不足則先熱後寒。大抵有三證：有表證而往來寒熱者，用小柴胡也；正二十九。有裏證而往來寒熱者，大柴胡也；正三十。已表或已下而往來寒熱者，皆可用柴胡桂枝乾薑湯。正三十二。仲景云：血弱氣盡，腠理開，邪氣因入，與正氣分爭，往來寒熱，休作有時，小柴胡湯主之。又云：傷寒五六日中風，往來寒熱，胸脇苦滿，默默不欲食，心煩喜嘔，或胸煩而不嘔，或渴，或腹中痛，或脇下痞硬，或心下悸、小便不利，或不渴、身有微熱，

或欬者，小柴胡主之。傷寒十餘日，熱結在裏，往來寒熱者，大柴胡主之。傷寒五六日，已發汗，復下之，胸脇滿，小便不利，渴而不嘔，頭汗出，往來寒熱，心煩，柴胡桂枝乾薑湯也。〔批〕按：往來寒熱者，邪正分爭也。邪氣入，正氣不與之爭，則但熱而無寒。若邪正分爭，於是寒熱作也。今以陰陽二氣相勝，「陽不」云云，後寒」，此論雜病陰陽二氣自相乘勝然耳，非可以詒傷寒也，似非仲景之意。

〔六十〕問傷寒瘧狀

答曰：形證似瘧，有太陽證，有陽明證，有婦人熱入血室。太陽證服桂枝湯，

正一。大汗出，脈洪大者，與桂枝湯如前法。若形似瘧，一日再發者，汗出必解，宜

桂枝二麻黃一湯。正三。傷寒八九日，如瘧狀，熱多寒少，其人不嘔，清便欲可，日

一二發者，麻黃桂枝各半湯。太陽證，形似瘧，寒熱等者，與桂枝二麻黃一湯，寒多熱少者，麻黃桂枝各半

湯〔正二〕。有陽明證，病人煩熱汗出如瘧狀，日晡發熱，而脈浮虛者，與桂枝湯，脈

實者，宜承氣湯。正四二。婦人熱入血室，其血必結，故使如瘧狀，小柴胡主之〔正二十

九〕。〔批〕按：仲景桂枝麻黃各半湯是治太陽病得之八九日，如瘧狀，發熱惡寒，熱多寒少，面皮反有熱色者，未欲解也。

以其不能得小汗出，身必癢者也，非治其人不嘔，清便欲自可，一日三度發，脈微緩者，為欲愈也。

〔六十一〕問汗之而寒熱者

答曰：太陽證，發汗後，依前寒熱者，須看脈如何？若脈浮數，或洪大，則表證猶在，當在表也，如〔一〕桂枝湯正一。或桂枝正二。麻黃正三之類。醫人為見已汗或已下而發寒熱，不敢再表，誤矣。蓋脈浮為在表，表之必愈也。或得汗而解，復如瘧狀，日晡而發者，此屬陽明也。若脈實者，可下之，宜大柴胡正三十。大承氣正四一也。若發汗後只惡寒者，虛也；發汗後只發熱者，實也。只惡寒，屬芍藥甘草附子湯正七二。只發熱，屬調胃承氣湯正四三。若厥陰證，大汗出，熱不去，內拘急，四肢疼，又下利〔二〕厥逆而惡寒者，四逆湯主之。正七五

〔六十二〕問汗之而仍發熱者

答曰：《素問》云：溫病汗出輒復熱，而脈躁疾，不為汗衰，狂言，不能食，

注〔一〕如 原作「加」，據吳勉學本改。

〔二〕又下利 原作「入下」，據《傷寒論》原文改。

謂之陰陽交。交者，死也。又云：熱病已得汗而脈躁盛者死。今不與汗相應，是不勝其病也，其死明矣。大抵病人得汗而脈靜者生，今汗之而仍發熱者，若脈浮數則表證猶在，汗之必愈也。仲景云：發汗解，半日許復熱煩，脈浮數者，可更發汗，宜桂枝湯（正一）。發汗後，

不敢再表者，為脈沉實耳。脈若浮者，須再汗也。發汗後，不惡寒，只發熱，脈沉實，或狂語，此為胃實陽盛，即不可再汗也，須當下之。設令下後又不解，表裏邪亦衰矣。仲景云：太陽病三日，發汗不解，蒸蒸發熱者，宜調胃承氣（正四三），和其胃氣也。大醫云：若傷寒得汗後，

熱不退，發昏及狂言者，便可用承氣湯（正四二），下之立愈，未燒再服。若汗後熱不解，但心下痞，嘔逆，

又自利，大柴胡去大黃主之。正三十。又有太陽證，合行桂枝却用麻黃之類發汗，多

亡陽，仍發熱者，真武湯正一百四十（一）主之。更有風溫一證，初得病，熱而渴，不惡寒，

雖發汗已，身灼熱者，為風溫，屬萎蕤湯（雜四十五）。歧伯所謂：汗出而身熱者，風溫也。若傷寒

得汗後病解，虛羸，微熱不去，可行竹叶石膏湯正九五。隨其虛實而治之。

〔六十三〕問下之而熱不退者 勞復、食復附

答曰：仲景云：病人脈微而濇，為醫所病，大發其汗，使陽氣微，又大下之，

使陰氣弱，其人亡血，病當惡寒，後乃發熱無休止時，蓋陽微則惡寒，陰弱則發熱。

陽微惡寒，四逆湯主之；正七五。陰弱發熱，為內熱，葶藶苦酒湯主之。雜十六。大抵

傷寒八日以上，大發熱者，此為難治。仲景云：脈陰陽俱虛，熱不止者死。又有醫人多用圓子

藥下之，身熱不去，微煩者，梔子乾薑湯主之。正四九。傷寒五六日，大下之後，

身熱不去，心中結痛者，未欲解也，梔子豉湯主之。正四十五。又問：傷寒瘥後，發熱

者，何也？答曰：此名勞、食復也。病新瘥，血氣尚虛，津液未復，因勞動生熱，

熱氣既還，復入經絡，名曰勞復。仲景云：傷寒瘥已後，更發熱，小柴胡湯主之。

正二十九。脈浮者，以汗解；宜柴胡桂枝湯（正三十一）。脈實者，以下解。宜大柴胡湯（正三十）。又

大病瘥後勞復者，枳實梔子湯主之。正九六。麥門冬湯、雜百二十六。雄鼠屎湯、雜七十七。

七味蔥白湯（雜百一八）〔批〕別本作《千金》勞復起死人麥門冬湯。《廣濟》療患勞復雄鼠糞湯。徐仁則七味蔥白湯。

皆可選用。又食復者，大病新瘥，脾胃尚弱，穀氣未復，強食過多，停積不化，

因爾發熱，名曰食復。大抵新病瘥，多因傷食，便作痞，乾噫〔批〕噫，音噫。食臭，腹中

雷鳴，下利等證，可與生薑瀉心湯。正六十三。仲景於枳實梔子湯證云：若有宿食，內〔

注〔一〕「內」通「納」，下同。

大黃如博〔二〕棋子五六枚，服之愈。黃帝曰：熱病已愈，時有所遺者，何也？岐伯曰：諸遺者，熱甚而強食，故有所遺也。若此者，皆病已衰而熱有所藏，因其穀食相薄，兩熱相合，故有所遺也。帝曰：善。治遺奈何？岐伯曰：視其虛實，調其逆從，可使必已。食肉則復，多食則遺，此其禁也。

活人書卷第八終

注〔二〕「博」原作「薄」，據《傷寒論》原文改。

活人書卷第九

此一卷首論惡寒，大抵太陽病必發熱而惡寒，惡寒家慎不可過當。〔批〕當，去聲。覆衣被及近火氣，寒熱相薄，脈道沉伏，愈令病人寒不可遏，但去被撤火，兼飲以和表之藥，自然不惡寒矣。婦人惡寒，尤不可近火，寒氣入腹，血室結聚，鍼藥所不能治矣。

〔六十四〕問惡寒

答曰：惡寒有二證：發熱而惡寒者，發於陽也；無熱而惡寒者，發於陰也。發於陽者，宜解表，脈必浮數，屬桂枝〔一〕湯、正一。桂枝二越婢一湯、正四。麻黃湯、正二十。青龍湯、正三十六。證也。發於陰者，宜溫裏，脈必沉細，屬理中湯、正七十四。四逆湯、正七十五。證也。少陰病下利已，惡寒而踰，手足溫者可治，宜建中湯〔正三十七〕。若少陰病惡寒而踰，時時自煩，不欲厚衣，用大柴胡湯下之〔正三十〕。〔批〕按：仲景少陰惡寒而踰，時自煩，欲去衣被者，可治。今改作不欲厚衣，何哉？

注〔一〕枝 原作「桂」，據吳勉學本改。

況惡寒最慎於下，今言下之，又何耶？若發熱微惡寒者，屬柴胡桂枝湯也。正三十一。發汗後反惡

寒者，虛故也，屬芍藥甘草附子湯。正七十二。脈微而惡寒者，此陰陽俱虛也，不可更

吐、下也。發汗面色赤，有熱者，為欲解，宜桂枝麻黃各半湯。（正二二）。〔批〕按：仲景云

不可更發汗、更下、更吐也。而色反有熱色者，未欲解也。今改作不可更吐下也，發汗面色赤，有熱者，為欲解，何也？傷

寒大下後，復發其汗，心下痞，惡寒者，表未解也，不可攻其痞，當先解表，表解

乃可攻痞。解表宜桂枝湯，正一。攻痞大黃黃連瀉心湯。正五九。雖然太陽、陽明、少

陰皆有惡寒，要之，太陽病或已發熱，或未發熱，必惡寒也。陽明證俱宜下，唯惡

寒、中寒為病在經，與太陽合病屬表，發其汗耳。〔批〕惡寒、中寒，當作惡寒乃中寒方是。

若吐，若下後，七八日不解，熱結在裏，表裏俱熱，時時惡寒者，白虎證也。（正六四）。

〔批〕按：仲景白虎證時時惡風，今云惡寒，何耶？又問有汗出惡寒者，何也？答曰：仲景云：太陽

病，其人發熱汗出，復惡寒，不嘔，但心下痞者，此以醫下之也。心下痞，而復惡

寒汗出者，附子瀉心湯主之。正六十。陽明病，脈遲，汗出多，微惡寒者，表未解也，

可發汗，宜桂枝湯也。正一。頭汗出，而微惡寒者，屬少陽，宜小柴胡湯也。正二十九。

又問：背惡寒者，何也？答曰：背惡寒有兩證：三陽合病背惡寒者，口中不仁，口

燥舌乾也；少陰病背惡寒者，口中和也，以此別之。口中不仁，口燥舌乾，而背惡寒者，白虎加人參湯主之。（正六五）。〔批〕按：仲景篇傷寒無大熱，口燥渴、心煩、背微惡寒者，白虎加人參湯主之，乃太陽證而非三陽合病也。今去其「微」字，而添「口中不仁」，何耶？有微字屬太陽，無微字屬少陰。三陽若與三陰合病，即是兩感。所以仲景三陰無合病例也。口中和而背惡寒者，附子湯主之。（正六八）。仍灸之。
仲景云：少陰病，得之一二日，口中和，其背惡寒者，當灸之，附子湯主之。

〔六十五〕問惡風

答曰：惡風者，衛中四時之虛風，所以惡風也，其人當汗出而脈緩也。數與桂枝湯。（正一）。桂枝加葛根湯，（正十八）。使遍體微潤連日，當自解矣。又有太陽病發汗多亡陽，遂漏不止，衛虛而惡風者，當溫其經也。其人惡風小便難，四肢微急，難以屈伸者。桂枝加附子也。（正六）。若傷寒四五日，身熱惡風，頸項強，脇下滿，手足溫而渴者，小柴胡湯也。（正二十九）。風濕相搏，骨節疼痛，掣痛不得屈伸，汗出短氣，小便不利，惡風不欲去衣，或身微腫者，甘草附子湯主之。（正七十二）。

〔六十六〕問傷寒不得汗

答曰：《甲乙經》云：熱病脈常躁盛而不得汗出者，此陽脈之極也，死，脈盛躁而得汗者，生。大抵傷寒榮衛俱病則無汗，麻黃湯、正二十。葛根湯、正二十六。大青龍湯、正三十五。葱豉湯、雜七四。可選而用之。若傷寒連服湯劑而汗不出者，死。如中風法蒸之，溫熱之氣於外迎之，無不得汗也。薪火燒地良久，掃除去火，可以水洒之，取蠶沙、栝葉、桃葉、糠及麩皆可用，相合鋪燒地上，可側手厚，上鋪席，令病人當上卧，溫覆之，夏月熱，只布單覆之，汗移時立至。後周身至脚心皆汗繁榮，乃用溫粉撲止汗，移上床。最得力者，蠶沙、桃、栝葉也。無蠶沙亦得，單桃葉亦得，麩蠶亦可，用麩、糠乃助添令多爾，不用亦得。傷寒亦有氣虛不能作汗者，仲景云：脈浮而遲，遲為無陽，不能作汗，其身必癢，宜桂枝麻黃各半湯主之；正二。陽明病法多汗，反無汗，如蟲行皮中狀者，此久虛故也。宜朮附湯、正七十。黃耆建中湯。（正三十七）。〔批〕按：蟲行皮狀，即身癢是也。今注云朮附湯、黃耆建中湯皆取汗藥，則榮衛鬱閉，邪無從出，內熱發矣，莫若皆〔一〕用各半湯為穩。

注〔一〕皆 原作「倍」，據文義改。

〔六十七〕問自汗

答曰：傷寒無汗者七證，自汗者九證。太陽傷寒、剛瘧病、太陰病、少陰病、厥陰病、陰易病、冬陽明病皆無汗。凡少陰證無汗，類麻黃湯之證。然類麻黃證，脈陰陽俱緊，少陰脈微

細為異也。又汗出為陽微，故仲景云：陰不得有汗，脈陰陽俱緊而反汗出為亡陽，屬少陰也。汗出者九證：衛不和

自汗、病人臟無他病，時發熱，自汗出而不愈者，衛不和也，先其時發汗則愈，屬桂枝也（正一）。太陽病，發熱、

汗出者，此為榮弱衛（一）強，故汗出，欲救邪風者，宜桂枝湯。又云：病常自汗出者，此為榮氣和。榮氣和者，外不諧也，

以衛氣不共榮氣諧故爾。以榮行脈中，衛行脈外，復發其汗，榮衛和則愈。傷風自汗、太陽病，發熱汗出，惡風脈緩

為中風（二），屬桂枝湯（正一）。又云：太陽病，項背強几几，反汗出惡風，桂枝加葛根湯（正十八）主之。汗出而渴者，五

苓散（正六十六），不渴者，茯苓甘草湯（正五十二）。雖然，仲景云傷風自汗用桂枝，然桂枝湯難用，須是仔細消息之。假

令傷風自汗，若脈浮而弱，設當行桂枝，服湯後無桂枝脈息證候而煩者，即不可再服也。若傷風自汗出而小便數者，切不可

與桂枝也。仲景云：太陽病自汗，四肢拘急，難以屈伸，若小便難者，可桂枝湯內加附子服之（正六）。若小便數者，慎不可

注〔一〕衛 原作「胃」，據《傷寒論》原文改。

〔二〕風 原作「氣」，據吳勉學本改。

與桂枝附子湯，宜服芍藥甘草湯（正五十七）。若誤行桂枝附子攻表，便咽干、煩躁、厥逆、嘔吐，作甘草乾薑湯（正五十五）與之，以復其陽。若厥愈足溫，更作芍藥甘草湯與之，其脚即伸。若胃氣不和、譫語者，與調胃承氣湯（正四十三），微瀉，則止其譫語。緣芍藥甘草湯主脈浮自汗，小便數者，寸口脈浮為風，大為虛。風則生微熱，虛則兩脰攣，小便數，乃汗出，為津液少，不可誤用桂枝，宜服芍藥甘草補虛退風熱，通治誤服桂枝湯後，病證仍存者。風溫自汗、太陽病，發熱而渴，不惡寒者，為溫病。若發汗已，身灼熱者，為風溫。風溫為病，脈陰陽俱浮，自汗出，身重，多眠睡，鼻息必鼾，語言難，屬萎蕤湯（雜四十五）。中濕自汗、風濕相搏，關節煩疼，脈沉而細，汗出短氣，小便不利。《難經》云：何以知傷濕得之？然：〔批〕「傷」，別本作「中」，一本作「風」。當言汗出，不可止。何以言之？腎主濕，故知腎入心為汗出不可止也。中暑自汗、太陽中熱者，喝是也。其人汗出惡寒，身熱而渴，屬白虎湯（正六十四）。陽明病自汗、不惡寒反

惡熱，濇濇然汗自出者，屬陽明也。若陽明病汗出多而渴者，不可與五苓散，以汗多胃中燥，猪苓復利其小便故也。故仲景云：陽明病，發熱汗多者，急下之。陽明病，其人汗多，以津液外出，胃中燥，大便必硬，譫語者，屬調胃承氣湯（正四三）。雖然陽明汗多急下，若小便自利者，此為津液內竭，雖硬不可攻之，須自大便導之，宜用蜜煎導法（正一百二）。陽明〔一〕病，汗出而脈遲，微惡寒者，表未解也，宜桂枝湯（正二）。陽明法多汗，則脈浮無汗而喘者，發汗則愈，宜麻黃湯（正三十）。

亡陽自汗、太陽病發汗多，遂漏不止，其人惡風，當溫其經，宜桂枝加附子湯（正八）。傷寒尺寸脈俱緊而汗出者，亡

陽也。此屬少陰，法當咽痛，而復吐利，其人熱不去，內拘急，四肢疼，厥逆而惡寒者，四逆湯（正七十五）主之。汗多不止者，可用溫粉撲之。若汗多不止，必惡風煩躁，不得臥者，先服防風白朮牡蠣湯（雜一），次服小建中湯（正三十七）。柔痙自汗、太陽病發熱，脈沉細，搖頭口噤，背反張，汗出而不惡寒者，名柔痙，小續命湯主之也（雜五十七）。霍亂自汗。吐利汗出，發熱惡寒，四肢拘急，手足厥冷者，四逆湯主之（正七十五）。雖然少陰不得有汗，而少陰亦有反自汗出之證；陰證四肢逆冷，額上及手背冷汗微濺者，亡陽也。陽明病法多汗，而陽明亦有反無汗之證，不可不察也。

〔六十八〕問頭汗出

答曰：病人表實裏虛，玄府不開，則陽氣上出，汗見於頭。凡頭汗出者，五內乾枯，胞中空虛，津液少也，慎不可下，謂之重。〔批〕重，平聲。虛。〔批〕按：頭汗出有〔一〕數種，皆邪氣所干而然。今言病人表實裏虛，玄府不開，五內乾枯，胞中空虛，津液少所致，皆非也。外有陽脫、陰脫二證，又不及言，何以爲可治不可治之別。然頭汗出者，有數證：傷寒五六日，頭汗出，微惡寒，手足冷，心下滿，口不欲食，大便硬，脈細者，此爲陽微結，必有表復有裏也，脈沉

注〔一〕有 原作「不」，據吳勉學本改。

亦在裏也，汗出為陽微。假令純陰結，不得復有外證，悉人在裏。此為半在裏半在外也，脈雖沉緊，不得為少陰病。所以然者？陰不得有汗，今頭汗出，故知非少陰也。小柴胡湯主之（正二十九）。傷寒五六日，已汗下，胸脇滿，微結，小便不利，渴而不嘔，但頭汗出，往來寒熱，心煩者，此表未解也。柴胡桂枝乾薑湯主之（正三十二）。病人但頭汗

出，身無汗，劑頸而還，小便不利，渴飲水漿者，此為瘀熱在裏，身必發黃。五苓散

（正六十二）。茵陳湯主之。（正九十三）。陽明病下之，其外有熱，手足溫，不結胸，心中懊憹，飢不

能食，但頭汗出者。梔子豉湯主之（正四十五）。心下聚滿，無大熱，頭汗出者。茯苓（一）湯主之

（雜八十四）。仲景云：傷寒心下聚滿，無大熱，但頭汗出者，此名為水結在胸脇，以頭汗出，別水結證，小半夏加茯苓湯（雜

八二）。陽明病下血譫語者，此為熱入血室，但頭汗出者。刺期門，隨其實而瀉之，瀦然汗出則愈。

汗出譫語，有燥屎也，過經乃可下也。下之者早，語言必亂，以表實虛裏故也。下之愈，宜承氣湯主之。

〔六十九〕問頭疼

〔批〕《內經》、仲景并作頭痛，今作「疼」字，誤。後倣此。

答曰：頭疼者，陽證也。太陽證頭疼，必發熱惡寒，無汗者麻黃湯，正二十。有

汗者桂枝湯。正二。若已發汗，或未發汗，頭痛如破者，連翹蔥白湯。〔雜七五〕服湯不

止者，葛根蔥白湯主之。〔雜七十六〕陽明證頭疼，不惡寒反惡熱，胃實故也。陽明氣

實，故攻頭也，調胃承氣湯。正四三。主之。仲景云：傷寒不大便六七日，頭疼有熱者，與承氣湯。其小便

清者，知不在裏，續在表也，當須發汗。若頭疼者必衄，屬桂枝湯正一。脈弦細，頭痛發熱者，屬少陽也。

少陽不可發汗，小柴胡主之。正二十九。太陰、少陰經從足至胃，俱不至頭。唯厥陰經

挾胃，屬肝，絡膽，循喉嚨，上顏額，連目系，出額。故太陰、少陰并無頭疼之證。

仲景只有厥陰一證，吳茱萸湯。正九十九〔一〕治乾嘔、吐涎沫、頭疼而已。大抵屬三陽

者，頭疼為多也。孫真人云：陽傷寒者，體熱頭疼是也，陰傷寒者，不壯熱，不頭痛是也。若非次頭疼，胃

中滿，及發寒熱，脈緊而不大者，即是鬲上有涎，宜用瓜蒂末一錢，暖水調下，吐

涎立愈。又問：病人頭痛鼻塞而煩者，何證也？答曰：此屬濕家，頭中寒濕，故鼻

塞而頭疼也，內瓜蒂末鼻中則愈。法在發黃門中。

〔七十〕問身體痛 身癢附

答曰：太陽、少陰、厥陰皆有身體痛，當以外證與脈別之。太陽證，表未解，

注〔一〕正九十九 原作「正一百」，據目錄改。

脈浮緊，法當身體痛，宜麻黃湯正二十。以汗之。脈浮緊，當身體疼痛，宜以汗解。假令尺脈遲者，不可發汗。

何以知其然，榮氣不足，血少故也。尺脈遲者，先以小建中湯以養之（正三十七）。脈浮者，麻黃湯主之。太陽中濕，

一身盡痛，發熱身黃，小便不利。病人中濕，因而傷風，風濕相薄，一身痛重，是

名風濕，當於風濕中求之。麻黃加朮湯主之（雜百二十二）。若脈沉自利，而身體痛者，陰證

也，急當救裏，宜四逆湯。正七十五。附子湯。正六十八。真武湯百四（一）。之類以溫之。大

抵大便利而身體疼者，當救裏，大便秘而身體痛者，急當救表，不可不知也。或身重背強，腹中絞痛，咽喉

不利，身如被杖者，當作陰毒治之。又問：發汗後，身疼痛，脈沉而遲，當用何

藥？答曰：仲景有桂枝加芍藥生薑人參新加湯正十一。蓋為此證也。小建中湯正三十七。

兼治汗後身疼，脈沉而遲者。若霍亂吐瀉止而身疼痛不休者，少與桂枝湯正一。即愈。

《金匱》云：瘡家雖身體痛，不可發汗，汗出作瘡。又問：身癢者何也？答曰：脈浮

而遲，遲為無陽，不能作汗，其身必癢。太陽病七八日，脈微而惡寒，以陰陽俱虛，

不可更發汗，更下，更吐也。小柴胡湯主之（正二十）。若重反發汗則氣虛，必兩耳聾無聞。素無熱人，可芍

藥甘草附子湯（正七十二）。素有熱人，可黃耆建中湯（正三七）。面赤有熱者，未欲解也，以其不能得小汗

出，身必當癢，宜桂枝麻黃各半湯^{正二}主之。

〔七十一〕問筋惕

〔批〕惕，音逆。

肉瞤，

〔批〕瞤，音惇。

頭眩，身搖

答曰：太陽病，發汗不解，發熱心悸，頭眩身瞤動欲擗地者，屬真武湯^{百四}。大凡發汗過即身瞤、身動、振搖，虛羸之人微發汗便有此證，俱宜服真武湯。羸甚者去芍藥，或少用之。惡熱藥或有熱證者，去附子。餘依本方加減法詳之。傷寒若吐若下後，心下〔二〕逆滿，氣上衝胸〔二〕，起則頭眩，脈沉緊，發汗則動經，身為振搖者，茯苓桂枝白朮甘草湯主之。^{正五二}傷寒應發汗，而動氣在左，不可發汗，發汗則頭眩汗出，筋惕肉瞤，此為逆，難治，且先服防風白朮牡蠣散，〔難二〕。次服建中湯。^{正三七}

〔七十二〕問喘

答曰：傷寒喘，只有太陽、陽明二證。太陽病，頭疼發熱身疼惡風，無汗而喘

注〔一〕下 原作「上」，據吳勉學本改。

〔二〕胸 原作「胃」，據吳勉學本改。

者，宜汗，屬麻黃湯。（正二十）。桂枝證，醫反下之，利遂不止，脈促者，表未解也，喘而汗出者，葛根黃芩黃

連湯也（正二八）（一）。太陽病，下之微喘者，表未解故也，桂枝加厚朴杏子湯也（正十九）。發汗後，不可更行桂枝湯。汗

出而喘，無大熱者，可與麻黃杏子甘草石膏湯也（正二一）。陽明病，汗出不惡寒，腹滿而喘，有潮熱

者，宜下，屬承氣湯。（正四十一）。然陽明病，脈浮，無汗而喘，發汗則愈，宜麻黃湯（正二十）。太陽與陽

明合病，喘而胸（二）滿者，不可下，宜麻黃湯。又發汗後飲水多欬微喘者，水停心

下，腎氣乘心故也，小青龍去麻黃加杏仁（正三十六）也；小腹滿者，去麻黃，加茯苓也

（正三十六）。〔批〕小，仲景作少，是。麻黃主喘，何故去之？此治心下有水而喘，不當汗也，小便不利，小腹滿，故去麻

黃，加茯苓也。若陰證喘促，脈伏而厥者，唯返陰丹，五味子湯主之。（批）別本無「麻黃主喘」

至「主之」五十五字

〔七十三〕問渴

答曰：脈浮而渴屬太陽；傷寒表不解，心下有水氣而渴者，小青龍去半夏加栝蒌根（正三十六）。太陽

注〔一〕正二八 原作「正二九」，據吳勉學本改。

〔二〕胸 原作「胃」，據吳勉學本改。

病，服桂枝大汗出後，大煩渴者，白虎加人參湯。若脈浮，小便不利，微熱消渴者，五苓散（正六六）。太陽證，身體灼熱而渴者，為風溫，栝蒌根湯主之（一）（雜四十七）。有汗而渴屬陽明；白虎加人參湯主之。虛人、老人及春秋月，可與竹葉石膏湯（正九五）。陽明病，但頭汗出，小便不利，渴引水漿，身必發黃，宜茵陳湯（正九十三）。陽明病，脇下硬，不大便而嘔，舌上白胎（二）而渴者，小柴胡去半夏加人參栝蒌根（正二十九）。傷風寒熱，或發熱惡風而渴，屬少陽；傷寒四五日，身熱惡風，脇下滿，手足溫而渴者，小柴胡去半夏加人參栝蒌湯（正二十九）。自利而渴屬少陰。傷寒熱入於臟，流於少陰之經，少陰主腎，腎惡燥，故渴而引飲。少陰下利，欬而嘔渴，猪苓湯主之（正六七）。下利欲飲水者，以有熱也，白頭翁湯主之（正百八）。〔批〕按：「傷寒」注云「引飲」，乃飲猪苓、白頭翁湯以實之，及十一卷下利答中，重出自利而渴條，却注云腎虛故引水自救，通用白通、四逆、猪苓、真武等湯。此答以渴為熱，彼答以渴為虛，何耶？餘見下利條。切戒：太陽證，無汗而渴者，不可與白虎湯；仲景云：渴欲飲水，無表證者，白虎加人參湯。脈浮，發熱無汗，是表未解也，不可與白虎湯，〔批〕按：仲景篇無汗、無表證者，白虎加人參湯。其表不解者不可與。今不曰表不解，但云無汗則誤矣。意（二）從小青龍、小柴胡湯出。仲景云：傷寒表不解，心下水氣，欬而或渴，

注〔一〕栝蒌根湯主之 原作「栝蒌湯主之」，據吳勉學本改。

〔二〕胎通「苔」。下同。

〔三〕意 原作「以」，諸本同，據文義改。

小青龍去半夏加栝實也（正三六）（一）。傷寒四五日，身熱惡風，脇下滿，手足溫而渴者，小柴胡去半夏加人參栝實也（正二十九）。陽明證，汗多而渴者，不可與豬苓湯（二）；汗多胃中燥，豬苓復利其小便故也，蓋以竹葉湯與之。仲景云：陽明病，發作有時，汗出多者，急下之。（批）陽明病，汗出多而渴，今改作五苓散，何耶？然太陽病渴，終不可與白虎耶？太陽證得汗後，脈洪大而渴者，方可與之也。陽明病渴，終不可與豬苓耶？陽明證，小便不利，汗少脈浮而渴者，方可與之。此皆仲景之妙法也。仲景豬苓湯證亦云：脈浮發熱，渴欲飲水，小便不利者，豬苓湯主之（正六七）。凡病，非大渴不可與水。若小渴咽乾者，小小呷滋潤之，今胃中和。若大渴煩躁甚，能飲一斗者，與五升飲之。若全不與，則乾燥無由作汗，發喘而死。常見人（三）因渴飲水得汗，小渴遂劇（批）劇音極。飲之，致停飲心下滿結，喘死者甚衆，當以五苓散，正六六。或陷胸丸正三十九。與之。《金匱》云：得時氣至五六日，而渴欲飲水不能多，不當與也，何者？以腹中熱尚少，不能消之，便更爲人作病矣。至七八日，大渴欲飲水，猶當依證與之，常令不足，勿極意。凡人但見仲景云，得病反能飲水，此爲欲愈，遂小渴者乃強飲之，因成其禍，不可勝數。大抵傷寒水氣，皆因飲水過多所致。水停心下，氣上乘心，則爲悸爲喘，結於胸脇，則爲水結胸，胃

注（一）三六 原作「六三」，據吳勉學本乙轉。

（二）猪苓湯 原作「五苓散」，據《傷寒論》原文改，下文改「五苓」爲「猪苓」同。

（三）常見人 原作「常人見」，據文義乙轉。

中虛冷，則為嘔為噦，冷氣相薄，則為噎，〔批〕噎，音「謁」。上迫於肺，則為欬，漬入腸中，則為利，邪熱所薄，畜於下焦，則為小便不利，小腹滿，或裏急，溢於皮膚則為腫。若陽毒，倍常躁盛，大渴者，黑奴丸主之。〔雜二〕中暑伏熱深，累取不差，其人發渴不已，酒蒸黃連丸主之。〔雜十九〕

〔七十四〕問鼻衄

答曰：傷寒太陽證，衄血者乃解，蓋陽氣重故也。仲景所謂陽盛則衄。若脈浮緊無汗，服麻黃湯正二十。不中病，其人發煩，目瞑，劇者必衄。小衄而脈尚浮緊者，宜再與麻黃湯也。衄後脈已微者，不可行麻黃湯也。若脈浮自汗，服〔二〕桂枝湯正一不中病，桂枝證尚在，必頭疼甚而致衄。小衄而脈尚浮者，宜再與桂枝也。衄後脈已微者，不可行桂枝湯也。大抵傷寒衄血不可發汗者，為脈微故也。治法，衄家不可發汗，汗出額上陷，脈緊急，直視不能瞬，不得眠。然而無汗而衄，脈尚浮緊者，須再與麻黃湯，有汗而衄，脈尚浮緩者，須再與桂枝湯。脈已微者，黃芩芍藥湯，〔雜七八〕犀角地黄湯。〔雜八六〕衄血不止者，茅花湯。〔雜八十〕若衄而渴，心煩，飲則吐水，先服五苓散，正六六。次服竹葉湯。正九五。又問：陰

注〔二〕服 原作「脈」，形近之誤，據文義改。

證有衄血者乎？答曰：陰證自無熱，何緣有衄。若少陰病，但厥無汗，強發之，必動血，未知從何道出，或從口鼻，或從耳目，是為下厥上竭，為難治。〔批〕按：奉議公

此答言有次序，非深於仲景者不能。聞故許學士云：《活人書》之意不可不審察。夫何李知先《書括》及吳恕《指掌》不知奉議言有次序，定擬以麻黃、桂枝二湯用之於衄後，其誤人也深矣。知先徒知著書以濟人，不知達理而得罪，即不明仲景之深意，亦當守箴戒之極言，固知衄家、亡血家，皆可汗，復用麻黃、桂枝以發之，其吳恕又從而和之，載之《指掌》，流溢天下，其為害也廣矣。以致我明陶華無知而妄作，於《項言》中，云以桂枝、麻黃治衄，非治衄也。乃欲散其經中邪氣耳。此正東坡所云，其父殺人報仇，其子必行劫，非華而誰。

〔七十五〕問腹滿身重，難以轉側，口中不仁，面垢，
譫語，遺尿

答曰：此三陽經合病也，白虎湯主之。正六四。不可發汗，汗之則譫語，下之則

額上生汗，手足逆冷。若自汗者，白虎加人參也。正六五。主之。按：仲景篇，若自汗出者，白虎湯主之。今三陽合病云云，遺尿，白虎湯主之，若自汗者，白虎加人參也，與仲景不同，學者詳之。

活人書卷第九終

活人書卷第十

此一卷首論結胸與痞。蓋病發於陽，下之早即為結胸；發於陰，下之早即為痞。然結胸與痞相似，但以痛不痛為異耳。心下滿而硬痛者為結胸，但滿而不痛者為痞。醫家不審，一有差互，立致危殆。結胸屬陷胸證，痞屬瀉心證，其詳各於逐問備論之矣。

〔七十六〕問心下緊滿，按之心硬而痛

答曰：此名結胸也。傷寒本無結胸，應身熱，下之早，熱氣乘虛而入，痞結不散，便成結胸。若已誤轉了，初未成結胸者，急須與理中湯（正七十四），自然解了，更不作結胸，蓋理中治中焦故也。此古人亦說不到，後人因消息得之。若大段轉損有厥證者，兼與四逆湯（正七五）便安。胃中雖和，傷寒未退者，即候日數足可下，却以承氣再下之（正四二），蓋前來下得未是故也。其證心下緊滿，按之石硬而痛，項強如柔痙狀，發熱汗出不惡寒，名曰柔痙。其脈寸口浮，關、尺皆沉或沉緊，名曰結胸也。治結胸，大率當下。仲景云：下之則和。然脈浮與大皆不可下，下之則死，尚宜發汗也。仲景云：

結胸脈浮者，不可下，只可用小陷胸湯（正四十）。大抵脈浮是尚有表證，兼以小柴胡湯等（正二十九）。先發表，表證罷，方用下。結胸藥便安。西晉崔行功云：傷寒結胸欲絕，心膈高起，手不得近，用大陷胸湯（正三十八）。皆不瘥者，此是下後虛逆，氣已不理，而毒復上攻，氣毒相薄，結於胸中，當用枳實理中圓（雜八十二）。先理其氣，次療諸疾，古今用之如神，應手而愈。然結胸有二種，有大結胸，不按而痛，胸連膈壁堅硬，為大結胸，大陷胸丸主之（正三十九）。有小結胸，按之心下痛，為小結胸，小陷胸湯主之（正四十）。有水結在胸脇間，亦名結胸。頭微汗出，但結胸，無大熱，此水結在胸脇間，亦名結胸，小半夏加茯苓湯（雜八十二），小柴胡去棗加牡蠣主之（正二十九）。又有寒、熱二證。有熱實結胸，胃中煩躁，心內懊惱，舌上燥渴，脈沉滑者，皆熱證也，大陷胸湯主之（正三十八）。有寒實結胸，寒實結胸無熱證者，三物白散（一）（正八十七）（二），枳實理中湯，丸主之（雜八十一）。近世治結胸，多行金鍼丸，用硫黃、陽起石者。若寒實結胸，行之或有瘥者，若熱實結胸，行之必死也。又問：大陷胸湯與大陷胸丸如何？大陷胸用甘遂太峻，不可輕用，須量虛實輕重，不得已即大陷胸丸最穩。又問：聖餅子灸臍中如何？此尤不可用也。又問：臟結者何也？答

注（一）三物白散 原作「三物白朮散」據《傷寒論》原文方名、本書卷十五刪「朮」字。

（二）八十七 原作「八十二」，據下文卷十五改。

曰：臟結者死，仲景無治法。大抵臟結其證，如結胸狀，飲食如故，時時下利，陽脈浮，關脈小細沉緊，名曰臟結，舌上白苔滑者難治也。又云：臟結無陽證，不往來寒熱，其人反靜，舌上胎滑者，不可攻也。二者，病人脇下舊有痞，連在臍傍，痛引小腹，人陰筋者，亦名臟結，死，不治。

〔七十七〕問心下滿而不痛

答曰：此名痞也。傷寒本無痞，應身冷，醫反下之，遂成痞，枳實理中丸雜八一。

最良。仲景治痞氣諸湯中，有生薑瀉心湯（正六三）、半夏瀉心湯（正六一），此二方平和，宜常用。仲景云：滿而不

痛者為痞，柴胡不中與也，半夏瀉心湯主之。此湯藥味，蓋本理中、人參、黃芩湯方也。審知是

痞，先用桔梗枳殼湯尤妙。雜八三。緣桔梗、枳殼行氣下隔，先用之無不驗也。結胸

與痞，關脈須皆沉。若關脈浮者，大黃黃連黃芩瀉心湯正五九。主之。關浮則結熱，三黃以瀉

肝。若復惡寒汗出者，附子瀉心湯正六十。主之。病人心下痞，與瀉心湯，痞不解，發

渴，口燥煩，小便不利者，五苓散正六六。主之。汗出表解，而胃中不和，心下痞硬，

乾噫食臭，脇下有水氣，腹中雷鳴下利者，生薑瀉心湯主之。正六三。下利日數十行，

穀不化，腹中雷鳴，心下痞硬而滿，此以醫下之也，若復下之，其痞益甚，甘草瀉心湯主之。正六二。蓋此非結熱，以胃中虛，客氣上逆，故使硬也。下利而心下痞，服生薑瀉心湯、甘草瀉心湯。利不止者，當治其下焦，赤石脂禹餘糧湯主之。正一百九。蓋生薑瀉心、甘草瀉心皆治中焦，此利在下焦，若只治中焦，則利益甚耳。服赤石脂禹餘糧湯利復不止，當利其小便，五苓散主之。凡痞服瀉心湯不愈，然後可用陷胸丸。正三九。下之。不可用陷胸湯，蓋太猛，只用陷胸丸。大抵結胸與痞皆應下，然表未解者，不可攻也。仲景云：當先解表，表解乃可攻痞，解表宜桂枝湯，正一。攻痞宜大黃黃連黃芩湯。正五九（一）。外證未解，心下妨悶者，非痞也，謂之支結，柴胡桂枝湯主之（正三十一）。胸脇滿，微結，小柴胡湯加乾薑牡蠣湯主之（正一九）。若太陽證未除，而數下之，遂協熱而利，利不止，心下痞硬，表裏不解者，桂枝人參湯主之（正十六）。十棗湯，正八九。大柴胡湯，正三十。皆治心下痞。此方最難用，須是表證罷，不惡寒，身涼，其人熱熱汗出，發作有時，頭疼，心下痞硬滿，引脇下疼，乾嘔短氣者，乃可行十棗湯。表未解者，慎不可用也。大柴胡湯治傷寒發熱，汗出不解，心中痞硬，嘔吐而下利者，非大柴胡湯不可也。

正三十。若發汗吐利後，心下痞硬，噫氣不除者，旋復代赭湯主之。正百十。有旋復代赭湯證，其人或欬逆氣虛者，先服四逆湯，正七五。胃寒者先服理中丸，正七四。次服旋復代赭湯為良。旋復花代赭湯是解表後心下痞硬證。

〔七十八〕問嘔者 乾嘔附

答曰：無陽則厥，無陰則嘔。嘔者足陽明胃之經，足陽明之氣下行，今厥而上行，故為氣逆，氣逆則嘔。仲景云：嘔多雖不大便，不可下，可與小柴胡湯，正二十九。上焦得通，津液得下，胃氣因和，浹然汗出而解。大抵嘔證不一，各有治法，要之，小柴胡湯尤相主當耳。與小柴胡湯，胸脇滿而嘔，日晡發潮熱者，可與小柴胡湯加芒硝也。正二十四。若嘔不止，心下急，鬱鬱微煩者，與大柴胡湯也。正三十。大便秘者，方加大黃。大柴胡治嘔最妙，為內有枳實故也。枳實去穢，壓虛氣，須是去大黃。仲景云：嘔多雖有陽明證，慎不可下。《官局》枯梗湯最良，亦用枳實耳，方具第十七卷。古人治嘔，多用半夏、生薑。孫真人云：生薑是嘔家聖藥，仲景治嘔皆用之。太陽與陽明合病，必下利，若不利但嘔者，葛根加半夏生薑湯主之（正二十七）。胸中有熱，胃中有邪氣，腹痛欲嘔者，黃連湯主之（正八十三）。太陽與少陽合病而自利，若嘔者，黃芩加半夏生

薑湯主之（正八十六）。《金匱》諸嘔吐，穀不得下者，小半夏湯、小半夏加茯苓湯、雞八十二。

小半夏加橘皮湯皆可選用也。嘔而發熱者，小柴胡湯主之。正二十九。嘔而發渴者，猪

苓湯主之。正六十七。先嘔却渴者，此為欲解，急與之水。先渴却嘔者，為水停心下，

此屬飲家。仲景云：本渴飲水而嘔者，柴胡不中與也，宜治兩間有水，赤茯苓湯主

之。雞八十四。若少陰證而嘔者，真武湯去附子加生薑也。正百單四。若汗若吐若下後，

虛煩不得眠，若嘔者，梔子生薑湯正四十七。主之。傷寒瘥後嘔者，有餘熱在胃脘，竹葉石

膏湯（一）加生薑主之。正九十四（二）。又問：有乾嘔者何也？答曰：大凡嘔者，飲食不

下。乾嘔者，今人所謂嘔也，或因汗出，或因有水，或因下利，脾胃有熱，故使乾

嘔。《官局》中桔梗湯最佳。雞百一十一。仲景治法，汗自出，乾嘔者，桂枝證也。正。

表不解，心下有水氣，乾嘔發熱者，小青龍也。正三十六。身涼汗出，兩脇痛，或乾嘔

者，十棗湯也。正八十八。少陰下利脈微，與白通湯。正九十六。利不止，厥逆無脈，乾

嘔煩者，白通加豬膽汁湯也。正九十七。少陰下利，裏寒外熱，脈微欲絕，或乾嘔者，

注（一）竹葉石膏湯 原作「竹葉湯」，據《傷寒論》原文方名補。

（二）正九十四 原作「正九十五」，據目錄改。

吳茱萸湯也。（正九十九）。《傷寒論》云：食穀欲嘔者，屬陽明也，吳茱萸湯主之。得湯反劇者，屬上焦也。仲景無治法，大抵吳茱萸湯治少陰證也，穀入胃而嘔屬陽明，宜與小柴胡湯（正二九）。若病人直患嘔吐，而復腳弱，或疼，乃是腳氣，當作腳氣治之。〔批〕按：嘔者，聲物皆出者也。今云嘔者飲食不下何耶？又嘔與噦，蓋字異而音義俱同者也。乾嘔者，其聲輕小而短；噦者，其聲濁惡而長。雖係一證，却有微其之殊。今云所謂嘔，而不敘嘔證，則有失輕重矣。

〔七十九〕問吐

答曰：吐有冷熱二證：寸口脈數，手心熱，煩渴而吐以有熱在胃脘，五苓散主之。（正六十六）。傷寒有表證，渴欲飲水（一）也，水入口即吐者，名曰水逆，由心經受熱而小腸不利故也，宜服五苓

散。發汗後，水藥不得入口為逆。若更發汗，必吐下不止，小半夏加茯苓湯、大半夏加橘皮湯主之。曾經汗下，關脈

遲，胃中虛冷而吐，乾薑黃芩黃連人參湯主之。正百六。寒多不飲水而吐者，理中湯去

朮加生薑主之。正七十三。少陰病，飲食入口則吐，心中溫溫欲吐，復不能吐，始得之

手足寒，脈弦遲者，此胸中實，不可下也，當吐之。若膈上有寒飲，乾嘔者，不可

注〔一〕飲水 原作「食水」，據《傷寒論》原文改。

吐也，當溫之，宜四逆湯。正七十四。吐、利、手足逆冷，煩躁甚者，吳茱萸湯主之。

正九十九。若傷寒解後，虛羸少氣，氣逆欲吐，竹葉石膏湯主之。（正九十四）。〔批〕按：仲景

以本因寒下，醫復吐下，因成寒格吐證，故用此湯。今却言關脈遲，又不言吐下，而言汗下，何耶？又有脈數為胃中虛冷而吐者，仲景嘗言之矣，脈異證同，何不引之以為診視之別。

〔八十〕問嘔吐而利

答曰：嘔吐而下利有兩證。仲景云：傷寒發熱，汗出不解，心中痞硬，嘔吐而下利者，大柴胡湯下之。正三十。又有霍亂證，霍亂嘔吐而利，熱多而渴者，五苓散

正六十六。寒多不飲水者，理中丸。（正七十三）。或有寒腹滿痛，或四肢拘急，下利腳轉筋，理中湯加附子一枚

生用並粗末作湯服之。（正七十三）。吐利汗出，發熱惡寒，四肢拘急，手足厥冷者，四逆湯主之。

正七十四。少陰病吐利，手足逆冷，煩躁欲死，吳茱萸湯主之。正九十九。吐利止而身體痛不休者，當消息和解其外，宜桂枝湯。（正一）。仲景大柴胡一證云：傷寒發熱，汗出不解，心中痞，嘔吐

而下利者，大柴胡主之，即非霍亂也。

吐利已，汗出而厥，四肢拘急不解，脈微欲絕者，通脈四逆加豬膽湯。（正八二）。若夏月中暑，霍亂上吐下利，心腹撮痛，大渴煩躁，四肢逆

冷，冷汗自出，而脚轉筋，宜服香薷散。雜八十五。須井中沉令極冷，頓服之，乃效。
香薷散，夏月預宜合下以備，此證其他藥不能救，仍須極冷併服之。

〔八十一〕問咳嗽

答曰：傷寒咳嗽有兩證：有太陽證咳嗽，小青龍湯。正三十六。小柴胡也；有少陰

證咳嗽，真武湯。正一百四。四逆散。正七十五。猪苓湯也。大抵熱在上焦，其人必飲水，

水停心下，則肺為之浮，肺主於咳，水氣乘之，故嗽而微喘。仲景云：傷寒表不解，

心下有水，乾嘔，發熱而咳，小青龍湯主之。小便不利，小腹滿者，去麻黃加茯苓。

正三十六。往來寒熱，胸脇滿痛，或咳者，小柴胡湯主之，小柴胡去人參、大棗，加五味

子、乾薑。正方二十九。若少陰證咳嗽，四肢沉重疼痛，小便不利，自下利而咳，真武湯

主之，真武湯加五味子、乾薑。大抵傷寒水氣，皆因飲水過多。古人治水氣而咳者，

病在陽則小青龍主之，病在陰則真武湯主之。四肢厥逆，腹中痛，或泄利而咳，四

逆散主之，四逆散加五味子、乾薑。正七十五。下利六七日，咳而嘔渴，心煩不得眠，

猪苓湯主之。正六十七。《古今錄驗》：橘皮湯治嗽佳。

〔八十二〕問咽喉痛

答曰：咽喉痛有陰陽二證，脈浮數，〔批〕別本作「洪數」。面赤斑斑如錦文，咽喉痛，

唾膿血者，此陽毒也。《病源》云：此為下部脈都不至，陰陽隔絕，邪客於足少陰之絡，毒氣上衝，故咽喉不利，或痛而生瘡也。傷寒脈陰陽俱緊，反汗出者，亡陽也，此屬少陰，法當咽痛，而復吐利，此候汗、下、熏、熨俱不可。汗出者，藁本

粉傳〔一〕之。咽喉痛者，甘草湯、

正五十四。桔梗湯、

正百一。猪膚湯、

正一百。半夏散、

正一百二。

通脈四逆去芍藥加桔梗湯、

正八十一。

麻黃升麻湯

正二十五。

可選而用之。又有伏

氣之病，謂非時有暴寒中人，伏氣於少陰經，始不覺病，旬月乃發，脈微弱，法先咽痛，似傷寒，非喉痺之病，次必下利，始用半夏桂甘湯，

雜五十二。

次四逆散主之。

正七十五。

此病只一二日便差，古方謂之腎傷寒也。

〔批〕愚詳四逆散不上咽痛，恐四逆湯刊誤也。楊仁

齋亦作湯。

注〔一〕傳 通「數」。下同。

〔八十三〕問口燥咽乾

答曰：脾臟有熱則津液枯少，〔批〕按：津液枯少固也，然非獨脾臟有熱。脾主太陰，太陰腹滿而噤乾，

此可言脾熱，特一證耳，餘皆非也。

故令口燥而舌乾。仲景云：傷寒無大熱，口燥渴而煩，背

微寒者，白虎湯加人參也。正六十五又云：陽明病，渴欲飲水，口乾舌燥者，白虎加

人參湯主之。正六十五若咽乾者，慎不可發汗，發汗則重亡津液。少陽證，口苦咽乾

者，小柴胡主之。正二十九少陰證，口燥咽乾者，急下之。病人默默欲眠，目不能閉，

起居不安，其聲啞，或咽乾者，當作狐惑治之。

〔八十四〕問病人但漱水不欲嚥

答曰：陽明病，頭疼身熱，口燥但漱水不欲人咽者，必衄也。若病人無表證，

不發寒熱，胸腹滿，唇燥，但欲漱水不欲嚥者，此為有瘀血，必發狂也。輕者犀角

地黃湯，雜八十六甚者抵當湯。（正九十）陽明病，其人喜忘者，必有蓄血，所以然者？本有久瘀血，故令喜

忘，尿雖硬，大便反易，其色必黑者，宜此藥下之。假令已下，病人無表裏證，發熱七八日，雖脈浮數者，可下之。假令已

下，脈數不解，合熱則消穀善饑。或太陽病身黃，脈沉結，小腹硬，小便不利者，無血也。小便自利，其人如狂者，血證諦也，至六七日不大便者，有瘀血也，宜服此藥，屬陽明。

〔八十五〕問不欲眠

答曰：太陽證發汗，大汗出，胃中乾，煩躁不得眠，欲飲水者，當少少與之，

胃中和即愈。若脈浮，小便不利，發渴者，五苓散正六十六主之。下後復發汗，晝日

煩躁不得眠，夜而安靜，不嘔不渴，無表證，脈沉微，身無大熱者，乾薑附子湯主之

正七十二。若發汗，若吐，若下後，虛煩不得眠，劇則反覆顛倒，心中懊懣者，宜梔子

豉湯正四十五吐之。梔子豉湯，一盞半為一劑分，再服，一服得吐，止後服。傷寒大熱，乾嘔，呻吟錯

語不得眠，黃連解毒湯主之。雜八十七。少陰病，得之二三日已上，心中煩不得眠，黃

連阿膠湯主之。雜百四。若少陰病下利而渴，不得眠，猪苓湯主之。正六七。又問：傷寒

瘥後不得眠何也？蓋熱氣與諸陽相并。陰氣未復，所以病後仍不得睡也，梔子烏梅

湯主之。雜八十九。

〔八十六〕問多眠

答曰：多眠有四證，有風溫證，有小柴胡證，有少陰證，有狐惑證。病人尺寸脈俱浮，頭疼身熱常自汗出，體重，其息必喘，四肢不收，默默但欲眠者，風溫證也。風溫不可發汗，宜萎蕤湯。雜四十五。病人脈浮，頭項強痛而惡寒者，太陽證也，十日已去，脈浮細而嗜卧者，外已解也，設胸滿脇痛者，與小柴胡湯。正二十九。脈但浮者，麻黃湯主之。正二十。病人尺寸脈俱沉細，但欲寐者，少陰證也，急作四逆湯。正七十四。復其陽，不可緩也。若狀如傷寒，四肢沉重，忽忽喜眠，須看上下唇，上唇有瘡，蟲蝕五臟，下唇有瘡，蟲蝕下部，當作狐惑治也。

〔八十七〕問身涼汗出，兩脇疼痛，或乾嘔

答曰：此十棗湯證也。仲景云：太陽中風，下利嘔逆，表解者乃可攻之。其人漿漿汗出，發作有時，頭痛，心中痞硬滿，引脇下痛，乾嘔短氣，汗出不惡寒者，此表解裏未和也，十棗湯主之。正八十八。大抵脇下痛者，此為有飲，須分表裏，乾嘔

微利，發熱而欬，為表有水，小青龍湯加芫花主之。正三十六。身體涼，表證罷，乾嘔而脇下痛，為裏有水，十棗湯主之。十棗湯非小青龍湯之比，須量人虛實，不可妄投。

活人書卷第十一

此一卷，首論咳逆，傷寒咳逆，此證極惡，仲景經中不載。孫真人云：咳逆，遍尋方論，無此名稱，深窮其狀，咳逆者，噦逆之名。蓋古人以咳逆為噦耳。大抵咳逆者，古人所謂噦是也。哕者，今人所謂乾嘔是也。〔批〕按：咳逆，俗以哕逆與忒逆呼之，然咳逆二字，僅見辨脈、平脈法中，其餘篇但有噦而無咳逆，後人遂謂噦即咳逆，而曰咳逆者，噦逆之名，由是噦與咳逆之名義紊矣。仲景《金匱》法中謂噦逆但指與乾嘔同類者言，何嘗指咳逆言乎？咳逆言其繼發聲於喉間則連然止，軋然連續數聲，然而短促不長，有若咳嗽之咳然，故曰咳逆。噦逆者，則言其似欲嘔物以出而無所出，但聲之濁惡長而有力，直至氣盡而後止，非如此乾嘔之輕而不甚，故曰噦逆。今乃以噦逆當咳逆何耶？

〔八十八〕問咳逆

答曰：咳逆者，仲景所謂噦者是也。噦，逆氣也。胃寒所生，傷寒本虛，攻其熱必噦。又云：傷寒大吐下之，極虛，復發汗者，其人外怫鬱，復與之水，以發其汗，因得噦。所以然者，胃中寒故也，橘皮乾薑湯，雜九十。羌活附子湯，雜九十一。半夏生

薑湯、

雜九十二。

退陰散

雜十四。

主之。

若服藥不差者，灸之必愈。

其法，婦人屈乳頭向下盡處骨

間，灸三壯。丈夫及乳小者，以一指為率正也。男左女右，艾炷如小豆許，與乳相直間陷中動脈處是。

然亦有陽證咳

逆者，小柴胡湯、

正二十九。

橘皮竹茹湯。

雜五。

仲景又云：傷寒嘔而腹滿，視其前後，知

何部不利，利之即愈。

仲景無方，前部宜猪苓湯（正六十七），後部宜調胃承氣湯（正四十二）。

扁鵲《中藏經》

〔一〕

治傷寒咳逆，

丁香散：

丁香、

柿蒂各一分，

甘草、

良薑各

半錢，沸湯點作一服，乘熱猛喫，極效。《三因》第十一卷又有竹茹湯等方，亦丁香

散方。竹茹湯治陽證也。《本事方》第八卷治傷寒候咳逆，豆蔻湯治陰證咳逆，丁香、

茴香、肉豆蔻等藥，若陽證，不可用。凡咳逆，多有先熱而喫生冷，或涼藥多相激

而成，蓋陰陽二氣相搏，林人之僕，本發大熱，以涼藥下之，想太甚，咳逆四五日，

竟至於服丁香、柿蒂，而後却再以小柴胡之屬解其餘熱，遂愈。下後蓋有身熱不解。

〔批〕想亦當小柴胡湯解之。

治傷寒咳逆後二方，出撫州華蓋山周先生

惟一

《備急方》、《救

急方》。香附子、橘核各半兩，細剉，用酒半盞，先將藥在石銀器內炒，漸漸滴酒，炒

藥焦黃色，研細末，每二錢，水一小盞，煎至八分，細細旋呷服。一方單用香附子

末。又方大蒜頭二箇，煨，動研，爆入白薑末，丸得為度。研和，如梧桐子大，搗薤菜自然汁，吞下二十圓，病退再服一十五圓。〔批〕「扁鵲」起，至「十五圓」止，諸本俱無，且議論不類諸條，係後人所增，姑存之以俟。

〔八十九〕問發黃

答曰：病人寒濕在裏不散，熱畜於脾胃，腠理不開，瘀熱與宿穀相薄，鬱蒸不消化，故發黃。漢贊南方暑濕近夏瘴熱。蓋瘴者，黃也。古人以黃為瘴。溫〔一〕熱相薄，民多病瘴，其為附證。

然發黃與瘀血，外證及脈俱相似，但小便不利為黃，小便自利為瘀血。要之發黃之人，心脾蘊積，發熱引飲，脈必浮滑而緊數。若瘀血證，即如狂，大便必黑，此為異耳。凡病人身體發熱，頭面汗出，身無汗，劑頸而止，渴引水漿，小便不利，如此必發黃，茵陳蒿湯正九十二。加五苓散正六十八。也。茵陳蒿湯十分，五苓散五分，二件拌和，每服一

錢，溫水調下，日三服。病人服湯得小便利如皂莢汁赤，一宿腹減，則黃從小便中出也。古

人云：治濕不利小便，非其治也。尤抵發黃者，瘀熱在裏，由小便不利而致也。梔子蘗皮湯，正五十。

注〔一〕溫 諸本皆作「濕」，是。

麻黃連翹赤小豆湯正二十四。可選而用之。又方：傷寒欲發黃者，急用瓜蒂末，口含水，搗一字許入鼻中，出黃水，甚驗。即用茵陳蒿湯調五苓散，服之最良。又問：白虎證亦身熱，煩渴引飲，小便不利，何以不發黃？答曰：白虎與發黃證相近，遍身汗出，此為熱越，白虎證也。頭面汗出，頸以下都無汗，發黃證也。又問：太陽病，一身盡痛，發熱，身如熏黃者何？太陽中濕也。仲景云：傷寒發汗已，身目為黃，所以然者，以寒濕在裏不解故也，以為不可下也，於寒濕中求之。第六卷第四十七問。又問：病人脈弦浮大而短氣，腹都滿，脇下及心痛，久按之氣不通，鼻乾不得汗，嗜臥，一身及目悉黃，小便難，有潮熱，時時咳嗽者，何也？答曰：少陽中風也，小柴胡湯主之。正二十九。

〔九十〕問發狂

答曰：發狂有二證。陽毒發狂，畜血如狂，其外證與脈皆不同。病人煩躁，狂走妄言，面赤，咽痛，脈實，潮熱，獨語如見鬼狀，此陽毒也。病人無表證，不發寒熱，唇燥但欲漱水不欲入咽，其脈微而沉，小腹硬滿，小便反利，大便必黑，身

黃發狂，此血證諦也。

病人如熱狀，煩滿口燥，其脈反無熱，此為陰伏，其血證審矣。仲景云：太陽病不解，熱

結膀胱，其人如狂，其血自下者愈。若外不解者，尚未可攻，當先解其表，宜桂枝湯（正一）。外已解，但小腹急結者，乃可

攻之，屬桃仁承氣湯（正四十四）主之。大抵傷寒當汗不汗，熱畜在裏，熱化為血，其人喜忘而

如狂，血上逆則喜忘，血下畜則內爭，甚者抵當湯，（正九十）。抵當圓，（正八十九）。輕者桃

仁承氣湯，（正四十四）。犀角地黄湯（雜八十六）。須取盡黑物為效。失汗，熱畜在膀胱經，若用抵當湯，更

須子細（一）審其有無表證，若有畜血證而外不解，亦未可使用抵當湯。先用桂枝湯以解其外，緣熱在膀胱太陽經故也。又

有火邪發驚狂者，醫以火於卧床下，或周身用火迫劫汗出，或熨而成火邪，其人亡

陽，煩躁，驚狂卧起不安，桂枝去芍藥加蜀漆牡蠣龍骨救逆湯，（正十）。桂枝甘草龍骨

牡蠣湯（正十四）主之。凡灸及燒鍼後，證似火劫者，並用此法治之，《金匱》風引湯尤良，柴胡加龍骨牡蠣湯（正二十

三）更捷。

〔九十一〕問發斑

答曰：發斑有兩證。

溫毒發斑，熱毒發斑。

溫毒發斑者，冬月觸冒寒毒，至春始發，

注〔一〕子細 精細也。〔子〕或作「仔」。

或已發汗吐下，表證未除，毒氣未解，故發斑，黑膏（雜九十三）主之。或冬月溫暖，人

感乖戾之氣，至春初為積寒所折，毒氣未得泄，迨天氣暄暖，溫毒始發，肌肉斑爛

癰疹如錦文，而咳，心悶，嘔清汁，葛根橘皮湯（雜九十四）屢用之驗。黃連橘皮湯（雜百

二五）亦佳。（廣州褚倅子，斑如壞梨齧。熱病發斑者，與時氣發斑同，或未汗下，或已汗下，

熱毒不散，表虛裏實，熱毒乘虛出於皮膚，遂發斑瘡癰疹如錦紋，俗呼麩瘡，〈素

問〉謂之疹。（發斑者，下之太早，熱氣乘虛入胃故也。下之太遲，熱留胃中，亦發斑。服熱藥過多，亦發斑。微者，

赤斑出，五死一生；劇者，黑斑出，十死一生。）大抵發斑不可用表藥，表虛裏實，若發其汗，重令

開泄，更增斑爛也，皆當用化斑湯，（雜百二十）玄參升麻湯，（雜九十五）阿膠大青湯，（雜九

十六）豬膽雞子湯（一），（雜四十四）或與紫雪大妙。可下者，與調胃承氣湯（正四十三）。暑月陽

氣重者，常宜體候，才有赤點如蚊蚤咬，却急治之。又有陽毒發斑，見四卷二問四問，宜參酌之。

〔批〕按：華佗云：熱毒未入於胃，而下之胃虛，熱入爛胃。又熱已入胃，不以時下之，熱不得泄，亦胃爛。其斑如雞頭大，

微隱起，喜著兩脇。今云表虛裏實，熱毒乘虛，仲景論何曾有此證治哉？王朝奉云：服熱藥過多亦發斑。素問云：陽毒出斑，

皆如灸跡，指面大青黑，並不免於死者，胃爛故也。故人或謂斑有生者，非斑也，皆疹耳。其狀如蚊蚤咬，小點而赤是也，

注〔一〕豬膽雞子湯 原作「豬膽梔子湯」，從十七卷雜方四十四「豬膽雞子湯」改。

故多生矣。今此癰疹如錦文者，疹也，非斑也。以斑即是疹，亦非也。如上所言，豈特兩證乎？

〔九十二〕問讞語

答曰：病人有讞語，有鄭聲二證。鄭聲爲虛，當用溫藥，白通湯正九十六主之。

讞語爲實，當須調胃承氣湯（正四十三）主之。服調胃承氣湯而讞語止，或更衣者，停後服，不爾，再與之。仲景云：實則讞語，虛則鄭聲。鄭，重也，重語也。世多分別。然讞語、鄭聲亦相似難辨，須更用外證與脈別之。若大小便利，手足冷，脈微細者，必鄭聲也；大便秘，小便赤，手足溫，脈洪數者，必讞語也。以此相參，然後用藥萬全矣。大抵傷寒不應發汗，即讞語。仲景云：傷寒四五日，脈沉而喘滿，沉爲在裏，反發其

汗，津液越出，大便爲難，表虛裏實，實則讞語。讞語屬胃，和中則愈，不和則煩而躁，宜調胃承

氣湯。然亦有三陽合病讞語者；三陽合病，腹滿身重，難以轉側，口中不仁，面垢，讞語，遺溺，其脈必滑

實，不可汗下，宜白虎湯（正六十四）。有胃實讞語者；病人身熱汗出，大便秘，爲胃實，宜調胃承氣湯（正四十二）、

大承氣湯（正四十一），《外臺》承氣湯無芒硝，尤穩。或發汗多，亡陽讞語者。仲景云：發汗多，亡陽讞語者，

不可下，此爲津液不和，與柴胡桂枝湯（正三十一）和其榮衛，以通津液，後自愈。恐人作燥屎攻之，慎不可攻也。有下

利讞語者，下利讞語，有燥屎也，調胃承氣湯（正四十二）、小承氣湯（正四十二）主之。有下後讞語者，傷寒八九日，下之，胸滿煩驚，小便不利，讞語，身重不可轉側者，柴胡加龍骨牡蠣湯（正三十三）。有婦人熱入血室讞語者。婦人傷寒，發熱，經水適來，晝日明了，暮則讞語，如見鬼狀者，此為熱入血室，無犯胃氣及上二焦，速用小柴胡湯（正二十九）治之。若行湯遲，熱入胃，令津燥，中焦、上焦不榮，成血結胸狀，須當鍼期門也。婦人中風，發熱惡寒，經水適來，七八日熱除，脈遲身躁（一），胸脇下滿，如結胸狀，讞語者，此為熱（二）入血室也，當刺期門，隨其實而取之。已上二焦熱結在期門也，若犯胃氣，晝夜讞語，喜忘，小腹滿，小便利，屬抵當湯（正九十一）證也。人又問：仲景云：無犯胃氣，何也？答曰：熱因經水適來，乘虛入室，故血室有熱，遂令讞語，當以小柴胡（正二十九）解之。即與胃實讞語不同，胃實有燥糞，故宜調胃承氣湯（正四十三）下之，若血室有熱讞語，非胃家實，仲景恐人作胃實攻之，故曰無犯胃氣也。大抵讞語是熱屬陽，而反見陰證者逆。

〔九十三〕問吐血

答曰：傷寒吐血，由諸陽受邪，熱初在表，應發汗而不發汗，熱毒入深，結於

注〔一〕「躁」 據陽伯按當遵《傷寒明理論》作「涼」。

〔二〕七八日熱除……此為熱 二十三字諸本皆缺。

五臟，內有瘀積，故吐血也。瘀血甚者，抵當圓；正八十九。輕者，桃仁承氣湯，
正四十四。兼服犀角地黄湯、雞八十六。三黃圓。
雞九十八。

〔九十四〕問腹痛 腹脹滿附

答曰：本太陽病，醫反下之，因爾腹滿時痛，是有表，復有裏，仲景所以用桂枝加芍藥湯正十二。主之；痛甚者，加大黃
（正十三）。桂枝加芍藥，即是小建中也。太陰脈弱自利，設常行大黃、芍藥者，宜減之，其人胃虛，陽氣易動故也。下利者，先煎芍藥十餘沸。〔批〕按：仲景云：大實痛者，桂枝加大黃湯主之。乃胃中邪實結燥而痛，今云痛甚，則與大實證全別矣。《難經》云：痛為實。大抵痛宜下。仲景云：發汗不解，腹滿痛甚，急下之，宜大承氣湯（正四十一）。又曰：腹中滿者，此為實，當下之，屬大柴胡湯（正三十一）。腹痛有二證：有熱痛，有冷痛。尺脈弦，腸鳴泄利而痛者，冷痛也，小建中湯正三十七。主之。仲景云：陽脈濇，陰脈弦，法當腹中急痛，先與小建中湯；不瘥者，與小柴胡湯。小柴胡去黃芩加芍藥（正二十九）。陰證腹痛，即四逆散，
正七十五。通脈四逆加芍藥湯。
正八十。腹痛小便不利者，真武湯。
正百四。關脈實，腹滿，大便秘，按之而痛者，實痛也，桂枝加大黃湯，
正十三。黃連湯，
正八十二。大承氣湯
正四十一。主之。

又問：腹脹滿者何也？陰陽不和也，桔梗半夏湯（雞九十九）最良。仲景論太陽證，發汗後，腹脹滿也，厚朴生薑半夏甘草人參湯。（正五十八）下後，心煩腹滿，卧起不安者，梔子厚朴湯。（正四十八）吐後，腹脹滿者，與調胃承氣湯。（正四十三）少陰病，六七日，腹脹不大便者，急下之，宜承氣湯。（正四十三）

〔九十五〕問煩躁

答曰：傷寒煩躁，太陽與少陰經為多，蓋太陽與少陰為表裏。陽明經或因不大便，

中有燥屎，故煩躁耳。

仲景云：病人不大便五六日，遑臍痛，煩躁，發作有時者，此有燥屎也，宜承氣湯。大

抵得病三日，脈弱，無太陽、柴胡證，煩躁，心下硬，小便利，尿定硬，以小承氣湯（正四十二）少少與微利之。然有病

已差，尚微煩，必大便秘，當問其小便日幾行，若小便少，津液當還入胃，不須攻也。大抵陰氣少，陽氣勝，則

熱而煩，故太陽經傷風多煩而躁也。

仲景云：太陽傷風，服桂枝湯（正一），煩不解，先刺風池、風府，却

與桂枝湯。又云：太陽傷風，脈浮緊，發熱惡寒，身疼痛，無汗而煩躁者，大青龍湯（正三十五）主之。又云：傷寒二三日，

心中悸而煩者，小建中湯（正三十七）主之。又云：傷風發熱，六七日不解而煩，有表裏證，渴欲飲水，水入則吐，五苓散

（正六十六）主之。又云：傷寒得病無熱，但狂言煩躁不安，精氣不與人相當，但與五苓散。大錢服之，當與新汲井水飲，升許，即以指刺喉去之，隨手愈。然而太陽證自汗心煩，若小便數者，又不可用桂枝表也。陽虛陰盛，亦發煩躁，

陽氣弱，為陰所乘而躁，故少陰病亦煩躁，少陰病，二三日已上，心煩不得卧，黃連阿膠湯（正八十三）

主之。少陰病，吐利，手足逆冷，煩躁欲死者，吳茱萸湯（正九十九）主之。少陰病，下利咽痛，胸滿心煩者，豬膚湯（正

一百）主之。少陰下利六七日，咳而喘渴，煩不得眠，豬苓湯（正八十七）主之。少陰病，惡寒而躁，時時自煩，欲去衣被，

大柴胡（正三十）下之。學者當以外證與脈別之。寸關浮數，身熱而煩者，屬太陽也。尺寸俱沉，手足厥逆，自

利而煩者，屬少陰也。然有汗之而煩者，仲景云：太陽病，發汗後，大汗出，胃中乾，煩躁不得眠，欲得飲水者，

少少與之，令胃中和則愈。若脈浮，小便不利，微熱消渴，五苓散（正六十六）主之。有下之而煩者，仲景云：下之

後，發汗，晝日煩躁不得眠，夜而安靜，不嘔不渴，無表證，脈沉微者，乾薑附子湯（正七十二）主之。又云：發汗吐下後，

虛煩不得眠，心中懊憹者，梔子豉湯（正四十五）主之。發汗，若下之，病人不解，煩躁者，茯苓四逆湯（正七十七）主之。

又有病已解而反微煩者，此由病新差，不勝穀，損穀則愈。先用小柴胡湯（正二十九）和其榮

衛，以通津液，得屎而解。小柴胡不中，然後以調胃承氣湯（正四十三）。

〔九十六〕問下利者

答曰：傷寒下利多種，須辨識陰陽，勿令差互。三陽下利則身熱，太陰下利手足溫，少陰、厥

陰下利身不熱，以此別之。大抵下利挾太陽脈證，便不得用溫藥。俗醫但見下利，便作陰證，用溫熱藥，鮮不發黃、生斑而死也。太陽陽明合病，必下利，葛根湯正二十六。主之下利而頭疼腰痛，肌熱目疼鼻乾，其脈浮大而長者，是其證也。太陽少陽合病，自下利，黃芩湯正八十四。主之，若嘔者，黃芩湯加半夏生薑也。（正八十五）。下利而頭疼胸滿，或口苦咽乾，或往來寒熱而嘔，其脈浮大而弦者，是其證也。陽明少陽合病，

必下利，其脈不負者，順也；負者，失也，互相尅賊，名為負也。下利而身熱胸膈痛滿，乾

嘔，或往來寒熱，其脈長大而弦者，是其證也。蓋陽明者土，其脈長大；少陽者木，其脈弦。若合病，上被木賊，更下利，為胃已困，若脈不弦者，順也，為土不負，負者死。自利不渴屬太陰。四逆湯（正七十四）、理中湯（正七十三）。

自利而渴屬少陰。白通湯（正九十六）、白通加豬膽湯（正九十七）、通脈四逆湯（正八十）、豬苓湯（正六十七）、

真武湯（正百四）、四逆加人參湯（正七十六）可檢證而用之。（批）別本「少陰」下有注云：「腎虛故引水自救，通用」九字。

按：白通、四逆、豬苓、真武等湯，前九卷渴證答中「自利而渴」條下注云：傷寒熱入於臟，流於少陰之經，少陰主腎，腎惡燥，故渴而引飲，以渴為熱，此以為虛，又且分隸兩門，初學檢閱，疑誤豈小，今詳定少陰咳而下利嘔渴，及厥陰下利欲飲水，是皆傳經之邪熱，脈必沉細數，故以連滑等清利之。其或少陰自利而渴，欲吐不吐，心煩但欲寐，是直入本經之陰邪也，脈必沉微，故以薑附等溫之。何不如此明示脈證，合而歸一門而分辯之，庶一見而兩得焉。清之、溫之，隨其攸利，又何疑誤之有。其餘下利，皆因汗下後證也。大抵傷寒下利，須看脈與外證：下利而脈大

者，虛也。脈微弱者，為自止。下利日十餘行，脈反實者，逆。下利脈數而滑者，有宿食也，下之愈。脈遲而滑者，實也，其利未得便止，更宜下之。下利三部脈皆平，按其心下硬者，急下之。協熱利者，臍下必熱，大便赤黃色及腸間津汁垢膩。謂之腸垢。寒毒入胃，則臍下必寒，腹脹滿，大便或黃白、或青黑、或下利清穀。濕毒氣盛，則下利腹痛，大便如膿血，或如爛肉汁也。下利欲飲水者，以有熱也。下利識語者，有燥屎也。寒毒入胃者，四逆湯、正七十四。理中湯、正七十三。白通湯加附子、正九十六。四逆散加薤白、正七十五。主之。協熱利者，黃芩湯、正八十四。白頭翁湯、正百七。三黃熟艾湯、雜一百。薤白湯、雜百一。赤石脂圓、雜百二。濕毒下膿血者，桃花湯、正九十八。地榆散、雜百三。黃連阿膠湯、〔一〕。雜百四。雖然，自利而渴屬少陰，然三陽下利亦有飲水者，乃有熱也。三陰下利宜溫之，然少陰自利清水，心下痛，口乾燥者，却宜下之，此又不可不知也。

少陰泄利下重，不可投熱藥，先濃煎薤白湯（雜百一），納四逆散，緣四逆散用枳實、芍藥之類。又尋常胃中不和，腹中腸鳴下利，生薑瀉心湯（正六十三）最妙。此二法不特傷寒證也。

注〔一〕黃連阿膠湯 原作「黃連阿膠散」，從十八卷雜方一百四「黃連阿膠湯」改。

〔九十七〕問小便不利，小便難

答曰：傷寒發汗後，汗出多，亡津液，胃中極乾，故小便不利。醫見小便不利，往往利之，誤矣。《類纂》云：胃中乾則無小便，慎不可利。故仲景云：下之後，復發汗，小便不利者，亡津液耳。若傷寒引飲，下焦有熱，小便不通，脈浮者，五苓散；正六十六。脈沉者，猪苓湯；正六十七。也。表不解，心下有水，發熱而欬，小腹滿，小便不利者，小青龍湯去麻黃加茯苓也。正三十六。傷寒無汗，翕翕發熱，頭項強痛，小便不利者，桂枝湯去桂加茯苓白朮也。正方九。嘔而發熱，胸脇滿，心下怔忡，小便不利者，小柴胡湯去黃芩加茯苓。正二十九。少陰病，小便不利者，四逆散加茯苓也。（正七十五）。傷寒有所不利者，行之，取其滲泄也。有渴而飲停者，有躁而煩渴者，有病氣去而水氣不得行者，其表裏得見煩躁，口燥欲飲水，水入即吐，病名水逆，及霍亂，頭痛，發熱，身疼痛，欲引水者，有發熱汗出，復惡寒，不嘔，但心下痞者，並宜五苓散。其脈浮，發熱，渴欲飲水，小便不利，少陰病，下利六七日，欬而嘔渴，心煩不得眠者，宜與猪苓湯。其大病差後，從腰已下有水氣者，牡蠣澤瀉散（正九十三）。此利水道滲洩之義也。大抵中濕與發黃，以利小便為先，陽明汗多，以利小便為戒。

又問：小便難，何也？陰虛故也。陰虛者，陽必湊之，為陽所湊也。故小便黃者，中有熱也，宜瞿麥、滑石之類瀉之。太陽病，發汗，遂漏不止，其人惡風，小便難，四肢微急，難以屈伸者，桂枝加附子湯主之。正方六。陽明中風，脈弦浮大，短氣，腹滿，脇下及心痛，鼻乾不得汗，嗜卧，身黃，小便難，潮熱而噦者，小柴胡加茯苓。正十九。主之。

〔九十八〕問小便自利，小便數

答曰：太陽證，下焦有熱，小腹必滿，應小便不利，而小便反利者，下血證也，抵當湯。正九十。主之。陽明證，自汗出，應小便少，而小便自利者，津液內竭也，屎雖硬，不可攻也，當用蜜煎導之。正百十。少陰證，四逆，而小便自利者，虛寒證也，四逆湯。正七十四。真武湯去茯苓。正百四。主之。

又問：小便數者，何也？腎與膀胱俱虛，而有客熱乘之也。二經既虛，致受於客熱，虛則不能制水，故令數小便，熱則水行瀉，瀉則小便不快，故令數起也。診其趺陽脈數，胃中熱，即消穀引飲，大便必硬，小便即數也。太陽病自汗，四肢拘

急，難以屈伸，心煩，微惡寒，脚攣急，若小便數者，慎不可行桂枝也，宜與甘草乾薑湯。正五十五。芍藥甘草湯正五十七。也。大抵洩數則大便難，仲景云：趺陽脈浮而濇，浮則胃氣強，濇即小便數，浮濇相薄，大便則難，其脾為約，麻子仁圓。正九十一。主之。太陽病，若汗若吐若下後，微煩，小便數，大便因硬者，與小承氣湯。正四十二。和之愈。又云：傷寒脈浮，自汗，小便數，若胃中不和，譫語者，少與調胃承氣湯。正四十三。

〔九十九〕問有數日不大便，有大便難，有大便硬，有燥屎，有大便溏

答曰：傷寒數日不大便，大便硬及有燥屎，皆知用大柴胡。正三十。大承氣，正四十一。小承氣，正四十二。攻之。然仲景論大便不通，亦有數種不可攻者。在第三卷第十四問中，詳言之矣。仲景又有陽結、陰結之論，不可不別也。其脈浮而數，能食，不大便，此為實，名曰陽結，宜用小柴胡湯。正二十九。所謂和其榮衛，以通津液，縱不了了，得屎而解也。其脈沉而遲，不能食，身體重，大便反硬，名曰陰結，宜用金液丹。所謂陽盛則促，陰盛則結，促結同也。

又問：大便溏者，何也？古人云：歲火不及，寒乃大行，民病驚瀉。大率病人腸中有寒，即大便鴨瀉，蓋瀉者，胃中冷，水穀不利故也。華佗云：寒即瀉，熱即垢。仲景說初硬後瀉有二證，小便不利，小便少，皆水穀不分耳。

〔一百〕問病人默默欲眠，目不能閉，起居不安，其聲啞〔一〕，或咽乾

答曰：此名狐惑傷寒也。狐惑與濕蘊皆蟲證，初得狀如傷寒，或因傷寒變成其疾。其候默默欲眠，目不能閉，起居不安，蟲蝕其喉為惑，其聲啞；蟲食下部為狐，其咽乾。狐惑之病，並惡飲食，面目乍赤、乍白、乍黑，是其證也。大抵傷寒病，腹內熱，人食小，腸胃空虛，三蟲行作求食，蝕人五臟及下部為蠱病。其候齒無色，舌上盡白，甚者唇黑〔二〕有瘡，四肢沉重，忽忽喜眠，蟲蝕其肛，爛見五臟則死。當數看其上下唇，上唇有瘡，蟲食其臟也；下唇有瘡，蟲食其肛也。殺人甚急，多

注〔一〕啞（sh）聲破也。

〔二〕黑 原作「墨」，據吳勉學本改。

因下利而得。治瀝，桃仁湯、雜百五。黃連犀角湯、雜百六。雄黃銳散雜百七。主之。

〔百一〕問病人欲食，復不能食，常默默欲卧，復不能卧，

欲出行，復不能行，飲食或有美時，或有不飲〔二〕飯

時，如強健人而卧不能行，如有寒，如無寒，如有

熱，復無熱，口苦，小便赤，藥入即吐利

答曰：此名百合傷寒也。百脈一宗，悉致其病，無復經絡也。其狀：欲食，復不能食，常默默欲得卧，復不能卧，欲出行，復不能行，飲食或有美時，或有不飲飯時，如強健人而卧不能行，如有寒，如無寒，如有熱，復無熱，口苦，小便赤。百合之病，諸藥不治，藥入即吐利，如有神靈。此多因傷寒、虛勞、大病之後不平復，變成斯疾也。百合知母湯、雜百八。滑石代赭湯、雜百九。雞子湯、雜百十。百合地黃湯、雜百十二。百合洗方、雜百十一。栝樓牡蠣散、雜百十三。滑石散雜百十四。主之。

活人書卷第十一終

活人書卷第十二

此一卷，說藥證并藥方加減法。

所謂藥證者，藥方前有證也，如某方治某病是也。傷寒有證異而病同一經，藥同而或治兩證，類而分之，參而伍之，審知某證者，某經之病，某湯者，某證之藥，然後用之萬全矣。又況百問中，一證下有數種藥方主之者，須是將病對藥，將藥合病，乃可服之。假如下利而心下痞，稱十棗湯、大柴胡湯、生薑瀉心湯、甘草瀉心湯、赤石脂禹餘糧湯、桂枝人參湯之類，雖均是治下利而心下痞，其方有冷、有熱，子細詳藥證以對之，則無不中矣。〔批〕別本「萬發萬中矣」。

所謂藥方并加減法者，仲景傷寒方一百一十三道，病與方相應，乃用正方，稍有差別，即隨證加減。昔人云：學方三年，無病可醫；療病三年，無方可治。往往世傳為名論，竟不知執方療病，或中或否，不知加減，移咎於方。古人用藥，如斗運轉，故攻病的而取效速，一服知，二服愈。假如理中圓證，腎氣動者，去白朮，小柴胡湯證，小便不利者，加茯苓。蓋脾惡濕，腎惡燥，白朮治濕，〔批〕別本作「白朮治

燥。茯苓利水，故腎氣動者去白朮，小便不利者加茯苓。以此推之，然後知不可執方療病，須是隨證加減。今於逐方下，說病證用藥加減，庶幾脗合之際，便見治法，兼古方凡稱咬咀者，但云剉如麻豆大，云一升者，只用一大白盞，以古准今，易曉而通用也。尋常疾勢輕者，只抄粗末五錢匕，水一盞半，人薑棗煮七八分，去滓服之。〔批〕「服之」別作「溫服」。未知再作，病勢重者，當依古劑法。古之三兩，即今之一兩也。二兩，即今之六錢半也。古之三升，即今之一升也。料例大者，只含三分之一足矣。

桂枝湯（一） 太陽中風，陽浮陰弱，發熱汗出，惡寒，鼻鳴乾嘔者，宜服之。 太陽病，頭痛發熱，汗出惡風者，宜服之。 太陽病，下之後，其氣上衝者，宜服之。 桂枝本為解肌（二），若脈浮緊，發熱汗不出者，不可與之。 太陽病，服桂枝湯，煩不解，先刺風池、風府，却與桂枝湯。 服桂枝湯，大汗出，脈洪大者，與桂枝湯。若形似瘧，一日再發者，宜桂枝二麻黃一湯。 服桂枝湯，大汗出，大煩渴不解，脈洪大者，白虎加人參湯主之。 服桂枝湯，或下之，仍頭項強痛，翕翕發熱，無汗，心下滿微痛，小便不利者，桂枝去桂加茯苓白朮湯主之。 傷寒脈浮，

注〔一〕肌 原作「飢」，據吳勉學本，《傷寒論》原文改。

自汗出，小便數，心煩，微惡寒，脚攣急，與桂枝湯。得之便厥，咽乾，煩躁，吐逆，作甘草乾薑湯與之，厥愈，更作芍藥甘草湯與之，其脚伸；若胃氣不和，與調胃承氣湯；若重發汗，加燒針者，四逆湯主之。太陽病，外證未解，脈浮弱者，當以汗解，宜服。太陽病，外證未解，不可下也，下之為逆，解外宜服。太陽病，先發汗不解，復下之，脈浮者不愈。浮為在外，而反下之，故令不愈。今脈浮，故知在外，當須解外則愈，宜服。病常自汗出者，此為榮氣和，榮氣和者，外不諧也，以衛氣不共榮氣諧和故爾，以榮行脈中，衛行脈外，復發其汗，榮衛和則愈，宜服。病人臟無他病，時發熱〔批〕別作「時作熱」。自汗出而不愈者，衛氣不和也，先其時發汗則愈，宜服。傷寒，不大便六七日，頭痛有熱，與承氣湯；小便清者，知不在裏，當發汗，宜服。傷寒發汗解半日許，復熱煩，浮數〔批〕「浮數」上當有「脈」字者，可更發汗，宜服。傷寒，醫下之，清穀不止，身疼痛，急當救裏，後身疼痛，清便自調，急當救表。救裏，宜四逆湯；救表，宜桂枝湯。太陽病，發熱汗出，榮弱衛強，故使汗出，欲救邪風，宜服。傷寒大下後，復發汗，心下痞，惡寒者，不可攻痞，先解表，表解乃可攻痞。解表，宜桂枝湯；攻

痞，宜大黃黃連瀉心湯。太陽病不解，熱結膀胱，其人如狂，血自下，下者愈。

其外不解，尚未可攻，當先解其外。外解已，但少腹急結者，乃可攻之，宜桃核

承氣湯。其解外，宜服。已上屬太陽。陽明病脈遲，汗出多，微惡寒，表未解，宜

服。病人煩熱汗出解，如瘧狀，日晡發熱，脈實者，宜大承氣湯；脈浮虛者，宜

服。已上屬陽明。太陰病脈浮，可發汗，宜服。屬太陰。下利腹脹滿，身疼痛者，先

溫裏，乃攻表。溫裏，宜四逆湯；攻表，宜服。屬厥陰。吐利止，身痛不休，宜桂

枝湯小和之。屬霍亂。

桂枝 芍藥各三兩 甘草二兩，炙

右剉如麻豆大，每服抄五錢匕，水一盞半，人生薑五片，棗子二枚，煮至一盞，

去滓，溫服。〔批〕仲景薑三兩，棗十二枚，水七升，取三升，服一升。須臾，飲〔二〕熱稀粥一盞，以

助藥力。溫覆令一時許，遍身絳絳微似有汗者佳。加減法。桂枝湯自西北三方居人，

四時行之，無不應驗。江淮間，惟冬及春可行之，自春末及夏至已前，桂枝證可

加黃芩一分，謂之陽旦湯。夏至後有桂枝證，可加知母半兩，石膏一兩，或加升

麻一分。若病人素虛寒者，正用古方，不在加減也。戒曰：桂枝最難用，雖云表不解脈浮可發汗，宜桂枝湯，須是病人常自汗出，小便不數，手足溫和，或手足指梢作微冷，少頃却溫，身雖微似煩而又憎寒，始可行之。若病人身無汗，小便數，或手足冷，不惡寒，或飲酒家不喜甘者，慎不可行桂枝也。仍有桂枝證，服湯已，無桂枝證者，尤不可再與。

桂枝麻黃各半湯（二）太陽病，得之八九日，如瘧狀，發熱惡寒，熱多寒少，其人不能嘔，清便欲自可，一日二三度發，脈微緩者，為欲愈也；脈微而惡寒者，此陰陽俱虛，不可更發汗，更下，更吐也；面色反有熱色者，未欲解也，以其不能得小汗出，身必癢，宜服。屬太陽。

桂枝 芍藥 甘草炙，各八錢 麻黃半兩，湯泡，焙，秤 杏仁十二箇，湯浸，去皮尖，兩仁不用

右剉如麻豆大，每服抄五錢匕，生薑四片，棗子一枚，水一盞半，煮至八分，去滓，溫服。又見辨誤。〔批〕仲景方，桂枝一兩十六銖，芍藥、甘草、麻黃各一兩，杏仁二十四箇，生薑二兩，棗四枚，水五升，先煮麻黃，納藥，取一升八合，服六合。據此，芍藥、甘草當用五錢。

桂枝二麻黃一湯（三）服桂枝湯〔批〕別本「服」上有「病人」二字。大汗出，脈洪大者，與桂

枝湯如前法，若形似瘡，一日再發者，汗出必解，宜服。屬太陽。

桂枝 八錢半

芍藥 五錢半

杏仁 八箇，沸湯浸，去皮尖

甘草 二分半，炙

麻黃 三錢一字，湯泡，去

黃汁，焙乾，秤

右剉如麻豆大，每服抄五錢匕，生薑四片，棗子一枚，水一盞半，煮至八分，

去滓，溫服。以微汗為度。

又見辨誤。〔批〕仲景方，桂枝一兩十七銖，芍藥二兩，杏仁十六箇，甘草二兩

二銖，麻黃十六銖，水五升，先煮麻黃，納藥，取二升，服一升，日再。據此，桂枝當用八錢三字，芍藥當用陸錢一字，

麻黃當用三錢三字，甘草當用五錢一字。

桂枝二越婢一湯〔四〕 太陽病，發熱惡寒，熱多寒少，脈微弱者，此無陽也，不可發

汗，宜服之。屬太陽。

桂枝 芍藥

甘草 各半兩

石膏 六錢，槌碎

麻黃 半兩，湯泡，去黃汁，焙乾，秤

右剉如麻豆大，每服抄五錢匕，生薑四片，棗子一枚，水一盞半，煮至八分，

去滓，溫服。

又見辨誤。〔批〕仲景桂枝、芍藥、甘草各十八銖，石膏廿四銖，麻黃十八銖，生薑一兩三錢，棗四

枚，水五升，煮麻黃，納藥，取二升，服一升。據此，石膏當用三分。

桂枝加桂湯〔五〕

燒針令其汗，針處被寒，核起而赤者，必發奔豚，氣從小腹上衝心

者，灸其核上各一壯，與此藥。屬太陽。

桂枝五兩 芍藥三兩 甘草炙，二兩

右剉如麻豆大，每服抄五錢匕，生薑四片，棗子一枚，水一盞半，煮至八分，去滓，溫服。桂枝湯加桂，以桂能泄奔豚氣也。〔批〕仲景水八升，取二升，服一升。

桂枝加附子湯〔六〕 太陽病，發汗，遂漏不止，其人惡風，小便難，四支微急，難以屈伸者，宜服之。屬太陽。

桂枝 去皮 芍藥各一兩半 甘草一兩，炙 附子 炮去皮，用半箇

右剉如麻豆大，每服抄五錢匕，生薑四片，棗子一枚，水一盞半，煮至八分，去滓，溫服。〔批〕仲景桂枝、芍藥三兩，甘草二兩，附子一枚，生薑三兩，棗十二枚，水八升，取三升，服一升。

桂枝去芍藥湯〔七〕 太陽病，下之後，脈促胸滿者，宜服之。屬太陽。

桂枝 一兩半，去皮 甘草一兩，炙

右剉如麻豆大，每服抄五錢匕，生薑四片，棗子一枚，水一盞半，煮至八分，去滓，溫服。芍藥味酸，脈促胸滿，恐成結胸，故去芍藥佐，則單用辛甘發散毒氣也。〔批〕仲景桂枝三兩，甘草

二兩，生薑三兩，棗十二枚，水七升，取三升，服一升。

桂枝去芍藥加附子湯^(八) 太陽病，下之後，脈促胸滿者，桂枝去芍藥湯主之，若微惡寒者，宜服之。屬太陽。

桂枝 一兩半，去皮 甘草 一兩，炙 附子 去皮，用半箇，炮

右剉如麻豆大，每服抄五錢匕，生薑四片，棗子一枚，水一盞半，煮至八分，去滓，溫服。小便利即愈。〔批〕仲景桂枝三兩，甘草二兩，附子一枚，生薑三兩，棗十二枚，水八升，取三升，服一升。

桂枝去桂加茯苓白朮湯^(九) 服桂枝湯，或下之，仍頭項強痛，翕翕發熱，無汗，心下滿微疼，小便不利者，此主之。屬太陽。

芍藥 茯苓 白朮 各一兩半 甘草 一兩，炙

右剉如麻豆大，每服抄五錢匕，生薑四片，棗子一枚，水一盞半，煮至八分，去滓，溫服。小便利即愈。〔批〕仲景芍藥三兩，茯苓、白朮三兩，甘草二兩，水八升，取三升，服一升。

桂枝去芍藥加蜀漆牡蠣龍骨救逆湯^(十) 傷寒脈浮，醫火劫之，亡陽必驚狂，卧起不安者，此主之。屬太陽。

桂枝 蜀漆 各一兩半 甘草 一兩，炙 牡蠣 二兩半 龍骨 二兩

右剉如麻豆大，每服抄五錢匕，生薑四片，棗子一枚，水一盞半，煮至八分，去滓，溫服。〔批〕仲景桂枝、蜀漆三兩，甘草二兩，牡蠣五兩，龍骨四兩，生薑三兩，棗十二枚，水一斗二升，納藥，取三升，服一升。

桂枝加芍藥生薑人參新加湯〔十一〕 發汗後，身疼痛，脈沉遲者，此主之。屬太陽。

桂枝 人參各二兩半 芍藥二兩 甘草一兩，炙

右剉如麻豆大，每服抄五錢匕，生薑四片，棗子一枚，水一盞半，煮至八分，去滓，溫服。〔批〕仲景方，桂枝三兩，人參三兩，芍藥四兩，甘草二兩，生薑四兩，棗十二枚，餘依桂枝湯法服。

桂枝加芍藥湯〔十二〕 太陽病，下之，因腹滿痛，屬太陰，此主之。

桂枝三兩 甘草二兩，炙 芍藥六兩，下利者，先煎芍藥三四沸

右剉如麻豆大，每服抄五錢匕，生薑四片，棗子一枚，水一盞半，煮至八分，去滓，溫服。〔批〕仲景方，生薑三兩，棗十二枚，餘依桂枝湯法。

桂枝加大黃湯〔十三〕 太陽病，反下之，因腹滿痛，屬太陰，桂枝加芍藥湯主之；大實痛者，此主之。

桂枝六分，去皮 芍藥三兩 甘草一兩，炙 大黃二兩 痛甚者，加大黃大實痛者，加二兩半，麻

者減之。

右剉如麻豆大，每服抄五錢匕，生薑四片，棗子一枚，水一盞半，煮至八分，去滓，溫服。又見辨誤。〔批〕仲景方，桂枝三兩，芍藥六兩，甘草二兩，大黃一兩，生薑三兩，棗十二枚，水七升，取三升，服一升，日三。據此，大黃當用一兩。

桂枝甘草龍骨牡蠣湯（十四） 火逆下之，因燒針煩躁者，此主之。屬太陽。

桂枝 半兩，去皮 甘草 炙 牡蠣 熬 龍骨 各二兩

右剉如麻豆大，每服抄五錢匕，水一盞半，煮至八分，去滓，溫服。〔批〕仲景方，桂枝一兩，甘草、龍骨、牡蠣二兩，為末，水五升，取二升半，服八合，日三。

桂枝甘草湯（十五） 發汗過多，其人叉手自冒心，心下悸，欲得按者，此主之。屬太陽。

桂枝 二兩，去皮 甘草 一兩，炙

右剉如麻豆大，每服抄五錢匕，水一盞半，煮至八分，去滓，溫服。〔批〕仲景方，桂枝四兩，甘草二兩，水三升，取一升，頓服。

桂枝人參湯（十六） 太陽病，外證未除，而數下之，遂協熱而利，利下不止，心下痞硬，表裏不解者，此主之。

桂枝一兩三錢 甘草一兩三錢，炙 乾薑炮 人參 白朮各二兩

右剉如麻豆大，每服五錢匕，水一盞半，煮至八分，去滓，溫服，日再，夜一服。〔批〕仲景方，桂枝、甘草四兩，乾薑不炮，人參、白朮三兩，水九升，先取五升，納桂枝，取三升，服一升，日再，夜一。

桂附湯〔十七〕 傷寒八九日，風濕相薄，身體疼痛，不能自轉側，不嘔，不渴，脈浮虛而濇者，此主之。若其人大便秘，小便自利者，去桂加白朮湯主之。〔批〕原本作桂附湯，即桂枝附子湯證也。又于六十九中重出桂枝附子湯。今校改而去其重，因識之。

桂枝二兩，若大便秘，小便自利者，去桂，加白朮三兩 附子一箇半，炮，去皮 甘草一兩，炙

右剉如麻豆大，每服抄五錢匕，生薑四片，棗子一枚，水一盞半，煮至八分，去滓，溫服，日三服。〔批〕仲景方，桂枝四兩，附子、薑三兩，甘草二兩，棗十二枚，水六升，取二升，分三服。

桂枝加葛根湯〔十八〕 太陽病，項強几几，反汗出，惡風者，此主之。伊尹《湯液論》桂枝湯中加葛根，今監本用麻黃，誤矣。

桂枝 甘草炙 芍藥各六錢三字 葛根一兩三錢 麻黃一兩一錢，本無

右剉如麻豆大，每服抄五錢匕，生薑四片，棗子一枚，水一盞半，煮至八分，

去滓服。覆取微汗。〔批〕仲景方，桂枝三兩，甘草二兩，芍藥三兩，葛根四兩，棗十二枚，水八升，先煮葛根

減二升，納諸藥，取三升，服一升。

桂枝加厚朴杏子湯〔十九〕 太陽病，下之微喘者，表未解故也，此主之。屬太陽。

桂枝去皮 芍藥各二兩 甘草六錢三字，炙 杏仁去皮尖，卜七箇 厚朴去皮，薑汁炙，六錢三字

右剉如麻豆大，每服抄五錢匕，生薑四片，棗子一枚，煮至八分，去滓，溫服。

覆取微汗。〔批〕仲景方，於桂枝湯方內，加厚朴二兩，杏仁五十箇，餘依前法。

麻黃湯〔二十〕 太陽病，頭痛，發熱，身疼，惡風，無汗而喘者，宜服。太陽陽明合

病，喘而胸滿，不可下，宜服。太陽病，十日以去，脈浮細而嗜卧者，外已解也；

設胸滿〔二〕者，與小柴胡湯；脈但浮，無餘證者，與服之。太陽病，脈浮緊，

無汗，發熱，身疼痛，八九日不解，表證仍在，此當發其汗。服藥已，其人發煩，

目瞑，劇者必衄，衄乃解，所以然者，陽氣重故也。此主之。傷寒脈浮緊，不發

汗，因衄，此主之。已上屬太陽。陽明病，脈浮，無汗而喘，發汗則愈，宜服。脈

但浮，無餘證者，與服。若不溺，腹滿加噦者，不治。已上屬陽明。

甘草半兩，炙。桂枝一兩。杏仁三十五箇，去皮尖。麻黃一兩半，去節，百沸湯泡，去黃汁，焙乾，秤。

右剉如麻豆大，每服抄五錢匕，水一盞半，煮至八分，去滓，溫服。覆取微汗，不須歎粥。加減法。傷寒熱病，藥性須涼，不可太溫，夏至後，麻黃湯須加知母半兩，石膏一兩，黃芩一分。蓋麻黃湯性熱，夏月服之，有發黃、斑出之失。惟冬及春，與病人素虛寒者，乃用正方，不再加減。〔批〕仲景方，甘草一兩，桂枝二兩，杏仁七十箇，麻黃三兩，水九升，先煮麻黃減二升，納諸藥，取二升半，服八合。

麻黃杏子甘草石膏湯〔二十二〕 發汗後，不可更行桂枝湯，汗出而喘，無大熱者，可與此服之。屬太陽。

甘草一兩，炙。石膏四兩，碎，綿裹。杏仁二十五箇，去皮尖。麻黃二兩，去節，湯泡，去黃汁，焙乾，秤。

右剉如麻豆大，每服抄五錢匕，水一盞半，煮至八分，去滓，溫服。〔批〕仲景方，甘草二兩，石膏半斤，杏仁五十箇，麻黃二兩，水七升，先煮減二升，納諸藥，取二升，服一升。

麻黃附子甘草湯〔二十二〕 少陰病，得之二三日，可與此藥微發汗，以二三日無證，故微發汗也。屬少陰。

麻黃二兩，去節，湯泡，去黃汁，焙乾，秤。甘草二兩，炙。附子一枚，炮去皮，破八片。

右剉如麻豆大，每服抄五錢匕，水一盞半，煮至八分，去滓，溫服。相次三兩服，以身微汗為度。〔批〕仲景方，水七升，先煮麻黃二兩沸，納藥，取三升，服一升，日三。

麻黃細辛附子湯〔二十三〕 少陰病，始得之，反發熱，脈沉者，此主之。屬少陰。

麻黃二兩，去節，湯泡，去黃汁，焙乾，秤 細辛二兩 附子一枚，炮去皮，破八片

右剉如麻豆大，每服抄五錢匕，水一盞半，煮至八分，去滓，溫服。〔批〕仲景方，水一斗，先煮麻黃減二升，納藥，取三升，服一升，日三服。

麻黃連翹〔一〕 赤小豆湯〔二十四〕 傷寒瘀熱在裏，身必黃，此主之。屬陽明。

麻黃一兩，去節，湯泡，去黃汁，焙乾，秤 甘草一兩，炙 赤小豆半升 杏仁二十枚，去皮尖 生

梓白皮切，二兩 連翹一兩，或作半兩，連翹根是

右剉如麻豆大，每服抄五錢匕，生薑四片，棗子一枚，潦水一盞半，煮至八分，去滓，溫服。〔批〕仲景方，麻黃二兩，甘草二兩，赤小豆一升，杏仁四十箇，生梓白皮一升，連翹二兩，棗十二枚，生薑二兩，水一斗，先煮麻黃再沸，納藥，取三升，分三服，半日服盡。

麻黃升麻湯〔二十五〕 傷寒六七日，大下後，寸脈沉而遲，手足厥逆，下〔批〕別〔下〕作

注〔一〕連翹 芳蘭樹本，《傷寒論》原文作連翹，即連翹根。

「尺」。部脈不至，咽喉不利，唾膿血，泄利不止者，為難治，此主之。屬厥陰。

麻黃二兩半，去節，湯泡，去黃汁，焙乾，秤升麻 當歸各一兩一分 知母 黃芩 萎蕤各三分

芍藥 麥門冬去心 桂枝去皮 茯苓 甘草炙 乾薑炮 石膏碎，綿裹 白朮各一分

右剉如麻豆大，每服抄五錢匕，水一盞半，煮至八分，去滓，溫服，相次一炊久，進一服，汗出愈。〔批〕仲景方，二分作十八銖，乾薑不炮，一分作六銖，水一斗，先煮麻黃一兩沸，納藥，取三升，分三服，相去如炊三斗米頃，令盡。

葛根湯（二十六） 太陽病，項背強几几，無汗，惡風。又，太陽與陽明合病者，必自利，此並主之。屬太陽。

葛根二兩 桂枝去皮 甘草炙 芍藥各一兩 麻黃一兩半，去節，湯泡，去黃汁，焙乾，秤

右剉如麻豆大，每服抄五錢匕，生薑四片，棗子一枚，水一盞半，煮八分，去滓，溫服。覆取汗為度。〔批〕仲景方，葛根四兩，桂枝、甘草、芍藥二兩，麻黃三兩，棗十二枚，水一斗，

煮葛根、麻黃減二升，納藥，取三升，服一升。

葛根加半夏湯（二十七） 太陽與陽明合病，不下利，但嘔者，此主之。屬太陽。

葛根四兩，或作一兩 半夏六錢一字 麻黃三分，去節，湯泡，去黃汁，焙乾，秤 甘草炙 桂枝去

皮 芍藥各半兩

右剉如麻豆大，每服抄五錢匕，生薑四片，棗子一枚，水一盞半，煮至八分，去滓，溫服。覆取微汗。〔批〕仲景方，葛根四兩，半夏半升，甘草、桂枝、芍藥二兩，麻黃三兩，棗十二枚，生薑三兩，水一斗，煮麻黃減二升，納藥，取三升，服一升。

葛根黃芩黃連湯〔二十八〕 太陽病，桂枝證，醫反下之，利遂不止，脈促者，表未解也，喘而汗出者，此主之。

葛根四兩 黃芩一兩半 黃連六兩，或作二兩半 甘草二兩，炙

右剉如麻豆大，每服抄五錢匕，水一盞半，煮至八分，去滓，溫服，日進二三服。〔批〕仲景方，葛根半斤，黃芩二兩，黃連三兩，甘草二兩，水八升，煮葛根減二升，納藥，取二升，分再服。

小柴胡湯〔二十九〕 太陽病，十日以去，脈浮細而嗜卧者，外已解也；設胸滿痛，與服，脈但浮者，與麻黃湯。傷寒五六日中風，往來寒熱，胸脇苦痛，默默不欲食，心煩喜嘔，或胸煩而不嘔，或渴，或腹中痛，或脇下痞硬，或心下悸，小便不利，或不渴，身有微熱，或欬者，此主之。血弱氣盡，腠理開，邪氣因入，與正氣相薄，結於脇下，邪正分爭，往來寒熱，休作有時，默默不欲飲食，臟腑相

連，其痛必下，邪高痛下，故使嘔也，此主之。服柴胡湯已，渴者屬陽明，以法治之。傷寒四五日，身熱惡風，頸項強，脇下滿，手足溫而渴者，此主之。傷寒，陽脈濡，陰脈弦，法當腹中急痛，先與小建中湯，不瘥者，此主之。太陽病，過經十餘日，發汗吐下之，後四五日，柴胡湯證仍在者，先與小柴胡湯，嘔不止，心下急，鬱鬱微煩者，為未解也，與大柴胡湯下之即愈。婦人中風七八日，續得寒熱，發作有時，經水適斷者，此為熱入血室，其血必結，故使如瘧狀，此主之。傷寒五六日，頭汗出，微惡寒，手足冷，心下滿，不欲食，大便硬，脈細者，為陽微結，必有表，復有裏也。脈沉，亦在裏也。汗出，為陽微。假令純陰結，不得復有外證，悉人在裏。此為半在裏半在表也。脈雖沉緊，不得為少陰病，所以然者，陰不得有汗，今頭汗出，故知非少陰也。可與服此。設不了了者，得屎而解。傷寒五六日，嘔而發熱者，柴胡湯證具，而以他藥下之，柴胡證仍在者，復與柴胡湯。此雖已下之，不為逆，必蒸蒸而振，却發熱汗出而解。若心下滿而硬痛者，此為結胸也，大陷胸湯主之；但滿而不痛者，此為痞，柴胡不中與之，宜半夏瀉心湯。已上屬太陽。陽明病，發潮熱，大便溼，小便自可，胸脇滿不

去者，與服之。陽明病，脇下硬滿，不大便而嘔，舌上白胎者，可與服之。上焦得通，津液得下，胃氣因和，身濺然汗出而解。陽明中風，脈弦浮大而短氣，腹都滿，脇下及心痛，久按之氣不通，鼻乾，不得汗，嗜卧，一身及目悉黃，小便難，有潮熱，時時噦，耳前後腫。刺之小瘥，外不解。病過十日，脈續浮者，與此藥主之。已上屬陽明。太陽病不解，轉入少陽，脇下硬滿，乾嘔不能食，往來寒

熱，尚未吐下，脈沉緊者，此主之。若已吐下，發汗、溫針，譫語，小柴胡湯證罷，此為壞證，知犯何逆，以法治之。已上屬少陽。嘔而發熱者，宜服。屬厥陰。傷寒瘥已後，更發熱，此主之。脈浮者，以汗解之；脈沉實者，以下解之。屬辨陰陽易瘥後勞復病脈證。

黃芩 一兩半。若腹中痛者，去黃芩，加芍藥一兩半，芍藥或作三分。若心下悸，小便不利者，去黃芩，加茯苓二兩

人參 一兩半。若不渴，外有微熱者，去人參，加桂枝一兩半，溫覆微汗愈。若欬嗽者，去人參并棗子，加五味子二

兩一分，乾薑一兩 棗子 六枚。若脇下痞硬，去棗子，加牡蠣二兩，熬，牡蠣或作一兩 半夏 一兩一分，湯洗。

若胸中煩，不嘔者，去半夏、人參，加枳實一枚，用四分之一。若渴者，去半夏，更加人參三分，枳實根二兩 柴

胡 四兩，去蘆 甘草 一兩半，炙

右劉如麻豆大，每服抄五錢匕，生薑四片，棗子三枚，水一盞半，煮至八分，去滓，溫服。日三服。〔批〕仲景方，黃芩、人參三兩，棗十二枚，半夏半升，柴胡半斤，甘草三兩，生薑三兩，水一斗二升，取六升，去滓，再煎，取三升，服一升，日三。

活人書卷第十二終

活人書卷第十三

大柴胡湯（三十）太陽病過十餘日，發汗吐下之，後四五日，柴胡證仍在者，先與小柴胡；嘔不止，云：嘔止，小安。心下急，鬱鬱微煩者，為未解也，與大柴胡湯下之則愈。傷寒十餘日，熱結在裏，往來寒熱者，與服。傷寒發熱，汗出不解，心中痞硬，嘔吐而下利者，此主之。已上屬太陽。陽明病，汗多者，急下之，宜服。少陰病，下利清水，心下痛，口乾者，可下之，宜大柴胡、大承氣湯。病腹中滿痛，此為實，當下之，宜大承氣、大柴胡湯。腹滿不減，減不足言，當下之，宜大柴胡、大承氣湯。傷寒後，脈沉者，內實也，下之解，宜服。傷寒六七日，目中不了了，睛不和，無表裏證，大便難，身微熱者，實也，急下之，宜大承氣、大柴胡湯。太陽病未解，脈陰陽俱停，必先振慄汗出而解，但陰脈微者，下之而解，宜服。病人無表裏證，發熱七八日，雖脈浮數者，可下之，大柴胡湯主之。病人煩熱，汗出則解，又如瘧狀，日晡所發熱者，屬陽明。脈實者，可下之，大柴胡、大承氣湯主之。屬可下病脈證。

柴胡四兩 黃芩 芍藥各一兩半 半夏一兩一分，洗 枳實二枚，去穢，炒。《千金》云：枳實去穢，一分準二枚。

右剉如麻豆大，每服抄五錢匕，生薑四片，棗子一枚，水一盞半，煮至八分，去滓，溫服。以利為度，未利再服。本方無大黃，欲下者，加大黃一兩。〔批〕仲景方：柴胡半斤，黃

芩、芍藥三兩，半夏半升，枳實四枚，生薑五兩，棗子十二枚，水一斗二升，取六升，去滓，再煎，服一升，日三。

柴胡桂枝湯（三十二） 傷寒六七日，發熱微惡寒，支節煩疼，微嘔，心下支結，外證未去者，此主之。屬太陽。發汗多，亡陽，譫語者，不可下，與此藥和其榮衛，以通津液，後自愈。屬發汗後病脈證。

柴胡一兩三錢 桂枝去皮 黃芩 人參 芍藥各半兩 半夏四錢二分，洗 甘草三錢二分，炙
右剉如麻豆大，每服抄五錢匕，生薑四片，棗子一枚，水一盞半，煮至八分，去滓，溫服。〔批〕仲景方：柴胡四兩，桂枝、黃芩、人參、芍藥一兩半，甘草一兩，半夏二合半，生薑二兩，棗子六枚，水七升，取三升，服一升，日三。

柴胡桂枝乾薑湯（三十三） 傷寒五六日，已發汗，而復下之，胸脇滿微結，小便不利，

注〔一〕一 原缺，據吳勉學本補。

渴而不嘔，但頭汗出，往來寒熱，心煩者，此為未解也，宜服之。屬太陽。

柴胡四兩 桂枝 去皮 黃芩 各二兩半 牡蠣 熬 甘草 炙 乾薑 各二兩 栝樓根 二兩

右剉如麻豆大，每服抄五錢匕，水一盞半，煮至八分，去滓，溫服。食頃，再

服。〔批〕仲景方：柴胡半斤，桂枝、黃芩三兩，牡蠣、甘草、乾薑二兩，栝樓根四兩，水一斗二升，取六升，去滓，

再煎，取三升，服一升，日三。

柴胡加龍骨牡蠣湯 〔三十三〕 傷寒八九日，下之，胸滿煩驚，小便不利，讞語，一身

盡重不可轉側者，此主之。屬太陽。

柴胡 黃芩 龍骨 各二兩 鉛丹 人參 桂枝 茯苓 各三分 大黃 半兩 半夏 半合，湯

洗 牡蠣 一分半，煨

右剉如麻豆大，每服抄五錢匕，生薑四片，棗子一枚，水一盞半，煮至八分，

去滓，溫服。又見辨誤。〔批〕仲景方：柴胡四兩，黃芩、龍骨、鉛丹、人參、桂枝、茯苓一兩半，大黃二兩，半

夏二合半，牡蠣二兩，生薑一兩半，棗子六枚，水八升，取四升，納大黃，煮二沸，服一升。據此，柴胡當用二兩，黃

芩、龍骨、鉛丹、人參、桂枝、茯苓當用三分，大黃當用一兩，半夏當用一合二分半，牡蠣當用一分。

柴胡加芒消湯 〔三十四〕 傷寒十三日不解，胸脇滿而嘔，日晡所發潮熱，已而微利，

此本柴胡〔二〕，下之以不得利，今反利者，知醫以圓藥下之，此非其治也。潮熱者，實也，先宜服小柴胡湯以解外，後以柴胡加芒消主之。屬太陽。

黃芩 人參 各半兩 柴胡 一兩三錢三字 芒消 一兩 甘草 炙，半兩 半夏 四錢一字，湯洗

右剉如麻豆大，每服抄五錢匕，生薑四片，棗子一枚，水一盞半，煮至八分，去滓，納芒消，更微沸，溫服。〔批〕仲景方：於小柴胡湯方內，加芒消六兩，餘依前法服，不解更服。

大青龍湯 （三十五） 太陽中風，脈浮緊，發熱惡寒，身疼痛，不汗出而煩躁者，此藥

主之。若脈微弱，汗出惡風者，不可服之，服之則厥逆，筋惕肉瞤，此為逆也。傷寒，脈浮緩，身不疼，但重，乍有輕時，無少陰證者，此主之。屬太陽。

桂枝 去皮，一兩 甘草 一兩，炙 石膏 如半箇雞子大，碎 杏仁 二十枚，去皮尖 麻黃 三兩，去節，
湯泡，去黃汁，焙乾，秤

右剉如麻豆大，每服抄五錢匕，生薑四片，棗子一枚，水一盞半，煮至八分，去滓，溫服，取汗為度。若已周身潤，止後服。未周身潤，可停待相次服盡，不欲汗多，恐亡陽故也。若汗多不止，用溫粉撲之。

注〔二〕柴胡 芳蘭樹本此下有「證」字，是。

溫粉方

白朮 藁本 川芎 白芷 各等分

右搗羅為細末，每末一兩，入米粉三兩和之，粉撲周身止汗，無藁本亦得。若汗已出後盡劑服，汗多亡陽遂虛，惡風煩躁不得眠也。〔批〕仲景方：桂枝、甘草二兩，石膏

如雞子大，杏仁四十箇，麻黃六兩，生薑三兩，棗子十二枚，水九升，煮麻黃減二升，納藥，取三升，服一升，取微似汗。

小青龍湯（三十六） 傷寒，心下水氣，欬而微喘，發熱不渴，服湯已渴者，此寒去欲解也，此主之。傷寒表不解，心下水氣，乾嘔，發熱而欬，或渴，或利，或噎，或小便不利、小腹滿，或喘者，此主之。

芍藥 桂枝 去皮 乾薑 炮 甘草 炙 細辛 各一兩半 五味子 一兩，別本或加一分 半夏 一兩半，湯洗。若渴者，去半夏，加栝樓根一兩半 麻黃 一兩半。微利者，去麻黃，加薤花如一彈子，熬令赤色。若噎

者，去麻黃，加附子半箇，炮。若小便不利，小腹滿者，去麻黃，加茯苓二兩。若喘者，去麻黃，加杏仁一兩半，去皮尖。麻黃湯泡

右剉如麻豆大，每服抄五錢匕，水一盞半，煮至八分，去滓，溫服。杏仁、半夏二味，或各作一兩一分。〔批〕仲景方：芍藥、桂枝、乾薑不炮，甘草、細辛三兩，五味子半升，半夏半

升，麻黃三兩，薤花如雞子大，附子一枚，茯苓四兩，杏仁半升，水一斗，煮麻黃減二升，納藥，取三升，服一升。

小建中湯（三十七） 傷寒，陽脈濡，陰脈弦，法當腹中急痛，先與小建中湯；不差者，

小柴胡湯主之。傷寒二三日，心中悸而煩者，宜服。

芍藥 三兩 甘草 一兩，炙 桂枝 一兩半，去皮 膠飴 半斤。舊有微澇或嘔者，去膠飴。《局方》加黃耆一

兩半，為黃耆建中湯。

右剉如麻豆大，每服抄五錢匕，水一盞半，生薑四片，大棗子一枚，煮至八分，去滓，下膠飴兩匙許，再煎化，溫服，日三服，夜二服。尺脈尚遲，再作一劑，加黃耆末一錢。〔批〕仲景方：芍藥六兩，甘草，桂枝三兩，膠飴一升，棗子十二枚，生薑三兩，水七升，取三升，納膠飴，更上微火消解，服一升〔一〕，日三。

煎造膠飴法

糯米 一升，揀，淘淨 大麥蘖末 六兩

右米一如炊飯，甑上至氣溜，取下傾入一盆子，入蘖末一合，并湯一盞來〔二〕許，

注〔一〕升 原作「服」，據《傷寒論》原文改。

〔二〕來 芳蘭齋本作「半」。

拌和，再上甑至飯熟，却入盆子內，都以藥末拌和，入一磁罐子，可容五升許，冬月罐子熱，春秋夏溫，冬月用湯二升許入罐子內，約內面飯上湯三指許即得，布并紙三五重蓋定，更以綿或絮抱定近火，春秋夏即溫和，至一宿，見米浮在水面上，即以布絞裂取清汁，銀石器內煎至面上有膜，即以水篋不住手攪至稀糊，以磁器收，夏月置井中，庶不酸。

大陷胸湯（三十八） 太陽病，脈浮而動數，浮則為風，數則為熱，動則為痛，數則為虛，頭痛發熱，微盜汗出而反惡寒，表未解也，醫反下之，動數變遲，膈內拒痛，胃中空虛，客氣動膈，短氣，躁煩，心中懊憹，陽氣內陷，心下因硬，則為結胸，大陷胸湯主之。若不結胸，餘處無汗，劑頸而還，小便不利，身必發黃。傷寒六七日，結胸熱實，脈沉而緊，心下痛，按之石硬者，宜服。傷寒十餘日，熱結在裏，復往來寒熱者，與大柴胡湯。但結胸無大熱者，此為水（一）結在胸脇也，但頭微汗出者，此主之。太陽病，重發汗，而復下之，不大便五六日，舌上燥而渴，日晡所小有潮熱，從心下至小腹硬滿而痛不可近者，此主之。傷寒五六日，嘔而

注（一）水 原作「小」，據《傷寒論》原文改。

發熱者，柴胡湯證具，而以他藥下之，柴胡證仍在者，復與柴胡湯，此雖已下之，不為逆，必蒸蒸而振，却發熱汗出而解。若心下滿而硬痛者，此為結胸也，此主之。已上屬太陽。

大黃 兩半，去皮，錦文者為末

甘遂 一字，赤連珠者，細羅為末

芒消 五分

右以水二盞，先煮大黃至一盞，去滓，下消，一沸，下甘遂末，溫服。得快利，止後服。〔批〕仲景方：大黃六兩，甘遂一錢匕，芒消一升，水六升，煮大黃取二升，納消，煮一兩沸，納甘遂末，服一升。

又大陷胸湯方

桂枝 一兩 甘遂 一兩，或作半兩

大棗 二兩，或作三枚

人參 一兩

栝樓根 一枚，去皮，只用四分之

右剉如麻豆大，每服五錢匕，水一盞，或作二盞，煮至八分，去滓，溫服。胸中無堅物，勿服之。

大陷胸圓

（三十九）

病發於陽而反下之，熱入因作結胸；病發於陰而反下之，一有「汗出」。

因作痞也。所以成結胸者，以下之太早故也。結胸者，項亦強，如柔痙狀，下之則和，宜此藥主之。屬太陽。

大黃二兩，或作四兩 芒消三分 杏仁三分，去皮尖，熬黑 苦葶藶子三錢，熬

右搗羅二味，納杏仁、芒消，合研如脂，圓如彈子大，每服一圓，抄甘遂末半錢匕，白蜜一合，水二盞，煮取一盞，頓服，一宿乃下，如不下，再服。甘遂性猛，宜斟酌，量虛實服之。〔批〕仲景方：大黃半斤，芒消半升，杏仁半升，葶藶半升，甘遂二錢匕，蜜二合，水二升，取一升。

小陷胸湯（四十） 小結胸病，正在心下〔一〕，按之則痛，脈浮滑者，此主之。屬太陽。

半夏湯洗，秤二兩半 黃連一兩 栝樓一枚，去皮，或作半枚

右剉如麻豆大，水二盞，先煮栝樓至一盞半，下諸藥，煎至八分，去滓，溫服。

未知再服，微利黃涎便安也。〔批〕仲景方：半夏半升，栝樓實大者一枚，水六升，去滓，納藥，取二升，分三服。

大承氣湯（四十一） 陽明病，脈遲，雖汗出不惡寒者，其身必重，短氣，腹滿而喘，

有潮熱者，此外欲解，可攻裏也，手足漉然汗出者，此大便已硬也，此藥主之。

若汗多微發熱惡寒者，〔批〕別「微發熱惡寒者」，作「反微惡寒者」。外未解也，一法黃桂枝湯。其熱

不潮，未可與承氣湯。若腹大滿不通者，可與小承氣湯微和胃氣，勿令大泄下。

陽明病，潮熱，大便微硬者，可與此藥，不硬者，不可與之。傷寒，若吐若下後，不解，不大便五六日，上至十餘日，日晡所發潮熱，不惡寒，獨語如見鬼狀。若劇者，發則不識人，循衣摸牀，惕而不安，微喘直視，脈弦者生，澀者死，微者，但發熱譫語者，此主之。若一服利，則止後服。陽明病，譫語，有潮熱，反不能食者，胃中必有燥屎五六枚也，若能食者，但硬耳，宜服。陽明病，下血譫語者，此為熱入血室，但頭汗出者，刺期門，隨其實而瀉之，濈然汗出則愈。汗出譫語者，以為有燥屎在胃中，此為風也，須下者，過經乃可下之，下之若早，語言必亂，以表虛裏實故也，下之愈，宜服。二陽併病，太陽證罷，但發潮熱，手足漿漿汗出，大便難而譫語者，下之則愈，宜服。陽明病，下之，心下懊憹而煩，胃中有燥屎者，可攻，腹微滿，初頭硬，後必滿，不可攻之。若有燥屎者，宜服。病人煩熱，汗出則解，又如瘧狀，日晡所發熱者，屬陽明也。脈實者宜下之，脈浮虛者宜發汗，下之與大承氣，發汗宜桂枝湯。大下後，六七日不大便，煩不解，腹滿痛者，此有燥屎也，所以然者，本有宿食故也，宜服。傷寒六七日，目中不了了，睛不和，無表裏證，大便難，身微熱者，此為實也，急下之，

宜服。陽明病，發熱汗多者，急下之，宜服。得病二三日，脈弱，無太陽、柴胡證，煩躁，心下硬，至四五日，雖能食，以小承氣湯少少與微和之，令小安，至六日，與承氣一升。若不大便更六七日，小便少者，雖不大便，但初頭硬，後必溏，未定成硬，攻之必溏，須小便利，屎定硬，此主之。發汗不解，腹滿痛者，急下之，宜服。腹滿不減，減不足言，當下之，宜服。病人小便不利，大便乍難乍易，時有微熱，喘冒不能臥者，有燥屎也，宜服。陽明少陽合病，必下利，其脈不負者為順也，負者失也，互相剋賊，名為負也，脈滑而數者，有宿食也，當下之，宜服。已上屬陽明也。少陰病，自利清水色純青，心下必痛，口乾燥者，可下之，宜服。少陰病，六七日，腹脹不大便者，急下之，宜服。已上屬少陰。下利三部脈皆平，按之心下硬者，急下之，宜服。下利脈遲而滑者，內實也，利未欲止，當下之，宜服。寸口脈浮而大，按之反濇，尺中微而濇，故知有宿食，當下之，宜服。下利不欲食者，以有宿食故也，當下之，宜服。下利瘥，至其年月日時復發者，以病不盡故也，當下之，此主之。下利脈反滑，當下〔二〕所去，

下乃愈，此主之。脈雙弦而遲者，必心下硬，脈大而緊者，陽中有陰也，可下之，宜服。病腹中滿痛者，此為實也，當下之，宜服此主之。已上屬可下病脈證。

大黃二兩，錦紋者，去皮，生用，酒洗過。枳實四枚，或作三枚，去穢，炒淨，秤用半兩。厚朴四兩，去皮，

薑汁炙。芒消二兩，或作一合半，朴消有蘆頭者亦得。

右剉如麻豆大，每服抄五錢匕，水二盞，先煮厚朴、枳實至一盞餘，下大黃，煮取六分，去滓，入芒消，煎一二沸，放溫服，以利為度，未利，再與一服。

〔批〕仲景方：大黃四兩，厚朴半斤，枳實五枚，芒消三合，水一斗，煮二物，取五升，去滓，納大黃，取二升，去滓，納芒消，煮一二沸，分再服。

小承氣湯（四十二）陽明病，潮熱，大便微硬者，可與大承氣湯，不硬者，不可與之。若不大便六七日，恐有燥屎，欲知之法，少與小承氣湯，湯入腹中轉失氣〔二〕者，此有燥屎也，乃可攻之；若不轉失氣者，此但初頭硬，後必溏，不可攻之，攻之必脹滿不能食也。欲飲水者，與水則噦。其後發熱者，必大便復硬而少也，與小承氣湯和之。不轉失氣者，不可攻也。陽明病，脈遲，雖汗出不惡寒，其身必

注〔二〕失氣 芳蘭樹本作「矢氣」。下同。

重〔一〕，短氣，腹滿而喘，有潮熱者，此為外欲解，可攻裏也。手足濇然汗出者，此大便已硬也，大承氣湯主之。若腹大滿不通者，與小承氣湯微和胃氣，胃中燥，大便必硬，硬則譫語，此藥主之。若一服譫語止，更莫復服。陽明病，譫語，潮熱，脈滑而疾者，此藥主之。因與承氣湯一升，腹中轉氣者，更服一升，若不轉氣者，勿更與之。明日又不大便，脈反微瀯者，裏虛也，為難治，不可更與承氣湯。太陽病，若吐若下若發汗後，微煩，小便數，大便硬者，與小承氣湯和之愈。得病二三日，脈弱，無太陽、柴胡證，煩躁，心下硬，至四五日，雖能食，以小承氣湯少少與微和之，令小安。屬陽明。傷寒下利譫語者，有燥屎也，此主之。屬厥陰。

大黃

四兩，去皮

厚朴

二兩，去皮，薑汁炙

枳實

四枚，或作三枚，去穢，炒淨，秤半兩也

右剉如麻豆大，每服抄五錢匕，以水一大盞半，煮至八分，去滓，溫服。以利為度，初服湯更衣者，止後服，不爾者，再服之。〔批〕仲景方：枳實三枚，水四升，取一升二合，分二服。

注〔一〕其身必重 原作「其氣必重」，據《傷寒論》原文改。

調胃承氣湯（四十二） 發汗後，惡寒，虛故也，不惡寒，但熱者，實也，當和胃氣，

此主之。太陽病未解，脈陰陽俱停，必先振慄汗出而解，但陽脈微者，先汗出而解，但陰脈微者，下之而解，若欲下之，宜服。傷寒，脈浮，自汗出，小便數，心煩，微惡寒，腳攣急，與桂枝湯欲攻其表，此誤也。得之便厥，咽中乾，煩躁，吐逆，作甘草乾薑湯與之，以復其陽；若厥愈足溫者，更作芍藥甘草湯與之，其腳即伸；若胃氣不和，譫語者，少與調胃承氣湯。傷寒十三日，過經譫語者，以有熱也，當以湯下之。若小便利者，大便當硬，而反下利，脈調和者，知醫以圓藥下之，非其治也。若自下利者，脈當微厥，今反和者，此為內實也，此主之。太陽病，過經十餘日，心下溫溫若「」吐，而胸中痛，大便反澀，腹微滿，鬱鬱微煩，先此時自極吐下者，與服之。若不爾者，不可與。但欲嘔，胸中痛，微澀者，此非柴胡證，以嘔故知極吐下也。陽明病，不吐不下，心煩者，可與服。太陽病三日，發汗不解，蒸蒸熱者，屬胃也，此主之。傷寒吐後，腹脹滿者，與服。已上屬陽明。

注「」若 吳勉學本、芳蘭閣本均作「欲」。

甘草 一兩 大黃 二兩，去皮 芒消 一兩三分，或作一兩一分

右剉如麻豆大，每服抄五錢匕，以水一大盞，煎至七分，去滓，下消，更上火二三沸，溫頓服〔一〕之。〔批〕仲景方：大黃四兩，酒浸，甘草二兩，芒消半升，水三升，取一升，去滓，納芒消，微煮令沸，少少溫服之。

桃核承氣湯（四十四） 太陽病不解，熱結膀胱，其人如狂，血自下，下者愈。其外不解者，尚未可攻，當先解其外，外解已，但少腹結者，乃可攻之，宜用此藥。

屬太陽。

大黃 四兩 桂枝 去皮，二兩 甘草 二兩，炙 芒消 二兩 桃仁 去皮尖，雙仁者五十箇，搗碎

右剉如麻豆大，每服抄五錢匕，以水二大盞，煮至八分，去滓，下消，煎化，溫服。以微利為度，未利，移時再服。〔批〕仲景方：水七升，取二升半，去滓，納消，上火微沸，先

食服五合，日三。

梔子豉湯（四十五） 發汗吐下後，虛煩不得眠，若劇者，必反覆顛倒，心中懊憹，此主之。發汗若下之，而煩熱胸中窒者，此主之。 仲景云：凡用梔子湯，病人舊

注〔一〕頓服 原作「頓」，據諸本改。

微瀉者，不可與服之。傷寒五六日，大下之後，身熱不去，心中結痛者，未欲解也，此主之。已上屬太陽。陽明病，脈浮而緊，咽燥口苦，腹滿而喘，發熱汗出，

不惡寒，反惡熱，身重。若發汗則躁，心憤憤，反譫語。若加溫針，必怵惕，煩躁不得眠。若下之，則胃中空虛，客氣動膈，心中懊懣，舌上胎者，此主之。陽明病，下之，外有熱，手足溫，不結胸，心中懊懣，饑不能食，但頭汗出者，此主之。下利後，更煩，按之心下濡者，為虛煩也，此主之。屬厥陰。

香豉 二兩 肥梔子 十六枚，擘碎，或作十四箇

右剉如麻豆大，每服抄五錢匕，水二盞，先煮梔子，至一盞，入豉，煎至七分，去滓，溫服。得快吐，止後服。〔批〕仲景方：香豉四兩，梔子十四枚，水四升，取梔子湯二升半，納香豉，取一升半，分二服。

梔子甘草豉湯（四十六） 發汗吐下後，虛煩不得眠，若劇者，必反覆顛倒，心中懊懣，

梔子豉湯主之。若少氣者，此主之。屬太陽。

梔子 七枚 甘草 豉 各二兩

右分二服，以水二盞，先煎梔子、甘草，至一盞，納豉，同煎取七分，去滓，

溫服。得快吐，止後服。〔批〕仲景方，於梔子豉湯內，加甘草二兩，餘依前法。

梔子生薑豉湯〔四十七〕 發汗吐下後，虛煩不得眠，若劇者，必反覆顛倒，心中懊憹，

梔子豉湯主之。若嘔者，此主之。屬太陽。

梔子 七枚 生薑 二兩半 豉 一兩

右分二服，以水二盞，先煮梔子、生薑，至一盞，納豉，同煎至七分，去滓，

溫服。得快吐，止後服。〔批〕仲景方：梔子豉湯內，加生薑五兩，餘依前法。

活人書卷第十四

梔子厚朴湯（四十八）

治傷寒下後，心煩，腹滿卧起不安者。

屬太陽。

梔子

大者七枚，擘碎

厚朴

去皮，薑汁炙，二兩

枳實

二枚，取去穢，麩炒，秤一分

右剉如麻豆大，分作二服，以水二盞半，煮至八分，去滓，溫服。得吐，止後服。
〔批〕仲景方：梔子十四枚，厚朴四兩，枳實四枚，水三升半，取一升半，分二服。

梔子乾薑湯（四十九）

治傷寒醫以圓藥下之，身熱不去，微煩者。

屬太陽。

梔子

七枚

乾薑

一兩

右剉如麻豆大，分二服，以水二大盞，煎至七分，去滓，溫服。得吐，止後服。

凡用梔子湯，病人舊微瀉者，不可與之。〔批〕仲景方：梔子十四枚，乾薑二兩，水三升半，取一升半，分二服。

梔子蘗皮湯（五十）

治傷寒身黃發熱。

屬太陽。

梔子

八枚

黃蘗

一兩

甘草

半兩，炙

右剉如麻豆大，每服抄五錢匕，水一盞半，煮至七分，去滓，溫服。〔批〕仲景方：

梔子十五枚，黃蘗二兩，甘草一兩，水四升，取一升半，分再服。

茯苓桂枝甘草大棗湯（五十一） 治發汗後，其人臍下悸者，欲作奔豚。屬太陽。

桂枝 二兩，去皮 甘草 一兩，炙 茯苓 去皮，六兩，或作四兩

右剉如麻豆大，每服抄五錢匕，棗二箇，用甘爛水一盞半，煮至八分，去滓，溫服。作甘爛水〔一〕法：用水二斗，置大盆中，以杓揚之，上有珠子五六千顆，有珠相逐，取用之。〔批〕仲景方；

桂枝四兩，甘草二兩，茯苓半斤，棗十五枚，水一斗，煮茯苓減二升，納藥，取三升，服一升，日三。

茯苓桂枝白朮甘草湯（五十二） 治傷寒，若吐若下後，心下逆滿〔二〕，氣上衝胸，起則頭眩，脈沉緊，發汗則動經，身為振振搖者。屬太陽。

茯苓 二兩 桂枝 一兩半 甘草 炙 白朮 各一兩

右剉如麻豆大，每服抄五錢匕，水一盞半，煮至八分，去滓，溫服。〔批〕仲景方；

茯苓四兩，桂枝三兩，甘草、白朮二兩，水六升，取三升，分三服。

茯苓甘草湯（五十三） 傷寒，汗出而渴者，五苓散主之，不渴者，此主之。屬太陽。

桂枝 去皮 茯苓 各二兩 甘草 一兩，炙

右剉如麻豆大，每服抄五錢匕，水一盞半，生薑五片，煮至八分，去滓，溫服。

注〔一〕甘爛水 勞水。今通作「甘爛水」。

〔二〕逆 原作「遂」，據吳勉學本，芳蘭樹本改。

〔批〕仲景方：生薑三兩，水四升，取二升，分三服。

甘草湯（五十四） 少陰病，二三日，咽痛者，可與服。不瘥者，與桔梗湯。

甘草 二兩

右剉如麻豆大，每服抄四錢匕，水一盞，煮至六分，去滓，溫服，日三服。

〔批〕仲景方，水三升，取一升半，服七合，日二。

甘草乾薑湯（五十五） 傷寒，脈浮，自汗出，小便數，心煩，微惡寒，腳攣急，反與

桂枝欲攻其表，此誤也，得之便厥，咽中乾，煩躁，吐逆者，宜此藥。 屬太陽。

甘草 四兩，炙 乾薑 二兩，炮

右剉如麻豆大，每服抄五錢匕，水一盞半，煮至八分，去滓，溫服。 〔批〕仲景方：

水三升，取一升五合，分再服。

炙甘草湯（五十六） 治傷寒，脈結代，心動悸。 屬太陽。

甘草 二兩，炙 人參 一兩 生地黃 八兩 桂枝 一兩半，去皮 麻仁 一兩二分 麥門冬 二兩二分，去心

右剉如麻豆大，每服抄五錢匕，入薑五片，棗一枚，水一盞半，入酒半盞，煮至八分，去滓，納阿膠一片，膠烱盡，溫服，日三服。 〔批〕仲景方：甘草四兩，人參二兩，

生地黄一斤，桂枝三兩，麻仁半升，麥門冬半升，薑三兩，棗十二枚，阿膠二兩，水八升，酒七升，取三升，去滓，納阿膠，服一升，日三。

芍藥甘草湯（五十七）傷寒，脈浮，自汗出，小便數，心煩，微惡寒，腳攣急，反與桂枝欲攻其表，此誤也，得之便厥，咽乾，煩躁，吐逆者，作甘草乾薑湯與之，以復其陽，若厥愈足溫者，更與此藥。屬太陽。

甘草 白芍藥 各二兩

右剉如麻豆大，每服抄五錢匕，水一盞半，煮至八分，去滓，溫服。〔批〕仲景方：甘草、芍藥各四兩，水三升，取一升半，分再服。

厚朴生薑半夏甘草人參湯（五十八）〔一〕治發汗後，腹脹滿者。屬太陽。

厚朴 四兩，去皮 半夏 一兩二分 甘草 一兩 人參 半兩

右剉如麻豆大，每服抄五錢匕，水一盞半，生薑五片煮至八分，去滓，溫服。

〔批〕仲景方：厚朴半斤，半夏半升，甘草二兩，人參一兩，生薑半斤，水一斗，取三升，服一升，日三。

大黃黃連瀉心湯（五十九）治心下痞，按之濡，其脈關上浮者。若傷寒大下後，復發

注〔一〕厚朴生薑半夏甘草人參湯 原作「厚朴生薑半夏人參湯」，諸本皆同。據目錄改。

汗，心下痞，惡寒者，表未解也，不可攻痞，當先解表，表解乃可攻痞，解表宜桂枝湯，攻痞宜服此藥。屬太陽。

大黃 二兩 黃連 一兩 黃芩 一兩

右剉如麻豆大，每服抄五錢匕，以百沸湯二大盞，熱漬之，一時久，絞去滓，煖動分二服。〔批〕仲景無黃芩，湯二升，分再服。

附子瀉心湯 〔六十〕 治心下痞，而復汗出惡寒者。屬太陽。

大黃 二兩 黃連 各一兩 黃芩 各一兩 附子 一枚，炮去皮，破，別煮取汁

右三味，剉如麻豆大，每服抄五錢匕，以百沸湯二大盞，熱漬之一時久，絞去滓，納附子汁，分溫再服。〔批〕仲景方，湯二升，分再服。

半夏瀉心湯 〔六十一〕 傷寒五六日，嘔而發熱者，柴胡湯證具，而以他藥下之，柴胡證仍在者，復與柴胡湯，此雖已下之，不為逆，必蒸蒸而振，却發熱汗出而解。若心下滿而硬痛者，此為結胸也，大陷胸湯主之。但滿而不痛者，此為痞，柴胡不中與之，宜服此。屬太陽。

黃連 半兩 黃芩 乾薑 炮 人參 甘草 炙，各一兩半 半夏 一兩一分，湯洗七遍

右剉如麻豆大，每服抄五錢匕，大棗十二枚，水一盞半，煮至八分，去滓，溫服。〔批〕仲景方：黃連一兩，黃芩、乾薑不炮，人參、甘草三兩，半夏半升，棗十二枚，水一斗，取六升，去滓，再

煎，取三升，服一升，日三。

甘草瀉心湯〔六十二〕 傷寒中風，醫反下之，其人下利日數十行，穀不化，腹中雷鳴，心下痞硬而滿，乾嘔，心煩不得安，醫見心下痞，謂病不盡，復下之，其痞益甚，此非結熱，但以胃中虛，客氣上逆，故使硬也，宜服此。

甘草二兩，炙 乾薑炮 黃芩各二兩半 人參 黃連各半兩 大棗六枚 半夏一兩一分，洗

右剉如麻豆大，每服抄五錢匕，水一盞半，煮至八分，去滓，溫服。〔批〕仲景方：

甘草四兩，乾薑不炮，黃芩三兩，黃連一兩，棗十二枚，半夏一升，脫落參三兩，水一斗，煮取六升，去滓，再煎，取三升，服一升，日三。

生薑瀉心湯〔六十三〕 治傷寒汗出解之後，胃中不和，心下痞硬，乾噦食臭，脇下有水氣，腹中雷鳴，下利者。屬太陽。

黃芩 甘草炙 人參各二兩半 乾薑炮 黃連各半兩 半夏一兩一分，洗

右剉如麻豆大，每服抄五錢匕，水一盞半，生薑七片，棗子二枚，煮至一盞，

去滓，溫服。〔批〕仲景方：黃芩、甘草三兩，乾薑不炮，黃連一兩，半夏半升，棗十二枚，生薑四兩，水一斗，

煮取六升，去滓，再煎，取三升，服一升，日三。

白虎湯（六十四） 治傷寒脈浮滑者，表裏有熱。又三陽合病，腹滿身重，難以轉側，

口中不仁，面垢，譫語遺尿。發汗則譫語，下之則額上生汗，手足逆冷。若自汗出者。傷寒脈滑而厥者，裏有熱，并主之。

知母三兩 甘草一兩，炙 石膏八兩，碎，綿裹 粳米二合

右剉如麻豆大，每服抄五錢匕，水一盞半，煮至八分，取米熟為度，去滓，溫服。〔批〕仲景方：知母六兩，甘草二兩，石膏一斤，粳米六合，水一斗，米熟湯成，服一升，日三。

白虎加人參湯（六十五） 服桂枝湯，大汗出，大煩渴不解，脈洪大者。傷寒若吐若下

後，七八日不解，熱結在裏，表裏俱熱，時時惡風（一），大渴，舌上乾燥而煩，欲飲水數升者。傷寒無大熱，口燥渴，心煩，背微惡寒者，并主之。屬太陽。

人參二兩 知母一兩半 甘草炙，二兩，或作半兩 糯米一合半 石膏四兩，碎，綿裹

右剉如麻豆大，每服抄五錢匕，水一盞半，煮至八分，取米熟為度，去滓，溫

注〔一〕惡風 原作「惡寒」，據《傷寒論》原文改。

服。〔批〕仲景方：於白虎湯方內，加人參三兩，餘依白虎湯法。

五苓散〔六十六〕 太陽病，發汗後，大汗出，胃中乾，煩躁不得眠，欲得飲水者，少

少與飲之，令胃氣和則愈。若脈浮，小便不利，微熱消渴者，發汗已，脈浮數，

煩渴者。傷寒汗出而渴者。不渴者，與茯苓甘草湯。中風發熱，六七日不解而煩，有表

裏證，渴欲飲水，水人則吐，名曰水逆者。本以下之，故心下痞，與瀉心湯，痞

不解，其人渴而口燥煩，小便不利者。屬太陽。太陽病，寸緩關浮尺弱，其人發熱

汗出，復惡寒，不嘔，但心下痞者，此以醫下之也。如其不下者，病人不惡寒而

渴者，此轉屬陽明也。小便數者，大便必硬，不更衣十日無所苦也。欲飲水，少

少與之，但以法救之，或渴者，屬陽明。霍亂，頭痛發熱身疼，熱多飲水者，并

主之。屬霍亂。

澤瀉 一兩一分 猪苓 去黑皮，秤 茯苓 去皮，秤 白朮 各三分 桂枝 去皮，半兩，不見火

右搗篩為散，拌和，每服抄三錢匕，白湯調下。此藥須各自事持秤見分兩，然

後合。〔批〕仲景方：澤瀉一兩六銖，猪苓、茯苓、白朮十八銖，桂枝半兩，服方寸匕，日三。多飲暖水，汗出愈。

猪苓湯〔六十七〕 陽明病，脈浮發熱，渴欲飲水，小便不利者。少陰病，下利六七日，

欬而嘔渴，心煩不得眠者，并主之。

猪苓去皮 茯苓 阿膠炙過 澤瀉 滑石各二兩

右剉如麻豆大，每服抄五錢匕，水一盞半，煮至七分，去滓，溫服。〔批〕仲景方，阿膠不炙，水四升，煮取二升，去滓，下膠烱消，服七合，日三。

附子湯〔六十八〕 少陰病，得之一二日，口中和，背惡寒者，當灸之。少陰病，身體痛，手足寒，骨節痛，脈沉者，并宜服之。

茯苓 芍藥各一兩半 人參一兩 白朮二兩 附子一枚炮去皮

右剉如麻豆大，每服抄五錢匕，水一盞半，煎至七分去滓，溫服，日三服。

〔批〕仲景方，茯苓、芍藥三兩，人參二兩，白朮四兩，附子二枚，不炮，水八升，煮取三升，服一升，日三服。

朮附湯〔六十九〕 傷寒八九日，風濕相薄，身體疼痛，不能自轉側，不嘔，不渴，脈浮虛而濇者，桂枝附子湯主之；若其人大便堅，小便自利者，此主之。屬太陽。

白朮二兩 甘草一兩炙 附子一枚半，炮去皮

右剉如麻豆大，每服抄五錢匕，生薑五片，大棗一枚，水一盞半，煮至七分，去滓，溫服，日三服。一服覺身痹，半日許再服，三服都盡，其人如冒狀，勿怪。

也。即是附子與朮并走皮中，逐水氣未得除，故使之耳，法當加桂一兩。其大便堅，小便自利，故不加桂也。〔批〕仲景方，生薑一兩半，棗六枚，水三升，煮取一升，分三服，日三服。別本作去滓，渴者只一服。

甘草附子湯（七十） 治風濕相薄，骨節疼痛，掣痛不得屈伸，近之則痛劇，汗出短氣，小便不利，惡風不欲去衣，或身微腫者 屬太陽。

甘草 炙 白朮 各一兩 附子 一枚，炮去皮 桂枝 二兩，或作三兩。身腫者，加防風二兩。悸氣小便不利者，加茯苓一兩半

右剉如麻豆大，每服抄五錢匕，水一盞半，煮至七分，去滓，溫服。汗出即解。〔批〕仲景方，甘草、白朮二兩，附子二枚，桂枝四兩，水六升，煮取三升，服一升，日三服。初服得微汗則解，能食，汗出後煩者，服五合，恐一升多者，服六七合爲妙。

芍藥甘草附子湯（七十一） 發汗病不解，反惡寒者，虛故也，此主之。

芍藥 三兩 甘草 三兩，炙 附子 一枚，炮去皮

右剉如麻豆大，每服抄五錢匕，水一盞半，煮至七分，去滓，溫服。〔批〕仲景方，水五升，煮取一升五合，分服。

乾薑附子湯（七十二） 下之後，復發汗，晝日煩躁不得眠，夜而安靜，不嘔不渴，無

表證，脈沉微，身無大熱者，此主之。屬太陽。

乾薑 一兩，炮 附子 一枚，生用，去皮

右剉如麻豆大，每服抄五錢匕，水一盞半，煮至七分，去滓，溫服，未知再服。

〔批〕仲景方，水二升，煮取一升，頓服。

理中國（七十三） 霍亂，頭痛發熱身疼痛，熱多欲飲水者，五苓散主之；寒多不用水者，此主之。大病瘥後，喜唾，久不了了，胸中有寒，當以圓藥溫之，宜服此。

屬陰陽瘥後勢復病脈證。

乾薑 炮〔批〕仲景各方用薑不炮 甘草 炙 人參 腹痛者倍之 白朮 各一〔一〕兩

右搗篩，煉蜜和圓，如鷄子黃許大，以湯數合和一圓，研碎，溫服之，日三夜二服。腹中未熱，益至三四圓，熱粥飲之，微自溫覆勿揭衣，然不及湯。又方：

人參 乾薑 炮 甘草 炙 白朮 各三兩

腹痛者，加人參一兩半。寒者，加乾薑一兩半。渴欲得水者，加白朮一兩半。臍

注〔一〕一 原缺，據吳勉學本、芳蘭閣本補。

上築者，腎氣動也，去朮，加桂四兩。吐多者，去朮，加生薑三兩。下多者，還用朮。悸者，加茯苓二兩。或四肢拘急，腹滿，下利，或轉筋者，去白朮，加附子一枚，生用。

右劉如麻豆大，每服抄五錢匕，水一盞半，煮至八分，去滓，溫服，日三服。
〔批〕仲景方：乾薑不炮，水八升，煮取三升，服一升，日三服。

四逆湯（七十四）

傷寒，脈浮，自汗出，小便數，心煩，微惡寒，腳攣急，與桂枝湯，

得之便厥，咽乾，煩躁，吐逆，作甘草乾薑湯與之，厥愈；更作芍藥甘草湯與之，其脚伸；若胃氣不和，與調胃承氣湯；若重發汗，加燒針者。傷寒醫下之，續後

下利清穀不止，身疼痛，急當救裏，後身疼痛，清便自調者，急當救表，救裏宜

四逆湯，救表宜桂枝湯。

屬太陽。

自利不渴者，以其臟有寒故也，當溫之，宜服。

屬太陰。或脈浮而遲，表熱裏寒，下利清穀者，此并主之。少陰病，飲食入口則吐，

心中溫溫欲吐，復不能吐，始得之，手足寒，脈弦遲者，此胸中實，不可下也，當吐之。若膈上有寒飲，乾嘔者，不可吐也，當溫之。或脈沉者，急溫之，并宜服。屬少陰。大汗，若大下利而厥冷者，或大汗出，熱不去，內拘急，四肢疼，又

下利厥逆而惡寒者，或下利腹滿身疼痛者，先溫裏，乃攻表，溫裏宜四逆湯，攻表宜桂枝湯，或嘔而脈弱，小便復利，身有微熱，見厥難治，此并主之。并屬厥陰。吐利汗出，發熱惡寒，四肢拘急，手足厥冷者，吐利，小便復利，而大汗出，下利清穀，內寒外熱，脈微欲絕者，此主之。屬霍亂。

甘草二兩，炙 附子一箇，生用 乾薑一兩半，炮

右剉如麻豆大，每服抄四錢匕，水一盞半，煮至七分，去滓，溫服。強人加附子半箇，乾薑加一兩半。〔批〕仲景方，乾薑不炮，水三升，煮取一升二合，分再服。

四逆散（七十五） 少陰病，四逆，其人或欬，或悸，或小便不利，或腹中痛，或泄利下重者，此主之。屬少陰。

甘草炙 柴胡 枳實去白穢，炒黃 芍藥已上各一兩

右搗篩，為細散，米飲調下二錢，日三服。欬者，加五味子、乾薑各半兩，并主下利。悸者，加桂半兩。小便不利者，加茯苓半兩。腹中痛者，加附子半枚，炮裂。泄利下重，先濃煎薤白湯，納藥末三錢匕，再煮一二沸，溫服。〔批〕仲景方服方寸匕，泄利下重者，水五升，煮薤三升，取三升，去滓，以散三方寸匕納湯中，取一升半，分再服。

四逆加人參湯（七十六） 惡寒脈微而利，利止者，亡血也，此主之。屬厥陰。

甘草二兩，炙 人參一兩 附子一枚，生，去皮 乾薑一兩半，炮

右剉如麻豆大，每服抄五錢匕，水一盞半，煮至八分，去滓，溫服，日三服。

〔批〕仲景方，於四逆湯內，加人參一兩，餘依四物〔一〕湯法服。

茯苓四逆湯（七十七） 治發汗若下之，病仍不解，煩躁者。

茯苓三兩 人參半兩 甘草一兩，炙 乾薑七錢半 附子半兩，生，去皮

右剉如麻豆大，每服抄五錢匕，水一盞半，煮至八分，去滓，溫服。〔批〕仲景方，

茯苓六兩，人參一兩，甘草二兩，乾薑一兩半，附子一枚，水五升，煮取三升，服七合，日三。

當歸四逆湯（七十八） 治手足厥寒，脈細欲絕者。屬厥陰。

當歸洗 桂枝 芍藥 細辛各一兩半 通草 甘草各一兩，炙

右剉如麻豆大，每服抄五錢匕，水一盞半，棗子一枚，煮至八分，去滓，溫服。

〔批〕仲景方，當歸、桂枝八升，煮取三升，服一升，日三服。

當歸四逆加茱萸生薑湯（七十九） 有當歸四逆湯證，若其人內有久寒者，宜服。屬厥陰。

注〔一〕物 當作「逆」。

當歸洗

桂枝去皮

芍藥

細辛各一兩半

甘草炙

木通各一兩

茱萸五兩

右剉如麻豆大，每服抄五錢匕，生薑四片，大棗一枚，水一盞半，煮至八分，去滓，溫服。〔批〕仲景方，當歸、桂枝、芍藥、細辛三兩，甘草、木通二兩，茱萸二升，棗二十五枚，水六升，酒六升，煮取五升，分五服。

活人書卷第十四終

活人書卷第十五

通脈四逆湯（八十） 治少陰病，下利清穀，裏寒外熱，手足厥逆，脈微欲絕，身反不惡寒，其人面色赤，或腹痛，或乾嘔，或咽痛，或利止脈不出者。屬少陰。下利清穀，裏寒外熱，汗出而厥者。屬厥陰。

甘草炙，二兩 乾薑三兩，炮 附子大者一枚，去皮，破八片，生用

右剉如麻豆大，每服抄五錢匕，水一盞半，煮至八分，去滓，溫服。未瘥，急更作一劑，其脈續出者愈。面赤者，加連翹葱九莖。腹中痛者，去葱加芍藥二兩。嘔者，加生薑二兩。咽痛，去芍藥，加桔梗一兩。利止脈不出者，去桔梗，加人參二兩。〔批〕仲景方：乾薑不炮，水三升，煮取一升二合，分再服。

通脈四逆加豬膽汁湯（八十二） 治吐已下斷，汗出而厥，四肢拘急不解，脈微欲絕者。屬霍亂。

甘草二兩，炙 乾薑三兩 附子大者一枚，生，去皮 豬膽汁半合

右三味，剉如麻豆大，每服抄五錢匕，水一盞半，煎至八分，去滓，納豬膽汁，

溫服。其脈即來。〔批〕仲景方：於通脈四逆湯內，加豬膽汁半合，餘依前法服。

黃連湯（八十二） 治傷寒，胸中有熱，胃中有邪氣，腹中痛，欲嘔者。屬太陽。

甘草炙 黃連 乾薑炮 桂枝各三兩 人參二兩 半夏二兩半

右剉如麻豆大。每服抄五錢匕，棗二枚，水三盞，煮取一盞半，去滓，分二服。

〔批〕仲景方：乾薑不炮，半夏半升，棗十二枚，水一斗，煮取六升，服一升，日三夜二。

黃連阿膠湯（八十三） 治少陰病，得之二三日已上，心中煩，不得臥者。屬少陰。

黃連一兩 阿膠三分 雞子黃半箇 黃芩一分 芍藥半兩 〔批〕即黃連雞子湯。

右剉如麻豆大，每半劑，水二盞，煮取一盞，去滓，納膠消盡，納雞子黃，攪令和，溫服，日二服。〔批〕仲景方：四分之一，水作五升，煮取二升，服七合，日三服。

黃芩湯（八十四） 太陽與少陽合病，自下利者，與黃芩湯；若嘔者，黃芩加半夏生薑

湯主之。屬太陽。 傷寒脈遲，六七日，而反與黃芩湯徹其熱，脈遲為寒，今與黃芩

湯復除其熱，腹中應冷，當不能食，今反能食，此名除中，必死。屬厥陰。

黃芩一兩二分 甘草炙 芍藥各一兩

右剉如麻豆大。每服抄五錢匕，棗子一枚，水一盞半，煮至八分，去滓，溫服。

黃芩或作一兩半。〔批〕仲景方：黃芩三兩，甘草二兩，芍藥二兩，棗十二枚，水一斗，煮取三升，溫一升，日再夜一。

黃芩加半夏生薑湯（八十五） 太陽與少陽合病，自下利者，與黃芩湯；若嘔者，此主之。屬太陽。

黃芩三分 半夏二分半 芍藥 甘草各二分

右剉如麻豆大。每服抄五錢匕，水二盞，生薑四片，大棗子一枚，煮至八分，去滓，溫服。〔批〕仲景方作於黃芩湯內，加半夏半升，薑三兩，餘依前法服。陽伯按：既云加生薑，而奉議用之太少，有乖原旨。

文蛤散（八十六） 病在陽，應以汗解之，反以冷水噴之，若灌之，其熱被劫不得去，彌更益煩，肉上粟起，意欲飲水，反不渴者，宜服。屬太陽。若不差者，與五苓散。寒實結胸，無熱證者，與三物白散。龐安常云小陷胸湯，非也。

文蛤一兩

右一味為散，沸湯和服方寸匕。〔批〕仲景方五分之一。

三物白散（八十七） 治寒實結胸無熱證者。屬太陽。

貝母三分 桔梗三分 去蘆 巴豆去心皮，熬黑，研如脂，一分

右為散，納巴豆研和，以白飲和服，強人半錢匕，羸人可減之。病在膈上必吐，在膈下必利，不利進熱粥一盃，利過不止進冷粥一盃。身熱皮粟不解，欲引衣自覆，若以水噀之，洗之，益令熱劫不得出，當汗而不汗則煩，假令汗出已，腹中痛，與芍藥三兩如上法。

十棗湯（八十八）太陽中風，下利嘔逆，表解者，乃可攻之，其人黎黎汗出，發作有時，頭痛，心下痞硬滿，引脇下痛，乾嘔，短氣，汗出不惡寒者，此表解裏未和也，宜服。屬太陽。

芫花炒赤，熬 甘遂 大戟

右各等分，異篩秤末，合和之，人臼中再杵治三百下，先以水一升半，煮肥棗子一十枚，煮取八合，去滓，納藥末，強人一錢匕，羸人可半錢，再單飲棗湯送下，平旦服。若下少病不除者，明日更服，加半錢，利後糜粥自養，合下不下，令人脹滿，通身浮腫而死。

抵當丸（八十九）傷寒有熱，小腹滿，應小便不利，今反利，為有血也，當下之，不可餘藥，宜服。屬太陽。

桃仁 四箇，去皮尖

大黃 三分，去皮

蟪虫 五箇，去翅足，熬

水蛭 五箇，熬去子，杵碎，水蛭再生化，

為害尤甚，須判斷，用石灰炒，再熬

右為篩，只為一圓，水一大白盞，煮至七分，頓服。晡時當下血，不下，更作之。〔批〕仲景方：桃仁二十箇，大黃三兩，蟪虫二十五箇，水蛭二十箇，為四圓。水一升，煮一圓，取七合。

抵當湯 （九十）

太陽病六七日，表證仍在，脈微而沉，反不結胸，其人發狂者，以熱

在下焦，小腹硬滿，小便自利者，下血乃愈。所以然者，以太陽隨經瘀熱在裏故也。或太陽病，身黃，脈沉結，小腹硬，小便不利者，為無血也；小便自利，其人如狂者，血證諦也。或傷寒有熱，小腹滿，應小便不利，今反利者，為有血也。

當下之，不可餘藥，并宜服。

屬太陽。

陽明證，其人喜忘者，必有蓄血，所以然

者，本有久瘀血，故令喜忘，屎雖硬，大便反易，其色必黑者，宜此藥下之。或病人無表裏證，發熱七八日，雖脈浮數者，可下之。假令已下，脈數不解，合熱則消穀喜飢，至六七日不大便者，有瘀血，宜服。屬陽明。

大黃 一兩，去皮，酒洗

蟪虫 十枚，去翅足，熬

桃仁 七枚，去皮尖，槌碎用

水蛭 十枚，熬去子，杵

碎，水蛭入腹再生化，為害尤甚，須判斷，用石灰炒，再熬

右剉如麻豆大，作二服，水二盞，煮七分，去滓，溫服。〔批〕仲景方，大黃二兩，蠶

三千箇，桃仁二十箇，水蛭三十箇，為末，水五升，煮取三升，服一升，不下，再服。

麻仁圓 〔九十一〕 跌陽脈浮而濇，浮則胃氣強，濇則小便數，浮濇相搏，大便則硬，其脾為約，此主之。屬陽明。

麻仁五兩 芍藥四兩 厚樸五寸，去皮，薑汁炙 枳實四兩，炙 大黃八兩，去皮 杏仁二兩半，去皮尖

右為散，蜜和為圓，如桐子太，飲下十圓，未知，益之，日三服。〔批〕仲景方，麻

仁二升，芍藥半斤，厚朴一尺，枳實半斤，大黃一斤，杏仁二升。別本芍藥四兩。

茵陳蒿湯 〔九十二〕 陽明病，發熱汗出者，此為熱越，不能發黃也；但頭汗出，身無

汗，劑頸而還，小便不利，渴引水漿者，此為瘀熱在裏，身必發黃。或傷寒七八日，身黃如橘子色，小便不利，腹微滿者，此并主之。屬陽明。

茵陳蒿嫩者，一兩 大黃三錢半，去皮 梔子大者，三枚

右剉如麻豆大，每服抄五錢匕，以水二大盞，先煮茵陳減半盞，次納二味，煮八分，去滓，溫服，日三服。小便當利，尿如皂莢汁狀，色正赤，一宿腹減，黃從小便中去也。〔批〕仲景方，茵陳蒿六兩，大黃二兩，梔子十四枚，水一斗，煮取三升，分三服。

牡蠣澤瀉散

〔九十三〕

治大病〔一〕瘥後，從腰以下有水氣者。

陰陽易瘥後勢復病脈證。

牡蠣

熱 澤瀉

蜀漆 洗去腥

商陸 熱

葶藶 熱

海藻 洗去鹹

栝樓根 各等分

右為散，飲服方寸匕。小便利，止後服。

竹葉石膏湯

〔九十四〕

治傷寒解後，虛羸少氣，氣逆欲吐者。

陰陽易瘥後勢復病脈證。

半夏 一分，湯泡洗

石膏 四兩，杵碎

淡竹葉 半把

人參 半兩

甘草 半兩，炙

麥門冬 二兩，

去心，或作二兩二分

右剉如麻豆大，每服抄五錢匕，水一盞半，人粳米百餘粒，煮取八分，米熟湯成，去滓，溫服。嘔者，加生薑一兩半。〔批〕仲景方：半夏半升，石膏一斤，淡竹葉二把，人參三

兩，甘草二兩，麥門冬一升，粳米半升，水一斗，煮取六升，去滓，納米，米熟湯成，去米，服一升。

枳實梔子湯

〔九十五〕

治大病瘥後勞復者。陰陽易瘥後勢復病脈證。

枳實 一枚，去穢，熬炒

梔子 三兩半，肥者

豉 一兩半，綿裹

右以清漿水二盞半，空煎退八分，納枳實、梔子，煮取九分，下豉，再煮五六沸，去滓，溫服。覆令汗出。若有宿食，納大黃如博棋子五六枚同煮。〔批〕仲景方：

注〔一〕病 原作「傷」，據吳勉學本、《傷寒論》原文改。

枳實三枚，梔子十四枚，豉一升，水七升，空〔一〕取四升，納枳實、梔子，取二升，下豉，分再服。

白通湯（九十六） 治少陰病下利脈微者。屬少陰。

附子一枚，生用 乾薑一兩，炙

右剉如麻豆大，每服抄五錢匕，水一盞半，入葱白四寸，煮至七分，去滓，溫服。〔批〕仲景方蔥作四莖，薑不炮，水三升，煮取一升，分再服。

白通加豬膽汁湯（九十七） 少陰病，下利，脈微者，與白通湯。利不止，厥逆無脈，

乾嘔煩者，此主之。服湯，脈暴出者死，微續者生。屬少陰。

豬膽半合 乾薑半兩，炮 葱白四莖 溺二合半 附子半箇，生去皮

右以水一盞，煮至五分，去滓，納尿、膽汁，和相得，分溫再服。〔批〕仲景方：豬膽一

合，乾薑一兩，不炮，葱白四莖，溺五合，附子一枚，水三升，煮取一升，納豬膽、溺，分再服。

桃花湯（九十八） 治少陰病，下利便膿血者。或病二三日，至四五日，腹痛，小便不利，

下利不止，便膿血者。屬少陰。

乾薑一分，炮 赤石脂四兩，半碎，一半篩末

注〔一〕空 下疑缺「煮」字。

右剉如麻豆大，每服抄四錢匕，入糯米一撮，水一盞半，煮至一盞，去滓，再入赤石脂末一方寸匕服，日三服。若一服愈，勿再服。糯米或粳米。〔批〕仲景方：乾薑二兩，

不炮，赤石脂一升，米一升，水七升，煮米熟，服七合，納赤石脂末方寸匕。

吳茱萸湯

〔九十九〕

食穀欲嘔，屬陽明也，此主之。得湯反劇者，屬上焦也。屬陽明。

少陰病，吐利，手足逆冷，煩躁欲死者。或乾嘔吐涎沫，頭痛者，此并主之。屬

少陰厥陰。

人參 一兩，去蘆

吳茱萸 一兩六錢半，湯洗三遍

右剉如麻豆大，每服抄四錢匕，生薑四片，棗子一枚，水二盞半，煮至八分，去滓，分二服。〔批〕仲景方：人參三兩，吳茱萸一升，生薑三兩，棗十二枚，水七升，煮取二升，服七合，日

三服。

豬膚湯

〔二百〕

治少陰病，下利，咽痛，胸滿，心煩者。屬少陰。

豬膚 二兩六錢半

右一味，以水二大盞半，煮取一盞許，去滓，加白蜜一合半，白粉一合，相和，溫服。〔批〕仲景方：豬膚一斤，水一斗，煮取五升，蜜一升，粉五合，分六服。

桔梗湯（百一） 治少陰病二三日咽痛，與甘草湯不瘥者。屬少陰。

桔梗 一兩 甘草 二兩，炙

右剉如麻豆大，每服抄五錢匕，水一盞半，煮至八分，去滓，溫服〔二〕再服。

〔批〕仲景方：水三升，煮取一升，分再服。

半夏散及湯（百二） 治少陰病咽中痛者。屬少陰。

半夏 湯洗 桂枝 去皮 甘草 炙

右等分，各別搗篩已。令和治之，每服抄三錢匕，水一大盞，煮至八分，令冷，少少嚥之。〔批〕仲景方：白飲和服方寸匕，日三服。若不能散者，水一升，煎七沸，納散兩方寸匕，更煎三沸，

令小冷。

苦酒湯（百三） 苦酒，米醋是也。 治少陰病，咽中傷，生瘡，不能語言，聲不出者。

屬少陰。

半夏 洗，碎如棗核，十四枚 雞子 一枚，去黃，納苦酒着雞子殼中

右二味，納半夏着苦酒中，以雞子殼置刀環中，安火上，令二三沸，去滓，少

注〔一〕服 吳勉學本、芳蘭閣本均作「分」。

少含嚥之，不瘥，再服。〔批〕仲景方：不瘥更作三劑。

真武湯 〔百四〕

太陽病發汗，汗出不解，其人仍發熱，心下悸，頭眩身瞤動，振振

欲擗地者，此主之。屬太陽。

少陰病，二三日不已，至四五日，腹滿〔二〕小便不利，四

肢沉動疼痛，自下利者，此為有水氣，其人或欬，或小便利，或下利，或嘔者，

此主之。屬少陰。

白朮 二分

茯苓 三分。小便利者，去茯苓

芍藥 三分。下利者，去芍藥，加乾薑二分

附子 一枚，炮去

皮，破八片，用二片。嘔者，去附子，加生薑三兩，或云生薑足前成三兩

右剉如麻豆大，每服抄五錢匕，生薑四片，水一盞半，煮至八分，去滓，溫服，

日三服。若欬者，加五味子三分，細辛一分，乾薑一分。〔批〕仲景方：白朮二兩，茯苓、生

薑、芍藥三兩，附子一枚，水八升，服七合，日三服。欬者，加五味子半升，細辛、乾薑各一兩。小便利者，去茯苓。下

利者，去芍藥，加乾薑二兩。嘔者，去附子，加生薑足前成半斤。

烏梅圓 〔百五〕

傷寒，脈微而厥，至七八日膚冷，其人躁無暫安時者，此為臟厥，

非虵厥也。虵厥者，其人當吐虵。令〔二〕病者靜而復時煩者，此為臟寒，虵上人

注〔一〕滿 吳勉學本、芳蘭閣本均作「痛」，是。

〔二〕令 《玉函經》作「今」。

其膈，故煩，須臾復止，得食而嘔又煩者，虵聞食臭出，其人常自吐虵。虵厥者，此主之。屬厥陰。

烏梅 七十五箇

細辛

附子 炮去皮

人參

黃蘗

桂枝 各二兩半，去皮

乾薑 二兩半

黃連

四兩

蜀椒 去目，出汗，一兩

當歸 一兩

右十味，異搗篩，合治之，以苦酒漬烏梅一宿，去核，蒸之五升米下，飯熟杵成泥，和藥令相得，納臼中，與蜜杵三千下，圓如桐子大，先食飲服十圓，日三服。稍加至二十圓。禁生冷、滑膩等物。〔批〕仲景方：烏梅三百箇，細辛、附子、人參、黃蘗、桂

枝六兩，乾薑十兩，黃連一斤，蜀椒四兩，當歸四兩。

乾薑黃芩黃連入參湯

〔百六〕

傷寒本自寒下，醫復吐下之，寒格，更逆吐下，若食

入口即吐，此主之。

屬厥陰。

乾薑 炮

黃芩

黃連

人參

各三分

右剉如麻豆大，每服抄五錢匕，水一盞半，煮至八分，去滓，溫服。

〔批〕仲景

方：各三兩，水六升，煮取二升，分再服。

白頭翁湯

〔百七〕

熱利下重者，或下利欲飲水者，以有熱也，并主之。

屬厥陰。

黃蘗 秦皮 黃連 各一兩半 白頭翁 一兩半，或作一兩

右剉如麻豆大，分作五服，每服水二大盞，煮至八分，去滓，溫服，不瘥，再服。〔批〕仲景方：白頭翁二兩，餘三兩，水七升，煮取二升，服一升，不愈，更服一升。

赤石脂禹餘糧湯 〔百八〕 傷寒服湯藥，下利不止，心下痞硬。服瀉心湯已，復以他藥下之，利不止。醫以理中與之，利益甚。理中治中焦，此利在下焦，宜服此藥。復不止者，當利其小便。屬太陽。

赤石脂 碎 禹餘糧 各四兩

右剉，每服抄五錢匕，水一盞半，煮八分，去滓，溫服。〔批〕仲景方：各一斤，水六升，

煮取二升，三服。

旋覆代赭湯 〔百九〕 治傷寒發熱，若吐若下解後，心下痞硬，噫氣不除者。屬太陽。

旋覆花 三分 人參 半兩 代赭 一分 甘草 三分，炙 半夏 三分，湯洗

右剉如麻豆大，每服抄五錢匕，生薑四片，棗子一枚，煮至八分，去滓，溫服。

〔批〕仲景方：旋覆花三兩，人參二兩，代赭一兩，甘草三兩，半夏半升，薑五兩，水一斗，煮取六升，再煎取三升，服一升，日三服。

瓜蒂散（百十）病如桂枝證，頭不痛，項不强，寸脈微浮，胸中痞硬，氣上冲喉咽

不得息者，此為胸有寒也，當吐之，宜服。屬太陽。

瓜蒂熬黃 赤小豆各半兩

右各搗篩已，合治之，取一錢匕，豉一合，湯七合，先漬之須臾，煮作稀糜，去滓，取汁和散，溫頓服。不吐少少加，得快吐乃止。諸亡血虛家，不可與之。

〔批〕仲景有病入云云一法。

蜜煎導法（百十一）陽明病，自汗出，若發汗，小便自利者，此為津液內竭，屎雖硬，不可攻之，當須自欲大便，宜蜜煎導而通之。若土瓜根及大豬膽汁，皆可為導。

屬陽明。

蜜四兩

右一味，內銅器中，微火煎之，稍凝如飴狀，攪之勿令焦着，欲可圓〔一〕，捻作挺〔二〕如指許長二寸，當熱時急作，令頭銳，納穀道中，以手急抱，欲大便秘時，

注〔一〕勿令焦着，欲可圓 吳勉學本作「勿令焦，着欲可圓」。

〔二〕「挺」 古代重五兩或十兩的金銀貨幣。諸本作「挺」，通「挺」，棍棒，為是。

乃去之。〔批〕仲景方：蜜七合。

豬膽汁方

右以大豬膽一枚，瀉汁，和法醋少許，以灌穀道中，如一食頃，當大便。

燒棍散〔百十二〕 傷寒陰陽易〔一〕之為病，其人身體重，少氣，小腹裏急，或引陰

中拘攣，熱上衝胸，頭重不欲舉，眼中生花，膝脛拘急者，此主之。屬易癢篇。

棍襠燒灰

右一味，以水和服方寸匕。小便利，陰頭腫，即愈。〔批〕仲景方：日三服，婦人病，取男

子棍襠。

活人書卷第十五終

活人書卷第十六

此一卷，載雜方。大率仲景證多而藥少，使皆如仲景調理既正，變異不生，則麻黃、桂枝、青龍用之而有餘，以後世望聖人難矣。仲景藥方缺者甚多，至如陰毒傷寒、時行溫疫、溫毒發斑之類，全無方書。今採《外臺》、《千金》、《聖惠》、《金匱玉函》，補而完之，凡百有餘道，以證合方，以方合病，雖非仲景筆削，然皆古名方也。譬猶周易參同，華嚴合論，步驟馳騁，不外乎聖人之意。又況俗學久矣，一旦革之，悉用古法，即陽春白雪，復生謗毀，適足以杜絕治法。今撥歸經絡，裁減湯劑，參以雜方，庶幾庸人易曉，日就月將，辛甘發散、酸苦涌泄之術行，即俗方不革而自寢矣。此余所以載雜方之意也。又況五積散、敗毒散、升麻湯、萎蕤湯之類，縱治不對病，用之或差，亦無所害，載之卷末，以俟後之用方者採擇。

升麻湯（一） 治傷寒中風，頭痛，憎寒壯熱，肢體痛，發熱畏寒，鼻乾，不得睡。兼治小兒、大人瘡疹，已發、未發皆可服。兼治寒暄不時，人多疾疫，乍暖脫着衣巾，及暴熱之次忽變陰寒，身體疼痛，頭重如石者。

升麻 白芍藥 甘草炙 乾葛各等分

右剉如麻豆大，每服抄五錢匕，水一盞半，煮至八分，去滓，溫服。若大段寒即熱服，若熱即溫服。瘡疹亦准此。服藥已，身涼，止藥。小兒量度多少服，如老兒〔一〕喫，去芍藥，加柴胡一兩，人參半兩，雪白芍藥一分。

防風白朮牡蠣散〔二〕〔三〕 治發汗多，頭眩汗出，筋惕肉瞤。

白朮 牡蠣粉炒黃 防風獨莖者，去蘆頭，各等分

右搗羅為細末，每服抄一錢匕，以酒調下，米飲亦得，日二三服。汗止，便服小建中湯。

李根湯〔二〕 治氣上衝，正在心端。

半夏湯洗，半兩 桂枝一兩 當歸一分 芍藥一分 茯苓一分 黃芩一分 甘草炙，一分 生

薑半兩 甘李根白皮二合

右剉如麻豆大，每服抄五錢匕，水一盞半，煮至八分，去滓，溫服。

注〔一〕老兒 指老人與小兒。

〔二〕散 原作「湯」，據目錄改。

大橘皮湯 (四) 動氣在下，不可發汗，發汗則無汗，心中大煩，骨節疼痛，目運惡

寒，食則反吐，穀不得入，先服大橘皮湯，吐止後，服小建中湯。〔批〕即《金匱》橘

皮竹茹湯。

甘草 炙，半兩 人參 一分 竹茹 半升 橘皮 一兩半，去白 生薑 二兩 棗子 八箇，去核

右剉如麻豆大，每服抄五錢匕，水三大盞，煮取一盞，去滓，分二服。八十問本云：

治嗽佳。

橘皮竹茹湯 (五) 治噦逆。

橘皮 二兩〔批〕橘皮一本作「一升」 竹茹 一升半 甘草 二兩，炙 人參 半兩 半夏 一兩，湯洗 生

薑 半兩 棗子 三十箇

右剉如麻豆大，每服抄五錢匕，水二大盞，煮至一盞，去滓，溫服，日三服。

生薑橘皮湯 〔批〕即《金匱》橘皮湯。治乾嘔噦，若手足厥冷者。

橘皮 四兩 生薑 半斤

右剉碎，作一服，水七盞，煮至三盞，去滓，溫服一盞，下咽即愈。

陰旦湯 (六) 治傷寒肢節疼痛，內寒外熱，虛煩。

芍藥二兩 甘草二兩，炙 乾薑三兩，炮 黃芩三兩，此一味，酌量加減 桂枝四兩 大棗十五箇
右剉如麻豆大，每服抄五錢匕，水一盞半，煮至八分去滓，溫服，日三夜二，覆令小汗。

陰毒甘草湯 (七) 治傷寒初得病二三日，便結成陰毒，或服藥六七日已上，至十日，變成陰毒，其病身重背強，腹中絞痛，咽喉不利，毒氣攻心，心下堅強，短氣不得息，嘔逆，唇青面黑，四肢厥冷，其脈沉細而疾。仲景云：此陰毒之候，身如被杖，咽喉痛，五六日可治，七日不可治。

甘草 炙 升麻 當歸 桂枝 去皮，各二分 雄黃 一分 鱉甲 一兩半，炙 蜀椒 一分，出汗，閉口者及子去之

右剉如麻豆大，每服抄五錢匕，水一盞半，煮至八分，去滓服，如人行五里頃，更進一服，溫覆取汗，毒當從汗出，汗出即愈。若未汗，再作服。

白朮散 (八) 治陰毒傷寒，心間煩躁，四肢逆冷。

白朮 一兩 附子 一兩，炮裂，去皮臍 川烏頭 一兩，炮裂，去皮臍 桔梗 去蘆頭，一兩 細辛 一兩 乾薑 半兩，炮裂，剉

右件藥搗篩為細末，每服二錢匕，水一中盞，煮至六分，不計時候，稍熱和滓頓服。

附子散（九） 治陰毒傷寒，唇青面黑，身背強，四肢冷。

桂枝 半兩 當歸 半兩，微炒 白朮 半兩 附子 三分，炮裂，去皮 乾薑 一分，炮裂，剉 半夏 一分，湯洗七遍，去滑

右件搗篩為細散，每服抄三錢匕，水一中盞，人生薑半分，煮至六分，去滓，不計時候，熱服，衣覆取汗，如人行十里，未汗再服。

正陽散（十） 治陰毒傷寒，面青，張口出氣，心下硬，身不熱（批）別本「不熱」作「虛熱」。只額上有汗，煩渴不止，舌黑，多睡，四肢俱冷。陽伯按：成聯攝《明理論》中言舌黑俱熱證

不備。

甘草 一分，炙，剉 麝香 一錢，細研人（批）「錢」，別本作「分」 附子 一兩，炮裂，去皮臍 乾薑 一

分，炮裂，剉 皂莢 一挺，去黑皮，塗酥炙令黃色，去子

右件搗羅為細末，每服抄二錢匕，水一中盞，煮至五分，不計時候，和滓熱服。

陽伯按：此二段陰證，亦有舌黑，渴及昏憤者，學者非工力深到，差謬多矣。

肉桂散（十一） 治傷寒服冷藥過度，心腹脹滿，四肢逆冷，昏沉不識人，變為陰毒。

別本無厚朴、木香二味，茱萸湯浸七遍，焙乾，微炒。

肉桂 去麋皮，三分 高良薑 剉，二分 厚朴 三分，去粗皮，薑炙香熟 白朮 三分 木香 三分 人

參 去蘆頭一兩 赤芍藥 一兩 陳橘皮 一兩 附子 一兩，炮裂，去皮臍 前胡 去蘆頭，一兩 當

歸 一兩，剉，微炒 吳茱萸 半兩，湯浸〔批〕茱萸湯煮七遍，焙乾，微炒

右件搗為粗末，每服抄四錢匕，水一中盞，棗子三枚煮至六分，去滓，不計時候，稍熱頻服。

回陽丹（十二） 治陰〔一〕毒傷寒，面青，手足逆冷，心腹氣脹，脈候沉細。

萆澄茄 半兩 木香 半兩 乾蠍 半兩 吳茱萸 半兩，湯浸七遍，焙乾，微炒 附子 炮裂，去皮臍 半兩

硫黃 細研入，半兩 乾薑 一分，炮裂，剉

右件藥，搗羅為細末，酒煮麪糊為圓如梧桐子大，每服三十圓，不計時候，生薑湯下，頻服三服，復以熱酒一盞投之，以厚衣蓋定，取汗為度。

還陰丹（十三） 治陰毒傷寒，心神煩躁，頭痛，四肢逆冷。

注〔一〕陰 原作〔陽〕，據吳勉學本、芳蘭閣本改。

附子 炮裂，去皮臍 乾薑 炮裂，剉 桂心 各半兩 硫黃 五兩 太陰玄精石 消石 各二兩，別研

右件藥，用生鐵銚先鋪玄精末一半，次鋪消石末一半，中間下〔批〕別本「下」作「放」。

硫黃末，又着消石末蓋硫黃，都以玄精蓋上訖，用小蓋合着，以三斤炭〔二〕火燒

令得所，勿令煙出多，急取瓦盆合着地面，四向著灰，蓋勿令煙出，直候冷，取

出細研如麵，後三味搗羅為末，與前藥同研令細〔二〕，用軟飯為〔批〕別本「令」至「和」

六字作「極細米粉煮爛為」七字。圓如梧桐子大，每服十五圓至二十圓，煎艾湯下，頻服，

汗出為度，病重則三十圓。此方甚驗，喘促與吐逆者，入口便住。若服此藥三五

服不退，便於臍下一寸灸之，須是大段日夜不住手灸，不限多少壯數灸之，仍艾

炷勿令小，小則不得力，若其人手足冷，小腹硬，即須更於臍下兩邊各一寸，各

安一道，三處灸之，仍與當歸四逆湯并還陰丹，亦須頻服，內外通逐，〔批〕一本「逐」

作「透」。方得解退，若遲慢即便死矣。若是陰證，加以小便〔批〕別本作「小腸」。不通，

及陰囊縮入，小腹絞痛欲死者，更於臍下二寸石門穴大段急灸之，仍須與還陰丹、

注〔一〕炭 原作「灰」，據吳勉學本、吳鳴鳳本改。

〔二〕細 吳勉學本、芳蘭閣本皆作「勻」。

當歸四逆加吳茱萸生薑湯，慎勿與尋常利小便藥也。世有醫者，見小便不通，便用炒鹽及裏熱藥於臍下便熨，欲望小便通，緣陰氣在小腹之間，致被熱物熨着，無處所出得，即便奔上衝心，往往有死者。

天雄散

（十四）正元散、退陰散附。

治陰毒傷寒，身重背強，腹中疔〔批〕「疔」音「絞」。痛，咽

喉不利，毒氣攻心，心下堅強，短氣嘔逆，唇青面黑，四肢厥冷，其脈沉細而疾。

麻黃 去根節，半兩

當歸 剉，微炒，半兩

半夏 湯洗七遍，去滑

白朮 半兩

乾薑 三分，炮

陳橘

皮 三分，湯浸，去白穢，炒

天雄 炮去皮臍，一兩

肉桂 一兩，去粗皮

川椒 一分，去目及閉口者，微炒

去汗

厚朴 一兩，去粗皮，塗生薑汁炒令香

右件藥搗為粗末，每服抄五錢匕，水一大盞，人生薑半錢，棗子三枚，煮至五分，去滓，不拘時，稍熱服，如人行十里，未汗再服。

正元散

出《本事方》。

治傷寒如覺風寒吹著，四肢煩疼，頭目百骨節疼痛，急煎此藥服，

如人行五里，再服，或連進三服，取汗立差。若患陰毒傷寒，人退陰散半錢同煎。或傷冷，或傷食，頭昏氣滿，及心腹諸疾，服之無不有效。

麻黃 去節，秤

陳皮

大黃 生

甘草 炙

乾薑 炮

肉桂 去皮

芍藥

附子 炮去皮

吳茱

莢 湯洗 焙炒 半夏 泡，各等分，內麻黃加一倍，茱萸減半用之

右搗為末，每服一大錢，水一盞，生薑三片，棗子一枚，煮至七分，熱服。如出汗，以衣被蓋覆，切須候汗乾，去衣被。如是陰毒，不可用麻黃，免發〔二〕出汗。

退陰散

出《本事方》。

治陰毒傷寒，手足逆冷，脈沉細，頭痛腰重，連進三服，小小傷冷，每服一字，入正元散內同煎，入鹽一捻，陰毒傷寒效逆，煎一服，細細呷便止。

川烏 乾薑 各等分

右搗為粗末，炒令轉色，放冷，再搗為細末，每服一錢，水一盞，鹽一捻，煮半盞，去滓，溫服。

葱熨法〔十五〕

治氣虛陽脫，體冷無脈，氣息欲絕，不省人事，及傷寒陰厥，百藥不效者。

葱以細索纏如繩許大，切去根及葉，惟存白，長三二寸許

注〔一〕發 吳勉學本、芳蘭閣本作「更」。

右如大餅饊，先以火熅一面，令通熱，又勿令灼人，即以熱處搭病人臍，連臍上下四圍以舊布擁隔火氣。上用熨斗滿貯火放蔥餅上熨之，令蔥餅中熱氣鬱鬱入肌肉中，須預作三四餅，一餅壞不可熨，又易一餅，良久病人當漸醒，手足溫，有汗即瘥。更服四逆湯輩溫其內。昔曾有患傷寒冥冥不知人，四體堅冷如石，藥不可入，用此遂瘥。

葶藶苦酒湯（十六） 治傷寒七八日，內熱不解。

葶藶熬，杵膏一合 苦酒米醋是也，一升半 生艾汁半升，無生艾，煮熟艾汁，或用艾根搗取汁亦可

右汁煎取七合，分作三服。

陽毒升麻湯（十七） 治傷寒一二日，便成陽毒，或服藥吐下之後，變成陽毒，腰背痛，

煩悶不安，面赤，狂言或走，或見鬼，或下利，脈浮大數，面赤斑斑如錦紋，喉咽痛，下膿血，五日可治，七日不可治。

升麻二分 犀角屑 射干 黃芩 人參 甘草各一分

右剉如麻豆大，以水三升，煮取一升半，去滓，飲一湯盞，食頃，再服，溫覆，手足出汗則解，不解重作。

大黃散（十八） 治陽毒傷寒未解，熱結在內，恍惚如狂者。

甘草一兩，炙 木通一兩 大腹皮一兩 桂心三分 川芒消二兩 川大黃一兩半 剉 桃仁
二十一枚，湯洗，去皮尖雙仁，麩炒令微黃

右件搗為粗末，每服抄四錢匕，水一中盞，煮至六分，不計時候，溫服。以通利為度。

梔子仁湯（十九） 治陽毒傷寒，壯熱，百節疼痛。

梔子仁一兩 大青一兩 赤芍藥一兩 知母一兩 柴胡一兩半，去苗 川升麻二兩 黃芩
二兩 石膏二兩 甘草半兩，炙 杏仁湯洗，去皮尖雙仁者 麩炒微黃，二兩

右件搗為粗末，每服抄四錢匕，水一中盞，人生薑半分，豉一百粒，煮至六分，去滓，不計時候，溫服。

黑奴圓（二十） 治時行熱病，六七日未得汗，脈洪大或數，面赤目瞪，身體大熱，煩躁，狂言欲走，大渴甚。又五六日已上不解，熱在胸中，〔批〕麻安常作「胃中」。口噤不能言，為壞病傷寒，醫所不治，棄為死人，或人精魂已竭，心下纔暖，撥開其口，灌藥下咽即活。兼治陽毒及發斑證。

黃芩 一兩 釜底煤 即百草霜，研入一兩 大黃 一兩一分，或作二兩 芒硝 一兩 竈突墨 一兩，研入
梁上塵 一兩 小麥奴 小麥未成熟時，囊中不成麥，捻之成黑勃是也。無此亦得，各一兩 麻黃 去節，泡二
二沸，焙乾秤，三兩〔批〕別大黃、麻黃作一兩

右件搗羅為極細末，煉蜜為圓如彈子大，以新汲水三合研下一圓。渴者，但以
冷水盡足飲之，須臾當寒，寒竟汗出便瘥。若日移五尺不汗，依前法再服一圓，
瘥即止，須微利也。此藥須是病人大渴倍常，躁盛渴者，乃可與之。若小渴者，
強與〔一〕，翻為禍耳。

五積散〔二十一〕 治陰經傷寒，脾胃不和，及感寒邪，并食積所傷。

官桂 去皮，二兩 人參 二兩 川芎 一兩 厚朴 去皮，淨，三兩 白茯苓 半夏 湯洗五七遍 芍
藥 洗淨 當歸 洗 麻黃 去節 乾薑 各三兩 甘草 二兩半 枳殼 五兩，麩炒令黃色 桔梗 十二兩，
緊實白者，洗淨，焙乾 陳橘皮 八兩，洗淨，不去穢 蒼朮 二十四兩，新米泔水浸去皮〔批〕一作〔新者淨洗
焙乾〕，無〔新米……〕七字。 吳白芷 四兩，洗淨，焙乾。

右件除枳殼、肉桂、橘皮外，其餘並一處生搗為粗末，分作六分，於大鑊內用

注〔一〕若小渴者，強與 吳勉學本作「不渴若與之」。

文武火炒令黃熟，不得焦，用紙攤於板上，候冷，入前件枳殼、官桂、橘皮末，一處和勻，人瓷合盛。每服二錢，水一盞，生薑三片，同煎至七分，去滓，溫服。人傷寒入葱白一莖，豆豉七粒同煎，速服出汗。或脾胃不和，內傷冷食，渾身疼痛，頭昏無力，胃膈不快，喫食不下〔批〕別本〔食〕作〔物〕。氣脈不和，四肢覺冷，至晚心躁困倦，即入鹽少許同煎。或是陰經傷寒，手足逆冷，或睡裏虛驚〔批〕別〔裏〕作〔中〕。及虛汗不止，脈細疾，面青嘔逆，更宜人附子同煎。加減多少，並在臨時觀看虛實輕重候之。

霹靂散 〔二十二〕 治陰盛隔陽，煩躁，不飲水。

附子 一枚及半兩者，炮熟，取出用冷灰培之，去皮臍，細研入 真臘茶 〔二〕一大錢

右同和，分作二服，每服用水一盞，煎六分，臨熟入蜜半匙，放溫冷服之。須臾躁止得睡，汗出即瘥。

火焰散 〔二十三〕 治傷寒惡候。

舶上硫黃 黑附子 去皮，生用 新臘 〔二〕茶各一兩，為細末

注〔一〕真臘茶 當為「真蠟茶」，即「建茶」，又名「蠟面茶」。

〔二〕臘 〔二〕音蠟 同「臘」。當作「蠟」。

右先用好酒一升調藥，分大新碗五口，放於火上，攤蕩令乾，合於瓦上，每一碗下燒熟艾一拳大，以瓦櫓〔一〕起，無令火著，直至烟盡，令即刮取，却細研入麝合盛。每服二錢，酒一盞，共煎七分，有火焰起勿訝，取起待溫服下。凡傷寒陰毒者，四肢冷，脈沉細，或吐，或瀉，五心躁煩，胸中結硬，或轉早伏陽在內，湯水不得下，或無脈，先喫一服，如吐，却更進一服，服後心中熱，其病已瘳，下至臟腑中，表未解者，渾身壯熱，脈氣洪大，便宜用發表藥，或表解者，更不發熱，使得睡眠，渾身有汗，方可用下胸膈、行臟腑藥，漸用調和脾胃，補養元氣湯散。如服此藥二服不應，不可治也。

丹砂圓〔二十四〕 治傷寒陰陽二毒相伏，危惡形證。

消石 半兩 太陽石 舶上硫黃 水銀 太陰石 玄精石 各二兩，研

右件藥為末，先用無油銚子，〔批〕一作新鐵銚子。以文武火炒，下諸藥末，令勻，如灰色，研如粉麵，生薑自然汁浸，蒸餅為圓如菉豆大，每服五圓，龍腦、牛黃、

注〔一〕櫓（gǔ）音支。《爾雅釋訓》：「櫓，柱也」。今引申為支柱、支撐。

生薑、蜜水下，壓躁也。若陽毒，棗子煎湯下。若陰毒，任〔二〕湯下，不得于屋底炒。

活人書卷第十六終

注〔一〕任 吳勉學本作「荏」。荏，大豆。

活人書卷第十七

五味子湯 (二十五) 治傷寒喘促，脈伏而厥。

人參 二錢半 麥門冬 去心，二錢半 杏仁 去皮尖，二錢半 橘皮 去白，二錢半 五味子 半兩 生

薑 二錢半 棗子 三枚，破

右剉如麻豆大，水二大盞，煮至一盞，去滓，分作二服。

獬鼠糞湯 (二十六) 療傷寒病後，男子陰易，及諸般勞復。

韭根 一大把 獬鼠糞 十四枚，兩頭尖者是也

右二味，水二升，煮取半升，去滓，再煎三沸，溫溫盡服，必有粘汗出為效，未汗再作服。亦治諸般勞復。

竹皮湯 (二十七) 療傷寒後交接勞復，卵腫，腹中絞痛欲絕。

刮竹青皮一升

右一味，以水三升，煮取一升半，絞去滓，分服立愈。

知母麻黃湯 (二十八) 傷寒瘥後，或十數日，或半月，二十日，終不惺惺，常昏沉似

失精神，言語錯謬，又無寒熱，醫或作鬼祟，或作風疾，多般治不瘥，或朝夕潮熱頰赤，或有寒熱似瘧，都是發汗不盡，餘毒在心胞絡間所致也。〔批〕千古高見。

知母 一兩半

麻黃 去節

甘草 炙

芍藥

黃芩

各半兩

桂枝

去皮

半兩

盛暑中可減桂枝作一分

〔批〕與九十七知母桂心湯方同錄異。

右剉如麻豆大，每服抄五錢匕，水一盞半，煎至八分，去滓，溫服，半日可相次二三服，溫覆令微汗，若心煩不眠，欲飲水，當稍稍與之，令胃中和，即愈。未汗，須再服，以汗為度。

鼈甲散 〔二十九〕

傷寒八九日不瘥，名曰壞傷寒，諸藥不能治者。

升麻

前胡

去蘆

烏梅

去核

枳實

熬炒

去穢

犀角

鎔 〔一〕

黃芩

各半兩

生地黄

切兩合

甘草 一分，炙

鼈甲

去裙 〔二〕

米醋炙赤黃

研碎

半兩

右剉如麻豆大，每服抄五錢匕，水一盞半，煎至八分，去滓，溫服。

人參順氣散 〔三十〕

治傷寒頭疼，憎寒壯熱，四肢疼痛。

注 〔一〕鎔 《玉篇》：「削也」。纖細微薄貌。

〔二〕去裙 去除鼈甲的裙邊（即鼈甲四周的膠質）。

乾葛 甘草炙 白朮 桔梗去蘆 香白芷 人參各一兩 乾薑半兩炮 麻黃去節，二兩半
右搗羅為粗末，每服三錢，水一盞半，生薑三片，葱白二寸，煎至八分，通口服（二），如要出汗，連進二服。

蒼朮散（三十一） 治傷寒一二日，頭疼，發熱憎寒，身體疼痛。

石膏一兩 桔梗半兩 麻黃一兩去節，湯洗，焙乾秤 山茵陳去梗，半兩 甘草炙 蒼朮各半兩，米泔浸，去皮

右為粗末，每服二錢，水一盞，煎至八分，連服數服，出汗。

麻黃葛根湯（三十二） 治傷寒一日至二日，頭項及腰脊拘急疼痛，渾身煩熱惡寒。

芍藥三兩 豆豉一合 乾葛四分 麻黃三兩去節，湯泡一二沸，焙乾秤

右剉如麻豆大，每服四錢，葱白七根，水一盞半，煮至八分，去滓，溫服，以厚衣蓋覆，如人行四五里間，再服，良久如未得汗，更煮葱粥少少與之，熱投以助藥力，取汗即愈。

敗毒散（三十三） 治四時傷風、溫疫、風濕，頭目昏眩，四肢痛，憎寒壯熱，項強，

注（一）通口服 藥溫適中，一口氣服完。

目睛疼，尋常風眩、拘倦、風痰，皆可服之，神效。

羌活

去苗

獨活

去苗

前胡

去苗

柴胡

去苗

芎藭

枳殼

熬炒，去穢

白茯苓

去皮

桔梗

人參

各一兩，去蘆

甘草

半兩，炙

右件搗為末，每服三錢，生薑三片，水一盞，煎至七分，或沸湯點末服亦可。老人、小兒亦宜，日三服，以知為度。又烟瘴之地，山嵐瘴氣，或溫疫時行，或人多風痰，或處卑濕脚弱，〔批〕「弱」，別本作「氣」。此藥不可闕也。

獨活散

（三十四）

治傷風溫濕。熱等疾。

羌活

獨活

並去蘆頭

枳殼

去穢，熬炒通黃

防風

黃芩

細堅者

麻黃

沸湯泡一二沸，焙乾秤

人

參

細辛 華陰者

甘草

炒赤色

茯苓

蔓荊子

甘菊花

各一兩

石膏

水飛過，二兩

右搗為粗末，每服三錢，水一盞，生薑三片，薄荷四五葉，同煎至七分，去滓，微熱呷服之。年高者，以川芎代黃芩。

桂枝石膏湯

（三十五）

治傷寒三日外，與諸湯不差，發熱，脈勢仍數，邪氣猶在經絡，

未入臟腑者。

石膏

二兩，碎

黃芩

半兩

梔子

四枚，小者可用八枚

桂枝

去皮

甘草

各半兩

升麻

乾葛

白藥子 各三分 生薑 三分

右剉如麻豆大，每服抄五錢匕，水一盞半，煎取八分，去滓，溫服，食頃再服。若得汗，即停後服。此方可夏至後代桂枝證用，若加麻黃去節半兩，以代麻黃、青龍湯用之也。有汗脈緩為桂枝湯證，無汗脈緊為麻黃，煩躁為青龍證。

梔子升麻湯 (三十六) 治晚發傷寒，三月至夏為晚發。

梔子 十枚，擘碎

升麻 一兩半

生地黄 半斤，切碎

柴胡 二兩半

石膏 二兩半

右剉如麻豆大，每服抄五錢匕，水一盞半，煎至八分，去滓，頻服。病不解，更作。若頭面赤，去石膏，用乾葛二兩。無地黃，用豆豉代之。

橘皮湯 (三十七)

治傷暑痰逆惡寒。

甘草 一兩

人參 一分

陳橘皮 去白，二兩

右為粗末，每服五錢，用新青竹輕輕刮皮一團，薑四片，棗子一枚，水一盞半，煎至八分，去滓，熱服。如不惡寒，即宜竹葉湯。

解肌湯 (三十八)

治傷寒溫病天行頭痛壯熱。〔批〕別作治夏至前春溫病及天行云云。

葛根 一兩

黃芩 半兩

芍藥 半兩

甘草 炙，一分

桂心 一分

麻黃 三分，去節，湯泡一二沸，焙乾秤

右剉如麻豆大，每服抄五錢匕，水一盞半，棗子一枚，煮至八分，去滓，日三服。三四日不解，脈浮者，宜再服發汗。脈沉實者，宜下之瘥。

小柴胡加桂湯（三十九） 治瘧疾先寒後熱，兼治支結。

柴胡八兩 人參 甘草炙 半夏浸七次，切 黃芩 桂去皮，各三兩

右剉如麻豆大，每服抄五錢匕，水二盞，生薑七片，棗子二枚，煮至八分，去滓，復煎取六分清汁溫服，日三夜二。若渴者，去半夏，加人參、栝樓根同煎服。

白虎加桂湯（四十） 治瘧疾但熱不寒者，及自汗作渴。

知母六兩 甘草炙，二兩 石膏一斤 粳米二合 桂去皮，三兩

右剉如麻豆大，每服抄五錢匕，水一盞半，煮八分，去滓，溫服。

柴胡桂薑湯（四十一） 治寒多微有熱，或但寒不熱，亦治勞瘧。

柴胡四兩 黃芩 桂枝去皮，各二兩半 牡蠣熬，研碎，一兩 甘草炙 乾薑各二兩 栝樓根二兩

右剉如麻豆大，每服抄五錢匕，水一盞半，煮至八分，去滓，溫服。初服微煩，覆服汗出即愈。

瘧母煎（四十二） 治久瘧不愈，結為癥瘕，寒熱。

鱉甲 十二分，炙 黃芩 三分 烏扇 燒存性，三分 鼠婦 熬，三分 乾薑 炮，三分 大黃 三分 桂枝 去皮，三分 紫葳 三分 厚朴 薑炙，三分 柴胡 六分，去蘆 芍藥 五分 石葦 去毛，三分 蟲 五分，熬，去足翅，一作蠶蟲 牡丹皮 五分，去心 桃仁 三分，炒，去皮尖，雙仁 葶藶 一分，熬 瞿麥 一分 半夏 湯洗，一分 人參 一分 阿膠 炒，三分 蜂窠 熬，四分 朴硝 十二分 蜣螂 六分，炙

右搗羅為末，鍛竈下灰一斗，清酒一斗五升，浸灰，候酒盡一半，著鱉甲於中，煮令泛爛如膠漆，絞取汁，納諸藥煎，為圓如梧桐子大，空心服七圓，日三服。一方無鼠婦、朴硝，加海藻三分，大戟一分。

祛邪圓 (四十三) 治瘧疾脈浮大，寒熱往來，用此吐之。衛州書云：瘧寒多熱少者，痰多也。然寒多熱少而脈浮，則痰無疑矣，可吐之。若脈遲微者，惡寒瘧耳，宜服柴胡桂薑也。

恒山 (一) 甘草 炙 大黃 知母 各二兩 麻黃 四兩，去節，湯泡一二沸，焙乾秤
右搗羅為末，煉蜜為圓如梧桐子大，每服十五圓，面向東，無根水吞下。

注 (一) 恒山 常山之別名。

猪膽雞子湯（四十四） 治傷寒五六日斑出。

猪膽 汁三合 雞子 一枚 苦酒 三合，即米醋

右三味和合，煎三沸，強人盡服，羸人煎六七沸服，汗出差。

萎蕤湯（四十五） 治風溫，兼療冬溫，及春月中風、傷寒，發熱，頭眩痛，喉咽乾，

舌強，胸內疼，痞滿，腰背強。

萎蕤 三分 石膏 一兩，研末 白薇 麻黃 去根節，湯泡，焙乾，秤 大羌活 去蘆 甘草炙 芍各

半兩 杏仁 去皮尖、雙仁者，搗碎 葛根 半兩，生者可用二兩，尤佳 青木香 一分，冬一兩，春用半兩，炒

右剉如麻豆大，每抄五錢匕，水一盞半，煎一中盞，日三四服。

知母葛根湯（四十六） 治風溫身體灼熱甚者。

知母 三錢 乾葛 八錢 石膏 六錢 萎蕤 五錢 甘草炙，二錢 黃芩 二錢 木香 二錢 升麻

二錢 人參 二錢 防風 二錢 杏仁 炒，二錢 天南星 生，二錢 羌活 二錢 芍 二錢 麻黃 去

節，四錢，湯泡，焙乾

右剉如麻豆大，每服抄五錢匕，水一盞半，煮至一盞，去滓，溫服，未知再服。

栝樓根湯（四十七） 治風溫加渴甚者。

石膏 一兩 栝樓根 三分 人參 半兩 防風 半兩 甘草 炙，半兩 葛根 一兩，半生用，乾者只三錢

右剉如麻豆大，每服抄五錢匕，用水一盞半，煮至一中盞，去滓，溫服。

漢防己湯 (四十八) 治風溫脈浮，身重，汗出。

甘草 炙 黃耆 蜜炙，各二兩 漢防己 四兩 白朮 三兩 生薑 三兩 大棗 十二箇

右剉如麻豆大，每服抄五錢匕，水一盞半，煎取一中盞，去滓，飲訖，仍坐被中，汗出如蟲行，或卧被中取汗。

老君神明散 (四十九) 辟疫癘 (批) 別作治瘟疫。

白朮 二兩 桔梗 一兩 附子 二兩，炮去黑皮 烏頭 四兩，炮去皮臍 真華陰細辛 一兩

右搗粗篩，縫絹囊盛帶之，居閭里，皆無病。若有疫癘者，溫酒服方寸匕，覆取汗，得吐即瘥。若經三四日，抄三寸匕，以水二碗，煮令大沸，分三服。

務成子 (一) 螢火圖 (五十) 主辟疾疫惡氣百鬼虎狼蛇虺蜂蠆諸毒，五兵白刃盜賊凶害

皆辟之。昔劉子南佩之，為虜所圍，矢下如雨，未至數尺，矢輒墮地，虜以為神，故五兵不能加害矣。出神仙感應篇。聖散子附。

注 (一) 務成子 上古人，名昭，一名耐。舜師。《荀子·大略》：「舜學於務成昭」。

螢火 鬼箭削去皮羽 蒺藜各一兩 雄黃 雌黃 礬石各二兩，炒汁盡 鈴〔批〕〔鈴〕，別本作

〔段〕。

羊角 鍛竈灰 鐵錘柄人鐵處燒焦，各一兩半

右搗篩為散，以雞子黃并丹雄雞冠一具和之，如杏仁大，作三角縫〔一〕囊盛五圓，帶左臂，仍更掛戶上。

續添聖散子方〔二〕 蘇內翰云：昔嘗覽《千金》三建散方，於病無所不治，而孫思邈特為著論，以謂此方用藥節度，不近人情，至於救急，其驗特異，乃知神物效靈，不拘常制，至理開感，智不能知。今予所謂聖散子者，殆此類也。自古論病，惟傷寒為至危急，表裏虛實，日數證候，應汗下之類，差之毫釐，輒至不救。若時毒流行，用聖散子者，一切不問陰陽二感，連服取瘥，不可與傷寒比也。若疫疾之行，平旦輒煮一釜，不問老幼良賤，各服一盞，即時氣不入其門，平居無病，能空腹一服，則飲食快美，百病不生，真濟世衛家之寶也。其方不知其所從出，而故人巢君世寶之，以治溫疫，百不失一。予既得之，謫居黃州，連年大疫，所

注〔一〕縫 吳勉學本、芳蘭閣本作「綳」。

〔二〕聖散子方 吳勉學本、芳蘭閣本此下注有「此藥性溫，若陽證有熱，不可輕服之」十四字。

全活者，不可勝數。巢君初甚借此方，指江水為盟，約不傳人，余切隘之，以傳蘄水道人龐安常，龐以醫聞於世，又善著書，故以授之，且使巢君之名與此方同不朽。東坡居士序。

木猪苓 去皮

石菖蒲

高良薑

茯苓

獨活

去蘆頭

附子

炮裂，去皮臍

麻黃

去根節

藁

本 去沙土

厚朴

去皮，薑汁炙

芍藥

柴胡

去蘆頭

枳殼

麸炒，去穢

澤瀉

細辛

華陰者

防

風 去蘆頭

藿香 去土

半夏

湯洗，薑汁浸，各半兩

肉豆蔻

十枚，去皮，麵裹煨

甘草

一兩，炙

吳

茱萸 半兩

吳朮 龐安常云：蜀人謂蒼朮之白者為白朮，蒼朮朮也，而謂今之白朮為吳朮。半兩

右剉為粗末，每服五錢，水一盞半，煮取八分，去滓，熱服。餘滓兩服合為一服重煎，空心服之則效。

調中湯 (五十一)

治夏末秋初忽有暴寒折於盛熱，熱結於四肢，則壯熱頭痛，寒傷於

胃，則下利，或血、或水、或赤帶下，壯熱暈悶，脈沉數，宜下之。

大黃 去皮，三分

葛根

黃芩

芍藥

桔梗

去蘆

藁本

擇真者，無此以芎代之

茯苓

去皮

白

朮

甘草 炙，各半兩

右剉如麻豆大，每服五錢匕，水一盞半，煮取一中盞，去滓，溫服，移時再服

之，得快利，壯熱便歇。小兒減與服。

凡秋夏暑熱積日，或有暴寒折之，熱無可散，喜搏著肌中，作

壯熱氣也。胃為六腑之表，最易為暴寒傷之而下利也。虛弱人亦不壯熱，但下利或霍亂也，不宜服此。少實人可服。又有

服五石人〔批〕「五石人」別本作「五柔圓」。喜壯熱，適與別藥斷下，則加熱喜悶而死矣。亦不止便作痺〔一〕熱毒，若

壯熱不歇則劇。〔批〕「不止」至「劇」十四字，安常總論無。是以宜調中湯下和其胃氣也。調中湯去大黃，即治風溫證，

兼治陽病因下，遂協熱利不止，及傷寒不因下而自利，表不解而脈浮數者，皆可去大黃煎服之，殊驗也。〔批〕安常大黃

下有加葛根成一兩六字。

射干湯 （五十二） 治初秋夏月暴雨冷，及天行暴寒，其熱喜伏於內，欬嗽曲折不可得

氣息，喉啞失聲，乾嗽無唾，喉中如硬〔二〕。

射干 當歸 肉桂 麻黃去節，湯泡，焙秤 枳實炙 紫苑 獨活 橘皮 甘草炙，各

二兩 生薑四兩，泡 半夏五兩，洗 杏仁三兩，去皮尖兩人者，炒

右剉如麻豆大，每服抄五錢匕，水一盞半，煮至八分，去滓，溫服。

半夏桂枝甘草湯 （五十三） 治伏氣之病，謂非時有暴寒中人，伏氣於少陰經，始不覺

注〔一〕痺 原本缺，據吳勉學本、芳蘭閣本補。

〔二〕硬 吳勉學本、芳蘭閣本作「哽」。

病，旬月乃發，脈便微弱，法先咽痛，似傷寒非喉痺之病，次必下利，始用半夏桂枝甘草湯，次用四逆散主之。此病只二日便瘥，古方謂之腎傷寒也。

半夏湯洗七次 甘草炙 桂心各等分

右等分，剉如麻豆大，每服抄五錢匕，水一盞半，煮至七分，放冷，少少含，細嚥之，人生薑四片煎服。

麻黃杏仁薏苡甘草湯（五十四） 病人一身盡疼，發熱日晡所劇者，名曰風濕。此病因

傷於汗出當風，或久傷取冷所致也。

甘草一分，炙 薏苡仁半兩 杏仁去皮尖，炒，十粒 麻黃去節，湯泡，秤二分

右剉如麻豆大，水三盞，煮取一盞半，去滓，分溫二服，有微汗，避風。

防己黃耆湯（五十五） 治風濕，脈浮身重，汗出惡風。

防己一兩 甘草半兩，炙 白朮三分 黃耆一兩一分，去蘆頭

右剉如麻豆大，每服抄五錢匕，生薑四片，大棗一枚，水一盞半，煮取八分，去滓，溫服，良久再服。喘者，加麻黃半兩。胃中不和者，加芍藥三分。氣上衝者，加桂枝三分。下有陳寒者，加細辛三分。服後當如蟲行皮中，從腰〔一〕如水，

後坐被上，又以一被繞腰以下，溫令微汗瘥。

杏仁湯（五十六） 療風濕，身體疼痛，惡風微腫。

桂心二兩 天門冬去心 麻黃去節，湯洗，焙秤 芍藥各二兩 杏仁二十五箇，去皮尖兩仁者，炒
生薑一兩半

右剉如麻豆大，每服抄五錢匕，水一盞半，煮取八分，去滓，溫服。

小續命湯（五十七） 治中風及腳氣痺弱，不能轉側，兼治小兒慢驚風。

防風一分半 芍藥 白朮 人參 川芎 附子生 防己 黃芩各二分 桂枝半兩 甘草半兩，炙 麻黃半兩，去節，湯泡三次，焙乾〔批〕一本防風二兩半，附子半兩，餘俱各二兩。

右剉如麻豆大，每服抄五錢匕，水一盞半，煮至一盞，去滓，取八分清汁，入生薑汁，再煎一二沸，溫服，日三夜二。若寒中三陽，所患必冷，煎成清汁旋入生薑自然汁一匙，再煎一二沸，溫服。暑中三陰，所患必熱，本方去附子，減桂枝一半。〔一〕若柔痙自汗者去麻黃，夏間及病有熱者，減桂附一半，冬及始春去黃芩。

附朮散（五十八） 傷寒手足逆冷，筋脈拘急，汗出不止，項強直搖頭，口噤。

注〔一〕「若寒中三陽……減桂枝一半」四十七字，吳勉學本、芳蘭閣本皆缺。

附子炮 白朮各二兩 川芎三錢 獨活半兩 桂心二錢

右搗羅為末，每服三錢，水一中盞，棗子二枚，同煮至五分，去滓，溫服。

桂心白朮湯（五十九） 治傷寒陰瘕，手足厥冷，筋脈拘急，汗出不止。

白朮 桂心 防風去蘆頭 附子炮去皮臍，裂 芍藥 甘草炙微赤，剉，各一兩半

右剉如麻豆大，每服抄五錢匕，水二盞，生薑四片，棗子三枚，同煮至八分，去滓，溫服。

附子防風散（六十） 治傷寒陰瘕，閉目合面，手足厥冷，筋脈拘急，汗出不止。

白朮一兩 茯苓七錢半 乾薑炮七錢半 甘草炙七錢半 桂心半兩 五味子一兩 附子炮裂，去皮臍，七錢半 防風七錢半去蘆頭 柴胡一兩半去苗

右搗篩為粗散，每服三錢，水一盞，生薑四片，煎至六分，去滓，溫服，不計時候。

八物白朮散（六十一） 治傷寒陰瘕，三日不差，手足厥冷，筋脈拘急，汗不出，〔批〕

本作「汗出不出」。恐陰氣內傷。

白朮五錢 茯苓五錢 五味子五錢 麻黃去根節，湯泡三沸，焙五錢 羌活半兩 桂心七錢半

高良薑 二錢半 附子 七錢半，炮裂，去皮臍

右搗篩為粗散，每服四錢，水一大盞，生薑四片，煎至五分，去滓，溫服，不計時候。

柴胡半夏湯 （六十二） 治痰熱頭疼，利膈除煩悶，手足煩熱，榮衛不調，肢節拘倦，

身體疼痛，嗜卧少力，飲食無味，兼治五飲，消痰癖。〔批〕別作「五噎，脘前痰癖」。

柴胡 八兩 半夏 二兩半，洗 白朮 三兩 甘草 炙 人參 黃芩 麥門冬 去心，各三兩

右剉如麻豆大，每服抄五錢匕，水一盞半，生薑五片，棗子一枚，煮至八分，去滓，溫服。

金沸草散 （六十三） 治傷寒中脘有痰，令人壯熱，頭痛，項筋緊急，時發寒熱，皆類傷風，但頭不痛為異耳。

前胡 三兩 甘草 一兩，炙 細辛 一兩 旋覆花 即金沸草，三兩 荆芥穗 四兩 赤茯苓 〔批〕一

本作「赤芍藥」。二兩 半夏 淨洗，薑汁浸，一兩

右搗羅為粗末，每服三錢，水一盞，生薑五片，棗子一枚，同煎至七分，去滓，熱服。未知再服。

活人書卷第十七終

活人書卷第十八

大半夏湯 (六十四) 治膈間有寒痰。

半夏湯洗，如法薄切，焙乾 茯苓 生薑各一分

右為粗末，每遇膈間有寒痰，只作一服，水兩盞半，煎至一盞，濾去滓，臨睡溫呷。如有熱痰，加炙甘草一分。如脾胃不和，去甘草，入陳橘皮一分同煎。

越婢湯 (六十五) 治風濕痺脚弱。

石膏四兩 白朮二兩 附子一兩，炮去皮臍 甘草一兩，炙微赤，剉 麻黃三兩，去節，湯泡，焙乾

右剉如麻豆大，每服抄四錢匕，水一盞半，生薑三片，棗子一枚，煮至八分，去滓，溫服。

脾約圓 (六十六) 治老人津液少，大便澇，及脚氣有風，大便結燥。

大黃二兩，酒浸，焙乾 枳實熬炒，去穢 厚朴刮去皮，薑汁炙 芍藥以上各半兩 麻子仁二兩半，

微炒，別研 杏仁去皮尖，熬炒黃，三分，別研 〔批〕一本麻子作一兩

右為細末，煉蜜和杵千下，圓如梧桐子大。每服二十九丸，溫水下，不拘時候，

未知加五圓、十圓，至五十圓，止下利，服糜粥將理。與正方九十一同，分兩各別。

黑神圓（六十七） 治溫疫時氣有食積者。

巴豆 新好者〔批〕別作二。〔新白仁者〕一兩，輕槌去殼，以急流水兩碗浸一宿，然後更煮三五十沸，候冷漉出，去心

膜，以帛子拭去水，然後研如膏，用厚紙十數層裹，以重物壓去油用 **五靈脂** 二分，黑色者為上 **大戟** 半兩，生

用，去皮，裏面如粉白者為妙 **荆三棱** 半兩，生用 **杏仁** 半兩，炒〔一〕過後研，入藥再研 **豆豉** 二兩，須

是新軟者為妙，不得令曬乾，與巴豆膏同研細

右三味為極細末，方人巴豆、豆豉研細，後人杏仁更研，令細，別人飛羅面半匙，以井花水調如糊，漸次拌藥，搜和得所，入臼中搗二三千下，圓如菉豆大，曬乾，入甕合內，頻曬，或微火焰焙亦得。如遇傷寒有食積者，脈沉結，身體不熱，即下之，量患人臟腑虛實加減圓數服用，煎薑棗湯吞下，取微利為度，不可太過〔二〕，瀉泄身熱，下之則為痞氣、結胸。若病在上可吐者，同生薑乾嚼三五圓。

神功圓（六十八） 治三焦氣壅，心腹痞悶，六腑風熱，大便不通，津液內枯，大腸乾

注〔一〕炒 原作「妙」，據吳勉學本改。

〔二〕太過 原作「大過」，據吳勉學本、芳蘭榭本改。

瀉，裏急後重，或下鮮血，痰唾稠粘，風氣下流，腰疼脚重，臍下脹痛，溺赤如金色。

大黃二兩 人參半兩 麻子仁五兩，另研 訶子皮淨取二兩

右為細末，煉蜜為圓如梧桐子大，每服二十圓，溫水下，日三服，以通利為度。產後大便秘，米飲下十圓。

五柔圓（六十九） 治老人、虛人脚氣，亡津液虛秘大便結，調補三焦。

大黃四兩 前胡一兩 半夏洗七遍 茯苓酒浸 芍藥 茯苓 去皮 細辛 當歸 葶藶炒，各半兩

右為細末，煉蜜為圓如梧桐子大，溫水下二十圓，以通利為度。

大三脘散（七十） 治三焦氣逆，胸膈虛痞，兩脇氣痛，手面浮腫，大便秘瀉，兼治脚氣。
〔批〕別作治中焦虛痞，兩脇氣痛，面目手足浮腫，大便云云。

獨活一兩 白朮三分 甘草三分，微炙 乾木瓜一兩，切，焙乾 紫蘇一兩 沉香一兩 木香三分 大腹皮一兩，炙黃 陳橘皮三分 川芎三分 檳榔三分，麵裹煨熟
右十一味，同一處杵為粗散，每劑秤一分，水二盞，同煎至一盞，去滓，分二

服，帶溫服，取便利為效。如能臨晚常進半劑，依法煎服，即腑臟調和。風氣人多秘滯，數宜服之，未通利者，依法煎服此藥，極不虛人氣血，不損元神，經驗多矣。脚氣，心腹氣悶，大便秘滯者，最良。

檳榔散（七十二） 治脚腫。

橘葉 大握 沙木 一握 小便 半盞 酒 半盞 同已上藥煎

右煎數沸，調檳榔末二錢，食前（二）服。

薏苡仁酒法（七十二） 治脚痹。

薏苡仁 牛膝 各二兩 海桐皮 一兩 五加皮 一兩 獨活 一兩 防風 一兩 杜仲 薑汁炙，一兩

白朮 半兩 枳殼 一兩，炒 生乾地黄 二兩半

右剉為粗末，以生絹袋盛之，納無灰酒五升，春秋冬浸二七日，夏月盛熱分作數劑，逐旋浸酒，每日空心溫服一盞或半盞，日三四次，常令酒氣醺醺不絕，久服覺皮膚下如數百條蟲行，即風濕氣也。

木瓜散（七十三） 治脚氣。

注（一）食前 吳勉學本、芳蘭齋本均作「食後」。

大腹皮一枚 紫蘇一分 乾木瓜一分 甘草一分 炙 木香一分 羌活一分
右剉為粗散，分作三服，每服水一盞半，煎至八分，去滓，通口服之。

葱鼓湯（七十四） 治傷寒一二日，頭項腰背痛，惡寒，脈浮而緊，無汗。

葱白十五莖 鼓一大合 乾葛八分 麻黃四分，去節（批）別本一分作一錢。

右剉如麻豆大，以水二升，先煮麻黃六七沸，掠去白沫，納乾葛，煎數十餘沸，下鼓，次下葱，煎取八合，去滓，分溫兩服，如人行五六里路久，再服，服訖良久，煮葱鼓粥熱喫，即以衣覆，出汗為度。

連鬚葱白湯（七十五） 治傷寒已發汗，或未發汗，頭疼如破。

生薑二兩 連鬚葱白寸切，半升

右以水二升，煮取一升，去滓，分作二三服，服此湯不差者，與葛根葱白湯。

葛根葱白湯（七十六） 治頭疼不止。

葛根 芍藥 知母各半兩 葱白一把 川芎二兩 生薑一兩

右剉如麻豆大，以水三升，煎取一升半，去滓，熱分二服。

雄鼠屎湯（七十七） 治勞復。

梔子 十四枚，擘 枳殼 三枚，炙 雄鼠屎 十四枚，兩頭尖者

右為粗末，每服四錢，水一盞半，人葱白二寸，香豉三十粒，同煎至一盞，去滓，分二服。勿令病人知鼠屎。

黃芩芍藥湯 (七十八) 治鼻衄。

黃芩 三分 芍藥 甘草 炙，各兩半

右剉碎，每服三錢，水一盞，煎至六分，去滓，溫服。

酒蒸黃連圓 (七十九) 治暑毒伏深，累取不瘥，無藥可治，伏暑發渴者。

黃連 四兩，以無灰好酒浸面上約一寸，以重湯熬乾

右羅為細末，麵糊為圓如梧桐子大，熱水下三五十圓，胸膈涼，不渴，為驗。

茅花湯 (八十) 治鼻衄不止。

茅花 一大把，無花，以根代之

右以水三盞，煎濃汁一盞，徐徐服之，即瘥。

枳實理中圓 (八十一) 治傷寒，結胸欲絕，心膈高起，手不得近。

茯苓 人參 白朮 乾薑 炮 甘草 炙，各二兩 枳實 十六片，麩炒

右搗羅為細末，煉蜜為圓如雞子黃大，每服一圓，熱湯化下，連進二三服，胸中豁然。渴者，加栝樓根二兩。下利者，加牡蠣二兩煨之。

小半夏加茯苓湯（八十二） 治諸嘔噦，心下堅痞，膈間有水痰眩悸。

半夏五兩，湯浸，洗七遍 赤茯苓三兩，去皮

右剉如麻豆大，每服半兩，水三盞，煎至一盞，去滓，秤生薑四錢，取自然汁投藥中，更煎一二沸，熱服，不拘時候。

桔梗枳殼湯（八十三） 治傷寒痞氣，胸滿欲絕。

桔梗 枳殼麩炒，去穢，各一兩

右剉如麻豆大，以水二盞，煎至一盞，去滓，分二服。

赤茯苓湯（八十四） 治傷寒嘔噦，心下滿，胸膈間宿有停水，頭眩心悸。

芍藥半兩，或作二錢半 人參一兩，去蘆頭 赤茯苓一兩，或作五錢 半夏半兩，湯浸，洗七遍，去滑

白朮半兩 陳橘皮一兩，湯浸，去白穢，焙

右剉如麻豆大，每服四錢，水二盞，生薑五片，煎至一盞，去滓，溫服，不拘時候。

香薷散（八十五） 治陰陽不順，清濁相干，氣射中焦，名為霍亂。此皆由飽食豚膾，

復啖乳酪，海陸百品，無所不餐，多飲寒漿，或眠卧冷席，風冷之氣，傷於脾胃，諸食結而不消，陰陽二氣壅而不反，陽氣欲降，陰氣欲升，陰陽交錯，變成吐利不已，百脈昏亂，榮衛俱虛，冷搏於筋，則轉筋痛，宜服此藥。

香薷穗

兩半

厚朴

去皮，二兩

黃連

二兩

已上三味，以生薑四兩同炒，令紫色用

右搗為粗末，每服三錢，水一盞，酒半盞，同煎至七分，去滓，用新汲水頻頻浸換，令極冷頓服之，藥冷則效速也，仍煎時不得犯鐵器，慢火煎之，兼治非時吐利霍亂，腹中撮痛，大渴躁煩，四肢逆冷，冷汗自出，兩脚轉筋，疼痛不可忍者，須入餅二枚封口下井中沉令極冷，頓服之，乃有神效。

犀角地黄湯（八十六） 治傷寒及溫病，應發汗而不發汗，內有瘀血，鼻衄吐血，面黃，

大便黑色，此方主消化瘀血，兼治瘡疹出得太勝，以此解之。

芍藥

三分

生地黄

半斤

牡丹

去心，一兩

犀角

一兩為屑，如無，以升麻代之

右剉如麻豆大，每服抄五錢匕，水一盞半，煎取七分。有熱者，加黃芩二兩。

注（二）餅 同「瓶」。

如狂者，亦加之。其人脈大來遲，腹不滿自言滿者，為無熱，更不用黃芩。

黃連解毒湯（八十七） 治時疾三日已汗解，或因飲酒復劇，苦煩悶，乾嘔，口燥，呻吟錯語，不得卧。

黃連 三分 黃蘗 半兩 梔子 四枚，擘 黃芩 一兩

右剉如麻豆大，每服抄五錢匕，水一盞半，煎取一盞，去滓，溫服，未知再服，進粥以此漸差。《外臺》云：凡大熱盛煩嘔，呻吟錯語不得眠者，傳此方，諸人用之有效，此直解毒熱，除酷熱，不必飲酒劇者。

酸棗仁湯（八十八） 治傷寒吐下後，心煩乏氣，晝夜不眠。

酸棗 四升，取仁炒 甘草 一升，炙 知母 二兩 茯苓 三兩 川芎 三兩 乾薑 三兩 麥門冬 一升，去心

右為粗末，每服四錢，水一盞，煎至六分，去滓，溫服。〔批〕《金匱》酸棗二升，茯苓、

川芎作二兩，無乾薑、麥門冬，餘並同。別本「二升」作「六兩」。

梔子烏梅湯（八十九） 治傷寒後，虛煩不得眠，心中懊懣。

梔子 半兩 黃芩 半兩 柴胡 一兩 甘草 半兩，炙令微赤 烏梅肉 十四枚，微炒用

右剉如麻豆大，每四錢，水一盞半，生薑三片，竹葉十四片，豉五十粒，煎至七分，去滓，溫服。

橘皮乾薑湯（九十） 治噦。

橘皮 通草 乾薑炮 桂心各二兩 人參一兩 甘草炙，二兩

右剉如麻豆大，每服四錢，水一盞，煎至六分，去滓，溫日三服。

羌活附子散（九十一） 治欬逆。

羌活 附子炮 茴香微炒，各半兩 木香 乾薑炮，各一棗許大

右剉為細末，每服二錢，水一盞，鹽一捻，同煎一二十沸，帶熱服，一服即止。

半夏生薑湯（九十二） 治噦欲死。即《金匱》小半夏湯。

生薑二兩，切 半夏 洗七次，一兩一分

右剉如麻豆大，水二盞，煎取八分，去滓，分溫二服。

黑膏方（九十三） 治溫毒發斑。

好豆豉一升 生地黄半斤，切

右二味，以猪膏二斤，合露之，煎令三分減，絞去滓，用雄黃，麝香如豆大，

內中攪和，分三服，盡服之毒便從皮中出則愈，忌蕪荑。

葛根橘皮湯（九十四） 治冬溫未即病，至春被積寒所折不得發，至夏得熱其寒解，冬

溫始發，肌中斑爛癰疹如錦紋，而欬心悶，但嘔吐清汁，服此湯即靜。

葛根 橘皮 杏仁去皮尖 知母 黃芩 麻黃去節，湯泡 甘草炙，各半兩

右剉如麻豆大，每服抄五錢匕，以水一盞半，煎至八分，去滓，溫服。

玄參升麻湯（九十五） 治傷寒發汗吐下後，毒氣不散，表虛裏實，熱發於外，故身斑

斑如錦紋，甚則煩躁讞語，兼治喉閉腫痛。

玄參 升麻 甘草炙，各半兩

右剉如麻豆大，每服抄五錢匕，水一盞半，煎至七分，去滓，溫服。

大青四物湯（九十六） 治傷寒熱病十日已上，發汗及吐利後，熱不除，身上斑出。一名

阿膠大青湯。

大青四兩 豉八合 阿膠二兩 甘草一兩炙

右剉如麻豆大，每服抄五錢匕，水一盞半，煎至一盞，去滓，旋入膠，再煎令
烱，溫服。

知母桂心湯（九十七） 治傷寒後不瘥，朝夕有熱如瘧狀。〔批〕與二十八知母麻黃湯方同錄異。

麻黃 一兩，去節 甘草 一兩，炙 知母 二兩，炒，或作一兩 芍藥 一兩 黃芩 一兩 桂心 二兩，

或作一兩

右剉如麻豆大，每服抄四錢匕，水一盞半，生薑四片，煎取七分，去滓，溫服，日三服，溫覆令微汗愈。若心煩不眠，其人欲飲水，當稍稍與之，令胃中和則愈。

三黃圓（九十八） 治吐血黃疸。

黃連 二兩 大黃 一兩 黃芩 二兩

右搗羅為細末，煉蜜為圓如梧桐子大，每服十五圓，白湯吞下。

桔梗半夏湯（九十九） 治傷寒冷熱不和，心腹痞滿，時發疼痛，順陰陽，消痞滿。

桔梗 微炒，細剉 半夏 生薑汁製 陳橘皮 各二兩 枳實 半兩，熟炒赤色

右剉如麻豆大，每服抄五錢匕，水一盞半，生薑三片，同煎柒分，去滓，溫服。

三黃熟艾湯（一百） 治傷寒四五日而大下，熱利時作，白通〔批〕別本「通」作「虎」。湯諸藥多不得止，宜服此湯除熱止利。

黃芩 黃連 黃蘗 各三分 熟艾 半雞子大

右剉如麻豆大，每服五錢匕，水一盞半，煎取七分，去滓，溫服。

薤白湯（百一） 傷寒下利如爛肉汁赤，滯下，伏氣腹痛，諸熱毒，皆主之。

豆豉半升，綿裹 薤白一把 梔子七枚，大者，擘破

右剉，以水二升半，先煎梔子十沸，下薤白，煎至一升，下豉，煎取一升二合，去滓，每服一盞。

赤石脂圓（百二） 傷寒下利（批）別本作「熱利」。

黃連 當歸各二兩 赤石脂 乾薑炮，各二兩

右為細末，煉蜜為圓如梧桐子大，每服三十圓，米飲吞下，日進三服。

地榆散（百三） 治傷寒熱毒不解，日晚即壯熱腹痛，便痢膿（二）血。

地榆一兩（二），剉 犀角屑一兩 黃連一兩，去鬚，微炒 茜根一兩 梔子仁半兩 黃芩一兩

右搗為粗末，每服抄四錢匕，水一盞，入薤白五寸，煎至六分，去滓，不計時候，溫服。

注（一）「膿」原作「濃」，據吳勉學本改。下「膿」字同。

（二）「一兩」吳勉學本、芳蘭閣本均作「二兩」。

黃連阿膠湯（百四） 治傷寒熱毒入胃，下利膿血。

梔子仁半兩 黃蘗一兩，微炒 黃連二兩，去鹽，微炒 阿膠一兩

右搗碎，每服抄五錢匕，水二盞，煎至一盞，去滓，入阿膠，再煎膠烱，不計時，溫服。

桃仁湯（百五） 治蠱。安力切「一」，蟲食病。

槐子碎，一兩 艾一兩 大棗十五枚，去核 桃仁一兩，去皮尖雙仁，炒

右以水二大盞半，煎一盞半，去滓，分三服。

黃連犀角湯（百六） 治傷寒及諸病之後，內有瘡出下部者。

黃連半兩 烏梅七箇 木香一分 犀角一兩，如無，以升麻代之

右剉碎，以水二大盞半，煎至一盞半，去滓，分三服。

雄黃銳散（百七） 治下部蠱瘡。

雄黃研 苦參 青葙子 黃連各二分 桃仁去皮尖，研，一分

右為散，以生艾搗汁和如棗子核大，綿裹納下部，扁竹汁更佳，冬間無艾，只

注「一」屬，安力切誤，應作「蠱」，拿力切。蠱，蟲食病，詳見《諸病源候論》卷十八之濕蠱病諸候。

用散綿裹納下部亦得。

百合知母湯（百八） 治百合病發汗後者。

百合 七枚，擘 知母 三兩，切

右先以水洗百合，漬一宿，當白沫出，去其水，更以泉水二升，煎取一升，去滓，別以泉水二升煎知母，取一升，去滓，後合和，煎取一升五合，分溫再服。

滑石代赭湯（百九） 治百合病下之後者。

百合 七枚，擘 滑石 三兩，碎，綿裹 代赭 如彈丸大一枚，研碎，綿裹

右先以水洗百合，漬一宿，當白沫出，去其水，更以泉水二升，煎取一升，去滓，別以泉水二升煎滑石、代赭，取一升，去滓，後合和，重煎取一升五合，分溫再服。

雞子湯（百十） 治百合病吐之後者。

百合 七枚，擘 雞子黃 一枚

右先以水洗百合，漬一宿，當白沫出，去其水，更以泉水二升，煎取一升，去滓，納雞子黃，攪令勻，煎五分，溫服。

百合洗方（百十一） 治百合病一月不解，變成渴者。

百合一升

右以水一斗，漬一宿，溫暖以洗身，洗已，食煮餅，勿以鹽豉也。

百合地黄湯（百十二） 治百合病不經吐下發汗，病形如初者。

百合七枚，擘 生地黄汁一升

右以水洗百合，漬一宿，當白沫出，去其水，更以泉水二升，煎取一升，去滓，納地黄汁，煎取一升五合，分溫再服。大便當如漆，中病勿更服。

栝樓牡蠣散（百十三） 治百合病渴不瘳者。

栝樓根 牡蠣熬，等分

右搗羅為細末，飲服方寸匕，日三服。

滑石散（百十四） 治百合病變成寒熱者。一作「發寒熱」。

百合一兩，炙 滑石三兩

右件〔一〕羅為散，飲服方寸匕，日三服。當微利者，止服之，熱即除。

注〔一〕件 吳勉學本，芳蘭閣本均作「杵」。

治中湯（百十五） 治脾胃傷冷物，胸膈不快，腹痛氣不和。

人參 乾薑 炮 陳橘皮 湯洗，去穢 白朮 甘草 炙 青橘皮 去穢

右各等分為細末，每服三錢，水一盞，煎數沸，熱服，尋常人鹽點服。

陽旦湯（百十六） 治中風傷寒，脈浮發熱往來，汗出惡風，項強，鼻鳴，乾嘔。

桂枝 芍藥 已上各三兩 甘草 炙 黃芩 各二兩

右剉如麻豆大，每服抄五錢匕，水一盞半，棗子一枚，生薑三片，煎至一盞，去滓，取八分清汁，溫服。自汗者，去桂枝，加附子一枚，炮。渴者，去桂枝，加栝樓根三兩。利者，去芍藥、桂枝，加乾薑三兩。心下悸者，去芍藥，加茯苓四兩。虛勞裏急者，正陽旦湯主之，煎時人膠飴為佳。若脈浮緊發熱無汗者，不可與也。

白虎加蒼朮湯（百十七） 治濕溫多汗。

知母 六兩 甘草 炙，二兩 石膏 一斤 蒼朮 三兩 粳米 三兩。按：白虎湯、竹葉石膏湯皆用粳米，此方亦合用粳米。

右剉如麻豆大，每服抄五錢匕，水一盞半，煎八分，去滓，取六分清汁，溫服。

七味葱白湯（百十八） 許仁則治傷寒，或因起動勞復，或因喫食稍多，皆成此候，若復甚者，一如傷寒。若初有此證，宜服此湯。

乾葛 切，三兩 麥門冬 去心，三兩 葱白連鬚 切，半升 新豉 半合，綿裹 生薑 切，一合 乾地黃 三兩 潑水 四升，以杓揚之千遍，名曰潑水

右七味，用潑水煎之，三分減二，去滓，分二服，漸漸覆蓋取汗。

增損四順湯（百十九） 治少陰下利，手足冷，無熱候者。

甘草 二兩，炙 人參 二兩 龍骨 二兩 黃連 乾薑 各一兩 附子 一枚，炮去皮臍

右剉如麻豆大，每服三錢，水一盞，煎七分，日三服，不差復作。下利腹痛，加當歸二兩。嘔者，加橘皮二兩。

化斑湯（百二十） 治斑毒。

人參 半兩 石膏 半兩 萎蕤 知母 甘草 各二分

右剉如麻豆大，每服抄五錢匕，水一盞半，人糯米一合，煎八分，取米熟為度，去滓，溫服。

《官局》桔梗湯（百二十一） 治乾嘔。

桔梗 半夏 陳橘皮已上各二兩 枳實炒，半兩

右剉如麻豆大，每服抄三錢匕，水一盞半，生薑五片，煎至七分，去滓，溫服。

麻黃加朮湯（百二十三） 治中濕。

甘草半兩，炙 桂枝二兩，去皮 蒼朮半兩 麻黃二兩半，去節，湯泡 杏仁三十五箇，去皮尖

右剉如麻豆大，每服抄五錢匕，水一盞半，煎取八分，去滓，溫服。

竹皮大圓（百二十三） 治虛煩。

石膏二分，研 桂一分 生竹茹二分 甘草三分，炙 白薇一分

右為細末，棗肉圓彈子大，米飲服一圓，日三夜一。有熱者，倍白薇。煩喘

者，加枳實一分。

《古今錄驗》橘皮湯（百二十四） 療春秋（一）傷寒，秋夏冷濕，欬嗽喉中鳴聲，上氣不得

下，頭痛方。

陳橘皮 紫苑 麻黃去節，湯泡 當歸 桂枝 杏仁去皮尖 甘草炙 黃芩各半兩

右剉如麻豆大，每服抄五錢匕，水一盞半，煎至一盞，去滓，溫服。

黃連橘皮湯 (百二十五) 溫毒發斑。

黃連 四兩，去毛 陳橘皮 去白 杏仁 去皮尖 枳實 炙 麻黃 去節，湯泡 葛根 各二分 (一) 厚

朴薑汁 炙 甘草 各一兩，炙

右剉如麻豆大，每服抄五錢匕，水一盞半，煎至八分，去滓，溫服。下利當先止。

麥門冬湯 (百二十六) 治勞復，能起死人，或勞氣欲絕者。

麥門冬 一兩，去心 甘草 二兩，炙

右剉如麻豆大，先用水二盞，入粳米半合，煎令米熟，去米留水，約得水一盞半，入煎藥五錢匕，棗子二枚去核，新竹葉十五片，同煎取一盞，去滓，大溫服，不能服者，綿滴口中。

活人書卷十八終

注「一」分 吳勉學本、芳蘭閣本均作「兩」。

活人書卷第十九

此一卷，論婦人傷寒。古人治病，先論其所主，男子調其氣，婦人調其血。血室不蓄，則二氣和諧，血室凝結，水火相刑。傷寒氣口緊盛即宜下，入迎緊盛即宜汗，婦人左關浮緊不可下，當發其汗，以救其血室，榮衛得和，津液自通，浹然汗出而解。仲景云：婦人傷寒，經水適斷，晝日明了，暮則讖語，如見鬼狀，此為熱入血室，無犯胃氣及上二焦。無犯胃氣者，言不可下也，小柴胡湯主之。若行湯遲，則熱入胃，令津〔批〕別本「津」下有「液」字。燥中焦，上焦不榮，成血結胸狀，須當針期門也。五行相尅以生，相扶以出，平居之日，水常養於木，水木相生，則榮養血室，血室不蓄，脾無蘊積，脾無蘊積，則剛燥不生，剛燥既生，若犯胃氣，則晝夜讖語，喜忘，小腹滿，小便利，屬抵當湯證也。傷寒胃實讖語宜下之，婦人熱入血室讖語不可下也。雖然婦人傷寒與男子治法不同，男子先調氣，婦人先調血，此大略之詞耳。要之，脈緊無汗名傷寒，脈緩有汗為中風，熱病脈洪大，中暑脈細弱，其證一也。假如中暈用白虎，胃實用承氣，豈必調血而後行湯液耶？仲景《傷寒論》所以不分男女，良亦以

此，學者皆可隨病於男子藥證中，以意選用也。

若妊婦傷寒，藥性須涼，慎不可行桂枝、半夏、桃仁等藥，小柴胡去半夏，名黃龍湯。蓋為妊婦而去也。大抵產前先安胎，產後先補血，次服傷寒藥，若病稍退則止藥，不可盡劑，此為大法。黃帝問：婦人重身，毒之何如？歧伯曰：有故無殞，亦無殞也，大積大聚，其可犯也，衰其大半而止，過者死。

婦人傷寒藥方

男子婦人傷寒，仲景治法別無異議，比見民間有婦人傷寒方書，稱仲景所撰，而王叔和為之序，以法考之，間有可取，疑非古方也，特假聖人之名，以信其說於天下耳。今取《金匱玉函》治婦人傷寒與俗方中可採者列為一卷，雖不足以盡婦人傷寒之詳，並可於百問中參用也。

小柴胡湯（一）治婦人傷寒發熱，經水適來，晝日明了，暮則譫語，如見鬼狀者，此為熱入血室，無犯胃氣及上二焦。

又治婦人中風七八日，續得寒熱，發作有時，經水適斷，此為熱入血室，其血必

結，致使如瘧狀者。方在十二卷正方二十九。

刺期門穴（二）治婦人傷寒，發熱惡寒，經水適來，得之七八日，熱除脈遲身涼和，胸脇下滿，如結胸狀，譫語者，此為熱入血室也，當刺期門，隨其實而取之。鍼

法在第二卷中。

瀉心三黃湯（三）婦人傷寒六七日。〔批〕別作「七八日」。胃中有燥屎，大便難，煩躁，譫

語，目赤，毒氣閉塞，不得流通。

蜀大黃 鼠尾黃芩 雞爪黃連 各等分

右剉如麻豆大，每服四錢，水一盞半，煎至八分，去滓，溫服，取微利。如目赤睛疼，宜加白茯苓、嫩竹葉，瀉肝氣之餘。

桂枝紅花湯（四）婦人傷寒，發熱惡寒，四肢拘急，口燥舌乾，經脈凝滯，不時〔批〕

本作「不得」。往來。

桂心 芍藥 甘草 炙，各三兩 紅花 二兩

右剉如麻豆大，每服抄五錢匕，水一盞半，生薑四片，棗子二枚，煎至七分，去滓，溫服，良久再服，汗出而解。〔批〕別本桂枝、芍藥、甘草作一兩。

黃芩芍藥湯（五） 婦人傷寒，口燥咽乾，腹滿不思飲食。

黃芩 白芍藥 白朮 乾地黄 各二兩

右剉如麻豆大，每服抄五錢匕，以水一盞半，煎至七分，去滓，溫服。寒加生薑同煎。

柴胡當歸湯（六） 婦人傷寒，喘急煩躁，或戰而作寒，陰陽俱虛，不可下。

柴胡 三兩 白朮 二兩 人參 甘草 炙 當歸 赤芍藥 各二兩 五味子 木通 各半兩

右剉如麻豆大，每服抄五錢匕，水一盞半，生薑四片，棗子二枚，煎至七分，去滓，溫服。

乾地黄湯（七） 婦人傷寒瘥後，猶有餘熱不去，謂之遺熱。

大黃 黃連 黃芩 各一兩 柴胡 去蘆 甘草 炙 白芍藥 各一兩半 乾地黄 一兩

右剉如麻豆大，每服抄五錢匕，以水一盞半，煮至七分，去滓，溫服。取微溲利汗出解。

燒裨散（八） 婦人傷寒未平復，因交合，裏急腰胯連腹內痛，名曰陰陽易證也。

男子裨襠燒灰

右一味，以水和服方寸匕。男子病，用婦人裨襠燒灰，小便利，陰頭腫即愈。

〔批〕乾薑湯：瘵婦人得溫病，雖瘵平復，未滿一百日，不可與人交合，為陰易之病，病必拘急，手足拳攣，皆死。丈夫病瘵傷婦人，名陽易，急瘵之，可瘵。滿一百日，不可瘵也，宜服此藥。乾薑炮一分。右剉如麻豆大，每服抄五錢匕，水二盞，煎至六分，去滓，溫服，汗出得解，手足伸遂愈。

青竹茹湯（九） 婦人病未平復，因有所動，致熱氣上衝胸，手足拘急搖搦，如中風狀。

栝樓根

無黃者，二兩

青竹茹刮半斤〔一〕，淡竹者佳

右以水二升半，煎取一升二合，去滓，溫分作二三服。

當歸白朮湯（十） 婦人病未平復，因有所動，小腹急痛，腰胯疼，四肢不任，舉動無力，熱發者。

白朮 一分 當歸 一兩

桂枝 去皮

甘草 炙

芍藥

附子 生

去皮，破，半斤

人參

黃耆

各二分 生薑 半兩

右剉如麻豆大，以水三升，煮取一升半，去滓，通口服一盞，食頃再服一盞，溫覆微汗便瘵。

注〔一〕斤 吳勉學本、芳蘭閣本均作「升」。

妊婦傷寒藥方

妊婦傷寒，仲景無治法，用藥宜有避忌，不可與尋常人一概治之也。

加減四物湯（十一） 妊婦產前腹痛，及治月事或多或少，或前或後，胎氣不安，產後血塊不散，或去血過多，或惡露不下。

當歸切，焙 川芎 熟乾地黄 白芍藥 各一兩

右搗為粗末，每服四錢，水一盞半，煎至八分，取六分清汁，帶熱服，日二三服，以知為度。若妊婦下血，即入艾五七葉，阿膠末一錢匕，同煎，服如前法。疾勢甚大，散藥不知，以四味各半兩，細剉，以水四盞，煎至二盞半，去滓，分四服，熱喫，食前服，一日之中令盡，以知為度。平常產乳，服至三臘（二）止。如虛弱血臟不調，至一月止。因虛致熱，熱與血搏，口乾渴欲飲水，加栝樓一兩，麥門冬三分。腹中刺痛，惡物不下，加當歸、赤芍藥各一分。血崩，加地黄、

注（一）三臘 原作「三臘」，據吳勉學本、芳蘭閣本改。三臘，即廿一日。《夢梁錄·育子》：「足月既坐蓐分娩，云云，七日名一臘，十四日，謂之二臘，廿一日，名曰三臘。」

蒲黃各一兩。因熱生風，加川芎一分，柴胡半兩。身熱脈躁，頭昏項強，加柴胡、黃芩各半兩。秘瀉者，加大黃半兩，桃仁一分炒。滑瀉，加官桂、附子各一分。發寒熱，加乾薑、牡丹皮、芍藥各一分。嘔者，加白朮、人參各半兩。腹脹，加厚朴、枳實各一分。虛煩不得眠，加竹葉、人參各一分。躁，大渴者，加知母、石膏各半兩。水停心下，微吐逆者，加豬苓、茯苓、防己各一分。虛寒，狀類傷寒，加人參、柴胡、防風各三分。

阿膠散(十二) 妊婦傷寒安胎，次治其病。

阿膠妙 桑寄生 白朮吳者佳 人參 白茯苓各等分，瓦上炒
右為粗末，每服抄五錢匕，水一盞半，煮八分，去滓，溫服。或為細末，糯米飲調服二錢匕，日二服。

白朮散(十三) 妊婦傷寒安胎。

白朮 黃芩各等分，新瓦上并同炒令香

右搗為粗末，每服抄三錢匕，水一盞，生薑三片，棗子一枚，擘破，同煎至七分，去滓，溫服。但覺頭痛發熱，便可服三兩，服即瘥。若四肢厥冷，陰證見者，

未可服也。

葱白湯（十四） 妊婦傷寒，憎寒發熱，當發其汗，無妊亦可用。

葱白 十莖 生薑 三兩，切

右以水三升，煮取一分，分作二服，取汗為度。〔批〕別葱一把，薑二兩。

蘇木芍藥湯（十五） 妊婦傷寒，或中時行，洒淅作寒，振慄而悸，或噦者。

赤芍藥 廣陳皮 黃芩 黃連 甘草 炙 蘇木 各二兩

右剉如麻豆大，每服抄五錢匕，以水一盞半，煎至八分，去滓，溫服。衣蓋有汗出差。若胎不安，兼服阿膠散。

黃龍湯（十六） 妊娠寒熱頭疼，嘔嘔不欲飲食，脇下痛，嘔逆，痰氣，及瘥後傷風，熱入胞宮，寒熱如瘧，并經水適來適斷，病後勞復，餘熱不解。

柴胡 一兩 黃芩 人參 甘草 炙，各一分半

右剉如麻豆大，每服抄五錢匕，水二盞，煮取一盞，去滓，溫服。

柴胡石膏湯（十七） 妊婦傷暑，頭痛惡寒，身熱躁悶，四肢疼痛，背項拘急，唇口乾燥。

柴胡四兩 甘草二兩，炙 石膏八兩

右剉如麻豆大，每服抄三錢匕，以水一盞，生薑五片，煎至六分，去滓，溫服，不計時候。若氣虛體冷，加人參四兩。

枳實散（十八） 妊婦傷寒，四日至六日已來，加心疼腹脹〔批〕別「心疼腹脹」作「心腹脹悶」。上氣，渴不止，食飲不多，腰疼體重。

枳實一兩，麩炒微黃 麥門冬半兩，去心 陳橘皮三分，湯浸去白穢，炒

右剉如麻豆大，每服抄三錢匕，水一盞，人生薑半分，葱白七寸，煎至六分，去滓，溫服。〔批〕別麥冬作一兩。

旋覆花湯（十九） 妊婦傷寒，頭目旋痛，壯熱心躁。

旋覆花半兩 白朮三分 前胡一兩，去蘆頭 赤芍藥半兩 黃芩三分 麻黃三分，去節根 人

參三分 石膏一兩 甘草半兩，炙

右剉如麻豆大，每服四錢，水一盞半，生薑半分，煎取六分，去滓，溫服。

麥門冬湯（二十） 妊婦傷寒壯熱，嘔逆頭痛，不思飲食，胎氣不安，並宜服。

人參一兩 石膏一兩 前胡三分〔批〕別前胡作半兩 黃芩三分 葛根半兩 麥門冬半兩，去心

右剉如麻豆大，每服抄五錢匕，水一盞半，生薑四片，棗子二枚，淡竹茹〔批〕別本作竹葉。一分，煮取八分，去滓，溫服。

梔子大青湯 〔二十二〕 妊婦發斑，變為黑色，及尿血。

大青 杏仁去皮尖 黃芩各一兩半 升麻 梔子仁各二兩

右剉如麻豆大，每服抄五錢匕，以水一盞半，細切葱白三寸〔批〕別葱白三根。煎取一盞，去滓，溫服。〔批〕別本青、杏、芩〔一〕各半兩。

蘆根湯 〔二十三〕 《千金》治妊娠熱病頭痛，壯熱心煩，嘔吐不下食。

知母四兩 青竹茹三兩

右剉如麻豆大，每服抄五錢匕，水一盞半，人生蘆根一握，粳米一撮，煎至一盞，去滓，溫服，盡更作，瘥止。

塗臍法 〔二十三〕 治妊娠遭時疾，身大熱，塗之令子不落。名伏龍肝散。

竈心中黃土

右用水調塗臍下，乾復易塗，瘥乃止。一方酒和塗方五寸。又泔清和塗之並佳。

注〔一〕芩 原誤作「棗」。

葱白豉湯 (二十四) 治妊娠熱病。

葱白二兩半 豉半斤

右以水三升，煮取一升，分作二服，取汗為度。

葱白一物湯 (二十五) 治妊娠熱病，主安胎，若胎已死者，服之須臾胎出。

葱白二把

右以水一升，煮令熟，服之取汗，食令盡。

伏龍肝散 (二十六) (一)

用伏龍肝雞子許，水調服之。伏龍肝即竈下黃土是也。

葛根一物湯 (二十七) 治妊娠熱病煩悶。

葛根汁 每服一小盞，如人行五里，再一服，如無生者，用乾葛

右咬咀，煎濃汁服。

梔子五物散 (二十八) 廣濟療傷寒，頭痛壯熱。

梔子 前胡 知母 各二兩 黃芩 一兩 白石膏 四兩

注 (一) 伏龍肝散 原缺，據吳勉學本補。

右剉如麻豆大，每服抄五錢匕，水一盞半，煎至一盞，去滓，溫服。

前胡七物湯（二十九） 治妊娠傷寒，頭痛，肢節煩疼，壯熱。

前胡 知母 梔子仁各二兩 石膏四兩 大青 黃芩各二兩半 甜竹茹三分

右剉如麻豆大，每服抄五錢匕，水一盞半，葱白三莖，煎至一盞，去滓，溫服。

〔批〕別本前胡六分，石膏十二分，知母四分，梔子四分，大青四分，黃芩五分，竹茹三分，葱白三寸。

升麻六物湯（三十） 救急，療妊娠七月傷寒，壯熱，赤斑變黑，溺血。

升麻 梔子仁各二兩 大青 杏仁去皮尖 黃芩各二兩半

右剉如麻豆大，每服抄五錢匕，水一小盞半，人葱白三莖，煎至一盞，去滓，溫服。

產後藥方

陽旦湯（三十一） 治婦人產後傷風，十數日不解，頭微痛，惡寒，時時有熱，心下堅，

乾嘔汗出。方在十八卷一百一十六。

治瘧法（三十二） 婦人產後血虛多汗，喜中風，身體強直，口噤背反張，作瘧治之。

法在第六卷間中。一方用荊芥穗，不以〔一〕多少，微炒，為細末，好酒調五錢匕服之。

神功圓（三十三） 治婦人產後亡津液，大便多秘，或譫語煩躁，不可用湯液，宜神功

圓，用青木香湯吞下。方在十八卷六十八。

桂心牡蠣湯（三十四） 婦人產後頭疼，身體發熱，兼治腹內拘急疼痛。

桂心三兩 黃芩二兩 白芍藥 乾地黄 牡蠣煅，各五兩

右剉如麻豆大，每服抄五錢匕，以水一盞半，煎至一盞，去滓，溫服。

蜀漆湯（三十五） 婦人產後，寒熱往來，心胸煩滿〔批〕別「滿作「悶」。骨節疼痛，及頭疼

壯熱，日晡加甚，又如瘧狀。

黃耆五兩 生地黄一斤 蜀漆葉二兩 桂心 甘草炙 黃芩各二兩 知母 芍藥各二兩

右剉如麻豆大，每服抄五錢匕，水一盞半，煎取一盞，去滓，溫服。

增損柴胡湯（三十六） 婦人產後虛羸，發熱，飲食少，腹脹，或往來寒熱等疾。

柴胡三錢 人參 白芍藥 半夏湯泡 甘草炙 陳橘皮 川芎各三分

右剉如麻豆大，每服抄四錢匕，水一大盞，生薑三片，棗子一枚，煎至七分，

去滓，食後溫服，日三。

竹葉防風湯

（三十七）

婦人產後傷風，發熱面赤，喘而頭痛。

〔批〕《金匱》方。

竹葉半把

防風

人參

桂枝

去皮

桔梗

甘草炙

各半兩

葛根一兩半

右剉如麻豆大，每服四錢，水一盞半，生薑三片，棗子一枚，煎至八分，去滓，溫服。衣蓋汗出瘥。頸項強，加附子炮去皮臍一錢，同煎。嘔者，加半夏一錢。

三物黃芩湯

（三十八）

婦人草薺中傷風，四肢苦煩熱，頭疼，與小柴胡湯，頭不疼但

煩，與此藥。〔批〕《金匱》方。

黃芩半兩

苦參一兩

乾生地黃二兩

右剉如麻豆大，每服四錢，水一盞半，煎至八分，去滓，溫服。

小柴胡湯

（三十九）

婦人產後亡血汗多，故令鬱冒，其脈微弱，不能食，大便反堅，

但頭汗出，所以然者，血虛而厥，厥而必冒，冒家欲解，必大汗出，以血虛下厥，孤陽上出，故但頭汗出，所以產婦喜汗出者，亡陰血虛，陽氣獨盛，故當汗出，陰陽乃復。所以便堅者，嘔不能食也。方在第十二卷二十九。

乾薑柴胡湯

（四十）

婦人傷寒，經脈方來初斷，寒熱如瘧，狂言見鬼。

柴胡四兩，去蘆 桂枝一兩半 栝樓根二兩 牡蠣一兩，熬 乾薑一兩，炮 甘草炙，一兩

右剉如麻豆大，每服五錢，水一盞半，煎至七分，去滓，溫服。初服微煩，再服汗出而愈。〔批〕別本此方並海蛤散俱在前柴胡當歸湯後。

海蛤散〔四十一〕 婦人傷寒，血結胸膈，揉而痛不可撫近，法當刺期門，仲景無藥方，此方疑非仲景，然其言頗有理，姑存焉。

海蛤 滑石 甘草炙，各二兩 芒硝半兩

右搗羅為散，每服二錢，雞子清調下，小腸通利，則胸膈血散，臆中血聚，則小腸壅，小腸既壅，臆中血不流行，宜用此方。若小便利，血數行，更宜桂枝加紅花二兩，發其汗則愈。

活人書卷第二十

此一卷，論小兒傷寒。小兒大人，治法一般，但小分劑，藥性差涼耳。尋常風壅發熱，鼻涕痰嗽煩渴，惺惺散主之。咽喉不利，痰實欬嗽，鼠粘子湯主之。頭額身體溫熱，大便黃赤，腹中有熱，四順散、連翹飲、三黃圓主之。頭額身體溫〔批〕別「溫」作「發」熱，大便白而酸臭者，胃中有食積，雙圓主之。小兒無異疾，惟飲食過度，不能自節，心腹脹滿，身熱頭痛，此雙丸悉治之。小兒身體潮熱，頭目碎痛，心神煩躁，小便赤，大便秘，此劇熱也，洗心散、調胃承氣湯主之。頭疼發熱而畏人惡寒者，此傷寒證也，升麻湯主之。無汗者，麻黃黃芩湯；有汗者，升麻黃芩湯，皆要藥也。小兒尋常不可過服涼藥，胃冷蟲動，其證與驚相類，醫人不能辨，往往服進驚藥，如腦、麝之類，逐痰發吐，胃虛而成慢驚者多矣。小兒須有熱證方可疎轉，仍慎用圓子藥利之，當以大黃、川芎等咬咀作湯液，以蕩滌蘊熱，蓋圓子巴豆乃攻食積耳。

小兒傷寒藥方

洗心散（二） 治遍身壯熱，頭目碎痛，背膊拘急，大熱衝上，口苦唇焦，夜卧舌乾，

咽喉腫痛，涕唾稠粘，痰壅，喫食不進，心神躁熱，眼濇睛疼，傷寒鼻塞，四肢沉重，語聲不出，百節疼痛，大小便不利，麩豆瘡，時行瘟疫，狂語多渴，及小兒天吊風，夜驚啼，並宜服之。

當歸四兩，炒 芍藥四兩，生用 甘草四兩，炙 荊芥四兩 白朮一兩，炙 麻黃四兩，去節，炙
大黃四兩，以米泔水浸一炊間，漉出令乾，慢炒取熟

右為末，每服二錢，水一盞半，生薑一片，薄荷二葉，煎至八分，放溫，和滓服了，仰臥，仍去枕少時，如五臟壅實，煎四五錢匕。若要瀉轉，則熱服。

惺惺散（二） 治小兒風熱，及傷寒時氣，或瘡疹發熱。

桔梗 細辛 人參 白朮 甘草炙 栝樓根 茯苓 川芎 各等分

右搗羅為末，每服二錢，用水一盞，生薑二片，薄荷二葉，同煎七分服。三歲已下作四五服，五歲已上分二服。凡小兒發熱，不問傷風、傷寒、風熱，先與此散數服，往往輒愈。

四順散（三） 解大人、小兒膈熱，退壅盛，涼心經。

大黃 熟 甘草炙 當歸酒洗 芍藥各等分

右為細末，每服二錢，水一盞，薄荷三葉，煎七分，溫服。小兒量歲數與之。

麻黃黃芩湯（四） 治小兒傷寒無汗，頭疼發熱惡寒。

麻黃去節，一兩 黃芩 赤芍藥各半兩 甘草炙 桂枝去皮，各半兩，或作一分

右搗羅為細末，每服一錢或二錢，暖水調下，日進三服。兼治天行熱氣，生疏豆瘡不快，煩躁昏憤，或出時身尚疼熱。

升麻黃芩湯（五） 治小兒傷風有汗，頭疼發熱惡寒。

升麻 葛根 黃芩 芍藥各三錢 甘草一錢半，炙

右剉如麻豆大，每服三錢，水一盞，煎至六分，去滓，溫服。瀉者不可服。若時行瘡痘出不快，煩躁不眠者，加木香一錢半。

甘露飲子（六） 治傷寒壯熱口渴，及胃中客熱，口臭不思飲食，或饑煩不欲食，齒齦腫疼，膿血不住口，舌咽中有瘡，赤眼，目瞼〔一〕重不欲開，瘡疹已發未發，並宜服之。

天門冬 麥門冬並去心，焙 甘草炙 熟乾地黄 枳殼銹炒，去穢 枇杷葉去毛 黃芩

注〔一〕瞼 原作「臉」，形近之誤，據吳勉學本改。

生乾地黄 石斛去苗 山茵陳

右各等分，咬咀，每服三錢，水一盞，煎至六分，去滓，溫服，食後臨卧。

雙圓（七）治小兒身熱頭痛，飲食不消，胸腹脹滿，或心腹疼痛，大小便不利，或下重數起，未瘥，可再服。小兒蒸候，哺食減少，氣息不快，夜啼不眠，是腹內不調，並宜服此圓下之。

甘遂半兩 硃砂二錢，別研 蕤核取仁，四兩半，別研 牡蠣二兩，熬 甘草一兩一分半，炙 麥

門冬去心，二兩半 巴豆六十枚，去皮心膜，研，新布絞去油，日中曬之，白如霜

右麥門冬、甘草、甘遂、牡蠣四味為極細末，入巴豆、硃砂、蕤核仁合和一處，搗二千杵，更入少蜜搗和極熟，旋圓。半歲小兒服如荏子〔一〕大一雙；一歲小兒服如半麻子大，分為一雙；二歲小兒服麻子大一枚，分一雙；三四歲者服麻子大二圓；五六歲者服麻子微大二圓；七八歲者如小豆大二圓；十歲者微大於小豆二圓。常以雞鳴時服，如至日出時不下者，投熱粥飲數合，即下，藥圓皆雙出也，下利甚者，濃煎冷粥飲之，便止。

注〔一〕荏子 荏草之實，如黍粒。

石膏麻桂湯（八） 治小兒傷寒未發熱，欬嗽，頭面熱。

甘草半兩，炙 石膏半兩 麻黃一兩，去節，湯泡 芍藥半兩 桂心一分 黃芩一兩 杏仁十枚，去皮尖

右咬咀，每服二錢，水一中盞，生薑二片，煎半盞，去滓服。兒若甚小，以意增減之。

連翹飲（九） 治小兒一切熱。

連翹 防風 甘草炙 山梔子各等分

右為末，每服二錢，水一盞半，煎七分，去滓，溫服。

麥門冬湯（十） 治嬰兒未滿百日，傷寒鼻衄，身熱嘔逆。

麥門冬三分，去心 石膏 寒水石 甘草各半兩，炙 桂三錢半

右剉如麻豆大，每服三錢，水一盞，煎至七分，去滓，溫服。

十物升麻湯（十一） 治小兒傷寒變熱毒病，身熱面赤口燥，心腹堅急，大小便利，或口瘡，或因壯熱，四肢攣掣，驚，仍作癰疾，時發時醒，醒後身熱如火者。

升麻 白薇 麻黃去根，節 萎蕤 柴胡 甘草各半兩，炙 黃芩一兩 朴消 大黃

鈎藤各一分

右剉如麻豆大，每服三錢，水盞半，煎至七分，去滓，下消，再煎化，溫服。

六物黃芩湯（十二） 治嬰兒腹大短氣，熱有進退，食不安，穀為之不化。

黃芩 大青 甘草炙 麥門冬去心 石膏各半兩 桂三錢

右剉如麻豆大，每服三錢，水一盞，煎七分，去滓，溫服。

五物人參飲（十三） 廣濟療小兒天行壯熱，欬嗽，心腹脹滿。

人參 甘草各半兩 麥門冬一兩，去心 生地黄一兩半，如無，只用生乾地黄半兩

右剉如麻豆大，每服三錢，水一盞，人茅根半握，煎至七分，去滓，溫服。

八物麥門冬飲（十四） 治小兒天行壯熱，欬嗽，心煩。

麥門冬三兩，去心 甘草炙 人參各一兩 紫苑 升麻各二兩 貝母一分半

右剉如麻豆大，每服三錢，水一盞，人茅根半握，煎至七分，去滓，再入竹瀝少許，重煎，合和服。

棗葉飲（十五） 療小兒天行壯熱，五日以後，熱不歇者。

棗葉半握 豉一合 麻黃半兩，去根節 葱白切，一合

右件四味，用童子小便二盞，煎至一盞，去滓，分作二服。

小兒瘡疹藥方

此一卷，論小兒瘡疹。與傷寒相類，頭痛，身熱，足冷，脈數，疑似之間，只與升麻湯。緣升麻湯解肌，兼治瘡子，已發未發皆可服。但不可疎轉，世人不學，乃云初覺以藥利之，宣其毒也，誤矣。又云瘡痘已出不可疎轉，出得已定，或膿血大盛，却用疎利，亦非也。大抵瘡疹首尾皆不可下，小兒身熱、耳冷、尻冷、欬嗽，輒用利藥，即毒氣入裏，殺人也。但與化毒湯、紫草木通湯、鼠粘子湯。出得大盛，即用犀角地黃湯解之。若瘡痘出不快，煩躁不得眠者，水解散、麻黃黃芩湯、升麻黃芩湯、活血散主之。瘡黑倒靨，猪尾膏、無比散、龍腦膏子，無不驗也。若熱毒攻咽喉痛者，如聖湯。瘡痘入眼，決明散、撥雲散、蜜蒙花散、通聖散與蛤粉散主之。治瘡疹之法，無出此矣。

升麻湯_(十六) 治傷寒中風，頭痛，增寒壯熱，肢體疼痛，發熱畏寒，鼻乾不得卧。並治大人、小兒瘡疹，已發未發，皆可服。兼治寒暄不時，人多疾疫，乍暖脫著衣巾，及暴熱之次忽變陰寒，身體疼痛，頭重如石者。方在第十六卷第一。

犀角地黄湯（十七） 治傷寒及溫病，應發汗而不發汗，內有瘀血者，及鼻衄吐血不盡，內有餘瘀血，面黃，大便黑者，此方主消化瘀血，兼治瘡疹出得太盛，以此方解之。方在第十八卷八十六。

麻黃黃芩湯（十八） 治小兒天行熱氣，生豌豆瘡，出不快，益煩躁，身重昏憤，或瘡出身尚疼熱者。方在本卷第四。

升麻黃芩湯（十九） 治小兒時行瘡痘出不快，煩躁不眠，加木香一錢半。方在本卷第五。

化毒湯（二十） 治小兒痘瘡已出未出，並可服之。

紫草嫩而肥大者佳 升麻 甘草炙、各半兩

右剉如麻豆大，作一服，以水二盞，糯米一撮，煎至一盞，去滓，量大小溫服。

紫草木通湯（二十一） 治小兒痘疹。

紫草去蘆 木通 人參 茯苓去皮 糯米各等分 甘草半之

右剉如麻豆大，每服抄四錢匕，水一盞半，煎至一盞，去滓，澄清，溫溫分服。

鼠粘子湯（二十二） 治痘疹欲出未得透，皮膚熱氣攻咽喉，眼赤，心煩躁者。

鼠粘子四兩，炒香 甘草一兩，炙，炒 防風半兩，去節〔批〕別防風一兩半 荊芥穗二兩

右為細末，每服二錢，沸湯點服，食後臨卧，日進三服。大利咽膈，化痰涎，止欬嗽。若春冬間常服，免生瘡癰，老幼皆宜服。

水解散（二十三） 治天行頭痛，壯熱一二日，兼治痲瘡未出煩躁，或出尚身體發熱。

大黃一兩 黃芩 桂心 甘草炙 芍藥各二兩 麻黃四兩，去節，湯泡，焙，秤

右搗羅為末，患者以生熟湯（一）浴訖，以暖水調下二錢，相次二服，得汗利便瘥。強實人服方寸匕，此調風實之人，三伏中亦宜用之，若去大黃，即春夏通用。

活血散（二十四） 治瘡子或出不快。

白芍藥末一錢

右用酒調，如欲止痛，只用溫熱水調下。

猪尾膏（二十五） 治瘡子倒靨。

小豬兒尾尖，刺血一兩，點入生腦子少許。

右同研，用新水調下，立效。

無比散（二十六） 治瘡疹惡候不快，及黑瘡子，應一切惡候。

牛黃一分 麝香一分 龍腦一分 膩粉一分，研細 硃砂一兩，先研如粉

注（一）生熟湯 一名「陰陽水」。《本草綱目》、李時珍曰：「以新汲水、百沸湯，合一盞和勻，故曰生熟。」

右同研細，小兒一字，大人半錢，水銀少許，同小豬尾上血三兩滴，新汲水少許，同調服，先甯穩得睡，然後取轉下如爛魚腸、蒲桃穗之類涎臭惡物便安。小兒用爛（二）汁滴尤妙。

龍腦膏子（二十七） 治時疾發豌豆瘡，及赤瘡子未透，心煩狂躁，氣喘妄語，或見鬼神，或已發而陷伏，皆宜早治，不爾，毒入臟必死。

梅花龍腦一錢，生者

右細研，旋滴猪心血和圓如雞頭子（三）大，每服一圓。心煩狂躁者，用紫草湯化下。若瘡子陷伏者，用溫酒化下，少時心神便定，得卧，瘡疹發透，依常將息取安也。

如聖湯（二十八） 小兒瘡疹，毒攻咽喉腫痛。

桔梗一兩 甘草生，一兩 牛蒡子炒，一兩 麥門冬去心，半兩

右為細末，每服二錢，沸湯點，細細呷服，入竹葉煎調尤妙。

注（一） 豬（豕） 豕去勢謂之豬。

（二） 爛（乳） 乳也。

（三） 雞頭子 即芡實。

決明散 (二十九) 治疹豆瘡入眼。

決明子一分 栝樓根半分 赤芍藥一分 甘草一分，炙
右搗羅為末，每服半錢，蜜水調下，日進三服。

撥雲散 (三十) 治疹痘瘡入眼，及生翳膜。

桑螵蛸真者二兩，炙令焦，細研

右為極細末，入麝香少許，令勻，每服二錢，生米泔水調下，臨卧服之〔二〕。

蜜蒙花散 (三十一) 治疹痘瘡並諸毒氣入眼〔批〕別作「目」。

青箱子 決明子 車前子各半錢 蜜蒙花一錢半，淨

右為細末，用羊肝一片，破開作三片，摻藥令勻，却合定作一片，以濕紙七重裹，煇灰火中煨熟，空心食之。

通聖散 (三十二) 治疹痘瘡入眼〔批〕別作「目」。及生翳。

菉豆皮 穀睛草去根，各二兩 白菊花二兩，如無，黃甘菊花代之，然不如白菊花

右搗羅為末，每服一大錢，乾柿一箇，生粟米泔水一盞，共一處煎，候米泔盡，

注〔一〕臨卧服之 原作「臨服卧之」，據吳勉學本、芳蘭閣本移轉。

只將乾柿去核喫之，不拘時候，一日可喫三箇，日淺者五七日可効，遠者半月即愈。

蛤粉散（三十三） 治小兒瘡子人眼。

穀睛草 蛤粉各等分

右為末，每服一錢匕，豬肝二兩許，批開摻藥卷了，青竹葉裏，麻縷纏定，水一碗，煮令熟，人收口甕瓶內熏眼，候溫取食，日作，不過十日便退。

附錄

青詞

竊以神農嘗藥，伊尹論方，證順陰陽，雖克求於民瘼〔一〕，時無疫癘，蓋有賴於神明。瞻彼昊穹〔二〕，哀此黎庶。伏念臣浪遊東土，空閱流光。蔑聞經國之謀，端議濟人之術。冥冥長夜，憐橫死之無辜；斷斷窮年，矧餘生之多病。自朝及夕，考古驗今。首尾幾二十一年，前後僅九萬餘字。焦心皓首，絕筆青編。原其微功，實自潛祐。屬成書之將上，爰奏牘以先天。恭即蘭場，肆陳醴席。冀九清之降鑒，祈萬宇於康寧。仰獲證明，庶傳永久。臣無任懇禱之至。

進表

臣聞鐘山非矯，幽人躡屨〔三〕於深林；衡岳雖遙，志士獻書於北闕。蓋行藏之有數，非狂狷所能知。中謝伏念臣出自葭屋之微，嘗奉大廷之對。昔為冗吏，今作閑

注〔一〕瘼（*mo*，墨）病，疾苦。

〔二〕昊穹（*hao kions* 號窮）指天空。

〔三〕屨（*lie* 音決）草鞋。《釋名·釋衣服》：「屨，草屨也……出行著之，屨屨輕便，因以為民也。」

人。乃因三餘，著成《百問》。上稽伊尹湯液之論，下述長沙經絡之文。詮次無差，搜羅殆盡。從微至著，蓋不可加，自古及今，實未曾有。載在簡冊，圖之丹青。思欲膠口而不傳，大懼利己而無益。恐先朝露，虛棄寸陰。學古人官，既無裨於國論；博施濟衆，庶或廣於仁風。伏惟皇帝陛下，經緯之文，出自天縱；紀綱之治，成於日躋。疆宇開拓於版圖，弦歌洋溢乎天下。棲神內景，屬意生民。收拾人材，凡片善寸長，皆有所用；勤卹民隱，雖沉疴垂老，各安其居。玉燭亘天以流離，朱草填廷而委積。湛恩滂沱，溫詔丁寧。致茲丘園一介之愚，亦効涓埃萬分之助。歲明大道，敷奏彌文。楊雄〔一〕所懷以既章，蔡澤〔二〕沒齒而無憾。重惟道途修阻，巾笈護持。未免客嘲，焉令鬼泣。顧因果之有在，茲俯仰而不慚。儻合宸衷，自贍輿議。特羈縻於丹竈，徒景仰乎公車。謹遣男遺直，賁臣所撰書一函八冊，共二十卷，躬詣檢院，投進以聞。委有觀采，伏乞宣付國子監印造頒行。如臣學植淺陋，違戾於經，即乞委官參詳，然後布之天下，以福群生。臣無任干天冒聖，激切屏營之至。

政和元年正月一日奉議郎致仕臣朱肱謹上

注〔一〕楊雄 人名。西漢文學家、哲學家、語言學家。字子雲，蜀郡成都（今四川）人。為人口吃，不能劇談，以文章名世。

〔二〕蔡澤 人名。戰國時燕國人。曾游說各國，足智多謀。

謝表

命渙絲論，恩加田里，撫躬無狀，愧汗交流。中謝竊以彭澤拂衣，本非絕物；東山投褐，終以為民。自古及今，非狂則狷。求之載藉，賴有斯人。伏念臣憂患餘生，棲遲末路。爰脫身於簪紱，遂晦迹於漁樵。流浪江湖，侵尋歲月。窮通有路，莫知稅駕之由；出處何心，第顧倦遊而止。曉猿夜鶴，春韭秋菰。絕交幾近於矯情，苦誓未忘於匿怨。豈知聖世，率在周行。然而丘壑之志已堅，桑榆之光無幾。辭華衰落，素無翰墨之稱；趨操闊疎，誰借齒牙之論。偶緣著述，誤被選掄。特起於五湖寂寞之濱，置之在三墳討論之地。未知一可，先閱兩官。不期投老以偷安，乃復彈冠而再仕。此蓋伏遇皇帝陛下，發明道術，遊戲藝文。欲稽上古之書，覃〔一〕及衛生之士。肇新學校，爰擇師儒。豈容幽人？而在此選。臣敢不隨緣應世，與物為春。消息有時，雖佩山公之語；始終一節，難逃俗士之譏。

注〔一〕「覃」(tan 音潭) 延也，長也。

謝啓

命出於中，恩歸有自。藝成而下，唯濟世可以無嫌；祿在其中，苟為貧有何不可。如肱者瞿聃〔一〕遮眼，醫卜藏身。十載投閑，憐桑麻之已長；一朝就列，愧松菊以難存。方將穿墨池以灌園，安丹竈而息火。掃除伎倆，淘汰因緣。不虞湯液之言，偶合春秋之法。道俗交慶，魚鳥亦驚。龍光祇荷於殊恩，陶冶實資於大化。此蓋伏遇太師相公，無心造物，有意為民。以人物升沉為深憂，以世諦俯仰為可愧。苟有一得，不問其他。致茲流落之餘，亦任使令之數。敢不激昂晚節，筆策下愚。稽首傾心，豈特平日之師仰；斷臂抉目，蓋將投老以依歸。

注〔一〕瞿聃 此指佛道。佛之先世，本姓瞿曇，故世稱佛為瞿曇。老子諡曰聃，故亦稱老聃，為道家之祖。「瞿聃遮眼」即潛心佛道之意。

活人書徵說

春沂徐鎔之父集

《文獻通考》

晁氏曰：《南陽活人書》二十卷，宋朝朱肱撰。序謂張長沙《傷寒論》其言雅奧，非精於經絡者不能曉會。頃因投閑，設為對問，補苴綴緝，僅成卷軸。

陳氏曰：肱以仲景《傷寒方論》多以類聚，為之問答，本號無求子《傷寒百問》。有武夷張巖作序，易此名。仲景南陽人，而活人書者，本華佗語。肱吳興人，秘丞臨之子，中書舍人服之弟，登第仕至朝奉郎直秘閣。

《齊東野語》

朱承逸居雪之城東門，為本州孔目官，樂善好施。嘗五鼓趨郡，過駱駝橋，聞

注〔一〕墊「野」之古字。

橋下哭聲甚哀，使僕視之，有男子携妻及小兒在焉。扣所以云：負勢家錢三百千，計息以數倍，督索無以償，將併命於此。朱惻然，遣僕護其歸，且往其家，正見債家悍僕群坐於門，朱因以好言諭之曰：汝主以三百千故，將使四人死於水，於汝安乎？幸吾見之耳。汝亟歸告若主，彼今既無所償，逼之何益。當為代還本錢，可啖以元券來。債家聞之，慚懼聽命，既如數取付之。其人感泣，願終身為奴婢。不聽，復以二百千資給之而去。是歲生孫名服，熙寧間中榜第二人，仕至中書舍人；次孫肱，亦登第，著名節，即著《南陽活人書》者；服子彧，即著《萍州可談》者，遂為吾鄉名族焉。天之報善，昭昭也如此。書，各摺。

《活人書括》序

宋雙鍾李知先曰：嘗觀論傷寒，自仲景而下，凡幾百家，集其書則卷帙繁拏，味其言則旨意微深，最至當者，惟《活人書》而已。又曰：豈不以無求子真一世之雄，朱奉議，肱。長沙公乃百川之宗。長沙太守，張公仲景。

《傷寒解惑論》序

宋龍溪湯尹才曰：本朝政和之初，有朱肱奉議致仕，將仲景書析為百問，該載諸說，詣闕投進，被旨令國子監鑲板頒行天下。寥寥千百年間，使仲景之書，大備於我宋，神而明之，固有所待，使君臣無天枉之期，夷夏有延齡之望，豈小補哉！

《傷寒類書活人證治賦》

宋仁齋楊士瀛曰：傷寒格法，張長沙開其源，朱奉議導其流，前哲後賢，發明秘妙，吾儒之孔孟矣。世有謂《傷寒論》其辭艱深，亦有以問答繁多、增益意度。議《活人書》者，多見其不知量也。活人宗師張朱作古，是篇刊布，不敢名稱，使學者稽為驗為決，以遡古人之用心，皆知起敬。

《醫壘元戎》

元海藏王好古曰：《金匱玉函要略》、《傷寒論》併雜療諸方，皆張仲景祖神農、

法伊尹、體箕子而作也。唐宋以來，如孫思邈、葛稚川、朱奉議、王朝奉輩，其餘名醫雖多，皆不出仲景書。

《湯液本草》序

海藏曰：成無己明理方例云：自古諸方，歷歲浸遠，難可考評。仲景方最為衆萬之祖，是仲景本伊尹之法，伊尹本神農之經，醫帙之中，特為縝細，參合古法，不越毫末，實大聖之所作也。文潞公樂準云：惟仲景為群方之祖也。昔唐宋以來，得醫之名者，如王叔和、葛洪、孫思邈、范汪、胡洽、朱奉議、王朝奉、錢仲陽、成無己、陳無擇輩，其議論方定增減變易，千狀萬態，無有一毫不出子仲景者。金有潔古張元素遇至人，傳祖方不傳之妙法，嗣是其子雲岐子張璧、東垣李杲明之，皆祖長沙張仲景湯液，惜乎世莫能有知者。

伊尹湯液仲景大法題辭

海藏曰：夫以醫名世者名人皆知之，惟伊尹湯液人莫知之也。何哉？以其仲景

命世之才，獨能廣而行之於當時，人惟知有仲景，而不知有伊尹也。但見《傷寒論》及《本草》所載雜見諸方，凡稱仲景，皆是知仲景而又能歸其元書嘗言之者，故玄子、文潞公、許學士、朱奉議、潔古、東垣十數人而已。或能知者，止能用藥，而忘其言；不知者，不能用藥，而無所言，則無怪其後世之不知也。由是尋方檢論者多，而從源注本者少。嗟乎！游魂行屍，酒甕飯囊，豈知乎此。

《原病式》序

金河間劉完素曰：自《黃帝內經》之後，二千五百有餘年，有《仲景方論》一十六卷，使後之學者有可依據，文亦玄奧，以致今之學者尚為難焉。故今人所習，皆近代方論而已，但究其末而不求其本。惟近世朱奉議多得其意，遂以本仲景之論，而兼諸書之說，編集作《活人書》二十卷，其門多，其方衆，其言直，其類辨，使後學者易為尋檢施行，故今之用者多矣。然而其間亦有未合聖人之意者，往往但相肖而已。

《傷寒發明》

大明永樂時，柯山張兼善曰：朱奉議之學，始崇仲景，為不能深造其理，未免有疑，故以己見，自成一家之說，比之他書，尤為近理。但中間失枝脫節處歷歷可數，由是不容緘默，遂為之辨悉是非。蓋傷寒一百一十三方，苟知其妙用之有不能盡者，朱肱以為不足，復廣其方，然亦皆仲景之意也。雖小有增廣不同，其大體不出乎規矩準繩之外。故警校其弊，以救其失，使後知其過，而不蹈其非，庶幾免乎差謬之患矣。

《明理續論》序

大明正統時，節菴陶華曰：昔朱肱奉議著《傷寒百問》，書成經進，授醫博士，其書付監刊行。道遇豫章名醫宋道方，因就質之，宋為指駁數十條，肱罔然自失，由是書監不刊。吾鄉先輩例以為活人之書，按活人之名所由始，仲景《傷寒論》是也。朱公雖知有仲景之書，不能臻其闡奧，未足以充活人之名。

大明萬曆春沂徐銘曰：據劉河間云：奉議多得其意，使後學者易為尋檢施行。

張柯山云：奉議始崇仲景，然亦皆出仲景之意。則知王叔和撰次方法之後，歷晉沿唐及宋千餘年間，惟奉議一人，始剏類聚得仲景之旨也。若無《活人書》，豈得有成聊攝之注解。譬如四書五經，夫子沒而微言絕。若無周、程、張、邵發明於前，安得有朱子集注於後。《活人書》雖微有失枝脫節處，即如通書易傳，正蒙觀物，微有不合於經書者，儒家豈肯以朱子之辨正而遂廢周、程、張、邵之書哉。若張兼善《傷寒發明》，趙嗣真《活人釋疑》，已將《活人書》一一辨明矣。夫何陶華無知而妄誕，輒以己見，而不欲後人讀其書，欲讀己穿鑿之書，於《瑣言》中，始言仲景書殘缺頗多，其中不可曉處十有四五，《續論》序終言眩罔然自失，由是書監不刊，不知何所見而云然。此正遊魂行屍，酒甕飯囊，多見其不知量也。《活人書》因此遂隱，至今百五十年，醫家不復見其全書，以誤天下蒼生者，非華而誰？余業傳五代，學究卅年，遇術尋訪，覩板四樣，湊之止得刻本十一卷，餘九卷係四樣抄本。其正方四卷，有仲景方法，警校庶無差訛。若雜方及婦人、小兒瘡疹五卷，間有三同者，因附的字於其下。至歲甲辰，西人秦中三原來星海陽伯甫宅，因覩正德十四年寧夏刻

本九卷一冊，因去了的字，若九卷抄本及刻本，魚魯亥豕，無從對閱，則仍其舊云。因此，不合序言九萬一千三百六十八字也。始於辛卯季春，完於壬辰孟夏。春沂徐鎔謹識。卅，四十年也。

《活人書》論

徐大椿

宋人之書，能發明《傷寒論》，使人有所執持而易曉，大有功於仲景者，《活人書》為第一。蓋《傷寒論》不過隨舉六經所現之證以施治，有一證而六經皆現者，并有一證而治法迥別者，則讀者茫無把握矣。此書以經絡病因傳變疑似條分縷晰，而後附以諸方治法，使人一覽了然，豈非後學之津梁乎？其書獨出機杼，又能全本經文，無一字混人已意，豈非好學深思，述而不作，足以繼往開來者乎！後世之述《傷寒論》者，唐宋以來，已有將經文刪改移易，不明不貫，至近代《前條辯》、《尚論編》等書，又復顛倒錯亂，各逞意見，互相辨駁，總由分證不清，欲其強合，所以日就支離。若能參究此書，則任病情之錯綜反覆，而治法仍歸一定，何必聚訟紛紜，致古人之書愈講而愈晦也。

徵說終

活人書釋音

身體類

脇虛業切，與脅同 嚙力公切，喉嚨也 臑戈麥切，曲脚也 喘時亮切，肺腸也 咽於肩切，咽喉也 踝胡瓦切，足踝也 髀補爾切，股也 頸居郢切，項也 頰惡葛切，鼻莖也 頤力胡切，髑髏也 頰居協切，面旁也 頤戶感也，頤下也 膈古核切，胃膈也 肋魯得切，脅骨也 頤之劣切，面秀骨 腕古卵切，骨腕也 嗑於亦切，咽也 脣戶當切，《說文》曰：脣端也 膂力佇切，脊骨也 跟古痕切，足踵也 臄音牝，或作臄，膝骨端也 頤苦浪切，咽也 頤寫裏切，額也 顛多年切，頂上曰顛 踰市亮切，脚跟也 筋舉欣切，或作筋 顛仁 于切，顛顛耳前動 腠倉奏切，膚腠也 腋羊益切，肘腋 臂才賜切，才詣切，目際也 洩所留切，小便也 尿乃 弔切，小便也 脛胡定切，腓腸前骨也 溺與尿同音義 𦵏下旦切，卧息也 尻苦蒿切，髑也。《說文》曰：𦵏也 膊音博，肩也 胛音甲，背胛 胯日故切，亦作跨，股也 腓房非切 髦音毛，髦也 膜蜜各切，肉間膜也 臍在溪切 脈與脉同音 跗方俱切，跗足上也 跌與跗同 肛許江切 胞音包，又被交切，胎也 臀徒昆切 顛仁涉切 髀苦瓦切，髀骨，亦作髀 齕魚斤切 娠音申 鼠鼯下音奚，鼠鼯穴 竅口弔切，穴也，空心 姪

女媯切，身懷孕也

病證類

疼 徒冬切，痛也

喘 充亮切，疾息也

痰 徒甘切，胸上水病也

涸 曷各切，渴也

瀉 所力切，不滑也

癰

亥間切，小兒瘡病也

喝 許葛切，熱貌

憤 公對切，心亂也

攣 力全切，易有孚攣如

瞶 如倫切，動也

佛 扶勿

切，不舒也

瘡 之忍切，皮外小起也

悸 其季切，心動也

脹 猪亮切，脹滿也

搦 女卓、女革二切，持也

疔 許

允切，病也

熱 丑入切，汗出貌

崇 雖遂切，釋云神禍也

燥 先到切，乾也

噎 於結切，飯室也

疹 之忍切，癰

疹同義

醺 許云切，醉也

瘀 於豫切，積血也

醫 女力切，食肛蟲也

躁 則到切，正作躁

痹 卑利切，濕病也

蹠 具員切，蹠跖不伸也

鞭 牛更切，亦作硬

澱 壯士切，汗出貌

痞 補被、平几二切，腹內結病

效 口載切，嗽

也 疥 耻刃切，正作疥

痒 餘兩切，又音羊，亦作癢痛，痒也

瞬 式潤切，目動也

豌 於丸切，豆也

虬 胡恢切，

亦作蚘，膜中長蟲

瘞 充至切，惡也

譖 之閭切，多言也

瞋 充人切，起也。《碑舊》云：引起也

晚 於月切，噉同

義 瘡 都賢切，狂也

噫 乙七、乙介二切，飽出息也

疸 多旱切，黃病也

庖 薄教切，庖瘡也

噦 於月切，逆氣

也。又乙丙切

沉 持林切，亦作湛沉

皺 七旬切，皮細起也

哽 何猛切，語為人所忿疑也

噎 所訝切，聲破也

擗

脾役切，拊心也

齡 何介切，禁斷切，齒怒也

癰 於恭切，癰腫也

癖 匹關切，食不消

瘕 渠井、巨野二切，風強

病也 滲所禁切 譏女監切 嘔於口切 幅拍逼切 咳苦代切 惕他的切 羸倫為切 惚呼骨切 瘧魚畧切，或寒或熱也 咬五巧切 癰於近切 癖普繫切。《莊子》：併僻統漂繫者 眩音縣 搐音蓄 噤巨錦、巨禁二切。《說文》：口閉也 疔與互同 蝕音食 衄或作刺。尼六、女六二切，鼻出血也 恍火廣切 癢上之陵切，下公遇、公詐二切，女病也，腹中結病也 否蒲鄙切 怔仲上之成切，下職容切，心動不定而驚 漉音唐 瘰癧癰或心，尺世、胡計二切，癰，子用切，小兒病也 疰音注 痺丁佐切，勞病也，徒丹切，風在手也，丁寒切，小兒病也 利差下去聲，餘同 懊惱上於到、於六二切，下音農 扎苦侯切。《徐氏脉訣》云：按之即無，舉之來至，兩傍實，中央空者為扎

藥類

蠟力制切，蚌屬 穰如羊切 蒂丁計切，或作蒂，瓜當也 煤莫杯切，煙塵也 葳於危切 槩博厄切，黃木也，正作藥 藁古老切，亦作藁 核下革切 茜此先切。《說文》：茅蒐可以染緋 緋古牙切，豕也 豉是義切 薤下戒切，葦菜也，葉似韭 瞿忌俱切，瞿麥 茹如倨切 枳諸氏切。橘踰淮北為枳 泔音甘，米泔也 莢吉協切 殼克角切，或作殼。釋云皮巾也 蛭之吉、二結二切，水蠟 蟲莫庚切，蟲蟲 芩渠炎、渠今二切，黃芩 蟪之夜切，蟲名，亦作蟪 飴盈之切，餚也 葶上音亭，下音歷 蛤古令切，雀入水為蛤 藁間燭切，藁豆

茵陳

上於仁切，下音陳

麩 芳無切，麥皮

芫 牛遠切，芫花

桔梗 上居屑切，下古杏切

殺 音古，牡曰殺

獭

符分切，豕也

芎藭 上丘弓切，下渠弓切

瓢 音積，瓜實也

荏 如甚切，菜也

蒺藜 上慈栗切，下良脂切

蠍

許謁切，蟹人蟲

萐音夷，莖美

螻蛄 上蒲霄切，下相邀切，蝗娘也

蕭 音柔

豆蔻 下許侯切

蓰 音上音總

下音容

緒 音者

連翹 祈遙切

蛻 娘上丘良切，下力當切，啖糞蟲

蒴 音朔

釣藤 徒登切

薏苡 上乙吏切，

下余止切

藿 音濯

梔子 上音枝

芒硝 上音亡，下音消

溺 音尿

麥蘖 魚列切

蔓荊子 蔓，母干切

煤

謨杯切

竹瀝 下狼狄切

萎蕤 上於危切，下汝誰切

鏑 音滂，削也

牛蒡子 蒡音榜

蕘 孔燒切，蕘花

製鍛類

鍊 郎甸切，亦作煉

鍛 多亂切

熨 紆物切，火展帛也，按也

炳 與發同，燒也

炊 昌為切

煖 《廣韻》作

煖，虛業切，火氣煖上

捻 奴協切，指捻也

摻 所斬切

咬咀 上音甫，下音沮

烱 亦章切，烱烱 熬牛切

切 攪古巧切，亂也

糖 徒郎切，煨火

絞 古巧切

嚙 於甸切，吞也，亦作咽

嗽 與囁同，音義

剉 寸卧切

燄

都濫切，亦作啗啖

啖 昌悅切，茹也

攤 他干切

歡 昌悅切，大飲也

呬 呼甲切，吸也

搭 多蠟切

劑 才詣切

撮 輒括切

滓 壯士切

揉 忍九切

拌 音伴

漉 力木切

器用類

甃 疾資切，瓦器

甌 子孕切

錘 直垂切，權也，又鍛義

鈔 徒弔切，燒器

匕 必以切

蓐 儒欲切，草蓐

又薦也

罐 古玩切，汲水器

銖 市朱切

秤 昌孕切，權衡也

鍼 之林切，亦作針

桴 音敷

櫛 側瑟切，梳篦之

總名

篩 霜夷切，竹器，亦作廔

篋 邊迷切

拾遺類

灸 居又切，灼也

辰 匹賣切

液 音亦，津液，又湯液

騁 丑郢切，馳也

撲 普鹿切

診 音軫，視也，釋云候脉

駛 山吏切，疾也

適 直隻切

隧 音遂，掘地通道也

諦 都計切，審也

飀 呼鬼切

臙 徒旱切。《說文》：肉臙也

摸 慕各切，摸搯

緻 音治，密也

睟 子對切，周時也

翳 壹計切

溜 力救切

揆 力計切，拘揆也

蠱 丑介切，

蟄蟲

俠 音叶

沫 音末，水沫也

鶩 音木，鳬也

斃 音弊

募 音暮

浴沂人曰：音釋識字，悉從許氏《說文》，及四書五經，與洪武《正韻》。若已

上等書未載者，却用《海篇》直音以訓之。其身體、病證、藥名、製鍛器用等類名物，則係《靈》、《素》、《金匱》、《甲乙》、《千金》諸書中采緝以釋之。

傷寒藥性 注中國者〔一〕《神農本草經》，不圈者諸家說

玉石部

代赭寒，无毒 消石（寒）大寒，無毒 禹餘糧（寒平）無毒 芒硝大寒 滑石（寒）大寒，無毒

金箔平，無毒，生金有毒 鉛〔二〕丹（微寒） 雌黃（平）大寒，無毒 信砒信州砒霜，溫，有毒 太陽石

硫黃（溫）大熱，有毒 梁上塵微寒，無毒 太陰石 勞水又名甘爛水 太陰玄精溫，無毒 玄精

石 礬石（寒）無毒 赤消無毒，消石生於赤山 赤石脂大溫 水銀（寒）有毒 雄黃（平寒）大溫有毒

竈突墨無毒 釜底煤無毒 石膏（微寒）大寒，有毒

草部

甘草（平）無毒 人參（微寒）微溫，無毒 天門冬（平）大寒，無毒 牛膝（平）無毒 柴胡（平）

微寒，無毒 麥門冬（平）微寒，無毒 澤瀉（寒）無毒 升麻（平）微寒，無毒 山茵陳（平）微寒，無

毒 芍藥（溫），無毒 黃連（寒）微寒，無毒 乾地黄（寒）無毒，生者大寒 防風（溫）無毒 茯苓

注〔一〕圈者 指文中（）內文字。

〔二〕鉛（*Lead* 沿）《廣韻》：「鉛，與專切，音沿，同鉛。」

(微溫) 無毒 木香 青木香, 溫, 無毒 茜根 (寒) 無毒 乾薑 (溫) 大熱, 無毒 薏苡仁 (微寒) 無毒 葛
 根 (平) 無毒 萎蕤 (平) 無毒 五味子 溫, 無毒 黃耆 (微溫) 無毒 細辛 (溫) 無毒 獨活 羌活附
 (平) 微溫, 無毒 菖蒲 (溫) 無毒 生薑 微溫 栝樓子 冷, 無毒 苦參 (寒) 無毒 當歸 (溫) 大溫, 無
 毒 麻黃 (溫) 微溫, 無毒 瞿麥 (寒) 無毒 通草 木通 (平) 無毒 芍藥 (平) 微寒, 有小毒 百合 (平)
 無毒 貝母 (平) 微寒, 無毒 白芷 吳白芷 (溫) 無毒 知母 (寒) 無毒 牡丹 (寒) 微寒, 無毒 白薇
 (平) 大寒, 無毒 紫苑 (溫) 無毒 蕤花 (寒) 微寒, 有毒 藁本 (溫) 微溫, 微寒, 無毒 石葦 (平) 無毒
 蜀漆 (平) 微溫, 有毒 茴香 茴香子, 是。平, 無毒 茅花 (溫) 無毒 大黃 (寒) 大寒, 無毒 半夏 (平)
 生微寒, 熱溫, 有毒 熟艾 (溫) 無毒 桔梗 (微溫) 有小毒 烏頭 (溫) 大熱, 有大毒 海藻 (寒) 無毒
 常山 (寒) 微寒, 有毒 附子 (溫) 大熱, 有大毒 連翹 (平) 無毒 大戟 (寒) 大寒, 有毒 天雄 (溫)
 大溫, 有大毒 商陸 (平) 有毒 甘遂 (寒) 大寒, 有毒 白藥子 (溫) 無毒, 又云冷 玄參 (微寒) 無毒
 葶藶 (寒) 大寒, 有毒 旋覆花 溫, 微冷利, 有小毒 黃芩 (平) 寒, 無毒 前胡 (微寒) 無毒 白頭翁
 (溫, 無毒) 有毒 防己 (平) 溫, 無毒 澤漆 微寒, 無毒 栝樓根 (寒) 無毒 京三棱 (平) 無毒 華
 澄茄 溫, 無毒 青箱子 (微寒) 無毒 天南星 (平) 有毒 高良薑 大溫 射干 一名烏扇 (平) 微溫, 有毒
 大青 大寒, 無毒 白朮蒼朮 《本草》不分二藥性, 但總云朮 (溫) 無毒

木部

槐子 (寒) 無毒 桂枝 大熱, 有小毒 茯苓 (平) 無毒 酸棗仁 (平) 無毒 竹葉 (平) 大寒, 無毒
五加皮 (溫) 微寒, 無毒 黃蘗 (寒) 無毒 梔子 (寒) 大寒, 無毒 蔓荊子 (微寒) 平, 溫, 無毒 猪
苓 (平) 無毒 枳實 (寒) 微寒, 無毒 海桐皮 平, 無毒 檳榔 溫, 無毒 厚朴 (溫) 大溫, 無毒 大腹
皮 微溫, 無毒 沙木 溫, 無毒 芫花 (溫) 微溫, 有小毒 訶子皮 溫, 無毒 皂莢 (溫) 有小毒 枳殼
微寒, 無毒 梓白皮 (寒) 無毒 竹茹 微寒 紫葳 (微寒) 無毒 茱萸 吳茱萸 (溫) 大熱, 有小毒 茶微
寒, 無毒 秦皮 (微寒) 大寒, 無毒 巴豆 (溫) 生溫, 熱寒, 有毒 沉香 微溫 杜仲 (平) 溫, 無毒 蜀
椒 川椒 (溫) 大熱, 有毒

人部

小便 涼, 又云寒

棍檔

《本草》不載其性

獸部

麝香 (溫) 無毒

龍骨

(平) 微寒, 無毒

阿膠

(平) 微溫, 無毒

猪膽 微寒

鼠屎

微寒涼, 無毒

犀角 (寒) 微寒, 無毒 殺羊角 (溫) 微寒, 無毒

禽部

雞子 平, 微寒, 無毒

蟲魚部

蜂窠 (平) 有毒 牡蠣 (平) 微寒, 無毒 水蛭 (平) 微寒, 有毒 鼈甲 (平) 無毒 鼠婦 (溫) 微

寒, 無毒 蜜 (平) 微溫, 無毒 文蛤 平, 無毒 螢火 微溫, 無毒 五靈脂 溫, 無毒 蜣螂 寒, 有毒 乾

蝎 平, 有毒 蟻蟲 (寒) 有毒 蝨蟲 (平) 有毒

菓部

橘皮 (溫) 無毒 棗子 (平) 無毒 烏梅 煖, 無毒 木瓜 溫, 無毒 桃仁 (平) 無毒 李根白皮

大寒 杏仁 (溫) 冷利, 有毒 橘葉 《本草》不著橘葉性, 據橘柚性 (溫) 無毒 荷葉 《本草》不著荷葉性, 據藕

實莖性 (平) 寒, 無毒

米穀類

麻仁 (平) 無毒 粳米 平, 無毒 赤小豆 平, 無毒 小麥 微寒, 無毒 膠飴 微溫 酒 大熱, 有毒
鼓 寒, 無毒 醋 又名苦酒, 無毒

菜部

瓜蒂 (寒) 有毒 韭根 溫, 無毒 香薷 微溫, 無毒 荊芥 溫, 無毒 紫蘇 溫 葱白 平 薤白 冷, 無毒 連鬚葱白 寒

婦人藥性

海蛤 (平) 無毒 蘇木 平, 無毒 伏龍肝 微溫, 又注云: 熱, 微毒 桑白皮 (寒) 無毒 桑寄生 (平) 無毒 蜀漆葉 微溫, 有毒 蘆根 寒, 無毒 宣連 宣州黃連, 性同前黃連

小兒藥性

朱砂 微寒, 無毒 腦子 即下龍腦 龍腦 微寒, 一云溫平, 無毒 蛤粉 冷, 無毒 鈎藤 微寒, 無毒 蕤核 (溫) 微寒, 無毒 石斛 (平) 無毒 牛黃 (平) 涼, 有小毒 牛蒡子 平, 無毒 糯米 微寒 棗葉 溫,

無毒 枇杷葉 平，無毒 紫草 (寒) 無毒 薄荷 溫，無毒 鼠粘子 平，無毒，即牛蒡 膩粉 冷，無毒
 白菊花 (平) 無毒 決明子 (平) 微寒，無毒 萊豆皮 寒，無毒 穀精草 溫，無毒 蜜蒙花 平，微寒，
 無毒 羊肝 《本草》不著羊肝性，據羊肝，性平 桑螵蛸 (平) 無毒 猪尾血 《本草》不著猪尾血性，據諸
 血，性平

活人書辨誤

(二) 桂枝麻黃各半湯內

芍藥捌錢

常用伍錢

甘草捌錢，炙

常用伍錢，炙

(三) 桂枝二麻黃一湯內

桂枝捌錢半

常用捌錢叁字

芍藥伍錢半

常用陸錢壹字

麻黃叁錢壹字

常用叁錢叁字

甘草貳分半

常用伍錢壹字

(四) 桂枝二越婢一湯內

石膏陸錢

常用叁分

(十三) 桂枝加大黃湯內

大黃貳兩

常用壹兩

(三十一) 柴胡桂枝湯內

半夏貳分半

常用肆錢壹字

(三十二) 柴胡桂薑湯內

柴胡壹兩 當用肆兩

(三十三) 柴胡加龍骨牡蠣湯內

柴胡壹兩 當用貳兩

黃芩壹兩 當用叁分

半夏半合 當用陸錢壹字

大黃半兩 當用壹兩

龍骨壹兩

當用叁分

牡蠣壹分半 當用叁分，煅

傷寒十勸

(一)傷寒頭疼又身熱，便是陽證，不可服熱藥。

傷寒傳三陰三陽，共六經，內太陰病頭不疼，身不熱，少陰病有反發熱，無頭疼，厥陰病有頭疼而無發熱，故知頭疼又身熱，即是陽證，若投熱藥，必不救。

(二)傷寒當直攻毒氣，不可補益。

邪氣在經絡中，若隨證早攻之，只三四日痊安。醫者乃妄謂先須正氣，却行補益，使毒氣流熾，致殺人。

(三)傷寒不思飲食，不可服溫脾藥。

傷寒不思飲食，自是常事，終無餓死之理，如理中圓之類，亦不可輕服，若陽病服之，致熱氣增重，或致不救。

(四)傷寒腹痛亦有熱證，不可服溫暖藥。

《難經》云：痛為實。故仲景論腹滿時痛之證，有曰痛甚者加大黃。夫痛甚而反加大黃，意可見也。惟身冷厥逆而腹痛者，方是陰證，須消息之。每見醫者，多緣

腹痛便投熱藥，而致殺人。

(五)傷寒自利，當看陰陽證，不可例服補暖及止瀉。

自利惟身不熱，手足溫者，屬太陰，身冷四逆者，屬少陰厥陰外，其餘身熱下利，皆是陽證，當隨證依仲景法治之。每見醫者，多緣下利便投暖藥及止瀉藥而殺人。

(六)傷寒胸脇痛及腹脹滿，不可妄用艾灸。

常見村落間有此證，無藥使用艾灸，多致毒氣隨火而熾，膨脹發喘而死，不知胸脇痛，自屬少陽，腹膨脹自屬太陰也，此外惟陰證乃可灸耳。

(七)傷寒手足厥冷，當看陰陽，不可一例作陰證治，有陰厥，有陽厥。醫者少能分辨，陽厥而投熱藥，殺人速於用刃。蓋陽病不至於極熱，不能發厥。仲景所謂熱深者厥深也，熱深而更與熱藥，寧復有活之理。但看初得病而身熱，至三日以後熱氣已深，大便秘，小便赤，或譫語昏憤，及別有熱證而反發厥者，必是陽證也，宜急用承氣湯下之。若初得病身不熱，大便秘，自引衣蓋身，或下利，或小便數，不見熱證而厥逆者，即是陰厥也，方可用四逆湯之類。二厥所以使人疑者，緣脈皆

沉，然陽厥脈沉而滑，陰厥脈沉而弱，又陽厥時復指爪却溫，陰厥常冷，此為可別也。

（八）傷寒已在裏，即不可輕用藥發汗。

傷寒證須看表裏，如發熱惡寒則是在表，正宜發汗，如不惡寒反惡熱，則是裏證。若醫者一例發汗，則所出之汗，不是邪氣，皆是真氣。邪氣未除，而正氣先涸，死者多矣。又半在表半在裏之證，及有表裏之證，不惟皆不可下，仍亦皆不可汗，但當隨證而治之可也。

（九）傷寒飲水為欲愈，不可令病人恣飲過度。

病人大渴，當與之水以消熱氣。故仲景以飲水為「一」欲愈。人見此說，遂令病人縱飲，由是為嘔為噦為「二」欬逆為下利，為腫，為悸，為水結，為小便利者多「三」矣。且如病人欲飲一碗，只可半碗之水少少與之「四」為善也。

注「一」以飲水為 吳勉學本空缺。

「二」由是為嘔為噦為 吳勉學本缺，日本芳蘭樹本作「由是為嘔為喘為」。

「三」小便利者多 吳勉學本空缺。

「四」水少少與之 吳勉學本空缺，芳蘭樹本作「類常令不足」。

(十)傷寒初瘥，不可過飽及勞動，或食羊肉及行房事與食諸骨汁并飲酒。

病方愈，脾胃尚弱，食而過飽，不能消化，病即再發，謂之食復。病方愈，氣血尚虛，勞動太早，病亦再發，謂之勞復。又傷寒食羊肉，行房事，并死。諸骨汁酒者，再病之也。

予每念父祖俱死於傷寒，乃取仲景所著，深繹熟研，八年之後，始大通悟。陰陽經絡，病證藥性，俱了然於胸中。緣比年江淮之民，冒寒避寇，得此疾者頗衆。爰〔一〕依仲景法隨證而施之藥，所活不啻數百人。乃知傷寒本無惡證，皆是妄投藥劑所致。因追悼父祖之命，皆為庸醫所殺，而又歎人無間於貧富貴賤，於此不能自曉，則輕付一命於庸工之手也。今輒摭其流傳多誤有害於命者，略開其說，目曰「傷寒十勸」，其言不欲成文，冀人易曉而以為深戒云。

無閔居士李子建撰 新安師古吳勉學校

注〔一〕爰 底本作「茲」，芳蘭閣本作「遂」。

校後記

一 源流考證

朱肱，字翼中，江蘇吳興人。宋元祐三年（公元一〇八八年）進士，官奉議郎直秘閣，故又稱朱奉議。建中靖國元年（公元一一〇一），朝授雄州防禦推官，知鄧州錄事參軍。翌年因日蝕地震上書被黜，閒居杭州大隱坊，號「大隱翁」，又號「無求子」。肱以通儒而精醫，尤深於傷寒，臨證多驗。致仕歸隱後，益潛心於醫道，著成《傷寒百問》，此外還著有《內外二景圖》、《針灸經穴圖》、《北山酒經》和《大隱居詩話》等。時值朝廷大興醫學，廣求精於道術者，為之官師，因於政和四年（公元一一一四年）起肱為醫學博士，主管朝廷醫藥政令。明年又因坐書東坡詩，被貶達州（四川達縣）茶場（曾著《達州記》）。政和六年召還，授予朝奉郎提點洞霄宮，可能就此終了一生。

《傷寒百問》為朱肱費時二十載（從公元一〇八九年的元祐四年己巳至公元一一

○八年的大觀二年戊子）始著成，共二十卷，計九萬餘字。并於政和元年由其子遺直詣闕獻書，得以付監刊行於京師。不久，成都、湖南、福建、兩浙也相繼刊出。至政和八年，朱肱重加校正，改一百餘處，命工於杭州大隱坊鑄版印行。《傷寒百問》改名為《南陽活人書》，是從武夷張巖作序於大觀五年開始的。如他在序中根據華佗指張仲景《傷寒論》為活人書而言曰：「張長沙南陽人也，其言雖詳，其法難知，奉議公祖述其說，神而明之，以遺惠天下後世，余因揭其名為《南陽活人書》云。」後經四明王作肅博取諸家要義，附註各條之下，而成為《增釋南陽活人書》。從此歷代相傳，大都稱《傷寒百問》為《活人書》（或名《南陽活人書》，或名《朱肱活人書》，或名《無求子活人書》，或名《增釋南陽活人書》，或名《增註南陽活人書》，或名《重校正活人書》，或名《傷寒活人書》，或名《類證傷寒活人書》，或名《增註無求子類證傷寒活人書》，或名《傷寒類證活人書》，或名《增註類證活人書》，或名《類證活人書》等）。至其所以卷數多寡不一（如《傷寒百問》或云三卷，或云六卷，《活人書》或云二十卷，或云十八卷，或云二十一卷，或云二十二卷等），則是因為後人對肱書卷數隨意分合或增補所致。從其版本流傳主要情況來看：

宋刊本：為朱氏原著（大觀二年著成本和政和八年重校本）及王氏增釋本。

元刊本：《經籍訪古志》載有《傷寒百問經絡圖》九卷。柳沂先生跋曰：「朱氏《傷寒百問》，《讀書後志》作三卷，若其《經絡圖》一卷，見於《通志藝文略》，此本則合以二書，更析為九卷，非朱氏之舊也。……此本以版式、紙質定之，當屬元刊。」

明刊本：

（一）萬歷十九年（公元一五九一年）徐鎔初校本，系徐氏在本書隱晦百餘年後，廣搜博採多種刻本和抄本配補而成（一函六冊二十卷九行二十字），名為《活人書》。

（二）萬歷二十九年（一六〇一年）吳勉學校本，系在徐氏初校本二十卷基礎上，將其第二十卷「小兒傷寒」與「小兒瘡疹」分為兩卷，并增補李子建「傷寒十勸」一卷，共為二十二卷，還附录了「傷寒藥性」、「活人書釋音」等，名為《類證活人書》（一函五冊十行二十字），收入其所輯《古今醫統正脈全書》中。（至於民國十二年北京中醫學社所刊《醫統正脈全書》中所收《類證活人書》，雖亦分為二十二卷，但其分門，自卷一中風起，至卷二十二遺滑止，凡六十二問，其間無一言及傷寒者，

竟與明本全異，而不知其所從來，目錄首題閩間無求子林慕莪山人著述，每卷首但署無求子著四字，前有紹興元年甲戌仲秋朱元祐序，所謂林慕莪，朱元祐，并無可考，按其書中有濕、燥、火、氣、血諸門，其為明以後人所僞撰無疑。

(三)萬歷四十四年(公元一六一六年)徐鎔重校本，系徐氏與來陽伯等人合作，在萬歷十九年初校本基礎上，重加校正，并由文林郎關中張惟任作序，集資付梓，仍名《活人書》(一函六冊二十卷九行二十字)。

(四)吳鳴鳳校本，系在吳勉學本基礎上，重加校勘，更增補了「活人書辯誤」和「小兒藥性」等，故名《增註類證活人書》(一函四冊二十二卷十行二十字)。

清刊本：均為明代諸本的翻刻本或手抄本。如：

(一)乾隆五十一年(公元一七八六年)浙江問梅居士手抄本，名為《類證活人書》。

(二)光緒十年(公元一八八四年)江南機器製造局刊本(一函四冊二十二卷十行二十字)，名為《類證活人書》。

(三)光緒十二年千頃堂刊本(一函四冊二十二卷十行二十字)，名為《類證活

人書》。

(四)光緒二十三年儒林堂刊本(一函六冊二十卷九行二十字)，名為《活人書》。至於日本寬政十一年(公元一七九九年)芳蘭榭刊本，亦即按吳鳴鳳本翻刻者。民國刊本：一九三九年《叢書集成》本(二冊二十二卷)，亦即按《古今醫統正脈全書》吳勉學本翻刻者。

解放後刊本：一九五五至一九五七年商務印書館刊本(二冊二十二卷)，即以吳勉學本為底本，參照徐鎔本校勘而成者。

以上諸本，我們認為應以徐鎔本為優，故本次校勘，選以為底本，其理由是：徐氏業傳五代，學究四十年，在本書隱晦百餘年後，曾廣搜博採五樣刻本和四樣抄本，逐一對勘，細為配補，詳加批注，大有功於奉議。徐氏萬歷十九年初校本雖佚，但萬歷四十四年重校本猶存，且更優於前者，此本刻工精細，錯誤甚少，可認為是目前最早最佳的版本。雖然吳勉學本流傳較廣，但顯系在徐鎔本基礎上增補而成，且缺漏較多，劃分二十二卷亦欠妥當，故只宜選為主校本。至於吳鳴鳳本和芳蘭榭本，則選為旁校本。其所以定名為《活人書》的主要理由是，本次校勘既選徐鎔本

為底本，自應從其原名，以保持其原貌。雖然後世多稱之為《傷寒活人書》或《類證活人書》等，但因本書內容實含傷寒和雜病在內，并非專論傷寒；且其二十卷中，類證者僅有四卷，而其十六卷中，類方者竟佔七卷，顯非傷寒或類證等字所能統括，不如簡稱為《活人書》較妥。

二 學術思想

從朱肱自序所謂「偶有病家，曾留意方書，稍別陰陽，知其熱證，則召某人，以某人善醫陽病；知其冷證，則召某人，以某人善醫陰病，往往隨手全活。若病家素不曉者，則道聽泛請，委而聽之」來看，可見當時醫學界已出現了傷寒學派和溫熱學派的苗頭，並為社會有識之士所注目，而在患病延醫時知所選擇。又從其所謂「有好用涼藥者，如附子、硫黃，則笑而不喜用，雖隆冬使人飲冷，服三黃圓之類；有好用熱藥者，如大黃、芒硝，則畏而不敢使，雖盛暑勸人灸燉，服金液丹之類。非不知罪福，偏見曲說所趣者然也。」和「陽根於陰，陰本於陽，無陰則陽無以生，無陽則陰無以化。是故春時氣溫，當將理以涼，夏月盛熱，當食以寒，君子扶陰氣

以養陽之時也，世人以為陰氣在內，反抑以熱藥，而成瘧痢脫血者多矣；秋時氣涼，當將息以溫，冬時嚴寒，當食以熱，君子扶陽氣以養陰之時也，世人以為陽氣在內，乃抑以涼藥，而成吐利腹痛者多矣。伐本逆根，豈知天地之剛柔，陰陽之逆順，求其不夭橫也難矣！」來看，可見他對當時醫學界的偏見曲說所造成的危害，是日擊心傷，而有不能已於言者。我們認為這就是他之所以潛心二十年，著成《傷寒百問》，以闡明張仲景《傷寒論》寒、溫、外、內統一的學術思想，從而補偏救弊的用意所在。

朱氏寒、溫、外、內統一的學術思想主要表現在：

（一）彌補了張仲景《傷寒論》詳寒略溫的缺陷。他不僅在傷寒病表裏虛實的寒證尤其陰毒證方面，如火焰散證、霹靂散證、返陰丹證、退陰散證、正陽散證、回陽丹證、正元散證和葱熨法等，更加豐富了《傷寒論》的內容，而且在溫熱病表裏虛實的熱證尤其是陽毒證方面，如升麻湯證、萎蕤湯證、知母葛根湯證、瓜蒌根湯證、柴胡石膏湯證、升麻六物湯證、升麻黃芩湯證、梔子升麻湯證、玄參升麻湯證、十物升麻湯證、蘆根湯證、茅花湯證、連翹飲證、前胡七物湯證、三物黃芩湯證、六物黃芩湯證、梔子五物湯證、梔子大青湯證、三黃圓證、黃連解毒湯證、犀角地

黃湯證、黃連犀角湯證、黑膏證、大青四物湯證、如聖湯證、地榆散證、化毒散證、紫草木通湯證、紫雪證、無比散證、竹皮大丸證、乾地黄湯證、五物人參飲證、八物麥門冬湯證、甘露飲子證等，大大地彌補了《傷寒論》的缺陷（既在泄衛清氣法方面補充了《傷寒論》的不足，更在清營涼血和開竅熄風法方面填補了《傷寒論》的空白），並為後世溫病學說的發展奠定了良好的基礎。

（二）從天地人陰陽相應和人身陰陽互為根本之理，指出當知天地人陰陽之順逆以尊生。即在春溫夏熱時，當順其道而涼之，扶陰氣以養陽；在秋涼冬寒時，當順其道而溫之，扶陽氣以養陰。若逆其道而行之，必致伐其根本，以戕人之生命。但與此同時，又當知人體順應天地自然變化，夏月外陽而內陰和冬月外陰而內陽之理，如當夏月傷暑致病時，用藥雖宜寒涼，但因陰氣伏藏在內，又應謹慎從事，以防生變。所以朱氏認為，中暑雖可用白虎湯，但「夏月陰氣在內，或患熱病，而氣虛人妄投白虎，往往有成結胸者」是其例。當冬月傷寒致病時，用藥雖宜溫熱，但因陽氣伏藏在內，倘非病勢甚者，不可過於發散以擾其陽，「不問傷寒、中風，並數與桂枝麻黃各半湯，或得少汗而解，或無汗自解」是其例。又朱氏在論述外感熱

病的同時，還論述到內傷熱病，如痰積發熱的柴胡半夏湯證，食積發熱的五積散證，血積發熱的桂枝紅花湯證，血虛發熱的加減四物湯證，陽虛發熱的四逆加蔥白湯證等。

由此可見，朱氏是具有寒、溫、外、內統一的學術思想的。

三 內容評價

「宋人之書，能發明《傷寒論》，使人有所執持而易曉，大有功於仲景者，《活人書》為第一。蓋《傷寒論》不過隨舉六經所現之證以施治，有一證而六經皆現者，并有一證而治法迥別者，則讀者茫無把握矣。此書以經絡病因傳變疑似條分縷晰，而後附以諸方治法，使人一覽了然，豈非後學之津梁乎！」徐大椿對本書所作的評價，是基本正確的。我們認為應予具體指出的是：

（一）本書首論經絡（臟腑）所提出的六經病提綱（雖無提綱之名，却有提綱之實），較之後世所強加於《傷寒論》的六經病提綱更為整齊明確。因為一般所謂《傷寒論》的六條提綱中，雖有二條（太陽、少陰）脈症俱全，却有三條（少陽、太陰、

厥陰）但有症而無脈，還有一條（陽明）脈症俱無而獨以病理為提綱。且因厥陰病提綱顯然與外感熱病最後階段的厥陰病實際不相符合，造成所謂「千古疑案」。而朱氏根據《內經》、《難經》和《傷寒論》所提出的六條提綱（太陽經病發熱惡寒、頭項痛、腰脊強、尺寸脈俱浮；陽明經病身熱、目疼、鼻乾、不得卧、尺寸脈俱長；少陽經病胸脇痛而耳聾、或口苦舌乾、或往來寒熱而嘔、尺寸脈俱弦；太陰經病腹滿咽乾、手足自溫、或自利不渴、或腹滿時痛、尺寸脈俱沉細；少陰經病口燥舌乾而渴、或口中和而惡寒、尺寸脈俱沉，厥陰經病煩滿囊縮、不知人、尺寸脈俱沉短。），則是脈症俱全的。尤其是以昏愵為主症的厥陰病提綱，符合外感熱病最後階段的臨床實際。儘管他還只是就其熱化證而言，但不難推知其寒化證，因為後者同樣是以昏愵為主症的。只不過是前者屬熱化實證宜下，而後者屬寒化虛證宜溫而已。後人若能及時循此不斷深入探求，必能使朱氏之說漸臻完善，而這一不應有的「千古疑案」，早就大白於天下了。

（二）本書在論述了以經絡（臟腑）為理論基礎後，接着論述了「表裏」「陰陽」的寒熱虛實辨證綱領，并繼以傷寒、傷風、溫病、風溫、濕溫、中暑、中濕、溫疫

等十二種病和發熱、惡寒、身體痛、汗、渴、咳、喘、嘔吐、下利、腹痛、不大便、小便不利、頭眩、咽喉痛、口燥咽乾、鼻衄、吐血、煩躁、譫語、發狂、發斑、發黃等四十六種症，分別類聚《傷寒論》原文，適當結合《內》、《難》及諸家之說，并參以己意，暢發了仲景的奧義。故張惟任序贊之曰：「南陽之仲景，闡《內》、《難》者也。有宋之奉議，闡南陽者也。《內》、《難》之體具，俟南陽而用彰。南陽之辨精，得奉議而理暢。倘是書不出，即成聊攝之《明理》，與夫河間、戴人諸書，俱無從因襲矣。」尤其是成氏《傷寒明理論》的五十症，更顯然是在上述朱氏四十六症的基礎上發展而成的。

(二)本書有鑒於「仲景證多而藥少」，因而在論述了仲景一百一十二正方的藥證及其加減法後，又採集了《外臺》、《千金》、《聖惠》等雜方一百二十六首，婦人傷寒方四十一首，小兒傷寒及瘡疹方三十三首，以補仲景之未備。尤其是大大地彌補了《傷寒論》詳寒略溫之不足，充實了寒涼方藥，確實是「大有功於仲景」的。故劉河間推崇說：「惟近世朱奉議，多得其意，遂以本仲景之論，而兼諸書之說，編集作《活人書》二十卷，其門多，其方衆，其言直，其類辨，使後學者，易為尋檢

施行，故今之用者多矣。」

前人對本書的評價雖然很高，但也非毫無訾議。如陶華就曾指出：「昔朱奉議著《傷寒百問》，書成經進，授醫博士，其書付監刊行。道遇豫章名醫宋道方，因就質之，宋為指駁數十條，肱惘然自失，由是書監不刊。吾鄉先輩例以為活人之書，按活人之名所由始，仲景《傷寒論》是也。朱公雖知有仲景之書，不能臻其闡奧，未足以充活人之名。」但徐鎔則斥之曰：「夫何陶華無知而妄誕，輒以己見，而不欲後人讀其書，欲讀己穿鑿之書，於《瑣言》中，始言仲景書殘缺頗多，其中不可曉處十有四五，《續論》序終言肱惘然自失，由是書監不刊。……《活人書》因此遂隱，至今百五十年，醫家不復見其全書，以誤天下蒼生者，非華而誰？」其實朱氏對宋道方切磋之言，是虛心接受，認真改進的。故在《傷寒百問》行世後的政和八年，就曾「重加參詳，改一百餘處，命工於杭州大隱坊鑄版作中字印行。」（見朱肱重校自序）正由於朱氏虛懷若谷，精益求精，所以能够獲得上述諸家的極口稱贊。至於《醫經溯洄集》所謂「朱奉議作《活人書》，累數萬言，於仲景《傷寒論》多有發明，其傷寒即人陰經為寒證者，諸家不識，而奉議識之。但惜其亦不知仲景專為即病者

立法，故其書中每以傷寒溫暑混雜議論，竟無區別。況又視《傷寒論》為全書，遂將其次傳陰經熱證，與即入陰經寒證，合為一立說。且謂大抵傷寒陽明證宜下，少陰證宜溫，而於所識即入陰經之見，又未免自相悖矣。夫陽明證之宜下者，固為邪熱入胃；其少陰證，果是傷寒傳經邪熱，亦可溫乎？況溫病、暑病之少陰，尤不可溫也。自奉議此說行，天下後世蒙害者不無矣。」和《傷寒辨註》所謂「但其中三十六問，治兩感證，謂宜發表攻裏，此是朱奉議一片救人之苦心也。及其用藥，則引下利身疼痛虛寒救裏之例，而以四逆湯竟施之於煩渴腹滿譫語囊縮實熱之證，以致後世如陶華之無知，而亦輕詆其書之失也。」我們認為，這適足以表明朱氏寒溫統一觀的深意所在。其意是說，表裏兩感證在《素問·熱論》中，是只有實熱證，而無虛寒證的。但仲景《傷寒論》則創立了表裏兩感的虛寒證以彌補其缺陷。如其所謂「少陰病，始得之，反發熱，脈沉者，麻黃細辛附子湯主之。」（表裏同治法）「病發熱頭痛，脈反沉，若不瘥，身體疼痛，當救其裏，宜四逆湯。」（但救其裏法）「傷寒，醫下之，續得下利清穀不止，身疼痛者，急當救裏；後身疼痛，清便自調者，急當救表。救裏，宜四逆湯；救表，宜桂枝湯」（先裏後表法）等。朱氏繼承仲景之說而

提出的三十六問：「傷寒一日頭疼、口乾、煩滿而渴；二日腹滿、身熱、不欲食、譫語；三日耳聾、囊縮而厥，水漿不入，不知人。答曰：此名兩感傷寒也。兩感者，表裏俱病也。……陰陽雙傳，臟腑俱病，此為難治，……但云兩感病俱作，治有先後，發表攻裏，本自不同。尋至第三卷中，言傷寒下之後，得下利不止，身疼痛者，當急救裏，宜四逆湯；復身體疼痛，清便自調者，急當救表，宜桂枝湯。遂以意尋比倣效，治兩感有先後，宜先救裏，若陽氣內正，即可醫也。內纔正，急當救表，蓋內尤為急，纔溫內，則急救表亦不可緩也。」這顯然是說，表裏兩感的實熱證，而裏急於表者，治宜先攻其裏；若表裏兩感的虛寒證，而裏急於表者，則治宜先救其裏。其「尋比倣效」之意，是將兩感的實熱證治和虛寒證治互相對照，使之相得益彰，絕非互相替代，攻（下）救（溫）混淆，竟以四逆湯施之於表裏兩感的實熱證。又朱氏之所以「書中每以傷寒溫暑混雜議論」，正是根據《素問·熱論》和《傷寒論》傷寒溫暑合論的經旨，且有鑒於前者比較詳於熱而略於寒，後者比較詳於寒而略於溫，因常互相參證，以期相得益彰，並適當結合後世諸家之說以彌補其缺陷，使之漸趨完善。而這也就是朱氏之所以「將其次傳陰經熱證與即入陰經寒證合為一

立說」的理所當然的事。由於《醫經溯洄集》片面強調仲景《傷寒論》專為即病傷寒作，因而竟斥朱氏寒溫合論之非，這就未免以偏責全了。

四 存在問題

(一)增加一問 本書原名《傷寒百問》，在前十一卷中，以一百問答暢發仲景之奧義。後由張戴作序易名為《南陽活人書》，繼由王作肅增釋，併未增問。直至吳勉學、吳鳴鳳相繼增註，仍然保持百問原數。因此，徐鎔本增為一百一問，不能令人無疑。但吳勉學本為保持百問原數，將徐鎔本「五十一」問溫毒改作「又五十」，不作「五十一」，又未免牽強失當。因為從第六卷所論「傷寒、傷風、熱病、中暑、溫病、溫瘧、風溫、溫疫、中濕、濕溫、瘧病、溫毒」十二種病來看，溫毒作為獨立一問是理所當然的。我們認為，其中可懷疑的不在「五十一」問溫毒，而在「四十七」問中濕與「四十八」問風濕的分合問題。由於這兩問中的證治基本相同，實無分開各自立問之必要，因而似應根據本書問中有問之例，將「四十八」問改作「又問」，合併入「四十七」問中論述，較為自然妥貼，而這也許不會有違朱肱百問的本

意吧？

(二)無名批注 《傷寒百問》一書，初於大觀二年著成，繼於政和八年「重為參詳，改一百餘處」，其中朱肱加有不少自注。自從張藏於大觀五年為之作序易名為《南陽活人書》後，王作肅「以活人書為本，又博取前輩諸書，凡數十家，手自編纂，蠅頭細字，參入各條之下，名曰《增釋南陽活人書》」（見樓鑰序），其中王氏增釋之處頗多。由宋及明，在本書隱晦百餘年後，始由徐鉉廣搜博採多種刻本和抄本，逐一對勘，細為配補，詳加批注，於萬歷十九年完成《活人書》初校本，且於萬曆四十四年與來復等人合作，在其初校本基礎上，又完成《活人書》重校本，其中批注尤多。由於上述自注、增釋、增注、眉批等除陽伯外都未稱名，因而較難分別一一確指其出自何人之手。但又絕非毫無跡象可尋，如儀顧堂題跋考證《增釋南陽活人書》說：「此本為王作肅所輯，當改題曰：吳興朱肱撰；四明王作肅增註。」認為其中「有雙行注者，有低二格雙行列於各條後者，肱有自注，與增注不分，大約不引舊說者為肱自注，其引舊說者皆增注也。」這是頗有見地的。至於徐鉉重校本上的大量眉批雖未稱名，但從陽伯按語中似可看出其出自徐鉉之手。例如「三十七」問

「壞病」上眉批：「按仲景所謂壞病者，如汗後亡陽動經、胃燥譫語，下後虛煩、結胸、痞氣及吐後內煩、腹脹滿等證是也。此正所謂桂枝不中與、小柴胡證罷者，曷嘗指異氣之病為此壞病耶？仲景雖云更感異氣變他病，即《素》《難》所謂二氣三氣雜合為源是也。病未嘗壞，故以變證名之，一曰壞證，一曰變證，名曰自是不同，可見異氣不為壞病也審矣。」而陽伯則在其下加按：「奉議此條議論，頗乖長沙宗旨，春沂公辨之甚明。余始按讀便疑，及觀春沂公辨，嘆其先得我心。然以言變證頗悉。」這顯然是指上述眉批為徐鎔（春沂）所作。但上述增注和眉批是否完全出自王、徐二氏之手，則尚未敢必。

（三）缺方二處 徐鎔本目錄所指仲景一百一十三方和婦人四十一方，而其實只載有一百一十二方和四十方。後者所缺「伏龍肝散」一方，顯屬遺漏；前者之所以名實不符，可能是從徐鎔初校本書時開始的。這可從其重校本在「桂附湯十七」上眉批「原本作桂附湯，即桂枝附子湯證也。又於六十九中重出桂枝附子湯，今校改而去其重，因識之」看出。也正由於徐鎔初校本的疏誤，纔相繼造成了吳勉學以至吳鳴鳳等因錯就錯而不自覺。甚至還有人反以吳氏沿誤之非來指責徐氏正誤之是，

這就未免是非顛倒了。

五 關於張惟任序

此次整理《活人書》底本是萬歷四十四年徐鎔重校本，收有關中張惟任草書序，該序是一篇很有閱讀價值的序文，充滿着反對天命的唯心論和重視醫藥的唯物論的精神。批評朱紫陽「訓醫為小道」和「舉世賢智之儒，不深究詰，委身庸愚」的錯誤。認為「天地間六淫七情之所發動，輕則疾苦，重則危殆，能得治法與治之先時，危殆化而為疾苦，不得其治法與治之後時，疾苦轉而為危殆」，必須慎疾，不輕嘗藥。從其「近與吾鄉來陽伯氏接談，聆其論議，先得我心之同然。及覩評校諸醫籍合數十部，而此書其一，其言曰，世間真醫難，能校讐醫籍者等難，正言業儒者多不諳醫也。陽伯所推許千百載醫不數人，愬之不詭於《內》《難》者為是。南陽之仲景，闡《內》《難》者也。有宋之奉議，闡南陽者也。《內》《難》之體具，俟南陽而用彰。南陽之辨精，得奉議而理暢。倘是書不出，即成聊攝之《明理》，與夫河間、戴人諸書，俱無從因襲矣。矧近代種種剽竊之偽書乎？然則南陽，軒岐之曾孟，奉議，

南陽之功臣。學者循此真派，以見古人面目，而篇中一二少悖之微疵，自可變而通之矣」來看，可見其對此書了解很深，評價甚高，併對後學寄予了殷切的期望。

惜乎如此重要的一篇序文，竟未能引起歷代校勘者的足夠重視，以致近時商務印書館校勘本亦未予收入，殊為憾事。鄰國日本岡西為人氏《宋以前醫籍考》雖曾排印此序，却又錯漏虛闕甚多，未免令人悵惘。然而草書序文筆誤之處不少，亦令人費解，今在此草書序文的基礎上，參照《宋以前醫籍考》排印序文，重加校勘，力圖恢復其原貌，以慰讀者。經過較長時間的查考調研，並在全國中醫古籍整理會議諸老和吳考槃教授的熱情幫助下，終於整理出此草書序文全文，《宋以前醫籍考》排印序文訛誤十六處，脫漏三處，虛闕三十九處，都得到了正確答案，還原了廬山真面。

由此我們更深切地體會到，整理中醫古籍，除了必須具備堅實的中醫藥學基礎之外，還必須同時兼備中國文學、中國歷史、中國書法等多種知識，纔能應付裕如，以赴事功。我們對此深感心有餘而力不足，其所以能够完成這一校勘任務，是和上

述諸位專家的具體指導分不開的。在此我們謹向他們致以誠摯的謝意。

萬蘭清

萬友生 萬少菊

王魚門

一九九一年七月

方劑索引

二畫

十棗湯（二〇二） 十物升麻湯（二八三）
七味葱白湯（二六一） 八物白朮湯（二四二）
八物麥門冬飲（二八四） 人參順氣散（二二九）

三畫

三黃圓（二五五） 三物白散（二〇〇） 三
物黃芩湯（二七七） 三黃熟艾湯（二五五）
大黃散（二二三） 大三腕散（二四六） 大
半夏湯（二四四） 大青龍湯（一六九） 大
承氣湯（一七四） 大柴胡湯（一六六） 大
陷胸湯（一七二） 大陷胸圓（一七三） 大
橘皮湯（二二五） 大青四物湯（二五四） 大

四畫

黃黃連瀉心湯（一八六） 小青龍湯（一七〇）
小建中湯（一七一） 小承氣湯（一七七）
小柴胡湯（一六二）（二六五）（二七七） 小陷
胸湯（一七四） 小續命湯（二四一） 小柴
胡加桂湯（二二三） 小半夏加茯苓湯（二五〇）
天雄散 正散、退陰散附（二二〇） 木瓜散（二四七）
五苓散（一九〇） 五柔圓（二四六） 五積
散（二三四） 五味子湯（二三八） 五物人
參飲（二八四） 丹砂圓（二三六） 升麻
湯（二二三）（二八五） 升麻六物湯（二七五）
升麻黃芩湯（二八一）（二八六） 化毒湯（二八六）

化斑湯（二六二） 六物黃芩湯（二八三）
文蛤散（二〇〇） 火焰散（二三五） 水
解散（二八七）

五畫

正元散（二二〇） 正陽散（二二七） 朮附
湯（一九二） 甘草湯（一八五） 甘露飲
子（二八二） 甘草附子湯（一九二） 甘草
乾薑湯（一八五） 甘草瀉心湯（一八八）
石膏麻桂湯（二八三） 四逆散（一九五）
四逆湯（一九四） 四順散（二八〇） 四逆加
人參湯（一九六） 生薑瀉心湯（一八八） 玄
參升麻湯（二五四） 白朮散（二二六）（二七〇）
白虎湯（一八九） 白通湯（二〇五） 白頭
翁湯（二〇九） 白虎加桂湯（二三三） 白虎

加人參湯（一八九） 白虎加蒼朮湯（二六〇）
白通加豬膽汁湯（二〇五） 瓜蒂散（二二一）
半夏散（二〇七） 半夏湯（二〇七） 半夏
生薑湯（二五三） 半夏瀉心湯（一八七） 半
夏桂枝甘草湯（二三九） 加減四物湯（二六九）

六畫

地榆散（二五六） 芍藥甘草湯（一八六） 芍
藥甘草附子湯（一九二） 老君神明散（二三六）
百合洗方（二五九） 百合地黄湯（二五九）
百合知母湯（二五八） 回陽丹（二二八）
肉桂散（二二八） 竹皮湯（二三八） 竹皮
大圓（二六二） 竹葉石膏湯（二〇四） 竹
葉防風湯（二七七） 伏龍肝散（二七四）
決明散（二八九） 防己黃芪湯（二四〇）

防風白朮牡蠣湯(二二四) 如聖湯(二八八)

七畫

赤石脂圓(二五六) 赤茯苓湯(二五〇)

赤石脂禹餘糧湯(二二〇) 杏仁湯(二四二)

李根湯(二二四) 吳茱萸湯(二〇六) 牡

蠣澤瀉散(二〇四) 還陰丹(二一八) 羌

活附子湯(二五三) 阿膠散(二七〇) 附

子散(二二七) 附子湯(一九二) 附朮

散(二四二) 附子防風散(二四二) 附子

瀉心湯(一八七)

八畫

青竹茹湯(二六八) 苦酒湯(二〇七) 茅

花湯(二四九) 抵當湯(二〇二) 抵當

圓(二〇二) 刺期門穴(二六六) 知母

桂心湯(二五五) 知母麻黃湯(二三九)

知母葛根湯(二三五) 炙甘草湯(一八五)

金沸草散(二四三) 治中湯(二六〇) 《官

局》桔梗湯(二六一)

九畫

茵陳蒿湯(二〇三) 茯苓甘草湯(一八四) 茯

苓四逆湯(一九六) 茯苓桂枝甘草大棗湯

(一八四) 茯苓桂枝白朮甘草湯(一八四)

枳實散(二七二) 枳實理中圓(二四九)

枳實梔子湯(二〇四) 厚樸生薑半夏甘

草人參湯(一八六) 香薷散(二五二) 烏

梅圓(二〇八) 祛邪圓(二三四) 神功

圓(二四五) 前胡七物湯(二七五)

洗心散(二七九) 活血飲(二八七) 退

陰散（一二二）

十畫

桂附湯（一五七） 桂枝湯（二四八） 桂心
白朮湯（二四二） 桂心牡蠣湯（二七六）
桂枝人參湯（一五六） 桂枝石膏湯（二三一）
桂枝甘草湯（一五六） 桂枝加桂湯（一五二）
桂枝附子湯（一五七） 桂枝紅花湯（二六六）
桂枝去芍藥湯（一五三） 桂枝加大黃
湯（一五五） 桂枝加芍藥湯（一五五） 桂枝
加附子湯（一五三） 桂枝加葛根湯（一五七）
桂枝二麻黃一湯（一五一） 桂枝二越婢
一湯（一五二） 桂枝麻黃各半湯（一五一）
桂枝加厚樸杏子湯（一五八） 桂枝去芍
藥加附子湯（一五四） 桂枝甘草龍骨牡

蠣湯（一五六） 桂枝去桂加茯苓白朮
湯（一五四） 桂枝加芍藥生薑人參新加
湯（一五五） 桂枝去芍藥加蜀漆牡蠣龍
骨救逆湯（一五四） 桔梗湯（二〇七） 桔
梗半夏湯（二五五） 桔梗枳殼湯（二五〇）
栝樓根湯（二三六） 栝樓牡蠣散（二五九）
桃花湯（二〇五）（二五七） 桃仁承氣湯（一八〇）
真武湯（二〇八） 連翹飲（二八三） 連翹
葱白湯（二四八） 柴胡石膏湯（二七一）
柴胡半夏湯（二四三） 柴胡桂枝湯（一六七）
柴胡桂薑湯（二三三） 柴胡當歸湯（二六七）
柴胡加芒消湯（一六八） 柴胡加桂枝乾
薑湯（一六七） 柴胡加龍骨牡蠣湯（一六八）
射干湯（二三九） 酒蒸黃連圓（二四九）

海蛤散(二七八) 陰旦湯(二二五) 陰毒甘
草湯(二二六) 通聖散(二八九) 通脈四
逆湯(一九八) 通脈四逆加豬膽湯(一九八)
務成子螢火圓(二三六)

十一畫

理中圓(一九三) 理中湯(一九三) 乾薑
地黃湯(二六七) 乾薑附子湯(一九三)
乾薑柴胡湯(二七七) 乾薑黃芩黃連人
參湯(二〇九) 梔子仁湯(二三三) 梔子
豉湯(一八〇) 梔子乾薑湯(一八三) 梔
子大青湯(二七三) 梔子五物散(二七四)
梔子升麻湯(二三三) 梔子厚樸湯(一八三)
梔子烏梅湯(二五二) 梔子蘗皮湯(一八三)
梔子甘草豉湯(一八一) 梔子生薑豉湯

(一八二) 黃芩湯(一九九) 黃連湯(一九九)
黃龍湯(二七一) 黃芩芍藥湯(二四九)
(二六六) 黃連阿膠湯(一九九)(二五七) 黃
連解毒湯(二五一) 黃連犀角湯(二五七)
黃連橘皮湯(二六三) 黃芩加半夏生薑
湯(二〇〇) 萎蕤湯(二三五) 麥門冬
湯(二六三)(二七三) 敗毒散(二三〇) 猪
尾膏(二八七) 猪苓湯(一九〇) 猪膚
湯(二〇六) 猪膽雞子湯(二三五) 麻
仁圓(二〇三) 麻黃湯(一五八) 麻黃
升麻湯(一六〇) 麻黃加朮湯(二六二)
麻黃黃芩湯(二八一)(二八六) 麻黃葛根
湯(二三〇) 麻黃附子甘草湯(一五九)
麻黃細辛附子湯(一六〇) 麻黃連翹赤

小豆湯（一六〇） 麻黃杏子甘草石膏湯（二五九） 麻黃杏子薏苡甘草湯（二四〇） 旋覆花湯（二七三） 旋覆代赭湯（二二〇） 蜜蒙花散（二八九） 陽旦湯（二六〇）（二七五） 陽毒升麻湯（二二二）

十二畫

越婢湯（二四四） 葱白散（二七一） 葱豉湯（二四八） 葱熨法（二二二） 葱白豉湯（二七三） 葱白一物湯（二七四） 葶藶酒湯（二三二） 雄黃銳散（二五七） 雄鼠屎湯（二四八） 紫草木通湯（二八六） 脾約圓（二四四） 黑奴圓（二三三） 黑神圓（二四五） 黑膏方（二五三） 無比散（二八七） 解肌湯（二三二） 猥鼠糞

湯（二三八） 惺惺散（二八〇） 滑石散（二五九） 滑石代赭湯（二五八） 犀角地黄湯（二五一）（二八六）

十三畫

葛根湯（一六一） 葛根一物飲（二七四） 葛根葱白湯（二四八） 葛根橘皮湯（二五四） 葛根加半夏湯（一六一） 葛根黃芩黃連湯（一六二） 蒼朮散（二三〇） 當歸四逆湯（一九六） 當歸白朮湯（二六八） 當歸四逆加茱萸生薑湯（一九六） 蜀漆湯（二七六） 鼠黏子湯（二八六） 塗臍法（二七三）

十四畫

棗葉飲（二八四） 酸棗湯（二五二） 撥雲散（二八九） 瘧母煎（二三三） 蜜煎

導法（二二一） 漢防己湯（二三六）

十五畫

增損四順散（二六一） 增損柴胡湯（二七六）
調中湯（二三八） 調胃承氣湯（二七九）
燒裨散（二二二）（二六七）

十六畫

橘皮湯（二三三） 橘皮竹茹湯（二二五）
橘皮乾薑湯（二五三） 薤白湯（二五六）
薏苡仁酒法（二四七） 獨活散（二三二）

十七畫

龍腦膏子（二八八）

十八畫

檳榔散（二四七） 雙圓（二八二） 雞子
湯（二五八） 瀉心三黃湯（二六六）

十九畫

蘆根湯（二七三） 蘇木湯（二七一）

二十一畫

霹靂散（二三五） 續添聖散子方（二三七）

二十二畫

鼈甲散（二三九）